



হুমায়ুন আজাদ  
রাজনীতিবিদগণ

পৃথিবী চালাচ্ছেন যে-শক্তিমান রাজপুরুষেরা, তাঁদের সুভাষিত নাম রাজনীতিবিদ। রাজারা নেই, তবে পুরোনো রাজাদের সিংহাসন দখল করেছেন এই নতুন রাজারা, যারা জনগণের কল্যাণ ও সেবার জন্যে ঘুমোতে কষ্ট পান, সাধারণ মানুষের জন্যে যাদের প্রেমের কোনো শেষ নেই। কিন্তু এই রাজাদের দিকে তাকালে দেখতে পাই তাঁদের কলঙ্কিত মুখ; এমন কোনো পাপ নেই, যাতে তাঁদের মুখমণ্ডল শোভিত নয়। ক্ষমতার অপব্যবহার, অর্থলুপ্তন, হত্যাকাণ্ড, প্রতারণা, লাম্পট্য, কপটতা, ও আরো যতো সৌন্দর্য মানুষের পক্ষে অর্জন সম্ভব, তার সবগুলোই তাঁদের অর্জনে; কিন্তু তাঁরা ন্যায্য, কল্যাণ, উন্নতি, অধিকার, গণতন্ত্র, দেশপ্রেম প্রভৃতি কপট শ্লোগানে মুখর। বাংলাদেশের রাজনীতিলোকটি খুবই দূষিত; এখানে বুট প'রে একের পর এক এসেছে সামরিক স্বৈরাচারী, এক সময় গণরোষে বা সুবিধামতো পোশাক বদলে হয়েছে গণতান্ত্রিক রাজনীতিবিদ, আর যারা করেন দলীয় রাজনীতি, তাঁরাও একই স্বভাবের; ক্ষমতা ও অর্থলুপ্তন ছাড়া আর কোনো লক্ষ্য নেই বাংলাদেশের রাজনীতিলোকে। এটি পরিণত হয়েছে পুরোপুরি দূষিত এলাকায়, বিপর্যস্ত হচ্ছে দেশ, পীড়িত অসহায় হয়ে উঠছে জনগণ। বাংলাদেশ হয়ে উঠছে পার্থিব নরক। বাংলাদেশের রাজনীতিক পরিস্থিতি নিয়ে এই অভিনব উপন্যাসটি লিখেছেন হুমায়ুন আজাদ, সত্য প্রকাশে যিনি সব সময়ই সুদৃঢ়। হুমায়ুন আজাদ প্রয়োগ করেছেন এমন এক ভাষা, যা তাঁর নিজের ভাষা নয়, ওই ভাষাও রাজনীতির মতোই দূষিত— চলতি, সাধু, আঞ্চলিক, ইংরেজির এক অসহনীয় মিশ্রণ। উপন্যাসে কথা বলেছে জনগণ, লেখক নন, তাদের মুখের ভাষায় হুমায়ুন আজাদ চিত্রিত করেছেন দেশের ভয়াবহ রাজনীতিক বাস্তবতা, বর্ণনা বিবরণ বাঙ্গালিরাহাস রূপক প্রতীক উপাখ্যানে যা অতুলনীয়।



হুমায়ুন আজাদ  
রাজনীতিবিদগণ



আগামী প্রকাশনী

পঞ্চম মুদ্রণ কার্তিক ১৪২০ নভেম্বর ২০১৩

প্রথম প্রকাশ ফাল্গুন ১৪০৪ : ফেব্রুয়ারি ২০০০

দ্বিতীয় মুদ্রণ চৈত্র ১৪০৮ : মার্চ ২০০২

তৃতীয় মুদ্রণ ফাল্গুন ১৪১২ : ফেব্রুয়ারি ২০০৬

চতুর্থ মুদ্রণ ভাদ্র ১৪১৫ : আগস্ট ২০০৮

স্বকৃত মৌলি আজাদ, শ্রিতা আজাদ ও অনন্য আজাদ

প্রকাশক ওসমান গনি আগামী প্রকাশনী, ৩৬ বাংলাবাজার

ঢাকা-১১০০ ফোন ৭১১-১৩৩২, ৭১১-০০২১

প্রচ্ছদ সমর মজুমদার

মুদ্রণ স্বরবর্ণ প্রিন্টার্স ১৮/২৬/৪ শুকলাল দাস লেন, ঢাকা

মূল্য : ৩০০.০০ টাকা

ISBN 978 984 401 467 1

*Rajnitibidgan: the Politicians::* A Novel by Humayun Azad.

Published by Osman Gani of Agamee Prakashani

36 Bangla Bazar, Dhaka-1100, Bangladesh.

Phone : 711-1332, 711-0021

e-mail : info@agameepublishani-bd.com

Fifth Printing : November 2013

Price : Tk. 300.00 only.

উৎসর্গ  
ওসমান গনি  
ঐতিহ্যজনেষু

আমরা হচ্ছি গরিব জনগণ, সাধারণ মূর্খ মানুষ; আমরা রাজাবাদশা রাজনীতি প্রধানমন্ত্রী রাষ্ট্রপতি এইসব জিনিশের কী বুঝি!

তবে আমাদেরও দুটি চোখ আছে, তাতে কিছু কিছু দেখি; আমাদেরও দুটি কান আছে, তাতে কিছু কিছু শুনি; আর দেখে শুনে মনে হয় দুনিয়াটা নানা রকম মালে ভরে গেছে, আর যে-সব মাল উত্তর থেকে দক্ষিণ পূব থেকে পশ্চিমে সবচেয়ে বেশি চলছে, তার মধ্যে এক নম্বর মাল হচ্ছে গণতন্ত্র; এর মতো আর কোনো মাল নেই; ধর্মকর্ম, হ্যামবার্গার, প্রেম, ফিশ অ্যান্ড চিপ্‌স্‌, কাম, কোকাকোলা, বিয়ার, প্রিন্সেস ডায়না, আর রাবারও এতো জনপ্রিয় নয়। গণতন্ত্র এখন আমাদের পাগলি পৃথিবীর শ্রেষ্ঠ মাল, এর জন্যে পৃথিবীখান অস্থির; উকুনশোভিত ভিথিরি আর শীততাপনিয়ন্ত্রিত কোটিপতি আর তারকাখচিত সেনাপতি সবাই দিনরাত মিছিল করে এখন গণতন্ত্র চান; তাই দিন নেই রাত নেই রাস্তা ঘাট পানশালা পতিতালয় ইস্কুল কলেজ মন্দির মসজিদ মুদির দোকান বিশতলা দালান, এবং আর যতো জায়গা আছে, সবখানেই চলছে গণতন্ত্রের বিদ্যুদ গুরুবারহীন উৎপাদন। চারদিকে আমরা শুনছি গণতন্ত্র উৎপাদনের ঘটর ঘটর ঝকর ঝকর ভবর ভবর ভাঙর ভাঙর শব্দ। বদমাশ রাজাবাদশারা ছিলো এক কালে, বিংশ শতাব্দীর এই সভ্য সময়টা রাজাবাদশাদের নয়; তবে রাজাবাদশাদের ছাইপাঁশ আর পচগলা মাংস থেকে উৎপন্ন হয়েছেন অসংখ্য অতিনব রাজা; তাঁদের আর রাজা বলি না আমরা, বিশেষ সম্মানের সাথে বলি রাজনীতিবিদ; তাঁদের মধ্যে কেউ কেউ আবার মহামান্য, মহামানীয়, এবং তাঁদের জীলঙ্গরূপও পাওয়া যায়। তাঁরা প্রেমময়, আমাদের অর্থাৎ জনগণের জন্যে তাঁদের প্রেম অনন্ত অসীম; জনগণের অর্থাৎ আমাদের জন্যে তাঁদের চোখে ঘুম নেই, তাঁরা দুই চক্ষু জুবাইতে পারেন না; জনগণের কল্যাণের জন্যে এমন কাজকাম নেই (ইফতার, হজ, পাঁচতারা হোটেল পার্টি, উমরা, মিছিল, যুক্তরাষ্ট্রভ্রমণ, ভিত্তিপ্রস্তর স্থাপন, হরতাল, নামাজ, রোজা, মদ্যপান, ঘৃষ, হেলিকপ্টারে চড়ে বন্যার দৃশ্য দেখা, নির্বাচনের আগে ভিথিরির বাচ্চাকে জড়িয়ে ধরে চুমো খাওয়া— তাঁদের জনকল্যাণমূলক ব্যাপক কর্মকাণ্ডের কয়েকটি মাত্র মনে এলো), যা তাঁরা করেন না। সব ব্যবসার সেরা এই মহৎ দেশপ্রেম আর জনগণপ্রেমের ব্যবসা, যার নাম রাজনীতি; একটিমাত্র ব্যবসাই রয়েছে, যা শিখতে হয় না; জনগণের নামে রাস্তায় বেরিয়ে গেলেই হয়। রাজারা চলে গেলেও, তাদের বিদায় করে দেয়া হলেও তারা চলে যায় নি বলেই আমাদের, গরিব জনগণের, মনে হয়; মরা রাজাগুলো ভুতের মতো চেপে আছে।

আগে রাজবংশ ছিলো, কিন্তু এখন কি নেই? রাজবংশের এখন দরকার নেই? থাকবে না কেনো? থাকতে হবেই; গণতন্ত্রের জন্যেও রাজবংশ চাই আমাদের। আমরা, গরিব মানুষরা, আহাম্মকরা, যাদের কাজ নানান রঙের শ্লোগান দেয়া (শ্লোগান না দিলে বাঁচন কঠিন, শ্লোগান দিতে দিতে আমাদের গলা ফুলে ঢোল হয়ে গেছে), দেখতে পাই হঠাৎ কোনো আবদুল করিম মোল্লা বা কুদরত ব্যাপারী একটা রাজবংশ প্রতিষ্ঠা করে ফেলেছেন। আমরাও প্রথম বুঝতে পারি না, আর তাঁরাও বুঝতে পারেন না যে তাঁরা

একটা রাজবংশ প্রতিষ্ঠা ক'রে ফেলেছেন। যখন বুঝতে পারি তখন আমাদের খুশির কোনো শেষ থাকে না, শুধু শ্লোগান দিতে থাকি।

আমরা যদি রাষ্ট্রবিজ্ঞানী হইতাম (হই নাই তাতে ভালই হইছে), তাহলে নিশ্চয়ই কতকগুলো সূত্র বের ক'রে ফেলতাম; আর গণতান্ত্রিক রাজবংশ প্রতিষ্ঠার সূত্রগুলো হইতো এমন সরল :

#### প্রথম সূত্র

পিতা দীর্ঘকাল বিদেশি শাসকদের বিরুদ্ধে স্বাধীনতার জন্যে সংগ্রাম করিবেন, স্বাধীনতার পর তিনি বহু বছর শাসন করিবেন, অন্য কোনো ব্যক্তি, দল বা রাজবংশকে দাঁড়াতে দেবেন না; তিনি মারা যাওয়ার পর তাঁর কন্যা বসিবেন গণতান্ত্রিক সিংহাসনে (পুত্রের বদলে কন্যা থাকলেই ভালো হয়)।

#### দ্বিতীয় সূত্র

কোনো এক সেনাপতি এক ভোরবেলা দেশ দখল ক'রে ফেলিবেন, তিনি একটি বিচারপতিকে ডাকবেন, বোকা বিচারপতিটি ভাববেন তিনি প্রেসিডেন্ট হয়েছেন; তারপর সেনাপতি দেশকে দিতে থাকবেন বুট সানগ্লাস লেফরাইট গণতন্ত্র, দেশের প্রখ্যাত সুবিধাবাদীরা (এই শব্দটি এখন প্রশংসা বোঝায়) জড়ো হ'তে থাকবেন তাঁর বুট ঘিরে; একদিন তিনি অমর হয়ে যাবেন; তাঁর গণতান্ত্রিক সিংহাসনে বসিবেন তাঁর স্ত্রী (রূপসী হইলেই ভালো হয়)।

#### তৃতীয় সূত্র

দীর্ঘকাল রাজনীতি ক'রে কেউ একজন মহান নেতা হয়ে উঠিবেন, জনগণ তাঁর কথায় উঠবে বসবে, জনগণের ৯৯% জন তাঁর নামে পাগল থাকবে, ক্ষমতায় এসে তিনি ১০১টি বিশেষণ পরবেন তাঁর গণতান্ত্রিক মুকুটে, নতুন নতুন বিশেষণ আবিষ্কার করতে থাকবেন তাঁর ভক্তরা, এবং জনগণের ১০% জনও তাঁকে আর সমর্থন করবে না, তিনিও একদিন অমর হয়ে যাবেন; তাঁর কন্যা দেশে দেশে উদ্ভাস্তুর মতো ঘুরে একদিন দেশে ফিরে আসবেন, বসিবেন পিতার সিংহাসনে (একটু সময় লাগিবে)।

আমরা, সাধারণ মানুষরা, দেখতে পাই প্রত্যেক রাজবংশে থাকেন অজস্র রাজনীতিবিদ; এঁরা গণতন্ত্রের রাজপুত্র। পুরোনো রাজবংশগুলোর উত্থানপতনের মতো গণতান্ত্রিক রাজবংশগুলোরও ঘটে উত্থানপতন; পড়ার ও গুঁঠার আর্তনাদ ও উল্লাস রয়েছে গণতন্ত্রেও। আমরা, জনগণরা (আমরা সংখ্যায় এতো বেশি যে দুইটি বছরচন ছাড়া চলে না), এটা খুব উপভোগ ক'রে থাকি। আমরা কারো প'ড়ে যাওয়া দেখতে যেমন সুখ পাই আবার কারো গুঁঠা দেখতেও তেমন সুখ পাই। রাজাদের পড়া আর গুঁঠা দেখা ছাড়া গরিবের আর কী সুখ?

কিছু দিন আগে প'ড়ে গেছেন একটি বিখ্যাত বড়ো রাজবংশ; অর্থাৎ আমরাই ফেলে দিয়েছি। আমরা, জঘন্য জনগণরা, রাস্তায় রাস্তায় মেতে উঠি তাঁদের ফেলে দেয়ার জন্যে, আর আমরা নিজেরা রাস্তায় লাশের পর লাশ হয়ে পড়তে থাকি, তবু ফেলবোই রাজবংশটিকে— লাশ হওয়া জনগণের, আমাদের, বিশেষ আনন্দ, এবং ফেলে দিই— খালি হাতে আমরা, জনগণ, রাস্তা থেকে ঘরে ফিরি না; তবে আরেকটি

রাজবংশ সরাসরি ক্ষমতায় আসেন না, আসার নিয়ম নেই। কোন রাজবংশ ক্ষমতায় বসবেন, তা ঠিক করি আমরাই, রাজারা যাদের বলেন জনগণ; গণতান্ত্রিক রাজবংশগুলো জনগণকে, আমাদের এই ক্ষমতটুকু দিতে বাধ্য হয়েছেন। এটুকু ক্ষমতা না দিয়ে উপায় নেই, নিজেদের জন্যেই আমাদের ক্ষমতা দিয়েছেন, প'ড়ে যাওয়ার পর আমাদের দিয়েই তাঁরা আবার উঠতে পারেন। আমরা না থাকলে তাঁদের ফেলতো কে, আমরা না থাকলে তাঁদের তুলতো কে? আমরা, জনগণ, হচ্ছি রাজার রাজা-রাজানির্মাতা; যেমন রাজমিস্ত্রিরা প্রাসাদনির্মাতা।

সব রাজবংশের রাজনীতিবিদরাই বলেন, জনগণ আমাদের সম্পদ, জনগণ আমাদের অ্যাসেট, আমাদের সম্পত্তি।

এই জন্যে অর্থাৎ আমাদের ক্ষমতা বুঝে আমাদের প্রশংসা করার জন্যে আমরা, জনগণরা, খুবই কৃতজ্ঞ আমাদের রাজাদের কাছে; তাঁদের মহত্ত্বের কোনো শেষ নেই। আমাদেরও তাহলে দাম আছে। আমাদের রাজারা আমাদের মূল্য বোঝেন; এই জন্যে আমাদের সুখের শেষ নেই। আমরা শুনেছি এটা হচ্ছে প্রশংসা করার কাল, এই কালে কেউ নিন্দা করে না; দরকার হ'লে খুন করে।

আমরা, জনগণরা (সম্মানার্থে বা অবজ্ঞার্থে দুই বহুবচন) চমৎকার জিনিশ, বিস্ময়কর ও আদরণীয়ভাবে আশ্চর্যকর; একবার যাকে আমরা নামাই, নামিয়ে বিলের ধলশে মাছের মতো ছড়ছড় ক'রে সুখ পাই, কিছু দিন পর তাঁকেই আবার উঠাই, উঠিয়ে পাখর মতো সুখ পাই; আমরা নামাই এবং উঠাই। উঠানো আর নামানোই আমাদের, আমাদের, মোগো, জনগণের, প্রধান রাজনীতিক কাজ, সবচেয়ে বড়ো বা একমাত্র অধিকার। এ ছাড়া আমাদের আর অধিকার কী? আমরা কি রাজাদের সামনে যেতে পারি? আমরা কি তাঁদের প্রাসাদে ঢুকতে পারি? ওই সব আমাদের না। তাঁরা মাঝেমাঝে সময় হ'লে আমাদের কাছে আসেন, তাঁদের দেখে আমাদের বুক ভ'রে ওঠে। রাজনীতিবিদগণ রাজারা জানেন আমরা, জনগণরা, একেকটি দেখতে মানুষের মতো, মায়ের পেট থেকেই বের হয়েছি, আমাদের মাথা চোখ নাক কান হাত ঠ্যাং সবই আছে, কিন্তু আমাদের মাথার ভেতরে কিছু নেই; আমরা মানুষের সমষ্টি নই, আমরা জনগণ, পত্রিকায় যে লেখে 'লাখ লাখ জনতা', হচ্ছি বস্তু, আমাদের ভেতরে নিহিত রয়েছে শক্তি— আঙন, ঝড়, ভূমিকম্প, ঢল, ঠাড়া; তাঁদের জানতে হয় আমাদের ভেতর থেকে ওই শক্তি বের ক'রে কাজে লাগানোর বুদ্ধি। তাঁরা কখনো আমাদের ভেতর থেকে আঙন বের করেন, কখনো ঝড় বের করেন, কখনো ভূমিকম্প বের করেন; আরো কতো কী বের করেন। রাজারা জানেন আমরা জনগণরা পছন্দ করি ঠকতে, যাদের ঠগবাজিতে আমরা সবচেয়ে গদগদ হই, মনে করি এইভাবেই আমরা ঠকতে চাই, এইভাবে ঠকলেই আমরা সুখ পাবো, তাঁদেরই উঠাই আমরা।

এখন আমাদের দেশে চলছে নানা রাজবংশের ক্ষমতায় যাওয়ার প্রতিযোগিতার পর্ব। প্রতিযোগিতা খুব জ'মে উঠেছে, আমরা খুব মজা পাইতেছি।

এই পর্বে দেশের রাজা হইতেছেন মহান স্বর্গীয় দেবদূতগণ।

শুনতে পাই এক কবি নাকি ব'লে গেছেন এমন দেশটি কোথাও খুঁজে পাবে নাকো ভূমি, কবিটা সত্য কথাই বলেছেন ব'লে মনে হয়। (কবিগুলির কাজ কি সত্য কথা

আগে আগেই ব'লে ফেলা?); আমাদের দেশটাই একমাত্র দেশ, যেখানে আছেন একদল মহান দেবদূত, অ্যাঞ্জেল, ফ্যারেশতা, যাঁরা কখনো ভুল করেন না, পাপ করেন না, কাম করেন না অর্থাৎ নিকাম, এ-পক্ষে থাকেন না, ও-পক্ষে থাকেন না, সে-পক্ষে থাকেন না, চুপচাপ থাকেন শুধু নিজেদের পক্ষে, তাঁরাই দেবদূত, অ্যাঞ্জেল, ফ্যারেশতা। আমরা জনগণ বচ্ছরের পর বছর আমাদের চারপাশে কোনো দেবদূত দেখতে পাই না, আমাদের চোখ নেই ব'লে; কিন্তু যখন একটা রাজবংশ পইড়্যা যায়, আমরা ফালাই দেই, তখন দেখতে পাই সোনালি রূপালি পাখা মেলে স্বর্গ থেকে নামছেন দেবদূতরা। তাই দেশে অনেকেই দেবদূত হওয়ার সাধনা করছেন। স্বীভাবে বস্তায় বস্তায় বিগুজ দেবদূত পয়দা করা যায়, তা নিয়েও নানা চিন্তাভাবনা চলছে, কেননা চারপাঁচ বছর পর পর বহু দেবদূতের দরকার হয়, তাই দেশে দেবদূতের পর্যাণ্ড সরবরাহ থাকা প্রয়োজন। আমরা জনগণরা শুনেছি একটি প্রস্তাব খুবই গুরুত্ব পাচ্ছে যে একটি জাপানি বা মার্কিন ডিপফ্রিজের মধ্যে পাঁচ বছরের জন্যে বেছে বেছে কিছু লোককে রেখে দিতে হবে, ওই ফ্রিজের নাম হবে 'দেবদূত ডিপফ্রিজ', গভীর নিরপেক্ষ ঠাণ্ডায় তাঁরা নিরপেক্ষ ইলিশ মাছের মতো থাকবেন, হয়ে উঠবেন নিরপেক্ষ দেবদূত। খুবই সুন্দর প্রস্তাব ব'লে মনে হয়। যখন সময় আসবে ডিপফ্রিজ থেকে বের ক'রে তাঁদের হাতে দেয়া হবে দেশের রাজত্ব; কয়েক মাস ধ'রে রাজত্ব করবেন দেবদূতরা। স্বর্গীয় দেবদূতদের যেমন মগজ নেই, এ-দেবদূতদেরও তেমনি হয়তো মগজ নেই (এ নিয়ে তর্কাতর্কি বা বিতর্ক রয়েছে, একদল মনে করেন উন্মাদ ও শিশুদের মগজই শুধু তাঁদের মগজের সাথে তুলনীয়, তাই তাঁরা নিষ্পাপ); স্বর্গীয় দেবদূতদের যেমন ক্ষমতা নেই, এই-দেবদূতদেরও তেমনি কোনো ক্ষমতা নেই। তাঁদের একটিই কাজ : কোনো একটি রাজবংশকে নিরপেক্ষভাবে ক্ষমতায় বসিয়ে আবার নিরপেক্ষ সোনালি রূপালি ভানা মেলে স্বর্গে ফিরে যাওয়া; এবং দেবদূত হওয়ার পৌরব উপভোগ করা (আমরা জনগণরা দেখতে পাইতেছি যে দেবদূতরাও গভীর প্রবল প্রত্যাশায় থাকেন যে- রাজবংশটি ক্ষমতায় আসবেন, সেটি তাঁদের কোনো একটা পরিচারণের, আমরা চলতি ভাষায় বলি চাকরের, কাজ দেবেন, যাতে তাঁরা কবরে কবরে ফুলের তোড়া দিতে পারেন, হোটеле হোটеле বজুতা দিতে পারেন, মাসে মাসে মিলাদশরিফ পড়তে পারেন; একটি রাজবংশ তাঁদের একজনকে একটা পরিচারণের কাজ দিয়ে ধন্য করেছেন; তাঁহার স্বাস্থ্য ভাল হইতেছে, চেহারা সুন্দর দেখাইতেছে)। আমরা বুঝতে পারি রাজনীতি খুবই কঠিন, আর শয়তানদের, কাজ; দেবদূত হওয়া- আমাদের মনে হয়- সহজ, তাঁদের কাজও সহজ; রাজনীতি করলে যাঁদের মুখ আর দেহ হাত আর পা নানা রকম ঘায়ে আর ছুলিতে ছেয়ে যেতো, রেলইস্টিশনের কুঠরোগীর মতো দেখাতো যাঁদের, দেবদূত হয়ে তাঁরা শরীরকে রাখেন পবিত্র নির্মল, মনে হয় সারাক্ষণ পবিত্র পানিতে গোসল করছেন।

আমরা, জনগণরা, খেলাতে পছন্দ করি; আর গণতন্ত্র হচ্ছে খুবই মজার খেলা, বাইল্যকালেও এতো মজার খেলা আমরা খেলি নাই, ডাংগুটি হাড়ুডু গোপ্পাছুটির থেকে অনেক মজার এই গণতন্ত্র। এ-খেলারও আছে কতকগুলো সুন্দর সুন্দর নিয়ম; হাড়ুডু খেলায় যেমন হাড়ুডু কুৎকুৎ করতে হয়, গণতন্ত্র খেলায়ও নির্বাচন করতে হয়, কুৎকুৎ

করতে হয়, হাড়ভু করতে হয়, নির্বাচনের প্রার্থী মনোনীত করতে হয়। এবার যখন প্রার্থী মনোনয়নের সময় আসে আমাদের ডোবার মতো দেশটি জুড়ে সাড়া পড়ে যায়, চেটে উঠতে থাকে; আমরা জনগণরা আমোদে আত্মহারা হয়ে যাই, কোনো রকমে বেঁচে থাকি শুধু রাজবংশগুলোকে ভোট দেয়ার জন্যে। রাজবংশগুলো তাঁদের প্রার্থী ঠিক করতে অর্থাৎ কারা কারা মাঠে খেলবেন অর্থাৎ প্রার্থী মনোনীত করতে শুরু করেন, আমরা চোখ বড়ো করে তাকিয়ে থাকি। তাঁরা জিতলে রাজপুত্র হবেন, বড়ো বড়ো দালানে ঢুকবেন আর বের হবেন, বড়ো বড়ো গাড়িতে উঠবেন আর নামবেন, গাড়ির যেই দিকে বসবেন, সেই দিকে পতাকা উড়াইবেন; আর তাঁদের রাজবংশ বা দল যদি জেতে, তাহলে তাঁদের রাজবংশ বা দলই রাজত্ব করবেন, তাঁদের দল থেকেই হবেন রাজা (অর্থাৎ রানী); আর তাঁরা হবেন মন্ত্রী, অমাত্য ও কতো কিছু, যা আমরা জনগণরা জানি না। আমরা, জনগণরা, আর কতোটা জানতে পারি? আমরা তো দেশের ভেতরে নাই, আছি বাইরে। তখন তাঁরা যা ইচ্ছে তা-ই করতে পারবেন, আর আমরা তাঁদের লাখ রকমের করাকরি দেখে সুখে অহোদে ভরে উঠবো।

আমাদের প্রতিটি রাজবংশ বা দলের আছে একটি ক'রে বিরাট সিদ্ধক; ওই সিদ্ধকগুলো পরিপূর্ণ হয়ে আছে অজস্র নীতি ও আদর্শে। দুনিয়ার যতো নীতি আর আদর্শ আছে, তার সব পাওয়া যায় ওই সিদ্ধকগুলোতে। আমাদের গণতান্ত্রিক রাজবংশগুলো নীতি আর আদর্শ ছাড়া আর কিছু জানেন না; তাই আমাদের মতো নীতি ও আদর্শে বোঝাই জাতি আর নেই। আমাদের প্রতিটি ছিদ্রের ভেতরে চোকানো আছে অজস্র আদর্শ।

আমাদের গণতান্ত্রিক রাজবংশগুলো নীতি-আদর্শ ও অন্যান্য মহৎ ব্যাপার বোঝানো খুবই কঠিন ব্যাপার; তাঁরা নিজেরাও তা ভালোভাবে বোঝেন না; তাগো কাছে জানতে চাইলে বলেন, 'বুইব্যা লইয়েন।' আমরা, মূর্খ জনগণরা গরিব মানুষ, কীভাবে তা বুঝি? আমাদের কয়েকটি গণতান্ত্রিক রাজবংশের সংক্ষিপ্ত পরিচয় দিলে তাঁদের নীতি আর আদর্শ জানী মানুষরা বুঝতে পারবেন।

আমাদের একখানা রাজবংশের নাম 'শক্তির উৎসবাদী গণতান্ত্রিক রাজবংশ বা দল': দেশে গণতান্ত্রিক রাজবংশ প্রতিষ্ঠার যে-সূত্রগুলো আমরা আগেই বলেছি, তার দ্বিতীয় সূত্রানুসারে এই সম্ভ্রান্ত দল বা রাজবংশটি প্রতিষ্ঠিত। আমাদের রাজবংশগুলোর নাম হয় ইংরেজিতে, উর্দুতে, আরবিতে, ফার্সিতে, হিব্রুতে, হটেনটটে, বুরুশাকিতে; এই বংশের নামটা ইংরেজিতে; বাঙলায় বললে নামটা বোঝা যায় না; মনে হয় মঙ্গোলিয়ার বা আজারবাইজানের কোনো রাজবংশের নাম বলছি। এ-রাজবংশখানি মনে করেন জনগণ হচ্ছে শক্তির উৎস, আর তাঁরা হচ্ছেন শক্তির পরিণতি। তাঁদের এই তত্ত্বটা আমরা খুবই পছন্দ করি; উৎস হচ্ছে মূল, আর মূলই হচ্ছে আসল ব্যাপার; তাই আমরা জনগণরা হচ্ছে আসল ব্যাপার, আর ওই পরিণতিরা হচ্ছেন মেকি ব্যাপার। আমাদের এক অমর (এই শব্দটার অর্থ গত বিশ বছরে বদলে গেছে, হঠাৎ কেউ খুন হয়ে গেলে এখন তাঁকে আমরা অমর বলি; তাই রবীন্দ্রনাথ ঠাকুর নামের বুড়ো ভদ্রলোক আর অমর নন, তিনি মৃত, তাঁর খুন হওয়া উচিত ছিলো) সেনাপতি এটি



প্রতিষ্ঠা ক'রে দেশে গণতন্ত্রের বন্যা বইয়ে দিয়েছিলেন; আমরা, জনগণরা, গুনতে পাই তিনি নাকি রাজনীতিবিদদের জন্যে রাজনীতি কঠিন, আর সুবিধাবাদীদের জন্যে সহজ ক'রে তুলতে চেয়েছিলেন; এবং সফল হয়েছিলেন।

আমরা মূর্খরা অবশ্য রাজনীতিবিদ আর সুবিধাবাদীর মধ্যে কোনো পার্থক্য বুঝতে পারি না; এইটা আমাদের দোষ, আমাদের কাছে দুইটি শব্দই সুন্দর, দুটিরই আওয়াজ মিষ্টি। তাঁর অনেক চকচকে বুট ছিলো আর ঝকঝকে কালো সানগ্লাস ছিলো; আর যা ছিলো সেই সম্পর্কে আমরা কী জানি? আমরা মূর্খ মানুষ। তিনি মাটি কাটিতে খুব পছন্দ করতেন, মাটি দেখলেই কোপাতেন; তাই সঙ্গে সব সময় একটি কোদাল রাখতেন; এক মন্ত্রী এইজন্য তাঁকে একখানা সোনার কোদাল উপহার দিয়েছিলেন (আমাগো দেশে সোনা ছাড়া আর কিছু নেই)। এই রাজবংশে তাঁর সুন্দর বুট ঘিরে জড়ো হয়েছিলেন দেশের যতো প্রসিদ্ধ রাজাকার (আল্লামা তাগো ভেস্তে নসিব করণ), অবসরপ্রাপ্ত জেনারেল (আমরা গরিবরা বলি অবজেনারেল), মেজর ও অন্যান্য, অধ্যাপক (কোনো দিন পড়ান নাই), আমলা (ছিএছপি, ডিএছপি, ইএছপি, এফএছপি), ডাক্তার (মানুষমারা কবিরাজ), উকিল, ব্যাংকডাকাত (ডাকাতি ক'রে তাঁরা নিজেরাই ব্যাংক দিচ্ছেন), মাস্টার (কোনো দিন পড়েন নাই), ব্যারিস্টার, ইঞ্জিনিয়ার, দোকানদার, কালোবাজারি, শাদাবাজারি, আর বিভিন্ন বাম ও ডান রাজবংশ থেকে ময়লার মতো গড়িয়ে আসা স্ট্যালিন লেনিন কসিগিন মাওজেদুং ও বোচকামারাগণ। রাজবংশটির জন্য হয়েছিলো ক্ষমতার প্রসবঘরে, তাই ক্ষমতায় থাকা তাঁদের প্রথম স্বভাব; তাঁরা বিশ্বাস করেন তাঁরা ক্ষমতায় থাকলেই জনগণ ক্ষমতায় আছে। তাঁরা দিনরাত গলা ভেঙেচুরে দাবি করেন তাঁদের অমর নেতা স্বাধীনতার ঘোষক, তিনি ঘোষণা না করলে দেশে স্বাধীনতা আসতো না, তাঁর ডাক শুনেই স্বাধীনতা পোষা বেড়ালের মতো আসে এই দেশে; আর আমরাও না করতে পারি না। বিসমিল্লাহ এই বংশের প্রধান আদর্শ, সাফারি জ্যাকেট দ্বিতীয় আদর্শ। এই বংশখানি সব সময় ভয়ে থাকেন কখন অন্য বংশ দেশটিকে পাশের দেশের হিন্দুগো কাছে বিক্রি ক'রে দেন। এই দলের প্রধানকে আমরা বলি মহাদেশনেত্রী।

আমাদের আরেকখানা রাজবংশের নাম হলো 'জনগণমন গণতান্ত্রিক রাজবংশ বা দল' : গণতান্ত্রিক রাজবংশ প্রতিষ্ঠার তৃতীয় সূত্রানুসারে এটি প্রতিষ্ঠিত। এই দলখানি বাঙালি, বাঙালা, বাঙলাদেশের নামে পাগল ব'লে এর নামখানি রাখা হয়েছে উর্দু ও ইংরেজি ভাষার বিবাহ ও বিবাহোত্তর কর্মকাণ্ড ঘটিয়ে। এই রাজবংশখানি বিশ্বাস করেন তাঁরাই এনেছেন দেশের স্বাধীনতা, তাই দেশ তখনই স্বাধীন যখন তাঁরা ক্ষমতায় আছেন। এই রাজবংশ মনে করেন তাঁরা যখন স্বৈরাচার করেন, তখন তা হচ্ছে গণতন্ত্র; আর অন্যরা যখন গণতন্ত্র করেন (অবশ্য করেন না), তখন তা হচ্ছে স্বৈরাচার। এই রাজবংশের প্রতিষ্ঠাতা মনে করতেন দেশটা তাঁর; আর এ-বংশের অনেকেই মনে করেন দেশটা তাঁদের। এই রাজবংশ যখন ক্ষমতায় ছিলেন, তখন তাঁদের পায়ের নিচে আমরা মাথা দিয়ে রাখতাম; এই রাজবংশের তিনচারজন মহান রাজপুত্র ছিলেন, তাঁরা আমাদের যা করতে বলতেন আমরা তা-ই করতাম; ভাইয়ের মাথা এনে দিতে বললে

ভাইয়ের মাথা এনে দিতাম। একরাতে কতকগুলো খুনি, একটা রাজা যাদের বলতেন সূর্যসন্তান, এই বংশটিকে ক্ষমতা থেকে সরিয়ে দেয়। মজার কথা হচ্ছে এই বংশেরই একজন নতুন রাজা হন, আর মন্ত্রী হন এ-বংশেরই অনেকে, যারা একদিন প্রতিষ্ঠাতার পায়ের ধুলো পেলে ধন্য হতেন। আমরা গরিব জনগণ কিছু বুঝতে না পেরে চুপ থাকি। এ-বংশ অনেক বছর ক্ষমতার বাইরে ছিলেন, তাই এ-বংশ থেকে অনেক রাজপুরুষই শক্তির উৎসবাদী গণতান্ত্রিক রাজবংশে এ খোজাগণতান্ত্রিক রাজবংশে চলে গেছেন; অনেকে চলে গিয়ে আবার ফিরে এসেছেন; এখন এ-বংশ নানা বংশ আর অবংশ থেকে রাজপুরুষ সংগ্রহ করছেন। এ-বংশের অন্যতম প্রধান সম্পদ দেশবরেণ্য বুদ্ধিজীবীরা, মঞ্চ আর টেলিভিশন যাদের খুব ভালো লাগে। এ-বংশ আগে ধর্মনিরপেক্ষতা নামে এক অদ্ভুত কথা বলতেন (আরো একটি অদ্ভুত কথা বলতেন, যে-কথাটির অর্থ তাঁরা জানতেন না, আমরাও জানি না, কথটি হচ্ছে সমাজতন্ত্র), তবে মিলাদ পড়তে গিয়ে বলতেন ধর্মনিরপেক্ষতা মানে ধর্মহীনতা নয়; এবং এখন এ-বংশের রাজপুরুষেরা খুবই ধার্মিক হয়ে উঠেছেন, দাড়ি ও টুপির চর্চায় মন দিয়েছেন, তসবি টিপছেন, মাসে মাসে ওমরা করছেন। এতে আমরা জনগণরা খুব খুশি হচ্ছি, দেশে আর ইসলামের অভাব থাকবে না। এই দলের প্রধানকে আমরা বলি মহাজননেত্রী।

আমাদের আরেকখানি রাজবংশের নাম হচ্ছে 'খোজাগণতান্ত্রিক রাজবংশ বা দল' : এটি একখানি অসামান্য বংশ, গণতান্ত্রিক রাজবংশ প্রতিষ্ঠার দ্বিতীয় সূত্রানুসারে এটি প্রতিষ্ঠিত; তবে এর জনক অমর না হওয়ায় তাঁর স্ত্রী মহাগণনেত্রী হয়ে উঠতে পারেন নি; হওয়ার তাঁর সাধ ছিলো, কিন্তু সাধ পূরণ হয় নি; একদিন হয়তো হবে। আমরা মূর্খরা মনে করি ভাঁড় হওয়ার যার কথা ছিলো, ভাঁড়ামো করলে যিনি ভানু বন্দ্যোপাধ্যায় আর গোপাল ভাঁড়কে ছাড়িয়ে যেতেন, আমাদের কালচার সমৃদ্ধ হতো, তিনি হয়েছিলেন সেনাপতি; আর তিনি অন্য কিছু জন্ম দিতে না পেরে জন্ম দিয়েছিলেন এই রাজবংশটিকে। শক্তির উৎসবাদী গণতান্ত্রিক রাজবংশের মতো এটিরও জন্ম হয়েছিলো ক্ষমতার প্রসবঘরে, এবং দেশের যতো রাজাকার (আল্লা তাঁদের ভেস্টে নসিব করুন), অবসরপ্রাপ্ত জেনারেল, মেজর, সুবাদার ও দফাদার, আমলা, কামলা, অধ্যাপক, অধ্যক্ষ, ডাক্তার, কবিরাজ, উকিল, ইঞ্জিনিয়ার, ব্যাংকডাক্তার, চোর, দোকানদার, চোরাকারবারি, শাদাবাজারি, কালোবাজারি, বাম ও ডান রাজবংশ থেকে গড়িয়ে আসা ইতর মেথর এটিকে পরিপূর্ণ করে তোলেন। বন্ধনির ভেতর এঁদের বিশেষ পরিচয় আর দিলাম না, এককথা বারবার বলতে মুখ ব্যথা হয়ে যায়; শক্তির উৎসবাদী গণতান্ত্রিক রাজবংশে এঁদের পরিচয় দেয়া হয়েছে। এ-রাজবংশটি মুঘলদের মতো দীর্ঘকাল ধরে রাজত্ব করেন, এবং দেশকে ধর্মকর্ম পির মুর্শেদ দশরশি শাহেদাবাদী অকথ্যবাদী মিথ্যাবাদী ভাঁড়ে ভরে দেন। এ-রাজবংশের মহাজননেতাকে আমরা ফেলে দিই, এবং তিনি অমর না হয়ে কয়েক বছর কারাগারে অবসর যাপন করেন। এ-বংশের মহাজননেতার আদর্শ প্রেমপিরিতি, আর দলের আদর্শ ইসলাম।

আমাদের আরেকখানি রাজবংশের নাম 'রাজাকারতান্ত্রিক রাজবংশ বা দল' : ইসলামের নামে দেশের প্রধান খুনিদের রাজবংশ এটি। এই বংশটি দিনরাত ছুরি শান

দেন ব'লে এটিকে ছুরিশানদার রাজবংশও বলি আমরা। ১৯৭১-এ আল্লামার নামে এ-রাজবংশ মুক্তিযুদ্ধের বিরুদ্ধে ছিলেন, আল্লামার নামে তাঁরা কাজ করেন পাকিস্তানের জব্বাদবংশরূপে, হাজার মানুষের গলা কাটেন, লাখ নারীকে ধর্ষণ করেন; এবং এখানো তাঁদের পেটের ভেতর পাকিস্তান। হাতপায়ের রগ কটতে তাঁরা দক্ষ, আল্লামা তাঁদের এ-অধিকার দিয়েছেন ব'লে তাঁরা বিশ্বাস করেন ও বাস্তবায়ন করেন। গণতন্ত্র আর নির্বাচনে তাঁরা বিশ্বাস করেন না, ইসলামে এইসব নেই, তাঁরা বিশ্বাস করেন আল্লামায় (এটা তাঁদের ছদ্মবেশ) ও খুনে; তবে উপায় না দেখে তাঁরাও গণতন্ত্র ও নির্বাচনে অংশ নেন। টুপি ও দাড়ি তাঁদের ব্যবসায়ের প্রতীক। তাঁরা লেখাপড়া জানেন না; আর পড়লে একখানা বই ছাড়া পড়েন না। এই রাজবংশের রাজপুত্ররা এখনো মনে করেন সূর্য পৃথিবীর চারদিকে ঘোরে, আর যদি না ঘোরে তাহলে সূর্যকে পৃথিবীর চারদিকে তাঁরা ঘুরিয়ে ছাড়বেন, সূর্যের হাতপায়ের রগ কেটে দিয়ে।

আমাদের দেশে আছে আরো নানা গণতান্ত্রিক রাজবংশ।

আমাদের গণতান্ত্রিক রাজবংশগুলো যখন প্রার্থী (তাঁরা বলেন ক্যান্ডিডেট) ঠিক করতে শুরু করেন, আমরা, আহাম্মক জনগণরা, মনে করেছিলাম এবার দেশে প্রতিষ্ঠিত হবে সত্যযুগ; কেননা রাজবংশগুলো ন্যায়, নীতি, আদর্শ, সততা, কল্যাণ প্রভৃতি ও আরো অনেক ভালো ভালো কথাই মেতে ওঠেন; তাঁদের মুখ থেকে শ্রাবণের ধারার মতো (অনেকে বলেন গুঁতুর মতো) ন্যায়, নীতি, সততা বরতে থাকে; জনগণ জনগণ ধ্বনিতে তাঁরা দেশ মুখর ক'রে তোলেন। তাঁরা যতো নীতির কথা বলতে থাকেন, আকাশের মেঘে ততো জলও নেই। তাঁরা বলতে থাকেন রাজনীতিকে উদ্ধার করতে হবে সুবিধাবাদী আর অসৎদের হাত থেকে; নির্বাচিত করতে হবে সৎ ও নীতিপরায়ণ মানুষদের (এই জীবটি কতো দিন ধ'রে আমরা দেখি না), চোরবদমাশদের বের ক'রে দিতে হবে রাজনীতি থেকে (আমরা বলাবলি করতে থাকি তাহলে দেশে কি রাজনীতি থাকবে না, এটা কি দেশ থেকে রাজনীতি উঠিয়ে দেয়ার চক্রান্ত?); কিন্তু, হায়, আমরা বোকারা দেখতে পাই গণতান্ত্রিক রাজবংশগুলো প্রার্থী মনোনয়নের সময় নীতি ও সততার কোনো বলাই রাখেন না। তা-ই বা কেমন ক'রে বলি? তাঁরা নীতি ও সততা বলতে যা বোঝেন আমরা বোকারা হয়তো তা বুঝতে পারি না; আমরা, জনগণ, নীতি আর সততার কী বুঝি? আমরা বোকারা শুধু বুঝতে পারি মুখে ভালো ভালো কথা বলা আর কাজে তার উল্টোটা করাই হচ্ছে রাজনীতি। রাজাদের নীতি আর বোকাদের নীতি কখনোই এক হ'তে পারে না।

এবার বাতাস এমনভাবে বইতে থাকলো যে আমাদের রাজনীতিবিদরা বুঝতে পারলেন, এবং এমনকি আমরাও বুঝতে পারলাম, ক্ষমতায় যাবেন দুই বড়ো রাজবংশের এক রাজবংশ- জনগণমন গণতান্ত্রিক রাজবংশ, নইলে শক্তির উৎসবাদী গণতান্ত্রিক রাজবংশ। তাঁদের ক্ষমতায় যাওয়া খুবই দরকার; আর সারা দেশের রাজনীতিবিদরা দুই দলে গিয়ে ভেঙে পড়লেন, অনেক নতুন নতুন রাজনীতিবিদেরও উদ্ভব হলো। আমরা মনে করেছিলাম যেই দলের যেই নীতি সেই নীতির লোকেরা যাবেন সেই দলে; কিন্তু যা দেখতে পাই তাতে আমাদের সুখের কোনো শেষ থাকে না।

আমরা তো আর সব দেখতে আর শুনতে পাই না, গরিব মানুষ, জনগণ আমরা, দূর থেকে যা দেখতে পাই আর শুনতে পাই সেই কথাই বলছি।

শুনতে পাই জনগণমন গণতান্ত্রিক রাজবংশের বৈঠক বসেছে।

তাদের বৈঠক যে খুবই গুরুত্বপূর্ণ, তা আমরা বুঝতে পারি। এইবার তাঁদের ক্ষমতায় যেতেই হবে, অনেক বছর তাঁরা রাজপথে আছেন। তাঁদের মুখের দিকে তাকালে আমাদের মায়া হয়, মুখ তাঁদের দরদভরা; মানুষ ক্ষমতার বাইরে থাকলে মানুষ হয়ে ওঠে, এটা আমরা গরিবরা বুঝতে পারি তাঁদের মুখের দিকে তাকিয়ে। তাঁরা যখন, অনেক আগে, ক্ষমতায় ছিলেন, তখন তাঁদের চোখেমুখে এই দরদটা ছিলো না, তখন তাঁদের দিকে তাকানোই যেতো না; যেমন কয়েক মাস আগেও শক্তির উৎসবাদী রাজবংশের কারো মুখের দিকে আমরা গরিবরা তাকাতে পারতাম না, তাঁদের মুখ থেকে ক্ষমতা ঝিলিক দিয়ে এসে আমাদের মুখ পুড়িয়ে দিতো।

মহাজননেত্রী বললেন, 'বলেন আপনারা, এইবার কী নীতি লইতে হবে, কাদের ক্যাভিডেট করতে হবে।'

'আমাগো এইবার ক্ষমতায় যাইতেই হইবো', বললেন রাজবংশের এক বড়ো জনগণমন গণতান্ত্রিক রাজপুরুষ মোহাম্মদ আবদুর রহমান, 'ক্ষমতার বাইরে আর থাকন যায় না, বাইরে থেকে থেকে পইচ্যা যাইতেছি। এইবার এমন নীতি আর কৌশল লইতে হবে, যাতে ক্ষমতায় যাইতে পারি।'

আবদুর রহমান সাহেবের বয়স হয়েছে, অনেক বিপদের মধ্যেও তিনি এ-বংশ ছেড়ে অন্য বংশে যান নি, গেলে দু-তিনবার মন্ত্রী হ'তে পারতেন; এখন দাড়ি আর টুপি নিয়েছেন; তাঁর আর সময় নেই।

'অনেক বছর ধইর্যা আমরা রোডে আর রাস্তায় আছি, শ্লোগান দিতাছি মিছিল করতাছি, মাইর খাইতাছি, ভাঙচুর করতাছি, আমাগো কোনো পাওয়ার নাই, অনেক বছর ধইর্যা আমরা বদভবনে নাই, গণভবনে নাই, এইবার আমাদের অই ভবনগুলিতে ঢুকতে হইবো', বললেন আরেক রাজপুরুষ কলিমউদ্দিন মৃধা।

তাঁরও বয়স হয়েছে, অনেক ধৈর্যে তিনি টিকে আছেন এ-রাজবংশে; অনেক প্রলোভন পেয়েছেন অন্য রাজবংশ থেকে, দু-একবার যাওয়ারও উপক্রম করেছিলেন; কিন্তু সুবিধা হবে না বুঝে যান নি, তাঁর অনেক সঙ্গীই চ'লে গেছেন।

'বলেন আপনারা, কী নীতি মাইন্যা আপনারা ক্যাভিডেট দিবেন?' জিজ্ঞেস করলেন মহাজননেত্রী।

'নীতি একটাই— যে জিতবো বইল্যা মনে করুম, তারেই ক্যাভিডেট করুম, যে জিতবো না তারে ক্যাভিডেট করুম না', বললেন আরেক রাজপুরুষ নিজামউদ্দিন আহমদ চৌধুরী, 'এইবার ক্ষমতায় না গেলে আমাগো ভবিষ্যৎ নাই।'

তাঁর অনেক বয়স হয়েছে, চ'লে যাওয়ার আগে একবার অন্তত মন্ত্রী হয়ে যেতে চান; কয়েকবার হজ করেছেন, আজকাল সব সময় মাথায় টুপি পরেন, রোজা নামাজও করেন, এবং মন্ত্রী হওয়ার স্বপ্ন দেখেন।

‘ঠিক কথা বলতামেন, চাচা, যে জিতবো না তারে আমরা নিব না, এইবার আমাদের ইলেকশনে উইন করতেই হবে’, বললেন মহাজনেন্দ্রী, ‘আমরা স্বাধীনতা আনলাম আর ফলটা খাইলো অরা। যেভাবেই হোক আমাদের জিততে হবে।’

প্রধানমন্ত্রীর আসন বা সিংহাসনটি একবার ঝলমল করে ওঠে চোখের সামনে।

‘কয়টা জিনিশ আমাগো দ্যাখতে হইবো’, বললেন এক রাজপুরুষ মোহাম্মদ রজ্জব আলি, ‘ওইগুলি না দ্যাখলে ক্ষমতায় যাইতে পারুম না।’

‘বলেন চাচা, কী কী জিনিশ আমাগো দেখতে হইবো?’ জিজ্ঞেস করেন মহাজনেন্দ্রী।

তার চোখের সামনে থেকে দূরে মিশে যেতে থাকে সিংহাসনটি।

‘আমি বোঝাতে পারতামি আমাগো ক্যান্ডিডেট খালি আমাগো দল হইতে লইলে চলবো না’, চাচা বলেন, ‘আমাগো কিছু আর্মির লোক দরকার, কয়টা রিটার্ড জেনারেল ব্রিগেডিয়ার কর্নেল মেজর দরকার, অই পাড়াটা যাতে আমাদের লগে, থাকে, জনগণেরা যাতে বোঝে অই পাড়াটির লগে আমাদের গোলমাল নাই; আমাগো কয়টা আমলা দরকার, অরা আমাগো এইবার অনেক সাহায্য করছে আর অরাই কলকঠি ঘুরায়; আমাগো কয়টা ব্যাংক ডিফটার দরকার— ট্যাকা তো লাগবো, আর কয়টা রাজাকার দরকার, অরা ইসলাম দেখবো; তার পারলে অন্য দল থেকে কয়টারে ভাগাইয়া আনন দরকার। আর মহাজনেন্দ্রীর আত্মীয়স্বজনরাও থাকবেন। তাইলেই খালি আমরা ক্ষমতার মুখ দ্যাখতে পারুম।’

‘ঠিক কথা বলতামেন, চাচা, ঠিক কথা বলতামেন, চাচা’, বলেন মহাজনেন্দ্রী, এবং সবাই। তাঁদের মনে হয় ক্ষমতায় যাওয়ার মূলসূত্র তাঁরা পেয়ে গেছেন।

তবু তাঁরা একবার কেঁপে ওঠে, তবু তাঁরা সবাই উদ্বিগ্ন, তবু তাঁরা সবাই চিন্তিত; তাঁদের চোখেমুখে তা ধরা পড়ে। এর আগেও একবার তাঁদের মনে হয়েছিলো ক্ষমতা হাতের মুঠোয় এসে গেছে, দেশটা তাঁদের হয়ে গেছে; তাঁরা সবাই ক্ষমতাসীন রাজবংশের মতো আচরণ করতে শুরু করেছিলেন; কিন্তু ভোটের পর দেখা যায় তাঁরা নেই। জনগণের বিশ্বাসঘাতকতার কোনো শেষ নেই। তাই এবার সাবধান হ’তে হবে, সবগুলো প্যাচ ঠিকঠাক মতো দিতে হবে।

‘খালি নীতি লইয়া থাকলে হইবো না’, বলেন এক রাজপুরুষ মোহাম্মদ আবদুল হাই, ‘খালি স্বাধীনতা, মুক্তিযুদ্ধ আর বাঙালি লইয়া থাকলে আমরা ক্ষমতায় যাইতে পারুম না। এইগুলির কথা আমাগো বলতে হবে কম কম, আর ইসলামের কথা বেশি বলতে হবে, এমনভাবে বলতে হবে যেনো আমরা মক্কা জয় করে এইমাত্র মদিনা থেকে ফিরলাম; ইসলাম ছাড়া আইজকাইল রাজনীতি নাই।’

‘খোজারাজবংশ আর রাজাকার রাজবংশের লগেও আমাগো গোপন সম্পর্ক দরকার, নাইলে শক্তির উৎসওয়ালারা তাগো ভাগাইয়া লইয়া যাইবো’, বলেন কলিমউদ্দিন মৃধা, ‘আর অগো লইয়া তো অনেক বছর আমরা আন্দোলন করছি, অগো আমাদের সঙ্গে রাখতে হবে। অগো আর রাজাকার বৈরাচার বইল্যা দূরে রাখন যাইবো না।’

ধর্ম নিরপেক্ষতা আর সমাজতন্ত্রের নাম কেহ মোখেও আনবা না', বলেন মোহাম্মদ আবদুর রহমান, 'অইগুলিনই আমাগো ডুবাইছে; আমরা আর ডুইব্যা থাকতে চাই না।'

'এইবার আমাগো ধর্মকর্মে মন দিতে হইবো', বলেন মোহাম্মদ রজ্জব আলি, 'মহাজনেত্রী আর কয়জনের ওমরা কইরা আসতে হইবো, অগো মতন বকতিভায় বকতিভায় আল্লা আর ইসলামের কথা বলতে হইবো, রাস্তায় রাস্তায় নমাজ পড়তে হইবো, মইধ্যে মইধ্যে জনগণের লিগা কানতে হইবো।'

জনগণের জন্যে কাঁদতে গিয়ে মোহাম্মদ রজ্জব আলির নিজের জন্যে কাঁদতে ইচ্ছে হয়। মোহাম্মদ রজ্জব আলি আরো বলেন, 'আল্লার নাম লইলে আল্লা আমাগো দিকে মোখ ফিরা চাইবো।'

তাঁরা সবাই একবার মনে মনে মোনাজাত পাঠ করেন। তাঁরা জানান আল্লা ছাড়া রাজনীতিতে কোনো ভরসা নেই।

'এই ছাড়া আর আমাগো উপায় নাই', বলেন মোহাম্মদ আবদুর রহমান, 'অগো মতন ইসলামের নাম ভাঙ্গাইতেই হইবো, দ্যাশটা আসলে মুসলমানের এই কথা মনে রাখতে হইবো; অগো দেশনেত্রী কোনো দিন পশ্চিমে মাথা ঠােকায় না, ব্যাংকক থেকে আইন্যা পাঁচটা বিউটিশিয়ান রাখে, কিন্তু দাড়াইলেই কয় ইসলাম; অগো জেনারেল আর আমলাগুলি দিনরাইত মদে ডুইব্যা থাকে, কিন্তু খাকারি দিলেই কয় ইসলাম; আমাগোও তাই করতে হইবো।'

এভাবে ক্রমশ কয়েক ঘণ্টায় তাঁদের নীতি স্থির হয়ে যায়।

শক্তির উৎসবাদী গণতান্ত্রিক রাজবংশের বৈঠক বসতে একটু দেরি হয়, কেননা মহাদেশনেত্রীর ঘুম থেকে উঠতে দেরি হয়; আমরা গরিবরা শুনতে পাই তিনি দুপুরের আগে ঘুম থেকে জাগতে পারেন না। সুখী মানুষ, সুখ বেশি, ঘুমও বেশি; আর তাতে শরিলটাও ভালো থাকে। এটা আমাদের জাতীয় গর্ব, একধরনের জাতীয়তাবাদ; আমরা যখন পাখপাখালির ডাকের আগে ঘুম থেকে উঠে মাঠে ময়দানে যেতে থাকি, আর ঘুমোতে পারি না, ঘুমোলে আমাদের পেট খালি থাকে, সেখানে মহাদেশনেত্রী একটা পর্যন্ত ঘুমোন, আমরা গরিবরা শনি, আর গর্বে আমাদের পেট ভ'রে ওঠে। ঘুমে তিনি হয়তো আমাদেরই স্বপ্নে দেখেন, আমরা ফুলের মালা নিয়ে এসেছি, কাঁধে ক'রে সিংহাসন নিয়ে আসছি, ঘুম থেকে উঠে তিনি তাতে বসবেন। মহাদেশনেত্রী সম্রাজীর মতোন, গরিবরা শুনতে পাই তাঁর রাজবংশের কেউ তাঁর সামনে বসারও সাহস করেন না, দাঁড়ানোর সাহস করেন না; আমরা গরিব জনগণরা বুঝতে পারি না কীভাবে তাহলে তাঁরা মহাদেশনেত্রীর সাথে কথা বলেন। প্রাইমারি ইস্কুলে আমরা যেমন নিলডাউন হ'তাম, সেই কথাটি শুধু আমাদের মনে পড়ে।

মহাদেশনেত্রী হচ্ছেন ওই রাজবংশের মূর্ত রূপ।

দেরি হ'লেও ওই রাজবংশেরও সভা বসে; না ব'সে উপায় নেই; সকালে জাগার থেকে ঘুম বড়ো, আর ঘুমের থেকে সিংহাসন বড়ো।

মহাদেশনেত্রী তাঁর আসনে ব'সে একবার হাসেন, কোনো কথা বলেন না।

তিনি চোখের সামনে একটা সিংহাসনের ছায়া দেখতে পান; এখন তিনি সিংহাসনে নেই ভেবে তাঁর চোখ ঘোলা হয়ে আসে।

তঁার হাসিটি ম্লান হয়ে আসে; সভাকক্ষের বাতিগুলো যেনো নিভে আসে।

মহাদেশেনেত্রীর মুখের হাসি ফিরিয়ে আনার জন্যে শক্তির উৎসবাদী এক গণতান্ত্রিক রাজপুরুষ অধ্যক্ষ রুস্তম আলি পল্টু বলেন, 'আমরা আবার ক্ষমতায় যাইতাছি, ম্যাডাম; ক্ষমতায় যাওয়ার আমাদের দেরি নাই, দুই তিন মাসের মধ্যেই আমরা আবার ক্ষমতায় যাবু।'

মহাদেশেনেত্রী জিজ্ঞেস করেন, 'কীভাবে যাবেন?'

'উই নিড ইসলাম, মানি, অ্যান্ড মাসেল, ম্যাডাম', বলেন অবজেনারেল (তিন দশকের রাজনীতির বিকাশের ফলে এই মূল্যবান শব্দটি ঢুকেছে রাষ্ট্রভাষায়, সমৃদ্ধ হয়েছে রাষ্ট্রভাষা) কেরামতউদ্দিন, 'টু উইন দিস ইলেকশন, অ্যান্ড ইলেকশনে আমাদের জিততেই হবে। দে আর রাসকেল্‌স্‌, উই ক্যানট অ্যালাও দেম টু রুল দি কান্ট্রি। দে বিলং টু দি স্ট্রিট, দে আর শ্লোগানমংগারস।'

'আমাদের আবার ক্ষমতায় আসতে হবেই', বলেন অধ্যক্ষ রুস্তম আলি পল্টু ('যেতে'র বদলে তিনি 'আসতে' বলেন, তঁার মনে হয় তঁারা এখনো ক্ষমতায় আছেন), 'পিপল আমাগো পক্ষে, আমরা ক্ষমতার বাইরে থাকতে পারি না, আমরা অই হারামজাদাগো হাতে দ্যাশ ছাইড্যা দিতে পারি না। আমাদের ঠিক মতন ক্যান্ডিডেট দিতে হইবে, ঠিক মতন কাজ করতে হবে, আর মাননীয় প্রেসিডেন্ট সাহেবকেও দরকার হইলে কাজে লাগাতে হবে।

মহাদেশেনেত্রী জিজ্ঞেস করেন, 'ক্যান্ডিডেট করবেন কাদের?'

তিনি একবার একটি সিংহাসন দেখতে পান; তঁার চোখ একবার ঝিলিক দিয়ে উঠে আবার অন্ধকার হয়ে যায়।

'যারা জিতবো, যাদের ট্যাকা আছে, মাসেল আছে, যারা মুসলমান ব'লে প্রাউড ফিল করে, তাদের ক্যান্ডিডেট করতে হবে,' বলেন রাজপুরুষ মোহাম্মদ সোলায়মান হাওলাদার, এককালের মাওপন্থি ছাত্রনেতা, 'আর আমাদের বংশের নীতি ত ঠিকই করা আছে। মাসেল আর ট্যাকা দরকার, ড্যামজ্র্যাসিতে এই দুইটা ছাড়া হয় না'

মহাদেশেনেত্রী বলেন, 'এইটা ভালো ক'রে দেখবেন।'

কেরামতউদ্দিন বলেন, 'ড্যামজ্র্যাসি মিন্‌স্‌ মাসল প্রাস মানি, এটা ভুললে আমাদের চলবে না; ড্যামজ্র্যাসিতে শুধু মানি ইজ নট ইনাফ।'

'আমাগো ক্যাডারগো রেডি রাখতে হইবো', বলেন লিয়াকত আলি মিয়া, 'সারা দেশে ছড়াই দিতে হইবো।'

'আমাদের ক্যান্ডিডেটদের মধ্যে মাননীয় জেনারেলরা থাকবেন, ব্রিগেডিয়ার, কর্নেল, মেজর থাকবেন, তঁরাই আমাদের বংশের মূলশক্তি', বলেন অধ্যক্ষ রুস্তম আলি পল্টু, 'আর থাকবেন কয়েকজন মাননীয় বুরোক্র্যাট, ব্যারিস্টার; থাকবেন আমাদের সেই শ্রদ্ধেয় ভাইরা যারা একাত্তরে মুক্তিযুদ্ধ করেন নাই, যারা মুক্তিযুদ্ধের বিরুদ্ধে ছিলেন, আর ক্যাডারগো কয়জনরেও লইতে হইবো। আর মাননীয় মহাদেশেনেত্রীর রিলেটিভরা তো আছেনই। খালি আমাদের পার্টি থেকে ক্যান্ডিডেট দিলে হইবে না, অন্য পার্টি থেকেও ভাগাইতে হবে।'

‘দ্যাখতে হবে তাদের ট্যাকা আছে কিনা, মাসেল আছে কিনা’, বলেন ছয়ফুর চাকলাদার, ‘দ্যাখতে হবে কয়টা ক্যান্ড্র দখলের শক্তি আছে তাগো। দ্যাখতে হইবে তারা হিন্দুগো বাড়িতে আটকাইয়া রাখতে পারে কিনা।’

‘ক্যাভার আর মানি আমাগো প্রব্রেম না’, বলেন রুস্তম আলি পল্টু, ‘এই কয় বছরে এই দুইটা আমাদের হয়ে গেছে।’

‘ইট উইল বি এ ফ্যানাটিকেলি রিলিজিয়াস ইলেকশন, এ হোলি ওয়ার, এ ত্রু-সেড’, বলেন রাজপুরুষ ব্যারিস্টার কুদরতে খুদা, ‘সবার উপরে থাকবে আমাদের রাষ্ট্রধর্ম। মাননীয় ম্যাডাম প্রথম আমাদের কয়েকজনকে লয়ে ওমরা করবেন, জনগণের উপর ওমরার ইনফ্লুয়েন্স অত্যন্ত বেশি, আমরা মক্কাও আলোচনা করবো।’

‘রাজাকার রাজবংশের সঙ্গে আমাদের একটা আভাত দরকার, খোজাগুলির সঙ্গেও বোঝাপড়া দরকার’, বলেন মোহাম্মদ সোলায়মান হাওলাদার, ‘অইবার রাজাকার রাজবংশ আমাদের হেল্প করছে।’

‘তাদের রাজাকার বলা ঠিক না’, বলেন ছয়ফুর চাকলাদার, ‘তারা আমাদের দোস্ত; তাগো অবদান ভোলন ঠিক না। তাছাড়া আমাদের মহান নেতা তাগো ভালোবাসতেন, তাগো অনেক পোস্ট দিয়াছিলেন।’

‘কিন্তু অরা কি আমাগো সঙ্গে আসবো?’, বলেন অধ্যক্ষ রুস্তম আলি পল্টু, ‘অরা তো আমাগো বিরুদ্ধে তিন বছর আন্দোলন করছে। অগো এতোগুলি সিট দিলাম, এতোগুলি মাইয়ালোক মেম্বার দিলাম; তারপরও অরা বিট্রে করলো।’

মহাদেশনেত্রী বলেন, ‘পলিটিক্সে শেষ কথা ব’লে কিছু নেই।’

‘আমরা সেইবার রাজাকারদের জন্যে পঞ্চাশটা আসন ছেড়ে দিয়েছিলাম’, বলেন ব্যারিস্টার কুদরতে খুদা, ‘অদের বলতে হবে এইবার সাইটটা ছেড়ে দিবো যদি অরা পার্টনার হয়; আর খোজাবংশকে বলতে হবে আমাদের সাপোর্ট করলে অদের নেতাকে জেল থেকে বের ক’রে আনবো, সব মামলা খারিজ ক’রে দিবো।’

মহাদেশনেত্রী বলেন, ‘কিন্তু আমি অকে জেলেই রাখতে চাই, অইটাকে আমি বাইরে দেখতে চাই না; আই হেইট হিম, হি ইজ এ কিলার।’

মহাদেশনেত্রীর চোখের সামনে আবার সিংহাসন ঝিলিক দিয়ে ওঠে।

‘তাইলে একটা উপায় আছে’, বলেন রুস্তম আলি পল্টু, ‘অর স্ত্রীর লগে আমরা মিট করতে পারি।’

সবাই বলেন, ‘অবশ্যই মিট করতে হবে, শি ইজ ভেরি পাওয়ারফুল ইন দি পার্টি।’

রুস্তম আলি পল্টু বলেন, ‘অর স্ত্রী খুবই অ্যামবিশাস, আর অর স্ত্রীও চায় না ও জেল থেকে বের হউক, তার কারণ আপনারা জানেন, অই মিস্ট্রেসগুলিন, আমরা অর স্ত্রীকে বুঝাইতে পারি যে তিনিই হবেন দলের নেত্রী। আমাগো লগে আসলে তাঁকে একদিন আমরা প্রধানমন্ত্রী করবো।’

মহাদেশনেত্রী একবার রুস্তম আলি পল্টুর মুখের দিকে স্থিরভাবে তাকান।

রুস্তম আলি পল্টু কেঁপে উঠে বলেন, ‘অইটা টোপ, ম্যাডাম, অইটা পলিটিক্স।’



মহাদেশনেত্রী স্মিত হাসেন, যদিও তিনি প্রধানমন্ত্রীর পদটি দিয়ে পলিটিক্স পছন্দ করেন না; রক্তচাপ স্বাভাবিক হয়ে আসে রুস্তম আলি পল্টুর।

আমরা জনগণরা শুনেতে পাই এমন আরো অনেক নীতি আর আদর্শের আলোচনা হয় ওই সভায়; স্থির ক্ষমতায় যেতেই হবে। ওই হারামজাদাদের হাতে ক্ষমতা ছাড়ার থেকে সেই তাঁদের হাতে ছাড়া ভালো।

খোজাগণতান্ত্রিক রাজবংশের বৈঠক বসতেও কয়েক ঘণ্টা দেরি হয়।

কারণ এ-রাজবংশের বাবর, দলের প্রতিষ্ঠাতা, মহাজননেতা কারাগারে আছেন, এখন বের হওয়ার সম্ভাবনা নেই, আর তাঁদের কয়েকজন রাজপুরুষও পলাতক, এবং কয়েকজন জনগণমন গণতান্ত্রিক ও শক্তির উৎসবাদী গণতান্ত্রিক রাজবংশে যাওয়ার জন্যে নানা পথ খুঁজছেন; তাই দলের রাজপুরুষেরা ঠিক ক'রে উঠতে পারেন না কে তাঁদের দলের সভায় সভাপতিত্ব করবেন-মহাজননেতার পত্নী না উপপত্নী? তাঁর পত্নীকে যদি তাঁরা মহাগণনেত্রী ক'রে তোলেন, তাহলে তাঁদের অনেক অসুবিধা রয়েছে; ওই মহিলার ক্ষমতা ও টাকার লোভের কোনো শেষ নেই, তাঁদের মহাজননেতাকে তিনি কতোদিন নিজের পায়ে নিচে ফেলে রেখেছেন এটা তাঁরা সবাই দেখেও দেখেন নি; আর যদি মহাজননেতার উপপত্নীদের কাউকে তাঁরা মহাগণনেত্রী করতে চান, তাহলে প্রথম প্রশ্ন হচ্ছে কোন জনকে করতে হবে, মহাজননেতার প্রতিদ্বন্দ্বী উপপত্নীর সংখ্যা কম নয় (একত্রে রাখলে একটি তুর্কি হারেম হয়ে যেতো), আর দ্বিতীয় প্রশ্ন হচ্ছে দেশের বর্তমান খাঁটি ইসলামি আবহাওয়ায় তা গ্রহণযোগ্য হবে কিনা? উমাইয়া ও আব্বাসিয়া রাজাবাদশাদের বড়ো বড়ো হারেম ছিলো; কিন্তু খোজাবংশে হারেম থাকতে পারে কিনা?

এছাড়াও গভীরতার কারণ রয়েছে। রাজবংশটি এখন যিনি দেখছেন, যার ওপর মহাজননেতা ভার দিয়েছেন রাজবংশটির, সেই রাজপুরুষ মনোয়ার হোসেন মোল্লা তাঁর বাসায় দশটি ডিজিটাল ও সেলুলার নিয়ে অপরিসীম ব্যস্ত রয়েছেন। একটির পর একটি টেলিফোন পাচ্ছেন তিনি; তাঁর স্ত্রী ধরছেন, তাঁকে দিচ্ছেন, তিনি ধরছেন, রাখছেন, কথা বলছেন, রাখছেন, আবার ধরছেন। তিনি এখন খুবই ব্যস্ত, তার বেয়ে এবং বাতাসে ভেসে তাঁর কাছে প্রাচ্যের মতো পলিটিক্স আসছে; তিনি নিপুণভাবে পলিটিক্স ক'রে চলছেন।

মনোয়ার হোসেন এখন সেলুলার পলিটিক্স করছেন জনগণমন গণতান্ত্রিক রাজবংশের অন্যতম প্রধান চাচা নিজামউদ্দিন আহমদের সাথে।

নিজামউদ্দিন আহমদ বলেন, 'বাবা মনোয়ার, আমি তোমার আব্বারে মিয়াভাই বলতাম, তোমার আব্বা আমারে স্নেহ করতেন, ভূমি আমার ছেলের মতন। কতো দিন ভূমি আমার কাছে উঠছে।'

মনোয়ার হোসেন বলেন, 'সেইজন্যই তো আপনারে চাচা কই, চাচা; সেই জন্যেই তো আপনার লগে আমার একটা রিলেশন আছে।'

নিজামউদ্দিন আহমদ বলেন, 'ভূমি আমারে চাচা কও এটা আমার গৌরব, আরো গৌরব যে ভূমিই এখন তোমাগো দলের নেতা, এইজন্যে আমার সুখের শ্যাষ নাই।'

মনোয়ার হোসেন বলেন, 'কিন্তু চাচা কয়টা বুড়া শয়তান গোলমাল করতেছে, দলটা ভাঙতে চায়; ন্যাতার স্ত্রীও গোলমাল করতেছে।'

নিজামউদ্দিন আহমদ বলেন, 'তা আমরা জানি, তবু তুমিই নেতা থাকবা; তোমার জননেতা তোমারে বিশ্বাস করেন।'

মনোয়ার হোসেন বলেন, 'সেইটাই আমার পাওয়ার চাচা।'

নিজামউদ্দিন আহমদ বলেন, 'এইবার তোমরা আমাদের লগে থাকবা, তুমি আমাদের লগে থাকলেই তোমার দলও আমাগো লগে থাকবো।'

মনোয়ার হোসেন বলেন, 'চাচা, আপনাপো লগেই তো আছি; অই ম্যাডামের দলও ফোন করছিলো, আমি থাকতে রাজি হই নাই।'

নিজামউদ্দিন আহমদ বলেন, 'ঠিক করছো, বাবা, ঠিক করছো; গ্রেট পলিটিশিয়ানের কাজ করছো।'

মনোয়ার হোসেন বলেন, 'আমাদের মহাজননেতা আমারে এককথা ব'লে দিয়েছেন কিছুতেই আমরা ম্যাডামের সঙ্গে পার্টনারশিপে যাবো না। মহান জননেতাকে সে অনেক ট্রাবল দিয়েছে।'

নিজামউদ্দিন আহমদ বলেন, 'তিনি খাঁটি পলিটিশিয়ানের মতই কথা বলছেন। তারে যারা জ্যালে রাখলো তাগো লগে তিনি যাইতে পারেন না। তিনি ড্যামোক্র্যাসিতে বিশ্বাস করেন।'

মনোয়ার হোসেন বলেন, 'কিন্তু চাচা, এই বিষয়ে একটা ফাইনাল কথা হইতে হইবো, আমারে বড়ো কিছু দিতে হবে।'

নিজামউদ্দিন আহমদ বলেন, 'ফাইনাল কথা তো হইবোই, তুমিও বড়ো কিছু পাইবা, মহাজননেত্রী তোমার লগে একটা গোপন বৈঠকে বসতে চাইছেন, তোমারে একটা বড়ো কিছু দিতে পারলে তিনি সুখী হইবেন।'

মনোয়ার হোসেন মোল্লা বলেন, 'আমিও তাই চাই, আমার যা স্ট্যাটাস তাতে ছোটো কিছুতে আমারে মানায় না। আপনাদের জননেত্রীর সঙ্গে কয়েকটা কথা আমার ক্রিয়ার হওয়া দরকার।'

নিজামউদ্দিন আহমদ বলেন, 'সব কথা ক্রিয়ার কইর্যাই হবে, বাবা, কথায় কোনো জট থাকবো না। আমরা পরিষ্কার দিলেই মানুষ। আমরা ক্ষমতায় আসলে তোমারটা তুমি সঙ্গে সঙ্গে পাইবা, বঙ্গভবনেই পাইবা, একদিনও দেরি হইব না, তুমি আমাগো হইয়া যাইবা।'

মনোয়ার হোসেন টেলিফোন রেখে কফির পেয়ালায় চুমুক দেন।

মনোয়ার মোল্লার স্ত্রী বলেন, 'পলিটিক্স খুবই ইন্টারেস্টিং, ভেরি অ্যামিউজিং অ্যান্ড হাইলি অ্যাবজর্বিং, মাচ বেটার দ্যান মেকিং লাভ, আমিও পলিটিক্সে জয়েন করতে চাই, মনোয়ার।'

মনোয়ার হোসেন মোল্লা বলেন, 'তোমাকে এবার পার্লামেন্টের মেম্বর কইর্যা ছাড়বো, স্বামীস্ত্রীর দুইজনেরই পার্লামেন্টে থাকন দরকার।'

অন্য দিকে মহাজননেতার মহীয়সী স্ত্রী গুলবদন বেগমও ব্যস্ত আছেন সেলুলার পলিটিস্কে। তিনি এখন কথা বলছেন শক্তির উৎসবাদী রাজবংশের অধ্যক্ষ রুস্তম আলি পল্টুর সাথে।

রুস্তম আলি পল্টু বলেন, 'আছালামালেইকুম, ম্যাডাম, আপনার শরিলটা ভালো তো, ম্যাডাম?'

গুলবদন বেগম বলেন, 'শরিলটা ভালো, তবে মনটা ভালো নাই।'

রুস্তম আলি পল্টু বলেন, 'পলিটিস্কে শরিল ভালো থাকে, তাও থাকতে চায় না, ম্যাডাম; কিন্তু মন ভালো রাখন যায় না। আমার মনও ভালো না। অনেক মাস ধইর্যাই মনটা ভালো নাই।'

গুলবদন বেগম বলেন, 'আপনাদের কী প্রপোজাল বলেন ভাই, পট্টাপট্টি কইর্যা বলেন, রাখটাক করবেন না।'

রুস্তম আলি পল্টু বলেন, 'ম্যাডাম আপনাগো লগে আমরা থাকতে চাই; আমরা এক লগে থাকলেই দ্যাশের মঙ্গল।'

গুলবদন বেগম বলেন, 'শোনছেন বোধয় দলে নানা প্যাচ লাগছে, আমি সেই দলেই থাকবো যেই দলে সুবিধা পাবো, আই মিন পাওয়ার অ্যান্ড মানি। খালি কথা দিয়ে কেউ আমার মন ভিজাইতে পারবে না।'

রুস্তম আলি পল্টু বলেন, 'আমরা আপনাদের পাওয়ারও দিবো মানিও দিবো, ম্যাডাম, খালি দয়া কইর্যা আমাগো লগে থাকবেন।'

গুলবদন বেগম বলেন, 'এই সম্বন্ধে একটা ক্লিয়ার আর ফাইনাল কথা হওন দরকার, আপনেরা কী কী দিবেন।'

রুস্তম আলি বলেন, 'ফাইনাল কথা বলার জন্যে আমরা কয়জন আপনের কাছে আসতে চাই, ম্যাডাম।'

গুলবদন বেগম বলেন, 'আসেন, আমি আপনাদের জন্যে ওয়েট কইর্যা রইলাম।'

গুলবদন বেগম টেলিফোন রাখার সাথে সাথে আবার বেজে ওঠে। তবু তিনি না ধ'রে বিয়ারের গ্লাসে একবার চুমুক দেন।

এবার ফোন করেছেন জনগণমন দলের মোহাম্মদ আবদুল হাই। মোহাম্মদ আবদুল হাইয়ের সাথে গুলবদন বেগমের সম্পর্কটি অনেক বছর ধ'রে বেশ ভালো; নিয়মিতভাবে তিনি গুলবদন বেগমকে ফোন করেন।

মোহাম্মদ আবদুল হাই বলেন, 'আসসালামুআলাইকুম, ম্যাডাম। অনেক সময় ধইর্যা চ্যাট্টা করছি, লাইন অ্যানগেজড আছিল।'

গুলবদন বেগম বলেন, 'এখন তো লাইন অ্যানগেজড থাকনেরই সময়, ভাই।'

মোহাম্মদ আবদুল হাই বলেন, 'লাইনে আপনারে না পাইয়া অস্থির হইয়া উঠছিলাম, ম্যাডাম।'

গুলবদন বেগম বলেন, 'আমিও মনে মনে আপনার কথা ভাবতেছিলাম, ফাইনাল ক্লিয়ার করার জইন্যে কখন বসবেন?'

মোহাম্মদ আবদুল হাই বলেন, 'আপনে সময় দিলে আজই বসতে চাই, ম্যাডাম; আপনেরে সন্তুষ্ট করার কথা বলেছেন আমাদের মহাজননেত্রী।'

গুলবদন বেগম বলেন, 'কিন্তু শুনতে পাই আপনারা মনোয়ার মোল্লার সঙ্গে প্যানদরবার করছেন, সে তো আমাদের সার্ভেট মাত্র।'

আবদুল হাই বলেন, 'পলিটিক্স হইছে গুজবের ব্যবসা, ম্যাডাম, এইখানে গভর্মিথ্যার মধ্যে ভ্রমাত্মক করন যায় না। আপনি, ম্যাডাম, গুজবে কান দিবেন না; আমাগো দল আর আপনার দল মিলেমিশেই কাজ করবো। অই মাইয়ালোকটার হাত থেকে ক্ষমতা বাইর করতেই হবে, নাইলে আপনার প্রাণপ্রিয় স্বামী মহাগণনেতাকে জ্যাল থেকে বাইর করন যাইবো না।'

গুলবদন বেগম জিজ্ঞেস করেন, 'আপনেরা কি অই লোকটারে জ্যালের বাইরে আনবেন?'

আবদুল হাই বলেন, 'অবশ্যই আনবো, ম্যাডাম, আপনে দেইখ্যেন।'

গুলবদন বেগম বলেন, 'তবে অই লোকটা আমার বেশি চিন্তার বিষয় না; সে জ্যালের ভেতরে থাকলেই ভাল। কথা হচ্ছে আপনারা আমাগে কী দিবেন?'

আবদুল হাই বলেন, 'আপনে যা চাইবেন তাই পাইবেন।'

গুলবদন বেগম বলেন, 'অরা আমাগে প্রধানমন্ত্রী করতে চায়, এইরকমই ইঙ্গিত, দিছে।'

আবদুল হাই একটু ধমকে যান, কথা বলতে একটু সময় নেন, এবং বলেন, 'আমরাও সেই কথাই ভাবতেছি।'

গুলবদন বেগম বলেন, 'কোন সময় আসবেন বলেন।'

গুলবদন বেগম আবদুল হাইকে বিকেলে সময় দেন; আবদুল হাই টেলিফোন রেখে চায়ের কাপে চুমুক দিতে দিতে চিৎকার ক'রে ওঠেন, 'এই মাইয়ালোকটা একটা বুড়ী বিচ।'

খোজারাজবংশের বৈঠক বসলে দেখা যায় অনেক রাজপুরুষই অনুপস্থিত; কিন্তু মনোয়ার হোসেন মোল্লা বৈঠক শুরু করেন। মহাজননেতার স্ত্রী গুলবদন বেগমও বৈঠকে আসেন নি, মহাজননেতা মনোয়ার হোসেনকে নিষেধ করেছেন তাঁকে বৈঠকে ডাকতে। তাঁর বদলে উপস্থিত আছেন মহাজননেতার প্রিয়তমা উপপত্নী বেগম মর্জিনা আবদুল্লা।

মনোয়ার হোসেন প্রথম মহাজননেতার সাথে তাঁর সাক্ষাৎকারের বিবরণ দেন।

মনোয়ার হোসেন মোল্লা বলেন, 'আমাদের লিডার খুবই কষ্টে আছেন, তিনি শীঘ্র বাইরে আসতে চান।'

বেগম মর্জিনা আবদুল্লা বলেন, 'আমাকেও মহাজননেতা তাই বলেছেন। তাঁর কষ্ট দেখে অশ্রু সংবরণ করা যায় না। হি ওয়াজ এ কিং আর এখন তিনি একটা চোরের মতন আছেন। তারে তাড়াতাড়ি বাইর করতেই হইবো।'

বুড়ো শাহ আলম চৌধুরী জিজ্ঞেস করেন, 'লিডার কীভাবে মুক্তি পাইতে চান? লিডারকে আমরা কেমনে বাইরে আনতে পারি?'

বুড়ো একটু ক্ষুণ্ণ, কেননা তাঁর বদলে লিডার দলের ভার দিয়েছেন মনোয়ার হোসেন মোল্লার ওপর, যে তাঁর পোলা হ'তে পারতো।

মনোয়ার হোসেন বলেন, 'লিডার বোঝেন এইবার আমরা ক্ষমতায় যাইতে পারবো না, যারা পাওয়ারে যাবে তাদের লগে গোপনে অ্যালায়েন্স করতে হবে। চুক্তি হবে লিডারকে ইমমেডিয়েটলি রিলিজ করতে হবে, আর আমাগো দলরে সুবিধা দিতে হবে।'

বেগম মর্জিনা আবদুল্লা বলেন, 'মহাজনেতাকে রিলিজ করাই আমাদের প্রধান পলিটিক্স। তাইলেই আমাগো দল আবার দাড়াইবো। যে ছিলো দেশের রাজা, যার জইন্য জনগণ পাগল তারে অরা জ্যালাে বাইস্কা রাখছে। দিন আসলে এইটা দেখাইয়া দিব, জ্যালা খাটাইয়া ছাড়াবো।'

মোহাম্মদ ইমাজউদ্দিন ঝন্টু জিজ্ঞেস করেন, 'আমাগো দল হতে মন্ত্রী করা হইবো না?'

শাহ আলম চৌধুরী বলেন, 'তা অবশ্যই করতে হইবো; আমাগো কয়জনরে মন্ত্রী করতে হইবো। যারা আমাগো মন্ত্রী করবো আমরা তাগো লগেই থাকুম; কিছু ট্যাকাপয়সাও দিতে হইবো।'

মনোয়ার হোসেন বলেন, 'তা ডিপেন্ড করে আমরা কয়জন পাশ করি তার উপর, আমাগো কমপক্ষে পঞ্চাশটা সিট পাইতে হবে।'

ব্যারিস্টার শাহেদ মিয়া জিজ্ঞেস করেন, 'আমরা কি এতগুলো সিট পাবো, আমাদের দলের কি অই অবস্থা আছে?'

ব্যারিস্টার শাহেদ মিয়া'র আজকের বৈঠকে আসার ইচ্ছে ছিলো না, তিনি আগে ছিলেন শক্তির উৎসবান্দী রাজবংশে; আবার সে-রাজবংশে ফিরে যাওয়ার জন্যে তিনি গোপনে প্রাণপণে চেষ্টা ক'রে চলছেন।

মনোয়ার হোসেন বলেন, 'আমাগো চ্যাটা করতে হবে, উই মাস্ট ট্রাই আওয়ার বেস্ট; লিডার বাইরে থাকলে আমরাই ক্ষমতায় যাইতাম, পিপল তার জইন্যে পাগল; জ্যালাে থিকাও একশোটা সিটে দাড়াইলে তিনি একশোটা সিটেই পাশ করবেন। কিন্তু আমাগো পঞ্চাশটা সিট পেতে হবে।'

সভায় ঠিক হয় মনোয়ার হোসেন মোল্লা মহাজনেতার সঙ্গে আলাপ ক'রে ব্যবস্থা নেবেন।

রাজাকার রাজবংশের এক বড়ো নেতা মাওলানা রহমত আলি ভিত্তিও খুবই ব্যস্ত রয়েছেন সেলুলার (আল্ফা পরম দয়ালু, যিনি মানুষরে দিয়াছেন এই পবিত্র জিনিশটি, যা নিয়ে এখন, আমরা দেখতে পাই, আমাদের গার্মেন্টস্ আর পলিটিক্সরা খুবই ব্যস্ত) পলিটিক্সে; আল্লাতআলার রহমতে তাঁর কাছে বাতাসে ভেসে আসছে ধরেধরে দলে দলে পলিটিক্স। তৃতীয় বিবি মাঝেমাঝে পান আর শরবত দিয়ে যাচ্ছেন, গিয়ে দরোজার পাশে দাঁড়িয়ে থাকছেন, আর পলিটিক্স ক'রে চলছেন মাওলানা রহমত আলি ভিত্তি। ওই যে আমাদের একটি মুক্তিযুদ্ধ হয়েছিলো, যার কথা আমরা ভুলেই গেছি, খুব না ঠেকলে যার কথা বলতে আমরা বিব্রত হই, যার কথা বললে অন্যরা কেমন চোখে তাকায়, যাতে পাকিস্তানিরা আমাদের খুনের পর খুন করেছিলো, মাঝেমাঝে অন্যদের ঘর থেকে টেনে নিয়ে ধর্ষণ করেছিলো, কিন্তু আমরা জয়ী হয়েছিলাম যে-যুদ্ধে, ভিত্তি সাহেব

সেই সময় ছিলেন এক মস্ত বড়ো রাজাকার। শুনতে পাই তিনি ছিলেন খুন আর ধর্ষণের এক বড়ো সিপাহিসালার, ইখতয়ারউদ্দিন মুহাম্মদ বিন বখতিয়ার খিলজি, আঠারো নম্বর পাখাটিতে তিনি ছিলেন, মাথার ওপর তলোয়ার লড়াইতে লড়াইতে তিনি বঙ্গদেশে এসেছিলেন; তবে খুন হয়ে আর ধর্ষিত হয়ে আমরা মাথা নিচু করি নি (এটা কেমনে হয়েছিলো আজ আর আমরা বুঝতে পারি না, এখন তো আমরা সব সময় মাথা নিচু ক'রেই থাকি); আমরা জয়ী হয়েছিলাম। জয়! আমাদের জীবনের একমাত্র জয়। জয়ের পর স্বাধীন হই আমরা, আর বছরের পর বছর পরাজিত হ'তে থাকি; এবং ভিত্তি সাহেবরা পরাজয়ের পর বছরের পর বছর জয়ী হ'তে থাকেন। একান্তরের সেই বছরটিতে দেশে এতো রাজাকার ছিলো না। আর এখন আমরা চারপাশে তো দেখতে পাই রাজাকার। এখন আমরা, মূর্খ লোকেরা, দেখি আমাদের পরাজয় আর ভিত্তি সাহেবদের জয়। আমরা এখন ভয়ে ভয়ে কথা বলি, কথা বলাই বন্ধ ক'রে দিয়েছি; আর ভিত্তি সাহেবরা গলা ফুলিয়ে আমাদের খুন ক'রে ফেলার ভয় দেখান; আমরা চোখ বুজে থাকি। আল্লা তাঁদের খুন করার তওফিক দিয়েছেন।

রাজাকারদের নেতা হয়ে ইমানআমান তিনি প্রথমেই পরীক্ষা করেন বাসার কাজের মেয়েটির ওপর। পাকিস্থানে যার বিশ্বাস আছে, তার আবার ভয় কী, তার আবার খুন জখম জেনা করার দ্বিধা কী। শ্বশুরবাড়ি থেকে মাসখানেক আগে তিনি সালেহা নামের কাজের মেয়েটিকে এনেছিলেন; তাঁর স্ত্রী গর্ভবতী, কাজকাম করতে পারে না, শুধু চিৎ হয়ে শুয়ে থাকে। আনার পর তিনি মেয়েটিকে মন দিয়ে ধর্মকর্ম শেখান, এবং শেখানোর সময় মাঝেমাঝে মেয়েটির বুকের কাপড়ের নিচে হাত দিয়ে শিক্ষার উচ্চতা পরীক্ষা করেন। মেয়েটি ভিত্তি সাহেবের হাত সরিয়ে দিয়ে একটু দূরে গিয়ে ভিত্তি সাহেবের সাথে সাথে শ্লোক আবৃত্তি করতে থাকে।

একদিন তাঁর স্ত্রী গোসলখানায় ঢুকলে ভিত্তি সাহেব তাকে রান্না ঘরে চিৎ ক'রে শোয়ানোর চেষ্টা করেন।

আমরা সাধারণ জনগণ, গরিব মূর্খ অসহায় মানুষ, সারাক্ষণ খুন হওয়ার ভয়ে আছি, এই ইতিহাসের বাকিটা কি আর বলতে পারি? আমাদের কি সেই সাহস আছে? একান্তর সালে সাহস ছিলো, তখন আমাদের মরার ভয় ছিলো, কিন্তু সাহসও ছিলো, ওই সময়টা আমাদের ছিলো; এখন আমাদের মরার ভয় আরো বেশি, কিন্তু সেই সাহস নেই, এই সময়টা আমাদের না। একান্তরে ভিত্তি সাহেবরাও আমাদের ভয় পেতেন, আজ শুধু আমরাই তাঁদের ভয় পাই; তাঁরা আমাদের ভয় পান না। হায়, আমাদের মুক্তিযোদ্ধারা কোথায় গেলো? তারা সবাই ম'রে গেছে? তখন যারা যুদ্ধ করেছিলো আর এখনো বেঁচে আছে, তারা তো আর মুক্তিযোদ্ধা না। বাকিটা বললে ভিত্তি সাহেবরা আমাদের টুকরা টুকরা ক'রে ফেলবেন না? তবে মুখে যখন ইতিহাসটা এসেই গেছে, চোখ বুজে একবার ব'লেই ফেলি; তাতে আমাদের শিরার ভেতরের রক্ত একটু ঠাণ্ডা হবে, একটু সাহস পাবো।

সালেহা চিৎ হ'তে চায় না, তবু চিৎ হ'তে হয়; এবং সে চিৎকার ক'রে বলে, 'হজুর, এইডা আপনে কী করতাছেন, আল্লায় দ্যাখতাছে। আপনে গুনার কাম করতাছেন, হজুর, আমারে ছাইড্যা দ্যান।'

ভিত্তি সাহেব তাকে ছাড়েন না; কিন্তু মেয়েটির শরীরে জোর আছে, সে ভিত্তি সাহেবের অঙ্কোষে চাপ দেয়। ভিত্তি সাহেব ব্যথায় চিৎকার ক'রে ওঠেন।

সালেহা উঠে দাঁড়ায়, ঘোমটা দিতে দিতে বলে, 'এমুন করলে হুজুর, আমি খালাম্মারে কইয়া দিমু, আল্লায় আপনরে দোজগে দিব। আপনে মাইনঘের বাচ্চা না, আপনে একটা জানোয়ারের পয়দা।'

ভিত্তি সাহেবের বলতে ইচ্ছে হয়, 'তুই আমারে ঠিক চিনছস, সালেহা, আমি কতো বড়ো জানোয়ার তা তরে না, সারা দেশরে দেখাইয়া দিমু।'

তবে তিনি তা বলেন না, তিনি সালেহার পা ধ'রে বলেন, 'তুই কইছ না, সালেহা, আমারে তুই মাপ কইয়া দে। তরে আমি মহক্বত করি, তরে আমি বিয়া কর'ম। আইজ রাইতে তর লগে আমি থাক'ম।'

সালেহা বলে, 'বিয়ার আমার কাম নাই, এমুন জাউর্যার লগে আমি বিয়া বহম না, গ্যারামে আমারে কতজনে বিয়া করতে চায়।'

মেয়েটির পেটে একটা ছুরি ঢুকিয়ে দিতে ইচ্ছে হয় ভিত্তি সাহেবের; কিন্তু মেয়েটির শরীরে এতো গোস্ত, আর ওই গোস্তে এতো মশলা, তা ভালো ক'রে খাওয়ার আগে ছুরি ঢোকানো ঠিক হবে না ব'লেই তাঁর মনে হয়। নিজের বিবির শরীরে তিনি গোস্ত খুঁজে পান না, শিনার দিকেও কোনো চর্বি আর গোস্ত পান না, তাই তাকে ভেঙেছুরে তিনি কিছু একটা করেন; কিন্তু সালেহাকে তাঁর মনে হয় কোরবানির চর্বিঅলা গাভীর মতো, যার দেহভরা চর্বি আর ওলানভরা জমাট দুধ। সালেহাকে তিনি এরপর আরো কয়েকবার চিৎ করার চেষ্টা করেন, কিন্তু পেরে ওঠেন না; মেয়েটি যেমন চালাক, তেমন শক্তিমান। তিনি শুভদিনের অপেক্ষায় থাকেন, নিশ্চয়ই দিন আসবে, যেদিন তিনি সালেহার গোস্ত খাবেন।

রাজাকারদের সিপাহসালার হয়ে যে-রাতে তিনি বাসায় ফেরেন, ফিরতে ফিরতে ঠিক করেন তাঁর পাকিস্থানে বিশ্বাসটা তিনি প্রথম পরীক্ষা করবেন সালেহার ওপরই। ওই মাইয়াটা দেখতে শুনতে এই দেশটার মতোই, ওর শরিলে একটা জয়বাংলা জয়বাংলা গন্ধ আছে; অর শরিলের জয়বাংলা ছাড়াইয়া দিতে হবে, ওইখানে পাকিস্থান জিন্দাবাদ চুকাইয়া দিতে হইবে। পাকিস্থানে যার ইমান আছে, তাকে কোনো কিছুই আটকাতে পারে না, তার সামনে কিছুই বাধা হয়ে দাঁড়াতে পারে না।

সালেহা দরোজা খুলে দেয়ার পরই তিনি তাকে জোরে জড়িয়ে ধ'রে রান্না ঘরে নিয়ে ধর্ষণ করেন। সালেহার একটি নখ তার গালে বিধে যায় (ওই দাগটা এখনো আছে), সালেহার চিৎকারে তাঁর বিবি কাঁপতে কাঁপতে রান্না ঘরে এসে দেখে ভিত্তি সাহেব সালেহার গলা চেপে কাজ ক'রে চলছেন।

বিবি চিৎকার ক'রে ওঠে, 'হুজুর, আপনে এইটা কী করতাছেন? আপনার গুনা হইতাছে। আল্লারসুলের কথা মনে আনেন।'

ভিত্তি সাহেব উঠে দাঁড়ান, এবং স্ত্রীকে একটা চড় মারেন। স্ত্রী ঘুরে প'ড়ে যায়, তবু উঠে দাঁড়িয়ে বলে, 'আপনে জিনা করতাছেন, আমার ভাগ অন্য মাইয়ালোকরে দিতাছেন, আপনে দোজগে যাইবেন।'

ভিত্তি সাহেব বলেন, ‘বিবি, তুমি ভাইবো না, বান্দির লগে সহবত করলে জিনা হয় না, গুনা হয় না। বান্দি মনিবের মাল।’

বিবি কাঁদতে কাঁদতে বলে, ‘এই কথা আমি মানি না, আপনে জিনা করছেন, অন্য মাইয়ালোকের ইজ্জত নষ্ট করছেন। আল্লা আপনের লিগা দোজগ লেইখ্যা রাখছে, আপনে হাবিয়ায় যাইবেন।’

ভিত্তি সাহেব বলেন, ‘বিবি, চুপ থাকো; আরেকটু টু শব্দও শুনতে চাই না।’

বিবি বলে, ‘আমি চুপ থাকুম না।’

ভিত্তি সাহেব বিবিকে একটা চড় মারেন, বিবি অজ্ঞান হয়ে প’ড়ে যায়; তিনি আবার সালেহাকে ধর্ষণ করেন।

এখন তাঁর সাথে পলিটিস্করছেন শক্তির উৎসবাদী বংশের নেতা অধ্যক্ষ রুস্তম আলি পল্টু, এবং তিনি পলিটিস্ক্রে ছাড়িয়ে যাচ্ছেন পল্টুকে। আমরা জনগণরা দেখেছি এককালে তাঁরা অনেক বছর এক সাথে ছিলেন, দেখে আমাদের ভালো লাগতো, খুশি হতাম আমরা, দুই রাজবংশের মধ্যে শাদিই হয়ে গিয়েছিলো ব’লে আমরা ভাবতাম, তারপর আবার তালাক হয়ে যায়। রাজবংশগুলোর শাদি আর তালাকে আমরা অবাক হই না, বিবাহ হ’লে তো তালাক হ’তেই পারে, এটাকে আমরা রাজনীতি মনে করি।

অধ্যক্ষ রুস্তম আলি পল্টু বলেন, ‘আসুসালামুআলাইকুম, মওলানা রহমত আলি ভিত্তি সাহেব, আমার সেলাম নেন। অনেক দিন পর কথা বলছি, গলাটা চিনতে পারছেন কি না জানি না।’

রহমত আলি ভিত্তি বলেন, ‘ওআলাইকুমসালাম ওআ রহমতুল্লাহে বরকত হু, আপনে কে কথা বলতাহেন, ভাইজান? আপনার গলাটা চিনা চিনা লাগছে।’

রুস্তম আলি বলেন, ‘আমি অধ্যক্ষ রুস্তম আলি পল্টু বলতেছি। চিনতে পারতেছেন ভাইজান?’

রহমত আলি ভিত্তির দিলটি প্রথম একটু বেজার হয়, পরমুহূর্তেই শান্ত হয়ে ওঠে; এবং বলেন, ‘ভাইজান, আপনেরে চিনবো না ক্যান? আপনে দেশের বড় ন্যাতা, অনেক বছর সামনা সামনি দেখা নাই, তয় ভোলনের কথাই ওঠে না।’

অধ্যক্ষ রুস্তম আলি বলেন, ‘ভাইজান, এক সোম শু আমরা এক লগেই আছিলাম, আবার এক লগেই থাকতে হইব, আপনার লগে আমি একটু বসতে চাই, মহাদেশেনেত্রীও বসতে চান আপনার লগে। আমাগো মহাদেশেনেত্রী আপনার কথা মাঝেমাঝেই বলেন আইজকাল।’

মওলানা রহমত আলি ভিত্তি বলেন, ‘বসন ত লাগবোই, ভাইজান; খালি রাস্তায় ত পলিটিস্ক হয় না, না বসলে আসল পলিটিস্ক হয় না। আপনোগো মহাদেশেনেত্রীর কথাও আমরা সব সময় কই।’

রুস্তম আলি বলেন, ‘রাস্তার পলিটিস্ক তা লোকদ্যাখাইন্যা পলিটিস্ক, আসল পলিটিস্ক হইছে একখানে বইস্যা পলিটিস্ক।’

রহমত আলি ভিত্তি বলেন, ‘বলেন ভাইজান, আপনার কথা বলেন।’

রুস্তম আলি বলেন, ‘দ্যাশটা হারামজাদা ইন্ডিয়ার দালালগো হাতে চইল্যা যাইবো আবার এইটা ত আপনারাও চান না, আমরাও চাই না। অগো হাতে গেলেই দ্যাশটা



তিনদিনেই বেইচ্যা দিব, দ্যাশে একটাও মুসলমান থাকবো না। আমরা ইসলামের জইন্যে বড়োই চিন্তিত।'

রহমত আলি ভিত্তি বলেন, 'না, ভাইজান; এইটা মুসলমানের দ্যাশ, মুসলমানের হাতেই থাকতে হইবো, নাইলে দ্যাশটা কাফের হইয়া যাইবো।'

রুস্তম আলি বলেন, 'ভাইজান, আমরা আইজ আছি কাইল নাই, আমাগো থাকন না থাকন কথা না, কথা হইলো ইসলাম থাকতে হইবো। ইসলাম থাকলেই আমরা থাকুম। ইসলামের জন্যেইতো আমাগো মহান ন্যাতা আপনোগো জ্যাল থিকা বাইর ক'রে আনছিলেন, দলেরে দাড়াইতে দিছিলেন।'

রহমত আলি ভিত্তি বলেন, 'হু, ভাইজান, পলিটিস্ব ত করি ইসলামের লিগা, নিজের লিগা করি না; আর আপনোগো মহান ন্যাতা আমাগোও মহান ন্যাতা।'

রুস্তম আলি বলেন, 'ভাইজান, তাইলে আইজ বৈকালে আসেন আমরা বসি।'

রহমত আলি ভিত্তি বলেন, 'ভাইজান, আপনার কথা ফ্যালন যায় না, তয় বৈকালে দলের মজলিশ আছে, আর বসনের সময় আরো পাইবো।'

রুস্তম আলি বলেন, 'ভাইজান, মনে হয় আমাগো উপর আপনে বেজার হইয়া আছেন। বেজার হইয়েন না, আমরা মাফ চাই, ভাইজান।'

রহমত আলি ভিত্তি বলেন, 'ভাইজান, আমি বেজার না, তয় আমাগো আমির সাহেবের সাথে কথা না কইয়া বসতে পারি না; বোঝতেই পারছেন।'

রুস্তম আলি পল্টু বলেন, 'আইজ রাইতেই আবার ফোন করুম, ভাইজান।'

রুস্তম আলি পল্টু রাখার সাথে সাথেই আবার সেলুলার বেজে ওঠে মওলানা রহমত আলি ভিত্তির। এ-ফোনটির জন্যেই মনে মনে অপেক্ষা করছিলেন ভিত্তি সাহেব, পেয়ে তিনি শান্তি পান।

এখন সেলুলার চলছে জনগণমন গণতান্ত্রিক রাজবংশের অন্যতম চাচা মোহাম্মদ রজ্জব আলির সাথে।

মোহাম্মদ রজ্জব আলি বলেন, 'মওলানা সাহেব, আমাদের মইধ্যে আগে থিকাই ত কথা হয়ে আছে, এখন আমাদের একবার বসন লাগবো। শোনতাছি শক্তিয়ালারা নানা রকম কঙ্গপিরেছি করতাছে। আমাগো এক লগে থাকতে হইব, আন্দোলনে আমরা যেমুন একলগে আছিলাম।'

রহমত আলি ভিত্তি বলেন, 'ভাইজান, আপনোগো মহাজননেত্রীর লগে কি সেই সম্পর্কে কথা হইছে, অই যে আমরা যাইটটা সিট চাইছিলাম? অই কটা সিট আমাগো লাগবো, ভাইজান।'

রজ্জব আলি বলেন, 'তা হইছে মওলানা সাহেব, তবে একসঙ্গে বইস্যা সব ঠিক করুম, সিট ত স্ট্রাটেজির ব্যাপার, দ্যাখতে হইব তাতে আপনাগো কী লাভ আর আমাগো কী লাভ। খালি বেশি সিট লইলেই ত কাম হইব না।'

রহমত আলি ভিত্তি বলেন, 'অইবার অরা আমাগো পঞ্চাশটা সিট দিছিলো, এইবার আরো বেশি দিতে চায়।'

রজ্জব আলি বলেন, 'মওলানা সাহেব, এইবার আপনাগো নিজেগো অবস্থা অ্যামনেই ভাল, তবু একটা মিলমিশ করন যাইব। আর মওলানা সাহেব, আপনে ত

পলিটিশিয়ান, তিন বছর আমাগো লগে থাইক্যা আপনাগো কতো উপকার হইছে ভাইব্যা দেখেন। এখন আমরা আর আপনেগো রাজাকার কই না।'

রহমত আলি ভিত্তি বলেন, 'হ, ইনশাল্লা, আমাদের অবস্থা আগের হইতে অনেক ভাল, এইবার আমরা নিজেরাই পঞ্চাশটা সিট পামু; আমাগো ছাড়া কারো চলবো না। দ্যাশে ইসলামের অবস্থা আগের থিকা অনেক ভাল।'

রজ্জব আলি বলেন, 'এই জন্যেই তো আপনেগো এই বছর এতো দাম, আমরা ক্ষমতায় যাইতে পারলে আপনেগো অবস্থা আরো ভাল কইর্যা দিমু। আর ভাই, ইসলামের লিগা আমরাও জান দিয়া দিতেছি।'

তারা ঠিক করেন পরের দিন তারা বসবেন।

রাজনীতিবিদরা, আমাদের রাজাবাদশারা, মহান মানুষ, তারা আমাদের প্রভু; তারা যা বোঝেন তা তো আমরা বুঝি না; তারা যেখানে দরকার সেখানে বসতে পারেন, তাঁদের গায়ে ময়লা লাগে না; সব কিছু মনে রাখলে তাঁদের চলে না। আমরা জনগণরা মূর্খ মানুষ, আমাদের মাথায় ঘিলু কম, হয়তোবা একেবারেই নেই, তাই আমরাও অনেক কিছু মনে রাখতে পারি না; কিন্তু অনেক কিছু আমাদের মনে থাকে, আবার মনে থাকলেও আমরা তা ভুলে থাকি। মনে থাকলে কী হবে? আমাদের করার কী আছে? যেমন সালেহার কথা আমরা ভুলে গেছি, আবার সালেহার কথা আমাদের মনেও আছে। এখন তার কথা মনে পড়ছে, যখন আমাদের রাজারা একে অন্যের সাথে মিলেমিশে বসছেন, সালেহাকে ভুলে গেছেন— দেশে সালেহা নামের কেউ ছিলো না।

ভোর রহমত আলি ভিত্তি সাহেব যখন নামাজ পড়ছিলেন, তখন সালেহা একটি বঁটি নিয়ে তাঁর পেছনে এসে দাঁড়ায়; এবং যখন কোণ দিতে উদ্যত হয়, ভিত্তি সাহেবের বিবি 'অই সালেহা কী করতাছছ, অই সালেহা কী করতাছছ' বলে চিৎকার করে সালেহাকে জড়িয়ে ধরে।

সালেহা কেঁদে ওঠে, 'আমি এই জানোয়ারডারে জব করুম, আমি এই জানোয়ারডারে জব করুম। জানোয়ারডা রাইত ভইর্যা আমার দ্যাহডারে আস্ত রাখো নাই।'

ভিত্তি লাকিয়ে উঠে দাঁড়ান; এবং চড় দিয়ে সালেহাকে মেঝেতে ফেলে দেন।

তাঁর বিবি বলে, 'হজুর, মাইয়াডারে আইজই বাইড়তে পাঠাইয়া দেন।'

ভিত্তি সাহেব বলেন, 'হ, আইজ রাইতেই পাঠামু।'

সন্ধ্যার পর ভিত্তি সাহেবের বাড়ির সামনে একটি আর্মির জিপ এসে থামে। জিপের পেছন থেকে নেমে আসেন ভিত্তি সাহেব ও পবিত্র পাকিস্থান আর্মির কয়েকজন খাঁটি জওয়ান।

তারা সালেহাকে চেপে ধরে জিপে উঠায়, সালেহা নড়তে ও চিৎকার করতে পারে না। 'পাকিস্থান জিন্দাবাদ' বলে তারা গলি থেকে রাস্তায় বেরিয়ে যায়।

ভিত্তি সাহেবের বিবি জিজ্ঞেস করে, 'হজুর, সালেহারে কই পাঠাইলেন?'

ভিত্তি সাহেব বলেন, 'ছেমরিরে চিরকালের লিগা বাড়িতে পাঠাইলাম।'

ভিত্তি সাহেবের বিবি কেঁদে ওঠে, 'হজুর, আমারেও পাঠাইয়া দেন।'

এসব কথা আমরা ভুলি কী ক'রে, আর মনে ক'রে রাখি কী করে? সকালে উঠে আমাদের ক্ষেতে যেতে হয়, দুপুরে বাড়িতে ফিরতে পারি না, ক্ষেতের আলো ব'সেই শানকিতে ক'রে দুটা ভাত খাই; আমাদের মুদিদোকানটা খুলে বসতে হয়, খরিদারের আশায় ব'সেই থাকি; কলে কাজ করতে গিয়ে আমাদের গেটেই ব'সে থাকতে হয়, সারাদিন আর সময় পাই না; সারা রাত আমরা নদীতে মাছ খুঁজি, পাই না; আর অফিস গিয়ে অফিস পালিয়ে রাত্তার দাঁড়িয়ে গামছাটা লুটিটা বেচতে হয়; আর কাজকাম না পেয়ে আমাদের নদীতে ঝাঁপিয়ে পড়তে ইচ্ছে হয়, গাড়ির নিচে পড়তে ইচ্ছে হয়। আমাদের রক্ত জ্বলতে জ্বলতে ঘোলা হয়ে গেছে। এসব কথা আমাদের মনে রাখার মতো মন কই?

রাজাকার রাজবংশে, আমরা জনগণরা শুনতে পাই, চলছে দারুণ উত্তেজনা; এবং আমরা মনে মনে ভয় পেতে থাকি।

দাড়ি আর চুলে রাজাকার রাজপুরুষেরা নতুন কলপ লাগিয়েছেন, কাঁচাপাকা দাড়ি হয়ে উঠেছে ঝলমলে কালো আর মেহেদি রঙের, সুরমা দিয়েছেন চোখে, নতুন পাজামা আকান টুপি আর চোস্ত পাজামায় সেজেছেন, শরীর থেকে আতরের খুশবু ঝরঝর ঝরছে। মনে হচ্ছে তিন আর চার নম্বর বিবিকে ঘরে তুলতে যাচ্ছেন, শাদিমোবারকের আবহাওয়া তাঁদের চারদিকে। ওই রাজপুরুষদের চোখ সব সময়ই ছুরির মতো ঝকঝক করে, মনে হয় চোখের ভেতর কয়েকটা জ্বলাদ ব'সে ছুরি শানাচ্ছে, নতুন সুরমায় আরো ঝকঝক করছে, এখনি কারো বুকে ঢুকে লাল হয়ে উঠতে পারলে আরো ঝকঝক করতো। ধর্মে তাঁরা দেশ ভ'রে ফেলেছেন, এতো ইসলাম দেশে আগে কখনো ছিলো না, এটা তাঁদের সাফল্য; দেশে আর কয়েকটা কাকের আর মুরতাদ মাত্র বাকি, ওইগুলোকে দমিয়ে দিতে খুন ক'রে ফেলতে পারলে আসবে তাঁদের রাজত্ব। তাঁদের সাফল্য অশেষ, এক সময়ের কুখ্যাত ঘৃণিত রাজাকার থেকে তাঁরা হয়ে উঠেছেন মূল্যবান শ্রদ্ধেয় রাজনীতিবিদ, সবই আল্লার দান; এখন ওই মুক্তিযোদ্ধাগুলো তাঁদের পায়ের নিচে বসতে পারলে ধন্য হয়। ভুল বলা হয়ে গেলো, দেশে আর মুক্তিযোদ্ধা কই?

তাঁদের বড়ো বড়ো আমিরওমরাহুরা, আলখাল্লা নেতারা, অধ্যাপক, মওলানারা আর মৌলভিরা পাজেরো হাঁকিয়ে আসেন, ওই যানবাহনটি কাকেররা তৈরি করেছে, তবে ওইটিকে তাঁরা ধর্মে দীক্ষিত ক'রে নিয়েছেন। তাঁদের হাতে সেলুলার; আকানের নিচে কী আছে তা আমরা জনগণ বুঝতে পারছি না। নিশ্চয়ই যা থাকার তা-ই আছে।

মাগরেবের পর রাজাকার রাজবংশের মজলিশে শুরা বসে। এই রাজবংশের রাজপুরুষেরা সব সময়ই সাবধান, সশস্ত্র প্রহরী ছাড়া তাঁরা চলেন না, কার্যালয়ের চারদিকে পাহারায় রাখেন সশস্ত্র ধার্মিক প্রহরীদের, মোমেনিন সালেহিনদের, যারা হাত আর পায়ের রগ কাটতে পারে চোখের পলকে, গলা কাটিতে সময় নেয় আধ মিনিট। প্রহরীরা আজ আরো সাবধান।

রাজাকার রাজবংশের আমির প্রথম আল্লা ও রাসুলকে ধন্যবাদ জানান।

আমির সাহেব বলেন, 'বিসমিল্লাহের রাহমানের রাহিম, আল্লার রহমতে আমাদের অবস্থা বছরের পর পর উত্তম হইতেছে, আমাদের নেতা আবু আল্লা মওদুদি সাহেবের

নির্দেশিত পথে আমরা অনেক দূর আগাইয়া গিয়াছি; অরা আমার নাগরিকত্ব কাড়িয়া নিয়াছিলো, আল্লায় তা আমাকে ফিরাইয়া দিয়াছেন। কাফেররা এইভাবেই মমিন মোসলমানের উপর অত্যাচার করে, কিন্তু আল্লার রহমতে মমিনের জয় হইবেই, অদের উপর গজব নাজিল হইবে।'

সবাই বলেন, 'আলহামদুলিল্লা।'

আমির সাহেব বলেন, 'আল্লার ইসলামে ড্যামোক্র্যাসি নাই ইলেকশন নাই ভোটের নাই এসেম্বলি নাই পার্লামেন্ট নাই, এইগুলি সব ইহুদি আর খ্রিস্টান কাফেররা তৈরি করেছে, আমরাও ড্যামোক্র্যাসি আর ইলেকশনে বিশ্বাস করি না, আল্লা তা নিষেধ ক'রে দিয়াছেন, ইসলামে আছেন এক আল্লা, আল্লার আইন, আর আল্লার শাসন। আল্লার শাসনই সর্বশ্রেষ্ঠ।'

সবাই গভীর স্বরে ব'লে ওঠেন, 'আলহামদুলিল্লা।'

আমির সাহেব বলেন, 'আল্লার রহমতে আমরা একদিন অবশ্যই কায়ম করব আল্লার শাসন; তবে এখনও তা দূরে আছে, তাই আমরা কাফেরদের ড্যামোক্র্যাসি আর ইলেকশন মানিয়া আল্লার পথে কাজ করিতেছি।'

তারা সবাই বলেন, 'আল্লার নিশ্চয়ই আমাদের মাফ করিবেন।'

আমির সাহেব বলেন, 'আল্লার শাসন যখন হইব তখন দ্যাশে আর পলিটিকেল পার্টি থাকব না; পলিটিক্স থাকব না, ড্যামোক্র্যাসি আর ইলেকশন থাকব না, আল্লার বই ছাড়া আর কোনো বই থাকব না, তখন কাফেরদের স্কুল কলেজ ইনভারসিটি থাকব না, বীনের শিক্ষা ছাড়া আর কোনো শিক্ষা থাকব না।'

সবাই ব'লে ওঠে, 'আলহামদুলিল্লা।'

আমির সাহেব বলেন, 'কিন্তু এইবারও আমাদের ইলেকশনে যাইতে হবে, আল্লার শাসনের পথ তৈরি করিতে হবে। দ্যাশে এখন আমাদের অবস্থা আগের হইতে ভাল, আমাদের তারা আর রাজাকার বলে না। আপনাদের একটা কথা আমি জানাইতে চাই আমরা মুরক্কির কয়টা ইস্তিত দিয়াছেন।'

সবাই বলে, 'ইস্তিতের কথা আপনি আমাদের বলেন, হুজুর।'

আমির সাহেব বলেন, 'আমাদের মুরক্কির ইলেকশনের জইন্যে আমাদের দশলাখ ডলার দান করিবেন। তারা ইস্তিত দিয়াছেন তারা দেশে এইবার ক্ষমতার বদল চান, আমাদের সেইভাবে কাজ করিতে হইবে। এইবার আমাদের নায়েবে আমির মওলানা রহমত আলি ভিত্তি সাহেব আপনাদের সব বলিবেন।'

রহমত আলি ভিত্তি সাহেব প্রথম আল্লা ও রসুলকে ধন্যবাদ দেন।

তিনি বলেন, 'মাননীয় মজলিশ, আমাদের সকলের ইমানের বলে ইনশাআল্লা আমরা আল্লা, রসুল, আর আমাদের পথপ্রদর্শক আবু আলা মওদুদির নির্দেশিত পথে ঠিক মত আগাইতেছি। কিন্তু দ্যাশ এখনো কাফেরদের হাতে, তাই আমাদের কাফেরদের ড্যামোক্র্যাসি মানতে হয়, ইলেকশন করতে হয়। ইসলামি বিপ্লবের সময় আইজও আসে নাই, ইলেকশন করতে করতে একদিন আমরা ইসলামি বিপ্লব ঘটাইব। তারপর আর ইলেকশন থাকব না, ড্যামোক্র্যাসি থাকব না; থাকব আল্লার শাসন।'

সবাই বলে, 'আলহামদুলিল্লা।'

মওলানা রহমত আলি ভিত্তি বলতে থাকেন, 'সারা দেশে আমাদের মুত্তাফিক ভাইরা রেডি হইতেছে, আর দেরি নাই, রোকন ভাইরা রেডি হইতেছে, মোমেনিন সালেহিন ভাইরা রেডি হইতেছে, বিপ্লব ঘটবেই ঘটবে। তখন আর আমাদের কাকেরদের ইলেকশন করতে হবে না। দেশে চলবে আল্লামার শাসন, চলবে আমাদের রাজবংশের শাসন।'

সবাই বলে, 'আলহামদুলিল্লা।'

ভিত্তি সাহেব বলতে থাকেন, 'আমাদের পথপ্রদর্শক পরম শ্রদ্ধেয় আমিরা আমিরা আপনাদের জানাইয়াছেন যে আমাদের মুক্কিররা এইবার নতুন ইশারা দিয়াছেন, আমাদেরও সেই ইশারা ধরে বিপ্লবের পথে আগাইয়া যাইতে হবে। এইবার আমরা শক্তির উৎসবাদী রাজবংশের সঙ্গে আছিলাম, তারপর আমরা তাহাদের বিরুদ্ধে আন্দোলন করছি, আন্দোলনে আমরা ছিলাম জনগণমন রাজবংশের সঙ্গে; তাগো সঙ্গে থাকিবার ফলে আমাদের অনেক লাভ হইয়াছে। এখন আর তাহারা আমাদের রাজাকার বলিয়া নিন্দা করে না। তাহারা আমাদের বড় বিপদ, তাহারা আমাদের সঙ্গে থাকিলে আমাদের কোনো বিপদ নাই।'

মওলানা এস এম কোরবান জানতে চান, 'তাহাদের অই হিন্দু বুদ্ধিজীবী কুত্তাগুলি ত আমাদের পাছে লাগিয়াই আছে, তাহার কী হইবে?'

রহমত আলি ভিত্তি বলেন, 'অইগুলি পলিটিক্স বোঝে না, অইগুলি আছে চিন্তানের লিগা, ঘেউঘেউ করনের জইনো, কিছু খাওনের লিগা, অইগুলির চিন্তানের জইনোই আমরা উপরে উঠিতেছি, ইসলামের প্রসার হইতেছে, আমাদের প্রসার হইতেছে। ওইগুলিও আমাদের ডরে এখন ভিতরে ভিতরে মুসলমান হইতেছে, ওইগুলিরে ভয় পাইবার কিছু নাই।'

রহমত আলি ভিত্তি দু-তিন গেলাশ পানি পান করেন।

তারপর তিনি বলতে থাকেন, 'এইবার আমাদের অবস্থা অনেক ভাল, এইবার সমস্ত আশিটা সিট আমরা নিজেরাই পাইব, আর আমাদের গোপনে অ্যালাইয়েন্স আসতে হইবে জনগণমন রাজবংশের সহিত। মনে হইতেছে তাহারা এইবার ম্যাজরিটি হইবে, তাহাদের সঙ্গে থাকিলেই ভাল; আমাদের মুক্কিররাও সেই ইশারা দিয়াছেন।'

সবাই বলেন, 'আলহামদুলিল্লা, ইশারা মতোই আমাদের চলিতে হবে, তাহা হলেই আমরা আল্লামার শাসন প্রতিষ্ঠা করতে পারিব।'

রহমত আলি ভিত্তি বলেন, 'আমরা নিজেরা এইবার ক্ষমতায় যাইতে পারব না, কিন্তু কারা ক্ষমতায় যাইবে তাহা নির্ভর করিবে আমাদের উপর, আমরা তাহাদের আমাদের পথে চালাইব। আমাদের দেখতে হবে কিসে আমাদের লাভ বেশি।'

মওলানা সলিমুল্লা জিজ্ঞেস করেন, 'আমাদের শিবিরের ভাইরা, সালেহিন ভাইরা কী ভূমিকা পালন করিবে? ইলেকশনে তাহাদের কীভাবে কাজে লাগাইব।'

রহমত আলি ভিত্তি বলেন, 'তাহারা আমাদের সিপাহি, আল্লামার নামে তাহাদের আমরা যা করিতে বলিব, তাহারা তাহাই করিবে।'

তাদের মজলিশে সিদ্ধান্ত হয় আমির ও নায়েবে আমির রাজবংশের মঙ্গলের জন্যে যা ভালো মনে করবেন, তা করবেন, যাদের সাথে বসার তাদের সাথে বসবেন, যাদের সাথে দাঁড়ানোর তাদের সাথে দাঁড়াবেন; আর তাঁরা যা আদেশ করবেন, তা সবাই আল্লামার নামে পালন করবে।

আমরা জনগণরা এখন খুবই ক্লান্ত; দু-তিন বছর রাস্তায় রাস্তায় মিছিল ক'রে, গলা চুরমার ক'রে শ্লোগান দিয়ে, বাসে আর ট্রাকে আর গাড়িতে দাউদাউ আগুন জ্বালিয়ে, পুলিশের টিয়ার গ্যাস আর গুলি আর লাঠির বাড়ি খেয়ে আমরা এখন খুবই শ্রান্ত; আমাদের খেলা শেষ হয়েছে, আমাদের দিয়ে তাঁরা যা খেলাতে চেয়েছেন তা খেলে আমরা এখন আধাঘুমন্ত; এখন আর আমাদের খেলার নেই। আমাদের কাজ এখন খেলা দেখা, আমাদের কাজ এখন আমাদের রাজারা কেমন খেলেন, সেই মজা উপভোগ করা। কোনো টিকেট কিনতে হচ্ছে না, স্টেডিয়ামে যেতে হচ্ছে না; আমরা রাজাদের খেলা দেখছি আর হাততালি দিয়ে মজা পাচ্ছি। খেলুন, আমাদের রাজারা খেলুন; আমরা দেখি।

কিন্তু আমরা, মূর্খ জনগণরা, গরিব মানুষ, আমাদের অতো মজা দেখার সময় কোথায়? অতো আমোদপ্রমোদ হাডুড়ু কুৎকুৎ রঙতামাসা উপভোগের উপায় কই আমাদের? আমরা ব্যস্ত আমাদের সবচেয়ে বড়ো কাজে, মরমর দেহটাকে বাঁচিয়ে রাখার কাজে; বাঁচাই আমাদের সবচেয়ে বড়ো কাজ। আমাদের আমরা না বাঁচালে কে বাঁচাবে, আমাদের কে আছে? নেহটর ভেতর মধু আছে, তাই ওটিকে বাঁচিয়ে রাখার জন্যে আমরা দিনরাত বিষ খাই; আর এই আকাশ বাতাস মেঘ নদী রোদ ধন আর রাতের বেলা একটু আধটু সুখ ছেড়ে কার সেই পারে চ'লে যেতে ইচ্ছে করে? আমরা আছি আমাদের দুঃখকষ্ট, আমাদের দুঃখকষ্টই আমাদের জীবনের রঙতামাসা, তাতেই আমরা ম'জে আছি, রাজারা আছেন তাঁদের সুখসম্পদে। তাঁরা আরো ক্ষমতা না পেলে দুঃখ পান, তাঁদের শরীর জ্বালা করতে থাকে, একশো বছর সিংহাসনে না থাকতে পারলে কষ্ট পান, আরো সম্পদ না পেলে দুঃখ পান, তাঁদের দেহে আগুন জ্বলতে থাকে; তাঁদের দুঃখ আর আমাদের দুঃখ ভিন্ন। তাঁদের দুঃখ সোনা দিয়ে তৈরি, আমাদের কষ্ট পচা খড়কুটোয়। রাজারা চিরকাল রাজা থাকবেন আমরা চিরকাল আমরা থাকবো, এটা কে না জানে, রাজারা ও আমরা কোনো দিন এক হবো না।

আমাদের কয়েকটি ছেলের কথা মনে পড়ছে; যদিও ওদের কথা মনে না পড়ই ভালো; আর আমরা মনে করতেও চাই না।

আমাদের ওই ছেলেরা নষ্ট হয়ে গিয়েছিলো, আমরা তাই ভাবতাম, আমাদের ছেলেরা তো নষ্ট হবেই, ওদের আমরা জন্মই দিই নষ্ট হওয়ার জন্যে, আমাদের ধাতু আর জরায়ুতেই দোষ আছে, পচন লেগেছে ওই দুই জিনিশে; ওরা ইস্কুল থেকেই পাশ ক'রে বেরোতে পারে নি; আর আমাদের, অর্থাৎ ওদের বাবাদের বড়ো দোষ হচ্ছে তাদের এতো টাকা কই যে ওদের নিউইয়র্ক বা দিল্লি পাঠিয়ে দেবে সভ্য শিক্ষিত হ'তে, বা কিনে দেবে সাগর ১, ২, ৩, মহাসাগর ৪, ৫, ৬ উপসাগর, ৭, ৮, ৯, ১০ নামের পাঁচ দশটা তেতলা লঞ্চ, যেগুলো চলবে ঢাকা থেকে ভোলা, হাতিয়া, সন্দ্বীপের

পথে, বা দোকান নিয়ে দেবে ঢাকার সুপারমার্কেটে, পাজেরো কিনে দেবে; আর এতো শক্তি কই যে ব্যাংক লুট ক'রে এনে দেবে পঞ্চাশ কোটি টাকা। হতো ওরা রাজাদের ছেলে, ওরা নষ্ট হতো না, রাজা হওয়ার জন্যে প্রস্তুত হতো। ওদের তখন কিছুই করার ছিলো না, তাই ওরা একটি কাজই করতে পারতো, নষ্ট হ'তে পারতো। নষ্টই বলি কী ক'রে? ওই এলাকার-এলাকার নামও কি বলতে হবে?—বলার দরকার নেই, যে-কোনো এলাকার নাম নিলেই চলবে, এমপি সাহেব যেভাবে এমপি হয়েছেন, ওরা সেই কাজ শুরু করে, টিকে থাকলে ওরাও একদিন এমপি হতো; ওরা প্রথম এমপি সাহেবের রাজবংশে যোগ দেয়। মাননীয় এমপি সাহেবের এমপি হওয়ার জন্যে ওদের খুব দরকার ছিলো।

এমপি সাহেব তখন, আরো অনেক মাননীয় এমপি সাহেবের মতো, এক রাজবংশ থেকে আরেক রাজবংশে এসেছেন; তিনি রাজাদের রাজবংশেই থাকতে পছন্দ করেন। যে-রাজবংশ সিংহাসনে নেই, তিনি সেই রাজবংশে থাকেন না; তাতে পাপ হয়, তাঁর বিশ্বাস রাজার বিরুদ্ধে থাকা আর আল্লার বিরুদ্ধে থাকা একই কথা। তিনি ইমান নষ্ট করতে চান না; তিনি সব সময় রাজা আর আল্লার পক্ষে থাকতে চান।

এতে তাঁর মঙ্গল হয় এটা আমরা সব সময়ই দেখতে পাই। রাজা আর আল্লা দুই হাতে ঢেলে তাঁকে সব কিছুই দেন।

কিন্তু ইমানদার লোকেরও শত্রুর অভাব হয় না, অন্য রাজবংশে যোগ দেয়ার পর তাঁরও শত্রু বাড়ে; এবং তিনি আমাদের ওই সাতজন ছেলেকে নিজের বুক টেনে নেন। নেবেন না কেনো, তিনি ওদের দুঃখ বোঝেন; তিরিশ বছর আগে তাঁর দুঃখ বুঝে সেই কালের এমপি সাহেবও তাঁকে বুক টেনে নিয়ে একখানি জিনিশ ধরিয়ে দিয়েছিলেন। ওই জিনিশটা তাঁকে এতো দূর নিয়ে এসেছে। তিনি ওদের সবখানেই নিয়ে যেতেন, তাঁর সাথে ওরা পাজেরোতে চলতো, তিনি গাড়ি থেকে নেমে কোলাকোলি আর দু-হাত মেলানোর সময় ওরা তাঁকে ঘিরে থাকতো, আমরা দেখতাম ওদের জামা উঁচু হয়ে আছে, পকেট ফুলে আছে, মাঝেমাঝে ওরা কালো জিনিশটি নিয়ে নিজেরাই একলা একলা খেলতো, দেখে আমরা মুগ্ধ হতাম। এমপি সাহেব ওদের আদর করতেন, সবখানেই পরিচয় করিয়ে দিতেন ওরা আমার ছেলে।

এমপি সাহেব মহান পিতা; নিজের দুই পুত্রকে তিনি আমেরিকায় পাঠিয়ে দিয়ে বুক খুব শূন্যতা অনুভব করতেন, ওরা তাঁর সেই শূন্য বুক ভ'রে রাখতো। ফ্রি টেলিফোনে তিনি নিজের পুত্রদের সাথে সব সময়ই কথা বলতেন, পুত্ররা লেখাপড়া শিখে মানুষ হচ্ছে ওনে বুক তাঁর ভ'রে উঠতো; কিন্তু টেলিফোনের কথায় কি পিতৃস্নেহ মেটে, পিতার বুক ভরে? তাই তো তিনি আমাদের ওই সাতটি ছেলেকে নিজের ছেলে ক'রে নিয়েছিলেন।

এমপি সাহেবের ছোটো ছেলে বলতো, 'আব্বা, আমি দেশে আসতে চাই।'

এমপি সাহেব কাতর হয়ে উঠে চিৎকার করতেন, 'না, বাবা, এখন দ্যাশে আসবা না, এইটা কি দ্যাশ নাকি, এইখানে আসলে তোমার শরিল টিকবো না। আমেরিকারে বাপমায়ের দ্যাশ ভাইব্যা সেইখানেই থাকো।'

ছেলেটি বলতো, 'আকা, বিদেশে আমার মন টিকছে না; এখানে আমি একটা পার্ডক্লাশ সিটিজেন হয়ে আছি, এখানে আমি নিখোর থেকেও খারাপ আছি।'

এমপি সাহেব বলতেন, 'বাবা, বোঝা না আমেরিকায় থাডক্লাশ সিটিজেন থাকনও ভাল, নিখোর থাইকা খারাপ থাকনও ভাল। এই বাংলাদেশ্য একটা দ্যাশ না, এইখানে আইজ আসলে কইল তুমি খুন হইয়া যাইবা, নাইলে অ্যাকসিডেন্টে মইরা যাইবা, দ্যাশে আসনের কাজ নাই।'

ছেলেটি বলতো, 'কেনো, আকা, দেশে অনেক মানুষ তো বেঁচে আছে।'

এমপি সাহেব বলতেন, 'সবগুলি ত একলগে মরতে পারে না, তাই বাইচ্যা আছে, কিন্তু কোনটা কোন সময় মরবো কেউ জানে না। তুমি দ্যাশে আসবা না, বাবা। মন চাইলে তুমি ফ্রান্সে আর অস্ট্রেলিয়ায় মাসখানেক ব্যাড়াইয়া আসো, তোমার নামে দশ হাজার ডলার পাঠাইতেছি।'

এমপি সাহেবের বড়ো ছেলে সম্পূর্ণ বিপরীত; তাকে টেলিফোন করতে মনে মনে ভয় পান এমপি সাহেবও। ছেলেটি চিঠি তো লেখেই না, কখনো ফোনও করে না; আর এমপি সাহেব ফোন করলে সে বিরক্ত হয়।

ওই ছেলে বলতো, 'আকা, কাজে অকাঞ্জে ফোন ক'রে তুমি পয়সা নষ্ট কোরো না, এদেশে কেউ এভাবে পয়সা নষ্ট করে না।'

এমপি সাহেব বলতেন, 'বাবা, পয়সা আমি নষ্ট করি না, এইটা আমার ফ্রি ফোন, এমপি হিশাবে পাইছি, কোনো দিন বিল দিতে হইবো না। দ্যাশবিদ্যাশে বিজনেস আমি এই ফোনেই করি।'

ছেলেটি বলতো, 'এভাবে তো তুমি ট্যাক্স পেইআরস মানির অপচয় করছো, এখানকার ওরা তা করে না।'

এমপি সাহেব হা হা ক'রে উঠতেন, 'হা হা হা হা, বাবা, অইটা হইলো আমেরিকা আর এইটা হইলো বাংলাদেশ, এইখানে কেউ ট্যাক্সো দ্যায় না, আর আমরা ট্যাক্স পেয়ারগো মানি নষ্ট করি না, দ্যাশটা চলে লোনের ট্যাকায়।'

ছেলেটি বলতো, 'ওই লোনের টাকা তুমি এভাবে অপচয় করতে পারো না।'

এমপি সাহেব ছেলের কথায় হো হো ক'রে হাসতেন, বলতেন, 'বাবা, তুমি একটা গ্রেট ম্যান হইতেছো, তোমারে লইয়া আমি প্রাউড ফিল করি, আমি আমার এমপি ভাইগো তোমার কথা কই, তারা কয় তুমি জর্জ ওয়াশিংটন আর ইব্রাহিম লিংকনের মতন গ্রেট ম্যান হইবা, আমেরিকা আছো বইল্যাই এইটা হইতে পারতেছো, বাবা; আমাগো দেশে তোমার মতন গ্রেট ম্যান দরকার, গ্রেট লিডার দরকার; তুমি দ্যাশে আসবা, দ্যাশটা উদ্ধার করবা, বড় ন্যাতা হইবা।'

এমপি সাহেব কথাগুলো ব'লে সুখ পান, নিজেকে তাঁর ওয়াশিংটন লিংকনের বাপজান মনে হয়; তাঁর আরো ভালো ভালো কথা বলতে ইচ্ছে হয়, এবং তিনি বলতে থাকেন, 'বাবা, আমরা সব এমপি ভাইরা, পলিটিশিয়ানরা, ইন্ডাস্ট্রিয়ালিস্টরা আমাগো পোলামইয়াগো আমেরিকা, ইংল্যান্ড, দিল্লি, দার্জিলিং পাঠাই দিছি তাঁরা সেইখানে



খাইক্যা লেখাপড়া শিখ্যা গ্রেট ম্যান হইয়া দ্যাশে ফিরবো, একদিন দ্যাশের ভার লইবো, তুমিও দ্যাশের ভার লইবা, বাবা।'

ছেলেটি বলতো, 'আক্সা, আমি দেশে কখনো আসবো না, তোমাদের কাজ দেখে দেখে আমার ঘেন্না ধ'রে গেছে; আই হেইট দোজ কনস্ট ইলিজিটিমেট এমপিজ অ্যান্ড রাসকাল পলিটিশিয়ান্স।'

এমপি সাহেব ভয় পেয়ে বলতেন, 'এইটা তুমি কী বলতেছো, বাবা; তুমি দ্যাশে না আসলে আমি এই মিলকারখানা বাড়িগাড়ি কাগো লিগা করলাম, আর আমি তোমার এমপি হওনের পথও তৈরি কইর্যা রাখছি। তুমি এমপি হইবা, মন্ত্রী হইবা, পারলে প্রধান মন্ত্রী হইবা, বাবা।'

প্রধান মন্ত্রী কথাটি নিজের কানে শুনেই তিনি ঠাঙ্গ হয়ে যাওয়ার মতো ভয় পান, তাকিয়ে দেখেন কেউ আছে কি না, কেউ শুনলে ভাবতে পারে তিনি ষড়যন্ত্র করছেন সিআইএ, র, বা অন্য কারো সাথে। আমাদের অসাধারণ দেশগুলোতে প্রধান মন্ত্রী কি যে সে হ'তে পারে? একটি মরা বাপ দাদা নানা স্বামী স্বস্তর থাকতে হবে না? একটা বড়ো মাজার থাকতে হবে না? তিনি কে? তাঁর কী আছে? তাঁর বাপটার লাশ তো জংলা গোরস্থানে কুড়ায় খেয়েছে। হ্যাঁ, তিনি ম'রে গেলে তাঁর নাম ভাঙিয়ে ছেলেমেয়েরা এমপি হ'তে পারবে, সে পথ তিনি পরিষ্কার করেছেন। এটাই ক-জন পারে?

ছেলেটি বলতো, 'এমপি আর মন্ত্রী হওয়ার থেকে আমি কুকুর হওয়াও বেশি পছন্দ করি, আক্সা।'

এমপি সাহেব হায় হায় ক'রে ওঠেন, 'এ কি কথা তুমি বলতেছো, বাবা, আমার বুক ভাইঙা যাইতেছে।'

ছেলেটি একদিন বলে, 'আক্সা, আম্মা ফোন করেছিলো কালকে।'

এমপি সাহেব কঁপে উঠে জিজ্ঞেস করেন, 'তোমার আম্মায় আবার কী জইন্যো ফোন করলো? আমারে কইলেই ত পারতো।'

ছেলেটি বলে, 'শি কম্প্লেইনড অ্যাগেইন্স্ট ইউ, আক্সা।'

ভয়ে ভয়ে এমপি সাহেব জিজ্ঞেস করেন, 'কী কম্প্লেইন করলো, বাবা?'

ছেলেটি বলে, 'তা বলতে আমার ঘেন্না হচ্ছে।'

এমপি সাহেবের মনে হয় লাইনটা যদি এখন কাট হয়ে যেতো, তাহলে ভালো হতো; এই ঢাকার কতো লাইনই যখনতখন কাট হয়ে যায়, তারপর পাঁচ ঘণ্টা ঘোরালেও আর পাওয়া যায় না, কিন্তু এটা কাট হচ্ছে না, আমেরিকার সঙ্গে লাইন তো, ভাই কাট হচ্ছে না। যেমে ওঠেন এমপি সাহেব।

ছেলেটি বলে, 'বাট আই মাস্ট টেল ইউ, আম্মা বলেছেন তুমি মেইড সার্ভেন্টগুলোর সাথেও থাকো, আবার হোস্টেলে অ্যাস্ট্রেন্স কলগার্লও ওঠাও।'

এমপি সাহেব বলেন, 'তোমার আম্মা বুড়া হইতেছে, আর পাগল হইতেছে, আর আমার নামে যা তা বলতেছে, তার ভাল হইবো না, তারে আমি আইজই বুঝাই দিতেছি।'

ছেলেটি বলে, 'তবে তোমার ওই কাজে আমি বিশেষ হার্ট হই নি, তোমরা পলিটিশিয়ানরা অল অ্যারাউড দি গ্লোব এ-কাজই করছো, পিপলের টাকা চুরি করছো,

ব্যাংক লুট করছো, কলগার্লের সঙ্গে রাত কাটাচ্ছে, পরের বউ ভাগাচ্ছে, তিন চারটা মিস্ট্রেস রাখছো, মাফিয়া পুষছো, আর মুখে বড়ো বড়ো কথা বলছো, সব কিছু করাপ্ট করাই তোমাদের কাজ, তা তোমরা করবেই, বাট নেভার ট্রাই টু হিট মাই মাদার অ্যাড নেভার থিংক অফ লিভিং হার, তাহলে বিপদে পড়বে, ইউ উইল বি ইন ডিপ ট্রাবল।’

তার ছেলে টেলিফোন রেখে দেয়।

এমপি সাহেব হাউমাউ ক’রে কাঁদতে শুরু করেন; আর মনে মনে বলেন, মাইয়ালোকটার সব কিছু যতই ঢিলা হইয়া যাইতেছে, তার মুখটাও ততই ঢিলা হইয়া যাইতেছে, পোলার কাছেও এইসব কর।

বুকভরা এমন গভীর অসীম শূন্যতা নিয়ে এমপি সাহেব সেই সাতটি ছেলেকে নিজের ক’রে নিয়েছিলেন; তারা তাঁর সাতটি লম্বা শক্ত হাত, যে-হাত দিয়ে তিনি মাঝেমাঝে মগজ ও রক্ত খেতে পছন্দ করেন। একদিন তিনি তাদের একটি কাজ দেন; কাজটি খুবই জরুরি, পথ পরিষ্কারের কাজ; নিজের পথে কাঁটা থাকা তাঁর ভালো লাগে না, তাই তিনি তাদের কাজ দেন দুটি কাঁটাকে—আগুজদিন ও তার ছেলেকে, তুলে ফেলায়। কাঁটা দুটি খুব বেড়ে উঠেছে, পায়ে লাগছে। সেই ছেলেরা একরাতে পরিষ্কারভাবে দুনিয়া আর রাজনীতি থেকে তুলে ফেলে ওই দুজনকে; আমরা তা জানতে পেরে অল্প অল্প শিউরে উঠি, কিন্তু কোনো কথা বলি না। আগুজদিন ও তার ছেলে গেছে, তাতে আমাদের কী? সেও কি এমনভাবেই তুলে ফেলে নি শেখ আনসারজিনকে; আর পারলে সে কি তুলে ফেলতো না এমপি সাহেবকে? কাঁটা তুলে না ফেলে পথে হাঁটা যায় কী ক’রে? পুলিশ কয়েক দিন খুবই ঘোরাফেরা করলো গ্রামে, এমপি সাহেবের পেছনে পেছনে আমরা তাদের পোষা প্রভুভক্তগুলোর মতো হাঁটতে দেখলাম, ইকুলের দুটি ছেলে আর মাঠের তিনটি রাখালকে তারা ধ’রে নিয়ে গেলো, এমপি সাহেব কয়েক বার গিয়ে আগুজদিনের দুই বউকে ধ’রে কাঁদলেন, এবং সব কিছু ঠিকঠাক হয়ে গেলো।

আমাদের সেই ছেলেরা, এমপি সাহেবের সাত পুত্র, তার লম্বা শক্ত হাতেরা কোথায় গেলো?

আমরা দূরের মানুষ, আমরা কী ক’রে জানবো? আমরা শুধু দেখতে পাই সেই সাত ছেলের বাপেরা আর ভাইয়েরা ওধু ঢাকা যাচ্ছে আর ফিরে আসছে, কারো সাথে বেশি কথা বলছে না, মসজিদে গিয়ে নামাজ পড়ছে পাঁচ সাতবার, মুখ খুব ভার। কয়েক দিন পর দেখতে পেলাম মুখ থেকে ভারটা নেমে গেছে, কিন্তু হাত পা কাঁপছে। কিন্তু আমরা কিছু জানতে পারি না, জানতেও চাই না। সেই ছেলেদের সংবাদটা আমরা পাই অনেক পরে।

শুনতে পাই এমপি সাহেব তাদের নিজের কারখানার গুদামে লুকিয়ে রাখেন; এবং চার দিনের দিন বলেন, ‘পোলারা, ভাবছিলাম তোমাগো বাচাইতে পারাম, এখন দ্যাখতেছি সেইটা সম্ভব হইবো না।’

ছেলেরা জানতে চায়, ‘আমাগো কী অইবো, ছার? আপনে আমাগো বাচান; আপনের লিগাই তো আমরা ওই কাম করলাম।’

এমপি সাহেব বলেন, 'কামটা তোমরা ভালই করছো, তবে সেই কথা কোনো দিন কারো কাছে বইলো না; কিন্তু দ্যাশে থাকলে তোমাগো বাচান যাইবো না।'

ছেলেরা জিজ্ঞেস করে, 'আমরা তয় কই যামু? যামু কেমনে?'

এমপি সাহেব বলেন, 'আমি তোমাগো কোরিয়া পাঠাই দিতেছি, আমার ম্যান পাওয়ার কম্পানিই তোমাগো পাঠানের ব্যবস্থা করবো, কেউ জানবো না।'

তারা বলে, 'দ্যান, ছার, আমাগো পাঠাই দ্যান।'

এমপি সাহেব বলেন, 'হ, তোমাগো কোরিয়া পাঠাই দিমু, আমার লোকরা তোমাগো এয়ারপোর্ট পার কইর্যা ছাইড্যা দিব, তারপর তোমরা নিজেরাই কাজকাম খুইজ্যা লইতে পারবা। কোরিয়ায় কামের আইজকাইল অভাব নাই, জাপানে হারাই দিতেছে, মালিকরা রাস্তাঘাটে বাংলাদেশি লেবারার খোজে।'

তারা বলে, 'হ, পাঠাই দ্যান, ছার, কাম আমরা পামু। কাম করতে আমাগো কষ্ট আইবো না, দিনরাইত খাটুম।'

এমপি সাহেব বলেন, 'এই গুদাম খেইক্যাই দুই তিন দিনের মইধ্যে তোমাগো রাইতে গিয়া পেনে উটতে হইবো, বাপমা ভাইবোনের লগে দেখা করতে পারবা না। তয় যাওনের আগে এয়ারপোর্টে একবার দ্যাখা করনের ব্যবস্থা কইর্যা দিমু। দূর থিকা তাগো দ্যাখতে পাইবা, তোমাগোও তারা দ্যাখতে পাইবো। কোরিয়ায় গিয়া তোমরা লাখ লাখ ট্যাকা কামাই করবা, কোটিপতি হইয়া দশ পোনের বছর পর দ্যাশে ফিরবা।'

ছেলেরা খুব কৃতজ্ঞ বোধ করে, এমপি সাহেবের পায়ে হাত দিয়ে সালাম করে, মনে হয় তিনিই তাদের বাবা।

এমপি সাহেব সাত ছেলের বাপভাইদের নিয়ে গোপনে বসেন।

এমপি সাহেব বলেন, 'দ্যাশে রাখলে অগো বাচান যাইবো না, ভাই ভাবতেছি অগো কোরিয়া পাঠাই দিমু।'

তারা বলে, 'দ্যান, ছার, অরা আইখানে গিয়া বাচুক।'

তারা খুব কৃতজ্ঞ বোধ করে, এমপি সাহেব মহৎ মানুষ।

এমপি সাহেব বলেন, 'সব খরচ আমিই দিমু, কোরিয়ায় অগো কামের ব্যবস্থাও কইর্যা দিমু, তয় পেনে ফেরারটা আপনেনগো দিতে হইবো।'

তারা সবই চমকে ওঠে।

এমপি সাহেব বলেন, 'বেশি লাগবো না, সাতজনের আড়াই লাক তিন লাক হইলেই হইবো।'

তারা বলে, 'এতো টাকা ত আমাগো হাতে নাই, ছার, এত ট্যাকা কই পামু?'

এমপি সাহেব বলেন, 'অরা ত আর সাতরাইয়া যাইতে পারবো না, যাইতে হইবো পেনে চইর্যাই, আর তার জইন্যে ভারাও লাগবো। থাকলে আমিই দিতাম, আমার হাতে আইজকাইল ট্যাকা নাই।'

তারা কিছু বুঝতে না পেরে এমপি সাহেবের মুখের দিকে তাকিয়ে থাকে।

এমপি সাহেব বলেন, 'বাচতে চাইলে অগো দ্যাশ ছারনই লাগবো। দরকার হইলে জমিজমা কিছু বেইচ্যা দেন, ট্যাকা উশিল হইয়া যাইবো। কোরিয়ায় গিয়া অরা লাক লাক ট্যাকা কামাই করবো।'

কিন্তু জমিজমা যা আছে, তা বেচলে তারা খাবে কী, থাকবে কোথায়; আর এতো ভাজাভাড়া বেচবেই কার কাছে? তাদের মনে হয় তারা খুন হয়ে গেছে তাদের ছেলের হাতে; কিন্তু তাদের ছেলেরা খুন হয়ে যাক ফাঁসিতে ঝুলুক এটা তারা চাইতে পারছে না।

একজন বলে, 'ছার, যা জমিজমা আছে, তা বেচলে নিজেগো খান্নাই চলবো না, থাকনেরও জায়গা থাকবো না।

এমপি সাহেব বলেন, 'আল্লায় না খাওয়াই রাখবো না, আল্লায় থাকন খান্নার একটা ব্যবস্থা কইরাই দিবো।'

এক পিতা বলে, 'তাও না বেইচ্যাই দিলাম, তয় এত তরাতরি কিনবো কে, কার কাছে বেচুম?'

এমপি সাহেব বলেন, 'হ, সেইটা একটা কথা; আর জানাজানি হইয়া গেলেও বিপদ আছে, লোকে জানতে চাইবো জমিজমা ব্যাচতেছেন কেন?'

তারা কিছুক্ষণ ধ'রে উদ্ধারহীন সংকটে পড়ে, এবং তাদের উদ্ধার করেন এমপি সাহেবই।

এমপি সাহেব বলেন, 'আমি আপনোগো জইন্যে এইটা করতে পারি চাইলে আপনারা আমার ছেলের কাছ বেচতে পারেন, আগো নামে রেজিস্ট্রি কইরা দেন, তাগো ট্যাকা থিকা আমি আপনোগো ট্যাকাটা দিয়া সেই। অই ট্যাকা দিয়া টিকেট কিইন্যা দেই।'

এমপি সাহেব মহৎ মানুষ; দু-তিন দিনের মধ্যেই তিনি সেই সাত ছেলেকে কোরিয়া পাঠিয়ে দেন, তাঁর ম্যান পাওয়ার কোম্পানির লোকেরা সেই ছেলের এয়ারপোর্ট পার ক'রে রাজধানির পথে ছেড়ে দেয়; বিমান ওঠার আগে দূর থেকে সেই ছেলেরা একবার দেখতে পায় তাদের পিতামাতাদের, পিতামাতারা দূর থেকে দেখতে পায় সেই ছেলেরা। তাদের বুক এই দেখায় ভ'রে আছে। আমাদের সেই ছেলেরা খুন করতে পারতো; তারা কি কাজ করতে পারতো না? দেশে কাজ নেই, তাই তারা কাজ করবে কোথায়, আর করবেই বা কী কাজ? দেশে খুন করা আছে, কাঁটা তুলে ফেলা আছে, পথ পরিষ্কার করা আছে, তাই তারা খুন করতো, কাঁটা তুলে ফেলতো, পথ পরিষ্কার করতো। কোরিয়ায় কাজ আছে, পলাতকের জন্যেও আছে; সেখানে তারা দিনরাত কাজ করে, লুকিয়ে থেকে কাজ করে, সেখানকার চুং চাং দুং দিং মনিবেরাও জানে কীভাবে ঠকাতে হয়, তারা তাদের ঠকায়, কারখানার জেলের মধ্যে অনেকটা আটকেই রাখে; কিন্তু আমাদের সেই ছেলেরা সেখানে কাজ করে। তাদের হাতে এক সময় পিস্তল ছিলো, সে-কথা তারা ভুলে যায়। দাস হিশেবে তারা ভালো।

চার বছর পর ওই মনিবের কারখানা থেকে তারা বেরিয়ে পড়ে। তাদের সবার চোখে একটি ক'রে স্বপ্ন আছে, সবচেয়ে সুন্দর স্বপ্ন, টাকার স্বপ্ন। তারা বেশ কিছু টাকা করেছে, বুদ্ধি ক'রে দেশেও টাকা পাঠিয়েছে, এমপি সাহেবের মাধ্যমে পাঠায় নি-মনে হয় তারা কী যেনো বুঝতে পেরেছে; আরো বুঝতে পারে দাস হয়ে থাকলে টাকা হয়, আর দাস হয়েই যদি থাকতে হয়, তাহলে কোরিয়ায় কেনো, তার চেয়ে ভালো জাপান।

বাঙলাদেশে ফিরতে তাদের ইচ্ছে করে না, মাঝেমাঝে শুধু স্বপ্নে দেশে ফেরে, মাঝবাক্যে, ভাইবোনকে দেখে, এবং হঠাৎ দুঃস্বপ্ন দেখে তাদের ঘুম ভেঙে যায়। তাই দেশকে তারা স্বপ্নেও দেখতে চায় না। জাপান হয়ে ওঠে তাদের স্বপ্ন, দাসদের স্বপ্নের দেশ জাপান। তাদের চেনা কয়েকজন এর মাঝে জাপান চলে গেছে, মাসে লাখ টাকা রুজি করছে, তারা আর কোরিয়ায় চল্লিশ হাজার রুজি করতে চায় না। তাদের গলাকাটা পাসপোর্ট আছে, তাদের মতো দাস স্বপ্নের দেশে যাওয়ার অনুমতি পেতে পারে না। কোরিয়াই কি তাদের অনুমতি দিয়েছিলো, তারা অনুমতি চেয়েছিলো? তবু কি তারা কোরিয়ায় আসে নি, মাসে মাসে চল্লিশ হাজার রুজি করে নি; সুন্দর সুন্দর রঙিন ছবি তোলে নি; দুই চার পাইন্ট বিয়ার খায় নি? অনুমতি চাইলে আর সীমা মানলে এখন তারা কোথায় থাকতো? কেউ তাদের অনুমতি দেবে না, তারাও অনুমতি নেবে না, শুধু তারা সীমা পেরিয়ে যাবে—স্বাধীন হওয়ার জন্যে নয়, বিশ্ব আবিষ্কার করার জন্যে নয়, শুধু দাস হওয়ার জন্যে।

সেই ছেলেরা জানতে পারে জাপানে যাওয়ার উপায় আছে, মানুষ হিশেবে নয়, মাল হয়ে তারা জাপানে যেতে পারে। তাদের চেনা কয়েকজন বাঙালি বাংলাদেশি মাসখানেক আগে মাল হয়েই জাপানে পৌঁছে গেছে, কোনো অসুবিধা হয় নি, ফোন করে তারা জানিয়েছে, তারা ইয়ামাগুচির জেলেদের কারখানায় মাছ প্যাক করছে, মাসে লাখখানেক থাকবে। মাস তিনেকই জাপানে আসার খরচটা উঠে যাবে, তারপর শুধু জমবে। স্বর্গ ভরেই টাকা ছড়ানো, দিনে আঠারো ঘণ্টা ধরে কুড়োতে হবে, চাইলে আরো বেশি সময় ধরেও কুড়োতে পারে। তারাও জাপান যাবে, মাল হয়েই যাবে; দাস তো মানুষ না, মালই, মালের থেকেও খারাপ; মালের দামই আজকাল বেশি, মাল ছাড়া অন্য কিছুই দাম নেই, তাই মাল হতে তাদের কোনো কষ্ট নেই, শুধু বেহেস্তে গিয়ে পৌঁছতে পারলেই হয়, লাখখানেক থাকলেই হয়। পুসানের সাগর পার থেকে উঠতে হবে ট্রলারে, যাত্রী হিশেবে নয়, মাল হিশেবে, তারপর তিনশো কিলোমিটারের মতো সাগর, ইয়ামাগুচির সাগর পারে গিয়ে ট্রলার ভিড়তে লাগবে সাত আট ঘণ্টা; আর ওই সময়টা, ট্রলার ছাড়ার ঘণ্টাখানেক আগে থেকে ট্রলার ভেড়ার ঘণ্টাখানেক পর পর্যন্ত, দশ ঘণ্টার মতো সময় তাদের থাকতে হবে মাছের বিশাল কন্টেইনারের ভেতর। ভরে কন্টেইনার আটকে দেয়া হবে, মাছের মতো থাকবে তারা, তবে ব্যবস্থাটা বেশ আধুনিক, কোরিয়া জাপানের মতো উন্নত দেশেই সম্ভব, মাগলাররাও এখানে বিজ্ঞান জানে—কন্টেইনারের ভেতর দশ বারোঘণ্টার জন্যে অক্সিজেনের ব্যবস্থা করা হবে, বাতাসের থেকেও ভালো, কোনোই অসুবিধা হবে না। একটু অন্ধকার লাগবে, প্রচুর মাছের গন্ধের স্বাদ পাবে, ইচ্ছে করলে ঘুমিয়েও পড়তে পারে তারা, কোনো বাধা নেই; ঠিক সময়ে দেখতে পাবে কন্টেইনার খুলে বের করা হচ্ছে তাদের, ছেড়ে দেয়া হচ্ছে সাগর পারের নির্জন জঙ্গলে।

সে-রাতে ট্রলার পৌঁছতে দেরি হয়ে যায়, মাঝপথে ইঞ্জিন বিকল হয়ে কয়েক ঘণ্টা দেরি হয়; ইয়ামাগুচিতে যখন কন্টেইনার হুলে আমাদের সেই ছেলেদের বের করা হয়, তখন তারা মাছের মতোই মৃত। অক্সিজেন ফুরিয়ে গিয়েছিলো।

তাদের লাশ ছুঁড়ে ফেলে দেয়া হয় কৌরীয় উপসাগরে। তারা তাদের স্বপ্নের দেশ জাপানে পৌঁছেছিলো; তাদের আর দুঃস্বপ্নের দেশে ফিরতে হয় নি।

আমরা খোয়াবের দেশের মানুষ; রোজ দুই তিন বেলা আমরা ভাত খাই, অনেকে একবেলাও খেতে পাই না, কিন্তু দশ বিশ বেলা আমরা খোয়াব দেখি, তার থেকে বেশিও দেখি হাতে কোনো কাজ না থাকলে, অনেকে সারাজীবনটাই খোয়াবের মধ্যে কাটিয়ে দিই। আমাদের পথেঘাটে বিরাট বিরাট খোয়াবির দেখা মেলে; ওই খোয়াবীদের মহৎ জীবনকাহিনী আমরা দুই হাতে লিখে ছেলেমেয়েদের বইতে পাঠ্য করে দিই। খোয়াব আমাদের দুই রকম, জাগনাখোয়াব আর ঘুমনাখোয়াব; দুই খোয়াবে দু-রকম জিনিশ দেখি আমরা; আর জেগে দেখা স্বপ্ন ও ঘুমিয়ে দেখা স্বপ্নের গোলমালে আমাদের রাজ্য শহরের ব্যস্তির ছেনের পানির মতো ময়লা হয়ে যেতে থাকে।

গাদিঘাটের আলালদির খোয়াবের কথাই প্রথম মনে আসছে।

কয়েক দিন আগে আলালদি বাড়ির পূর্বপাশের জামগাছটির নিচে ব'সে ছিলো, ছেঁড়া শূঙ্গির ভেতর থেকে বেরিয়ে ঢলঢল করছিলো তার হোল দুটি, কেনো সে ব'সে ছিলো সে জানতো না; শুকনো পুকুরটির দিকে তাকিয়ে তার কেমন লাগছিলো, তা সে বুঝতে পারছিলো না; এমন সময় সে খোয়াব দেখে সে বিলের দিকে যাচ্ছে, আর তার সামনে হালটের ওপর লাফিয়ে ওঠে দুটি লাল রুইমাছ। দু-পাশেই পানি টলমল করছে কচুরিগানা আর দলঘাসের ভেতর, মাঝখানে সরু হালটের ওপর লাফাচ্ছে দুটি রুইমাছ; আলালদি দুটির ওপরই ঝাঁপিয়ে পড়ে, একটি ধরতে গেলে আরেকটি পিছলে যায়, হাতে একটি দুটি আঁশ আর সারা শরীরে অপরূপ গন্ধ লেগে থাকে, আর দু-একটি লাফ দিতে পারলেই মাছ দুটি পানিতে গিয়ে পড়বে, আলালদি মাছ দুটির ওপর বারবার লাফিয়ে পড়তে থাকে, কিছুতেই একটিকেও আর পানিতে ফিরে যেতে দেবে না, সে দেয় না, দুটি মাছেরই কানশার ভেতর দিয়ে সে হাত ঢুকিয়ে দেয়, হাত ঢুকোতে গিয়ে হাত তার কেটে যায়, কিন্তু সে মাছ দুটিকে ছাড়বে না, মাছ দুটি নিয়ে দাঁড়িয়ে আনন্দে সে তার ছেলের নাম ধ'রে চিৎকার করে ডেকে ওঠে।

তার আনন্দ চিৎকার তার স্ত্রী পারলির কানে গিয়ে আর্তনাদের মতো ঢোকে।

তার স্ত্রী ছুটে এসে জিজ্ঞেস করে, 'তুমি এত চিল্লাইতে আছ ক্যান, ছুরইত্তার মতন তুমিও পাগল অইয়া গ্যালা নি?

আলালদি লজ্জা পেয়ে বলে, 'খোয়াব দেখছি, রুইত মাছের খোয়াব।'

পারলি ঠোঁট বাকিয়ে বলে, 'তোমার বাপেও রুইত মাছ দ্যাছে নাই, তোমার মতন মরদ দ্যাছে রুইত মাছ।'

আলালদি বলে, 'আসল রুইত মাছ না, খোয়াব দেখছি।'

পারলি বলে, 'খোয়াবেও তোমার মিরকা মাছই দ্যাহনের কতা, তুমি মিরকা মাছের পুরুষপোলা।'

আলালদি খোয়াবে আচ্ছন্ন ব'লে রাগতে পারে না, নইলে সে পারলির বাপের নাম ভুলিয়ে দিতো, যেমন সে মাঝেমাঝেই ভুলিয়ে দেয়। পারলি তখন নিজের বাপের নাম ভুলে আলালদির নাম ডাকতে থাকে।

আলালদি বলে, 'বড়ো সুখ লাগতছে, রুইত মাছ দেকছি।'

পারলি বলে, 'খোয়াব লইয়াই থাক, রান্নার লিগা বইচা মাছও নাই।'

ওই আলালদিই রাতের বেলা ঘুমনাখোয়াব দেখে হুহু ক'রে কেঁদে ওঠে।

খোয়াবে সে তার কুমড়ো ক্ষেতটি দেখতে পায়।

আলালদি দেখতে পায় তার ক্ষেত ভ'রে বড়ো বড়ো কুমড়ো হয়েছে, একেকটি একমণ দু-মণ হবে, এতো বড়ো কুমড়ো তার ক্ষেতে আগে কখনো হয় নি, হওয়ার কথাও সে কখনো ভাবে নি। কুমড়োগুলো শুধু বড়োই নয়, খুবই কচকচে, নলামাছ দিয়ে বেলেও মধুর মতো লাগবে, ইলিশ মাছের সাথে লাগবে রসপোহ্যার মতো।

কুমড়োগুলোকে ছুঁয়ে দেখতে ইচ্ছে হয় আলালদির। ছোঁয়ার সময় তার মনে হয় সে পারলির দেহটা ছুঁছে; আজকের পারলির নয়, যে-রাত্রে সে পারলিকে মাফায় ক'রে কান্দিপাড়া থেকে নিয়ে এসেছিলো, সে-রাতের পারলির দেহের মতো। কিন্তু ছুঁতে গিয়েই ভয় পেতে থাকে আলালদি; প্রথম কুমড়োটি ছুঁতেই তার আঙুল কুমড়োর ভেতরে ঢুকে যায়, তারপর পুরো হাতটিই ঢুকে যায় কুমড়োটির ভেতর, বিরাট কুমড়োর ভেতর থেকে ভজভজ ক'রে বেরোতে থাকে মলমূত্র, কুমড়োটি তাকে টেনে ঢুকিয়ে ফেলতে চায় খালের ভেতরে। আলালদি কোনো রকমে হাত টেনে সরিয়ে আনে, এবং ছোঁয় আরেকটি কুমড়ো; ছোঁয়ার সাথে সাথে কুমড়োর ভেতর থেকে গলগল ক'রে উপচে পড়ে মলমূত্র, আলালদি মলমূত্রের নিচে তলিয়ে যেতে থাকে, আর কুমড়োটি তাকে চুমুক দিয়ে নিজের খালের ভেতর ঢুকিয়ে ফেলে। আলালদি চিৎকার করতে চায়, পারে না; সে আবর্জনার ভেতর লুপ্ত হয়ে যেতে থাকে; শুধু হুহু শব্দ উঠতে থাকে।

পারলি তাকে ঠেলা দিয়ে জিজ্ঞেস করে, 'অ, রহমানের বাপ, এমন কইর্যা পোসাইতে আছ ব্যান?'

আলালদি কাঁপতে কাঁপতে বলে, 'আমারে ধরিছ না, আমার শরিলে গু-মুত; কুমরাখ্যাত গু-মুতে ভইর্যা গ্যাছে, আমি গু-মুতে ডুইব্যা গ্যাছি।'

পারলি বলে, 'তুমি কী যে কও, গু-মুত আইব কোন হান থিকা। তুমি আইজকাল ছুরইন্তার মতন পাগল অইয়া যাইতাছ।'

আলালদি বলে, 'কুমরার ভিতর গু-মুত; আমারে চাইক্যা ফ্যালছে, আমি বাইর অইতে পারতাছি না।'

তারপর আলালদি আবার ঘুমিয়ে পড়ে।

সকালবেলা পারলি জানতে চায়, 'তুমি রাইতে কিয়ের গু-মুতের খোয়াব দ্যাকলা, কুমরাখ্যাতে গু-মুতের কতা কইলা?'

আলালদি তার খোয়াব মনে করতে পারে না।

এমন অজস্র খোয়াব আমরা দিনরাত দেখছি; আমাদের খোয়াবের কথা দেশের চারদিকে ছড়িয়ে পড়ছে, আমরা সেগুলো নিয়ে খুবই ব্যস্ত রয়েছি।

জনদরদী সমাজসেবক বিশিষ্ট শিল্পপতি বান্দিরগোলা পাড়াকমিটি ও আল মদিনা মসজিদ কমিটির চেয়ারম্যান পশ্চিম ধনেরপাড়া ডিগ্রি কলেজ কমিটির সভাপতি আলমিনার তিনতারা হোটেলের এমডি বিসমিল্লা ব্যাংকের চেয়ারম্যান (এবং

খাণ্বেলাপি) সুলতানপুর এতিমখানা ফোরকানিয়া মাদ্রাসার প্রতিষ্ঠাতা অ্যাপোলো ম্যান পাওয়ার অ্যান্ড ট্র্যাভেল এজেন্সির চেয়ারম্যান আমেরিকান গার্মেন্টস-এর এমডি তৃত্বপূর্ব ওয়ার্ড কমিশনার ছলছলাতির পীর সাহেবের মুরিদ ইত্যাদি ইত্যাদি আলহাজ্জ মোহাম্মদ হামিদ আলি বিন শমশের সাহেবের ষোড়শী কন্যা মোসাম্মৎ বেনজির হাফসানা রুবাইয়াত বিউটির খোয়াবগুলো আমাদের খুব আশাবিত করছে এবং ভাবিয়ে তুলেছে।

মিস বেনজির হাফসানা রুবাইয়াত বিউটি চার বছর আগে প্রথম ষোড়শী হয়; তারপর তার আর বয়স বাড়ে নি, সে স্থির ষোড়শী হয়ে আছে। গত বছর সে প্রথম মাধ্যমিক পরীক্ষায় ফেল করে-পরীক্ষার সময় সে অসুস্থ হয়ে পড়ে, এবং এবারও অসুস্থ ও ফেল করার পর সে খোয়াব দেখতে শুরু করে। আলহাজ্জ হামিদ আলি বিন শমশের সাহেব তাকে আমেরিকা পাঠাতে চেয়েছিলেন, পর্তুগালিষ বছর বয়স্ক একজন বিশিষ্ট শিল্পপতির সাথে বিবাহেরও ব্যবস্থা করেছিলেন, কিন্তু তার ষোড়শী কন্যা সে-সব বাতিল ক'রে দিয়ে শুধু খোয়াব দেখছে।

একদিন দুপুরে মিস বিউটি চিৎকার ক'রে ওঠে, 'আম্মা, দেখে যাও, বোম্বে থিকা ফটোগ্রাফার কিম্বাণকুমার আসছে। এইবার আমার জ্বিম ফুলফিল হইলো।'

মিস বিউটি তার শীততাপদমিত শয্যাকক্ষে গেঞ্জিটাকে নিচের দিকে টেনে পেছন কাঁপিয়ে ক্যাট ওয়াক করতে থাকে, কখনো নাচতে থাকে, গান গাইতে থাকে-প্যায়ার প্যায়ার প্যায়ার তনহা তনহা তনহা।

আম্মা বাসায় ছিলেন না, তাই তিনি আসেন না, পীর সাহেবের বাড়ি গেছেন তিনি; দুটি কাজের মেয়ে ভয় পেয়ে দৌড়ে আসে।

ছমিরন বলে, 'আফা, কী অইছে আপনার আমাগো কন; আপনে এমুন কইর্যা হাডাহাডি করতাহেন ক্যান?'

মিস বিউটি বলে, 'বোম্বে থিকা ফটোগ্রাফার আসছে, এইবার আমার জ্বিম ফুলফিল হইলো। আমি মডেল হব, হিরোয়িন হব, বোম্বে যাব।'

মিস বিউটি তার গেঞ্জি আরো নামিয়ে আনে, দুটি বেশ বড়ো বস্তুর অর্ধেকের বেশি দেখা যায়।

শেফালি বলে, 'হ আফা, মডেল অইলে আপনারে বড়ো মানাইব, আপনার ওই দুইডা মইনশা কৈরেলার দুইডারে ছাড়াই গ্যাছে।'

মিস বিউটি শেফালিকে জড়িয়ে ধ'রে বলে, 'ডারলিং, কথটা টু বললি তো?'

ছমিরন বলে, 'হ আফা, আপনার পাছাও আল্লার রহমতে বড়ো মাদুরির চাইতে, হাডনের সোম খালি ফাল ফারে।'

মিস বিউটি খিলখিল ক'রে হাসতে থাকে, 'আমি মাদুরী হইবো কাজল হইবো; আই অ্যাম হিরোয়িন।'

মিস বিউটি ক্যাট ওয়াক করতে থাকে, নাচতে থাকে, গাইতে থাকে; একবার গাছের গুঁড়ি ভেবে কোলবালাশ জড়িয়ে ধরে।

ছমিরন আর শেফালি রান্নাঘরে গিয়ে একে অন্যকে বলে, 'দ্যাকতে মুরগির মতন, আর হে অইব মাদুরি, হে অইবো কাজল।'



মোসাম্মৎ বেনজির হাফসানা রুবাইয়াত বিউটি ঘুমনাখোয়াবে দেখে ভিন্ন রকম ব্যাপার, যা জানতে আমাদের বেশ দেরি হয়; কেননা তার ওই খোয়াবটিকে চূড়ান্ত গোপনীয় বস্তু ব'লে অনেক দিন অটকে রাখা হয়। কিন্তু আমাদের সত্যের দেশে কিছুই গোপন থাকে না, সত্য একদিন এখানে প্রকাশ পেয়েই যায়; আমরা সত্য থেকে কখনোই বঞ্চিত হই না। মোসাম্মৎ বেনজিরের ওই সমস্যাটি শুরু থেকেই ছিলো, যেমন আছে আমাদের অধিকাংশ দ্বিতীয় লিঙ্গের, অর্থাৎ তার মাসিক নিয়মিত ছিলো না। কখনো মাসের পর মাস বন্ধ থাকতো, আবার কখনো মাসে দু-বার দেখা দিতো, কখনো গলগল ক'রে ঝরতো, কখনো দেখা দিতো সামান্য ইঙ্গিত। একরাত্তে সে খোয়াব দেখে তার শরীর খুব ব্যথা করছে, মাথা ফেটে পড়ছে, তলপেট ভারি হয়ে উঠেছে; সে বুঝতে পারে তার সময় এসে গেছে, তাই সে সেনিটারি টাওয়ারে খুঁজতে থাকে। কিন্তু সে দেখতে পায় গলগল ক'রে কালচে রক্ত বেরিয়ে আসছে তার মুখ দিয়ে, নাক দিয়ে, তার সারা শরীরের লোমকূপ দিয়ে; শুধু যেখানে দিয়ে বেরোনোর কথা সে-স্থানটি থাকে ঝামাপাথরের মতো শুষ্ক। মোসাম্মৎ বেনজির হাফসানা রুবাইয়াত বিউটি ময়লা রক্তের স্রোতের নিচে হারিয়ে যেতে থাকে; সে দেখতে পায় রক্তে লুপ্ত হয়ে যাচ্ছে খাটপালং, বাড়িঘর, তাদের চারতলা দালান, বারিধারা, গুলশান, বনানী, বাস, ট্রাক, ঢাকা শহর, বুড়িগঙ্গা, সারাদেশ; সে চিৎকার করে, তার চিৎকার কেউ শুনতে পায় না।

শুধু আমরা নই, আমাদের নদীনালা খালবিল পুকুর জমি গরুগাভী পথঘাট নৌকো জাল মাছ কাক চিল চড়ুই টুনটুনি দোয়েল ঘরবাড়ি গাছপালা সাপ ব্যাঙ কঁকড়া শেয়াল কুকুর বেড়াল রিকশা লঞ্চ বাস ট্রাক পোল ব্রিজের দিকে তাকালেও মনে হয় তারা সবাই খোয়াব দেখছে। তাদের খোয়াবের কথা আমরা জানতে পারি না তারা কথা বলতে পারে না ব'লে; কিন্তু তাদের দিকে তাকালে মনে হয় তারা দিনরাত দুঃস্বপ্ন দেখে চলেছে।

আমাদের ওই বালাসুরের পুকুরটির কপাই ধরা যাক; ওটির দিকে তাকালে মনে হয় ওটি পুকুর নয়, ওটি কোনো দুঃস্বপ্নগ্রস্ত বন্ধ পাগলের চোখ।

পুকুরটিতে অনেক বছর ধ'রে নতুন পানি আসে না। এক সময় ছিলো যখন বোশেখ শেষ হ'তে না হ'তে জ্যেষ্ঠ আসতে না আসতে হালট উপচে খাল দিয়ে ধান তিল আর পাটখেতের ভেতর দিয়ে খেলার মাঠের সবুজ ঘাস কাঁপিয়ে চারদিক উথালপাথাল ক'রে আসতো জোয়ার, থইথই করতো পুকুর, কেঁপে কেঁপে উঠতো; আজ ওই পুকুর কাঁপে না, জোয়ার আর ঢেউ কাকে বলে জানে না। পুকুর অবাক হয়ে ভাবে তার ভেতরের সেই পুঁটি নলা খলশে শিং মাগুর বাহিন য়না তেটকি বাউশ সরপুঁটি বোয়াল কই আইর কই কাতল গরমা ফলি চিতল গজার শোল নামের আনন্দগুলো গেলো কই? সেই কম্পনগুলো কোথায়/কোথায় সেই ঘাই ডাব লাফ? কোথায় টাকির পোনার সোনালি ঝাঁক? কোথায় শোলের পোনার লাল নৃত্য? কোথায় পানি? তার বুকে যতোটুকু পানি আছে, তা আর তার কাছে পানি মনে হয় না; মনে হয় চোখ ভ'রে

ছড়িয়ে পড়েছে ঘোলাটে কেতুর। তার চোখ চটচট করছে, বন্ধ হয়ে আসছে; সে কিছুই দেখতে পাচ্ছে না।

পুকুরটির দিকে তাকালে বুঝতে পারি পুকুরটি জোয়ারের নতুন পানির উল্লাসের স্বপ্ন দেখছে। কিন্তু জোয়ার আর আসবে না।

পুকুরটির দিকে তাকালে বুঝতে পারি পুকুরটি রুইমাছের লাল গতির স্বপ্ন দেখছে। কিন্তু রুইমাছ আর আসবে না।

পুকুরটির দিকে তাকালে বুঝতে পারি পুকুরটি কেঁপে কেঁপে ওঠার স্বপ্ন দেখছে। কিন্তু পুকুর আর কেঁপে কেঁপে উঠবে না।

আমরা সবাই খোয়াব দেখছি, তবে এখন সবচেয়ে বেশি খোয়াব দেখছেন আমাদের রাজারা; খোয়াবে খোয়াবে তাঁরা যেমে উঠছেন, খোয়াবে খোয়াবে তাঁরা সুখে ভ'রে উঠছেন; এবং আমরা তাঁদের খোয়াবের বিবরণ নিয়ে মেতে আছি। ঘর থেকে বেরোলেই আমরা একে অন্যকে জিজ্ঞেস করি, রাজারা আমাদের নিয়ে আজ কী খোয়াব দেখেছেন? আমরা তাঁদের খোয়াব নিয়ে দিনরাত আলোচনা করি, তাঁদের খোয়াবের ওপরই নির্ভর করে আমাদের জীবন, বিশেষ ক'রে মরণ।

প্রথম আমাদের কানে আসে রাজাকার রাজবংশের অধ্যাপক আলি গোলামের খোয়াবের কথা; তাঁর জাগনাখোয়াব আর ঘুমনাখোয়াব দুটির কথাই আমরা জানতে পারি, জেনে আমরা উল্লাস আর ভয়ে কঁকড়ে যাই।

খেজুরগাছের দেশ থেকে কিছুক্ষণ আগে তিনি এক মুরগির যোন পেরিয়েছেন; ফোন রাখার পরই তিনি খোয়াবটি দেখতে শুরু করেন। কয়েক রেকাত সালাতের ইচ্ছে ছিলো, কিন্তু মধুর খোয়াবটি এসে তাঁকে সালাতের কথা ভুলিয়ে দেয়।

আলি গোলাম প্রথম টগবগ টগবগ টগবগ শব্দ শুনতে পান, তারপর চিহি চিহি চিহি চিহি চিহি শব্দ শুনতে পান, পরে তলোয়ারের ঠনঠন শব্দ শুনতে পান, আরো পরে শুনতে পান ট্রা ট্রা ট্রা ট্রা ট্রা ট্রা ট্রা ট্রা।

আলি গোলাম দেখতে পান তাঁর অশ্বারোহীরা আসছে, সপ্তদশ নয় হাজার হাজার, আকাশ থেকে বাতাস থেকে সড়ক দিয়ে গলি দিয়ে ধানক্ষেত মাড়িয়ে অ্যাভিনিউ ভেঙেচুরে তারা চানতারা পাক ঝাঙা উড়িয়ে আসছে; ঘোড়ার খুরের শব্দে তিনি চান-তারা চান-তারা চান-তারা আওয়াজ শুনতে পান। পথে পথে কল্যা খ'সে পড়ছে বিধর্মীর, কাফেরের ময়লা রক্তে মাটি কালো হয়ে যাচ্ছে, চানতারা উড়ছে গাছে গাছে বাড়ির ছাদে ছাদে, পবিত্র হচ্ছে বাংলাদেশ। একটু পরে চোখের কেতুর মুখে দেখতে পান গুগুলো অশ্ব নয়, তাঁর সালেহিনরা ঘোড়ায় চ'ড়ে আসে নি, আজকাল ঘোড়া নেই, ঘোড়ায় চ'ড়ে কিছু দখল করা যায় না, তারা আসছে জিপে, ট্রাকে, আসছে ট্যাংকে কামান দাগিয়ে। তাদের হাতে তলোয়ার নেই, আজকাল তলোয়ারে চলে না; তারা আসছে মেশিনগান এসএলআর হাতে, মর্টার ছুঁড়ে, বেয়নেট চার্জ করতে করতে; আর তাদের পবিত্র পায়েয় নিচে আত্মসমর্পণ করছে বিধর্মীরা। দিকে দিকে আহাজারি উঠেছে, ওই আহাজারি কাফেরদের, কাফেরদের আর্তনাদ তাঁর কানে মধুর শ্রোকের মতো লাগছে; তাঁর সালেহিনরা ভেঙে ফেলছে কাফেরদের দুর্গ বিশ্ববিদ্যালয়গুলো,

বেলেহাজ মেয়েলোকগুলোকে বেয়নেট দিয়ে খুঁচিয়ে খুঁচিয়ে পরিয়ে দিচ্ছে কাফনের মতো কালো বোরখা; তিনি দেখতে পান একটি চানতারা সিংহাসন এগিয়ে আসছে তাঁর দিকে, তিনি গিয়ে বসছেন। চারদিকে শব্দ উঠছে জিন্দাবাদ জিন্দাবাদ।

আলি গোলাম উল্লাসে লাকিয়ে উঠে বলেন, 'দ্যাশে আর কাফের থাকিবে না, অন্য কোনো বহি থাকিবে না, আবু আলার রাষ্ট্র স্থাপিত হইল।'

তাঁর এমন উল্লাস আগে কেউ দেখে নি, তাঁকে পাহারা দেয় যে সালেহিনরা তারাও দেখে নি। তাঁর উল্লাস দেখে তারা ভয় পায়।

তারা দৌড়ে এসে জিজ্ঞেস করে, 'হে আমির, আপনি এমন করতেছেন ক্যান? আপনার মৃগীরোগটি কি আবার দ্যাখা দিয়াছে?'

আলি গোলাম বলেন, 'মৃগীরোগ নহে, সালেহিনরা পাক ওয়াতান কায়েম করিয়াছে, তোমরা বন্দুক ফুটাও।'

তারা বলে, 'হে আমির, আপনে খোয়াব দেখিতেছেন, কোনো পাক ওয়াতান কায়েম হয় নাই, বন্দুক ফুটাইলে আমাদের বিপদ হইবে।'

আলি গোলাম বেদ্বীন বাস্তবে ফিরে এসে সালাত কায়েম করতে বসেন।

আলি গোলামের জাগনাখোয়াবের থেকে ঘুমনাখোয়াব অনেক বেশি আকর্ষণীয়; তাঁর ওই খোয়াবে আমাদের বাজার ছেয়ে গেছে, কয়েক দিন আমরা অন্য খোয়াব খরিন না ক'রে তাঁর ঘুমনাখোয়াব খেয়েই দিন কাটাই। ওই খোয়াবের মাজেজা আমরা বুঝতে পারি না, বোঝার আগেই আমরা ভয়ে চিৎকার ক'রে উঠি, তারপর আবার ওই খোয়াব নিয়ে ফিসফিস ক'রে আলাপ করি।

আলি গোলাম দুটি আতরমাখা কোলবালিশ জড়িয়ে ধ'রে শুয়ে ছিলেন শুক্রবার রাতে, একটু দেরিই হয়ে গিয়েছিলো তাঁর; কে যেনো তাঁকে ধমকে বলে, ঘুমাও আলি গোলাম। ধমক খেয়ে তিনি ঘুমিয়ে পড়বেন।

ঘুমিয়ে পড়ার কিছুক্ষণের মধ্যেই তিনি খোয়াবটি দেখতে শুরু করেন।

আলি গোলাম দেখতে পান তিনি চিৎ হয়ে শুয়ে আছেন, পরেছেন শুধু শালোয়ার, আর কিছু নেই। বুকের দিকে তাকিয়ে তাঁর চোখে পড়ে পাকা পাকা পশমগুলো দাঁড়িয়ে যাচ্ছে, প্রথম বেশ মজা পান তিনি; শীত লাগে নি অথচ পশম দাঁড়িয়ে যাচ্ছে, বুকেটিকে তাঁর একটি খেজুরবাগান ব'লে মনে হয়, কিন্তু বুকে হাত দিতেই কয়েকটি লোম তাঁর হাতে সূচের মতো বিধে যায়। তিনি তাড়াতাড়ি হাত সরিয়ে আনেন। তিনি উপুড় হ'তে গিয়ে পারেন না, সূচের মতো পশমগুলো বিধে যেতে থাকে; তিনি আবার চিৎ হয়ে শোন। পেটটি তাঁর জন্মসূত্রের স্মৃতি, কিন্তু পেটের দিকে তাকিয়ে দেখেন পেটটি আস্তে আস্তে ফুলে উঠছে। তিনি বেশ তাজ্জব বোধ করেন, পেট ফোলায় কোনো কারণ নেই, সেই সকালে দুটি মুরগি আর দশখান রুটি ছাড়া বিশেষ কিছু তিনি আহা করেন নি; অকারণে পেট ফুলে ওঠায় পেটটিকে তিনি কমনি কমজান্তা ব'লে তিরস্কার করেন, কিন্তু পেটটি তাঁর ফুলে উঠতেই থাকে একটু একটু ক'রে।

আলি গোলাম কয়েকটি গ্লোক আবৃত্তি করেন, কিন্তু তাতে পেটের ফোলা থামে না, বরং ধীরে ধীরে বাড়তেই থাকে। তিনি দু-হাতে পেটটিকে চেপে ধরেন যাতে আর ফুলতে না পারে, কিন্তু নদীর জোয়ার কেউ চেপে দমাতে পারে না, তাঁর পেটও

বাড়তেই থাকে। একবার তিনি উঠে বাথরুমে যেতে চান, কিন্তু নিজেকে এতো ভারি লাগে যে উঠতে পারেন না; আবার চিৎ হয়ে পড়েন। এখন পেটটি বেশ উঁচু হয়েছে, মোসাম্মৎ গোলাম বিনতে মর্জিনা খাতুনের জন্নের আগে বিবির উদর দেখতে যেমন মরা ছোলা ছাগলের মতো হয়েছিলো তেমন দেখায় তাঁর পেটটি; তিনি ব'লে ওঠেন, ইহা হইতে পারে না, আমি পুরুষপোলা, আমার পেট হইতে পারে না, আমি সহবত করি নাই।

আলি গোলামের পেট বাড়তে থাকে, ভেতরে একটা খচ্চরের লাশ ঢুকে গেছে ব'লে মনে হয় তাঁর; তিনি দেখেন সেটি বড়ো বস্তুর মতো হয়ে উঠেছে, দু-হাতে বেড় পাচ্ছেন না; চিমটি কাটতে গিয়ে দেখেন চিমটি কাটতে পারছেন না, একবার ঘুঘি দিয়ে দেখেন পেটটি লোহার সিন্দুকের মতো শক্ত। পেটটি খুবই ভারি হয়ে উঠেছে; এখন তাঁর মনে হয় পেটের ভেতর কী যেনো খটখট ট্রা ট্রা ভোম ভোম করছে, খচ্চর দৌড়াইতেছে, ভেতরে বিস্ফোরণ হচ্ছে। ওই শব্দে তাঁর পেট আর দেহ আর খাট কেঁপেকেঁপে উঠেছে। এমন বিস্ফোরণ রাস্তায় হ'লে তাঁর শান্তি লাগতো, কিন্তু পেটের ভেতর হচ্ছে ব'লে তিনি কষ্ট পাচ্ছেন।

পেটটি আরো ফুলছে আলি গোলামের, ফুলে ফুলে সিলিংয়ে ঠেকে গেছে, সেলিং হয়তো ভেঙে পড়বে, একবার তাঁর মনে হলো পেটটি এক বিশাল উট হয়ে গেছে, যার আট-দশটা কুঁজ, সামনে পেছনে ডানে বাঁয়ে বেড়ে ঘর ভ'রে ফেলেছে; আলি গোলাম কিছুই দেখতে পাচ্ছেন না, বিশাল পেটের নিচে তিনি মাছির মতো প'ড়ে আছেন। আমি কি মাছি, আমি কি তেলাপোকা, আমি কি ইন্দুর, আমি কি টিকটিকি, আমি কি মুরগির ছাও, আমি কি পোটকামাছ? এরকম ভাবনা আসে তাঁর মাথায়, জট পাকিয়ে যায় ভাবনাগুলো; তিনি একটি দীর্ঘ শ্লোক পড়তে চান, তবে তাঁর মনে আসে না। আমি কহা, নিজেকে প্রশ্ন করেন আলি গোলাম, আমি কি আছি, আমি কি ছিলাম, আমি কি থাকবো? তাঁর মনে হয় পেটের নিচে তিনি তিনশো চান্দ্র বছর ধ'রে চাপা প'ড়ে আছেন; তাঁর পেট আরো ফুলে উঠেছে, দেয়াল সিলিং ভেঙে পড়ার উপক্রম হয়েছে, পোটকামাছের ভেতর অনেকগুলো উট ঠেলাঠেলি করছে। আলি গোলাম চিৎকার করতে চান, পেটের নিচে তাঁর মুখ চাপা প'ড়ে আছে ব'লে পারেন না।

তাঁর পেট ফাটে না, অদ্ভুত পেট, ভেতরে ঘড়ঘড় শব্দ শুরু হয়, তিনি ওই শব্দ শোনার চেষ্টা করেন, ঠিকমতো শুনতে পান না। তিনি ট্রাট্রাট্রা শুনতে চান, কিন্তু ঘড়ঘড় শব্দ উঠতে থাকে পেট থেকে। আলি গোলাম হঠাৎ বমি ক'রে ফেলেন; বমি বেরোতে না পেরে পেটের নিচে মুখের ওপর ঘন হয়ে জ'মে থাকে। আলি গোলাম একটি পরিচিত দুর্গন্ধ পান; ওই গন্ধটিকে তাঁর অদ্ভুত মথুর লাগে। একটু পর মুক্তি ঘটতে শুরু হয় আলি গোলামের; পেছনের দিক দিয়ে প্রবল বেগে শুরু হয় নিঃসরণ, প্রচণ্ড শব্দ হ'তে থাকে, তীব্র বেগে তরলতা উৎক্ষিপ্ত হ'তে থাকে দিগ্বিদিক; তরল পদার্থের সাথে বেরোতে থাকে একটি দুটি তিনটি চারটি হাজার হাজার লখ লাখ কোটি কোটি চানতারা, তিনি দেখতে পান, এতো চানতারা নেই আকাশে, চানতারায় তাঁর ঘর ভ'রে যেতে থাকে, তাঁর শরীর আর মুখের ওপর দিয়ে প্রবাহনের মতো প্রবাহিত হ'তে

থাকে তরল চানভারর ঘন স্রোত; আলি গোলাম হাত দিয়ে মুঠো মুঠো চানভারার তরলতা তুলে চিৎকার করেন, জিন্দাবাদ জিন্দাবাদ।

আলি গোলামের ঘুম ভেঙে যায়, শুনতে পান বাইরে একপাল কুকুর ডাকছে।

আলি গোলামের খোয়াব, ওই খোয়াবের ইতিবৃত্ত, অভিনবত্ব ও তাৎপর্য নিয়ে যখন মশগুল ছিলাম আমরা, তখন আমাদের কাছে এসে পৌছে খোজারাজবংশের বাবরের খোয়াবের বিবরণ। বাবর সাহেব অনেক বছর আগে শ্রেষ্ঠ খোয়াবি হিসেবে নাম করেছিলেন, তাঁকে আমরা খোয়াববন্ধু, খোয়াবপতি, খোয়াবশিল্পী, খোয়াবকৃষ্ণ প্রভৃতি উপাধিতে বিভূষিত করেছিলাম। তখন তিনি শক্তিশালী ছিলেন, আমাদের খোয়াববিজ্ঞানীরা তাঁর খোয়াবাবলি বিশ্লেষণ ক'রে দেখিয়েছিলেন যে বিশ্বখোয়াবের ইতিহাসে খোজাবংশের বাবর শ্রেষ্ঠ খোয়াবি; পরে আবার তাঁরাই দেখিয়েছিলেন যে তাঁর খোয়াবগুলো খুবই নিকৃষ্ট, চামররাও এর থেকে উৎকৃষ্ট খোয়াব দেখে, কেননা ওইগুলো খোয়াব দেখার সাতদিন আগে থেকে পুরোনো সিংগার মেশিনে পুরোনো কাপড়ে শেলাই করা, তালিমারা, জোড়া দেয়া, আঠালাগানো, জংধরা ও পচা। আজকাল তাঁর নাম শুনলেই আমরা হাসি; তাঁর খোয়াবের কথা শুনলে খোয়াব না শুনেই আমরা অতিশয় তৃতীয় শ্রেণীর হাসাহাসি করি।

আমাদের স্বভাবই এই; এককালে যাকে নিয়ে আমরা কাঁদাকাটি করতাম তাঁকে নিয়ে আজকাল আমরা হাসাহাসি করি। আজকাল যাদের নিয়ে আমরা কাঁদাকাটি করছি আগামীকাল তাঁদের নিয়েও আমরা অতিশয় চতুর্থ শ্রেণীর হাসাহাসি করবো।

খোজারাজবংশের মহাগণনেতা কারাকফের এক কোণে ব'সে আছেন, এমন সময় খোয়াবটি এসে তাঁকে সরাসরি ধাক্কা দেয়।

কক্ষটি জুড়ে বেশ অন্ধকার, যদিও দুপুরবেলা; দেয়ালের এখন সেখান থেকে চুনকাম খ'সে পড়েছে, কয়েকটি মাকড়সা সিলিং থেকে সার্কাসের তরুণীদের মতো রংরং খেলা দেখাচ্ছে, দুটি টিকটিকি হঠাৎ লাফিয়ে প'ড়ে তাঁর পা মাড়িয়ে চ'লে গেলো। একটু দূরে মিলিত হয়েছে দুটি নির্লজ্জ তেলাপোকা।

এমন সময় খোয়াবটি এসে তাঁকে চাষার মতো সজোরে আক্রমণ করে।

মহাগণনেতা শুনতে পান নগর জুড়ে উৎসবের শব্দ উঠছে, অগ্রসর বাদ্য বাজছে, লাখ লাখ কণ্ঠস্বর কী যেনো ধ্বনিত করছে; প্রথম তিনি বুঝতে পারেন না, পরে বুঝতে পারেন নগরের জনগণ তাঁর নাম ধ'রে উচ্চকণ্ঠে শ্লোগান দিচ্ছে, বাদ্য বাজিয়ে তারা শ্লোগান দিতে দিতে এদিকে আসছে; তিনি স্পষ্ট শুনতে পান তারা জেলের তাল ভাঙবো মহাগণনেতাকে আনবো, তোমার নেতা আমার নেতা মহাগণনেতা মহাগণনেতা, ফুল এনেছি তাজা বেরিয়ে আসো রাজা শ্লোগান দিতে দিতে তারা এদিকে এগিয়ে আসছে। মুহূর্তের মধ্যে জনগণের বন্য়ার শ্রোতে ভেসে যায় জেলখানা, লাখ লাখ মানুষ ঢুকে পড়ে জেলের ভেতরে। জেলের সব প্রহরী পালিয়ে বাঁচে। জনগণ তাঁকে ফুলের মালা দিয়ে বরণ ক'রে ঘোষণা করে 'হে আমাদের রাজা, তুমি আমাদের চিরকালের রাজা; আমরা সব জালিমকে পুড়িয়ে মেরেছি, তোমাকে নিতে এসেছি আমাদের চিরদিনের রাজা করার জন্যে; তুমি আমাদের সম্রাট।' তিনি দেখতে পান

শহরের শ্রেষ্ঠ সুন্দরীরা (বয়স ৪৫ থেকে ৫৫) চুম্বন করছে তাঁর পদতলে; তারা বলছে, 'তুমি শুধু দেশের রাজা নও, আমাদের বৃকেরও রাজা।'

তিনি লাফিয়ে উঠতে গিয়ে দেখেন একটি টিকটিকি ঝুলছে তাঁর কানে (হ্যানটি সম্পর্কে বিভিন্জন বিভিন্ন মত পোষণ করেন)।

রাতে তিনি দেখেন তাঁর ঘুমনাখোয়াবটি।

তিনি দেখতে পান অপরূপ অরণ্যের ভেতর দিয়ে বয়ে চলছে এক অপরূপবতী নদী, সেই বনে সেই যমুনার পারে সেই ব্রজে তিনি বেড়াচ্ছেন, তাঁর বাহতে পাঁচতারার মতো ঝলমল করছে এক অপরূপসী; তিনি যেই ঠোটে চুমো খেতে যাবেন, একপাল রাক্ষস হৈহৈ ক'রে এসে জোর ক'রে তাঁর কাছ থেকে ছিনিয়ে নিয়ে যায় তাঁর অপরূপসীকে। তিনি তাঁদের পেছনে ছুটতে গিয়ে দেখেন দুই দিক থেকে লাঙলের মতো দাঁত উচিয়ে বল্লমের মতো নখ খাড়া ক'রে কোদালের মতো ঠোট ঝুলিয়ে তাঁর দিকে আসছে দুই রাক্ষসী। দূরে দাঁড়িয়ে আছে আরেকটি বুড়ী রাক্ষসী। তিনি নৌড়োতে গিয়ে পিছলে পড়েন; এক রাক্ষসী তাঁর দুই হাত ছিড়ে পান্তাভাতের সাথে মুখে গোঁজে আরেক রাক্ষসী তাঁর দুই পা ভেঙে জর্দা বানিয়ে হাতির কানের সমান পানের সঙ্গে খায়, এক রাক্ষসী তাঁর মাথাটি খুলে নিয়ে মারবেল খেলে আরেক রাক্ষসী তাঁর দেহটি ভেঙেচুরে ভর্তা বানিয়ে পোড়া মরিচ দিয়ে আহার করে।

রাক্ষসীরা যখন তাঁকে আহার করে তখনো তিনি খোয়াব দেখতে থাকেন।

মহাগণনেতার খোয়াব দুটি আলোড়ন তোলে এক লক্ষ চুরাঙ্গিশ হাজার বর্গ কিলোমিটার জুড়ে; খোয়াববিদরা বলতে থাকেন এই প্রথম তিনি মৌলিক খোয়াব দেখেছেন, এর মধ্যে কোনো ভেজাল, জোড়াতালি, পচা গন্ধ নেই।

আমরা মহাগণনেতা বাবর মুঘলের খোয়াব নিয়ে এক দিনের বেশি ব্যস্ত থাকতে পারি না, তাঁর খোয়াবে মৌলিকত্ব থাকলেও কোনো ভবিষ্যৎ নেই, আমরা গরিবেরাও এটা বুঝতে পারি, তাঁর সবই অতীত; আমরা মৌলিক ও ভবিষ্যৎসম্পন্ন খোয়াবের জন্যে অধীর অপেক্ষা করতে থাকি, এবং পর দিন ভোরবেলার মধ্যেই ঝাঁকে ঝাঁকে ট্রাকে বাসে বিপুল পরিমাণ সম্ভাবনাপূর্ণ খোয়াব আমাদের হাটেবাজারে মাঠেঘাটে জমিতে বাড়িতে এসে পৌছোতে থাকে। সবচেয়ে মৌলিক মূল্যবান ভবিষ্যৎগর্ভ খোয়াব হচ্ছে দুই মহারানীর, কুইন ভিক্টোরিয়া ও সুলতানা রাজিয়ার-মহাদেশনেত্রী ও মহাজননেত্রীর খোয়াব, তাঁদের গিটেই বাধা আমাদের জীবন, বিশেষ ক'রে মৃত্যু-এটাই বেশি গুরুত্বপূর্ণ, মৃত্যুই আমাদের জীবন; তাঁদের নখের লালের ওপর নির্ভর করে আমাদের জীবন-এটা আমাদের জন্যে বিশেষ গুরুত্বপূর্ণ নয়, এটাই আমাদের মৃত্যু, তাঁদের পায়ের আঙুলের ব্যথার ওপর নির্ভর করে আমাদের মৃত্যু, তাঁদের ঘোমটার পরিধির ওপর নির্ভর করে আমাদের জমির শস্য, তাঁদের ঘুম থেকে জাগার ওপর নির্ভর করে আমাদের নদীর জল। তাঁরা অবশ্য নিজেদের জন্যে খোয়াব দেখেন না, দেখেন আমাদের জন্যে; আমরা শুনতে পাই দিনরাত তাঁরা খোয়াব দেখছেন, জাগনা আর ঘুমনাখোয়াবের তাগবে তাঁদের চোখ লাল নীল সবুজ বেগুনি হলদে কালো হয়ে আছে।

তাদের জাগনাখোয়াব আর ঘুমনাখোয়াবের মধ্যে কোনো পার্থক্য থাকছে না; যা দেখতে পারতেন তাঁরা দুপুরবেলা তা তাঁরা দেখছেন মধ্যরাতে; যা দেখতে পারতেন মধ্যরাতে তা দেখছেন সকাল সাড়ে সাতটায় বা দশটায় দুপুর দেড়টায় বিকেল পাঁচটায়। আমরা টের পাই তাঁদের ঘুম আর জেগে থাকার মধ্যে কোনো পার্থক্য নেই, ঘুম তাঁদের জন্যে জেগে থাকা আর জেগে থাকা তাঁদের জন্যে ঘুম। যাদের স্যাণ্ডেলের নিচে ভবিষ্যৎ তাঁদের মগজ ঘুম জানে না জাগা জানে না।

মহাদেশেনেত্রী জাগনাখোয়াবে দেখেছেন—(এটা ঘুমনাখোয়াব হওয়ারই কথা, তবে ঘুম হচ্ছে না ব'লে জাগনাখোয়াবেই তিনি দেখে ফেলেছেন, ফাইভের বইতে এমন খোয়াবের কথা তিনি হয়তো পড়েছিলেন বা দাদীর কাছে শুনেছিলেন কোনো সন্ধ্যায়, দীর্ঘকাল পরে সেটা তাঁর ভেতর থেকে সহজে জেগে উঠেছে)— আকাশে দশটি নীল আর লাল নতুন তারা উঠেছে, ধীরেধীরে সেগুলো একটি মুকুটে পরিণত হলো, অজস্র শাদা তারারা নেচে নেচে ওই মুকুট পরিণে দিলো তাঁর মাথায়, আর আকাশের পশ্চিম থেকে উঠে এলো একটি সিংহাসন, তারারা তাঁকে সিংহাসনে বসিয়ে নত হয়ে চুখন করলো পদতলে।

খুবই উত্তম রাজকীয় ফিলিস্তিনি খোয়াব এটি, তাঁর রাজবংশের রাজপুত্রা এতে গভীর ইঙ্গিত পেয়ে উল্লসিত হয়ে উঠলেন, আমরাও হেঁচ গুরু করলাম। আমরা বুঝতে পারলাম হেলিকপ্টারে চড়ে আগামী বছরগুলোর বন্যা আর তুফানের সুন্দর দৃশ্যরাশি তাঁরাই দেখবেন।

কিন্তু ঘুমনাখোয়াবে তিনি দেখলেন আকাশে বিশটি লাল আর সবুজ নতুন তারা উঠেছে, সেগুলো ধীরেধীরে একটি অপূর্ব মুকুটে পরিণত হলো, অজস্র তারারা সেই তারার মুকুট তাঁর মাথায় পরানোর জন্যে এগিয়ে আসছে, এমন সময় এক ভাইনি রাহু এসে ছোঁ মেয়ে সেই মুকুট নিয়ে নিজের মাথায় পরলো, তাঁর দিকে ছুঁড়ে দিলো, মেঘ ঝড় অন্ধকার; তিনি অন্ধকারে চিৎকার ক'রে উঠলেন।

খোয়াবটি কয়েক ঘণ্টা গোপন ফাইলে চেপে রাখা হয় পাথর দিয়ে, কিন্তু খোয়াবের নিজস্ব প্রাণশক্তি আছে ব'লে কেঁচোর মতো লিকলিক ক'রে প্রকাশ পেয়ে যায়; তাঁর রাজপুত্রা এতে উদ্বিগ্ন হয়ে ওঠেন, আমরাও উদ্বিগ্ন হই। আমরা বুঝতে পারি হেলিকপ্টারে চড়ে আগামী বছরগুলোতে বারবার বিদেশভ্রমণে তিনি ও তাঁরাই যাবেন।

মহাজনেনেত্রী জাগনাখোয়াবে দেখেছেন কোটি কোটি মানুষ মুকুট আর সিংহাসন মাথায় ক'রে আসছে তাঁর বাড়ির দিকে, তারা খুঁজছে তাদের প্রাণপ্রিয় রাজকন্যাকে, এবং তাঁর মাথায় পরিণে দিচ্ছে মুকুট, নাচতে নাচতে তাঁকে বসাচ্ছে সিংহাসনে। আমরা বুঝতে পারি আগামী বছরগুলোতে বারবার বিদেশভ্রমণে তিনি ও তাঁরাই যাবেন।

মহাজনেনেত্রী ওই রাতেই ঘুমনাখোয়াবে দেখেন কোটি কোটি মানুষ মুকুট আর সিংহাসন মাথায় ক'রে আসছে তাঁর বাড়ির দিকে, তারা খুঁজছে রাজকন্যাকে, এবং তাঁর মাথায় পরিণে দিচ্ছে মুকুট, এমন সময় এক ভাইনি এসে ছোঁ মেয়ে নিয়ে যায় তাঁর

মুকুটটি ও সিংহাসন। আমরা বুঝতে পারি আগামী বছরগুলোতে বারবার বিদেশভ্রমণে অন্যরা যাবেন।

মহাদেশনেত্রী জাগনাখোয়াবে দেখেছেন ইরিক্ষেতের পর ইরিক্ষেতে (অবশ্য কোনো দিন বাস্তবে তিনি ইরিক্ষেত বা পাটক্ষেত বা কোনো ক্ষেতই দেখেন নি, তাঁর উঁচু হিলে মাটি লাগবে ব'লে, তবে দেশকে ভালোবাসেন ব'লে ক্ষেত জাতীয় ব্যাপারগুলোকে দেখার কাজ তিনি স্বপ্নেই সম্পন্ন করেন) সোনার গাছে হীরের পাতা আর মুক্তোর শীষ দেখা দিয়েছে। আমরা বুঝতে পারি আগামী বছরগুলোতে টেলিভিশনে আর সংবাদপত্রে দিনরাত শুধু তাঁকেই দেখা যাবে।

তিনি ঘুমনাখোয়াবে দেখেছেন ইরিক্ষেতের পর ইরিক্ষেতে এবং আর যতো ক্ষেত (কী কী ক্ষেত আছে সে সম্পর্কে তাঁর ধারণা রাজকীয়ভাবে অস্পষ্ট) আছে আর শীষ আছে, তাতে পোকা লেগেছে, সব শীষ পচা পোকার মতো প'ড়ে আছে টেকনাফ থেকে তেঁতুলিয়া পর্যন্ত (তিনি অবশ্য স্বপ্নে দেখা এলাকা সম্পর্কে নিশ্চিত নন, কেননা দেশটির পূর্ব বা পশ্চিম উত্তর দিকে না দক্ষিণ দিকে এ সম্পর্কে তিনি নিশ্চিত নন), পদ্মপালে ঢেকে গেছে সূর্য। আমরা বুঝতে পারি আগামী বছরগুলোতে টেলিভিশনে আর সংবাদপত্রে দিনরাত অন্য একজনকেই দেখা যাবে।

মহাজননেত্রী জাগনাখোয়াবে দেখেছেন পদ্মা মেঘনা যমুনা ব্রহ্মপুত্র কর্ণফুলি বুড়িগঙ্গা কাঁকড়া কারাদি ইছামতি মধুমতি সুরমা শীতলক্ষ্যা গোমতি কপোতাক্ষ করতোয়া তুরাগ আরো যতো নদী আছে সব নদী দিয়ে গ্রবল বেগে বইছে জলধারা, আর নদীতে পুকুরে খালে বিলে ভাসছে লাখ লাখ সোনার তরী। আমরা বুঝতে পারি আগামী বছরগুলোতে এ-বংশের রাজপুরুষেরাই পথে পথে স্থাপন করবেন ভিত্তিপ্রস্তর, উদ্বোধন করবেন, সেতু সিনেমা হল মুদিদোকান।

তিনি ঘুমনাখোয়াবে দেখেছেন পদ্মা মেঘনা যমুনা ব্রহ্মপুত্র কর্ণফুলি বুড়িগঙ্গা কাঁকড়া কারাদি ইছামতি মধুমতি সুরমা শীতলক্ষ্যা গোমতি কপোতাক্ষ করতোয়া তুরাগ আরো যতো নদী আছে সব শুকিয়ে সাহারা হয়ে গেছে, ছাইয়ের মতো বালিতে ঢেকে গেছে সুন্দরবন থেকে সাজেক, একদা নদী পুকুর খাল বিলে প'ড়ে আছে তরীর অজস্র অদ্ভুত ভাঙাচোরা বিশিষ্ট কঙ্কাল। আমরা বুঝতে পারি আগামী বছরগুলোতে অন্য বংশের রাজপুরুষেরাই পথে পথে স্থাপন করবেন ভিত্তিপ্রস্তর, উদ্বোধন করবেন, সেতু সিনেমা হল মুদিদোকান।

মহাদেশনেত্রী জাগনাখোয়াবে দেখেছেন তিনি ফুলবনে দখিনা মলয়ে ছন্দে ছন্দে বনফুলের মতো আনন্দে দুলছেন; তাঁর ওপর ঝ'রে পড়ছে শিউলি বকুল পারুল বেলি মল্লিকা। আমরা বুঝতে পারি আগামী বছরগুলোতে তাঁর বংশের রাজপুত্রা ব্যাংক থেকে যতো খুশি ততো কোটি ডলার তুলে নিয়ে শিল্পপতি হবেন।

তিনি ঘুমনাখোয়াবে দেখেছেন তাঁর চারদিকে আগুন লেগেছে, দাউদাউ দাবানলে কাগজের মতো পুড়ছে বন আর ফুলবন আর দোলন। আমরা বুঝতে পারি আগামী বছরগুলোতে অন্য বংশের প্রিয়রা আর রাজপুত্রা ব্যাংক থেকে যতো খুশি ততো কোটি ডলার তুলে নিয়ে শিল্পপতি হবেন।



মহাজননেত্রী জাগনাথোয়াবে দেখেছেন দেশের ৭২৯ জন আধুনিক, উপাধুনিক, প্রাগাধুনিক, পরাধুনিক, গলাধুনিক, স্তবাধুনিক কবিয়াল তাঁর ও তাঁর বংশের নামে ১২৫টি নতুন ছন্দ অবিকার ক'রে পাঁচ হাজার টন পদ্য উৎপাদন করেছেন, আরো তিন হাজার টন পাইপলাইনে রয়েছে, কয়েক দিনের মধ্যেই উৎপাদিত হয়ে গলগল ক'রে পথে পথে ঝ'রে পড়বে। আমরা বুঝতে পারি আগামী বছরগুলোতে তাঁর বংশের মহারাজের নামে নামকরণ করা হবে দেশের সব পথঘাট বিমানবন্দর সেতু সারকারখানা খেলার মাঠ বিশ্ববিদ্যালয়।

তিনি ঘুমনাথোয়াবে দেখেছেন কবিয়ালদের পদ্যগুলো স্তব নয়, গ্রন্থও শ্লোগান, কাঁপছে পথঘাট শহর গ্রাম দালানকোঠা গাছপালা। আমরা বুঝতে পারি আগামী বছরগুলোতে সব পথঘাট বিমানবন্দর সেতু সারকারখানা খেলার মাঠ কাঁচাবাজার বিশ্ববিদ্যালয়ের নামকরণ করা হবে অন্যবংশের রাজাধিরাজের নামে।

এই সব স্বপ্ন আর দুঃস্বপ্নের মধ্যে আছেন আমাদের রাজারা, আছি আমরা; চারদিকে ছড়িয়ে পড়ছে খোয়াবের কলেরা।

আমরা শুনতে পাই শক্তির উৎসবাদী রাজবংশের অধ্যক্ষ রুস্তম আলি পল্টু, জেনারেল কেরামতউদ্দিন, সোলায়মান হাওলাদার খুবই ব্যস্ত সময় কাটাচ্ছেন, নিশ্বাস নেয়ার, এমন কি উপপত্নীদেরও এক-আধঘণ্টা দেয়ার মতো সময় পাচ্ছেন না, সময়ের বড়োই অভাব; কিছুটা ছিন্নবিচ্ছিন্ন রাজবংশটিকে ওড়িয়ে আনার জন্যে তাঁরা মহান জেনারেলকে মনে ও তাঁর আদর্শে অবিচল আস্থা রেখে আশ্রয় সাধনা ক'রে চলছেন। কিছু দিন আগেও তাঁরা রাজা ছিলেন, তারপর এমন হলো যে মনে হচ্ছিলো পাঞ্জেরো আর মার্সিডিস ফেলে পালিয়ে যেতে হবে শহর থেকে; পালাতে গিয়ে মনে পড়লো পালাবেন কেনো? তাঁরা কি জনগণের হৃদয়ের ধন ছিলেন না? কিছু দিন আগেও কি তাঁরা দশ কেজি বিশ কেজি ওজনের ফুলের মালা গলায় পরেন নি জনগণের হাত থেকে? দু-মাস আগেও কি একটা সফল গণতান্ত্রিক নির্বাচনে জয়ী হয়ে তাঁরা দেশকে বাঁচান নি? তাঁরা দেশ না বাঁচালে কে বাঁচাতো? না হয় আর কোনো দল নির্বাচনে অংশ না-ই নিয়েছিলো, সেগুলো গণতন্ত্রের বিশ্বাস করে না ব'লে অমন সুন্দর নির্বাচনটিতে অংশ নেয় নি; কিন্তু তাঁরা কি নির্বাচন ক'রে জয়লাভ করেন নি? এখন কি জনগণ তাঁদের শহর থেকে বের ক'রে দিতে চায়? জনগণকে অবশ্য বিশ্বাস করা যায় না; হারামজাদারা কখন কারে মালা দিবো, কোন নাস্তের লগে ঘুমাইবো, কারে সিংহাসনে বসাইবো তার ঠিক নাই। তবে আসল বদমাইশ ওই জনগণমন রাজবংশের শয়তানগুলো, জনগণ যাদের চায় না, যাদের তিনশো বছরের মধ্যেও রাজা হওয়ার কোনো সম্ভাবনা নেই, কিন্তু রাজা হওয়ার জন্যে যারা কার্তিকের কুস্তার মতো পাগলা হয়ে উঠেছে, তারাই নানা মিথ্যে কথা ব'লে বাসট্রাক ভেঙে আগুন লাগিয়ে ক্ষেপিয়ে তুলেছে জনগণকে। আর আছে হাড্ডিতে হাড্ডিতে গুয়ারের বাচ্চা আমলাগুলো;— ওইগুলোকে সকালে বিকেলে মাগরেবে এশায় এতো প্রমোশন দেয়া হলো, কোটি কোটি টাকা চুরি করার সুযোগ দেয়া হলো, পরস্পরের বউ ভাগানোর জন্যে এতো পুরস্কার দেয়া হলো, তবু বাঞ্চতগুলো রাতার দিকে ছুটলো, জনগণমন রাজবংশের

বাঁশের কেলায় লাফিয়ে উঠে গলা ফুলিয়ে চিল্লাপাল্লা গুরু ক'রে দিলো। দেখে নেয়া হবে সময় এলে, একটাকেও ছাড়া হবে না।

তখন শহরের গাছপালাগুলোর ডালপালা থেকে পথে পথে পাতা ঝরে পড়ছে, অমন নিষ্ঠুর সুন্দর সময়ে শহর ছেড়ে প্রায় পালিয়ে যাওয়ার উপক্রম করেছিলেন এ-বংশের রাজপুরুষেরা, তাঁদের দুর্ধর্ষ রাজপুত্রা-এতো ভয় তাঁরা আর কখনো পান নি; কিন্তু পালানোর জন্যে বেরিয়ে রুখে দাঁড়িয়েছিলেন অধ্যক্ষ রুস্তম আলি পল্টু, জেনারেল কেরামত, সোলায়মান হাওলাদার, বিশেষ ক'রে অধ্যক্ষ রুস্তম আলি পল্টু; এবং রুখে দাঁড়ানোর ফল পাওয়া গিয়েছিলো সঙ্গে সঙ্গে। জনগণমনের দুষ্কৃতিকারীগুলো তাঁদের তাড়া ক'রে ভয় পাইয়ে দিতে চেয়েছিলো, কিন্তু যেই রুখে দাঁড়ালেন অধ্যক্ষ রুস্তম আলি পল্টু, নিজেদের বাঁশের কেলা বানিয়ে ঘোষণা করলেন চোখের বদলে চোখ নাকের বদলে নাক ছিঁড়ে নেয়া হবে, তাঁদের দিকে একটুকু হাতপা বাড়ালে হাতপা ঝুঁড়ো ক'রে দেয়া হবে, তখন থমকে দাঁড়ালো জনগণমনের দুষ্কৃতিকারীগুলো, তারা ভয়ই পেয়ে গেলো; এবং এক বিকেলে অধ্যক্ষ রুস্তম আলি পল্টু নতুন ক'রে পরিণত হলেন নায়কে।

আমরা জনগণরা কোনো দিন বুঝতেই পারি নি যে অধ্যক্ষ রুস্তম আলি পল্টুর থলথলে বুকে এতো সাহস, গলা এতো উচ্চ, কণ্ঠে এতো বজ্র। সুযোগ থাকলে নতুন কোনো দেশের তিনি জাতির পিতা হ'তে পারতেন; এক গর্জনে তিনি দেশছাড়া করতে পারতেন দখলদার বাহিনীকে।

অধ্যক্ষ রুস্তম আলি পল্টু কেলায় ওঠেন প্রথম বক্তৃতা দিতে, বা তাঁকেই প্রথম বক্তৃতা দেয়ার জন্যে কেলায় ওঠালো হয়; এবং তাঁর প্রথম কথায়ই সবাই গর্জন ক'রে ওঠে তাঁর সাথে, বিকেল ও সন্ধ্যা ভ'রে তিনি একলাই বক্তৃতা দেন। তিনি ইতিহাস সৃষ্টি করেন। তাঁর বজ্রকণ্ঠের পর আর কারো বক্তৃতা দেয়ার সাহস হয় না, দরকারও হয় না; অন্যরা শুধু তাঁর সাথে শ্লোগান দিতে থাকেন চারপাশ কাঁপিয়ে, আর শহরের নানা দিক থেকে শক্তির উৎসবাদী দলের প্রজারা এসে পথের উত্তর থেকে দক্ষিণ কোণ পর্যন্ত কানায় কানায় ভ'রে ফেলে। নিজেদের ঝকঝকে জিনিশগুলো জামার নিচে নিয়ে দৌড়ে আসতে থাকেন দলের দুর্ধর্ষ ক্যাডার বা রাজপুত্রা, যারা দুপুরেও শহর ছেড়ে চূপচাপ পালিয়ে গিয়ে জনগণমন রাজবংশে যোগ দেয়ার কথা গভীরভাবে বিবেচনা করছিলেন। তাঁরা জানেন ক্যাডারদের কোনো দিন অমর্যাদা হয় না, ক্যাডার সর্বত্র পূজিত।

অধ্যক্ষ রুস্তম আলি পল্টু প্রথম গলা খুলেই বলেন, 'উৎসবাদী রাজবংশের দুর্ধর্ষ বীরেরা, বুলডজারের মতো সিপাহিরা, তোমরা রুইখ্যা দারাও।'।

সঙ্গে সঙ্গে গর্জন ক'রে ওঠে সবাই, 'আমরা রুইখ্যা দারাছিছি, আমরা রুইখ্যা দারাছিছি।' তাদের গর্জন দশ মিনিট ধ'রে চলতে থাকে।

তিনি বলেন, 'এই দিকে অরা এক পাও বাড়াইলে তোমরা অগো হাত পাও মাথা ঝাড়ু কইর্যা দিবা, মগজ ভর্তা কইর্যা দিবা, চউক্ষের বদলে চউক্ষু নিবা, নাকের বদলে নাক নিবা, অগো শহর থিকা বাইর কইর্যা দিবা।'।

তাঁর বক্তৃতা শুনে উৎসবাদী দলের রাস্তায় লোক উপচে পড়ে, দুর্ধর্ষ ক্যাডাররা আকাশের দিকে তুবড়ি ছুঁড়তে থাকে, দূর থেকে শুনে ভয়ে আমরা জনগণরা কাঁপতে থাকি; আর এ-সংবাদই দুই মাইল দূরে জনগণমন বংশের রাস্তায় ও কেবল্য গিয়ে পৌছলে জনগণমন বংশের রাজপুরুষরা ও ক্যাডাররা ডরে ঠাণ্ডা হয়ে যায়। খুব ভয় পান তাঁরা, তাই কয়েক মুহূর্ত তাঁরা বরফের মতো জ'মে থাকেন, গলা দিয়ে তাঁদের গর্জন বেরোতে চায় না। জমাট গর্জন তাঁদের গলায় আটকে থাকে। জনগণমন গণতান্ত্রিক রাজবংশের ভয়টা, আমাদের মনে হয়, দু-রকম; প্রথম ভয়টা হচ্ছে ক্যাডারে ক্যাডারে লাগলে তাঁরা হয়তো পেরে উঠবেন না, তাঁদের ক্যাডারগুলোতে ভালো ক'রে তৈরি করা হয় নি, আর দ্বিতীয় ভয়টা হচ্ছে এ-সময় যদি কোনো গোলমাল হয়ে যায়, যদি দেশের বড়ো ক্যাডাররা নেমে পড়ে, তাহলে তাঁদেরও পালাতে হবে, সব মাটি হয়ে যাবে। বড়ো ক্যাডাররা নামলে তো আবার দশ বছর। সব মাটি করার জন্যে কি তাঁরা তিন বছর ধ'রে এতো দামি দামি ঘাম ফেললেন? তাঁদের মাথায় ঘামের বড়ো বড়ো ফোঁটায শহরের পথঘাট ভিজে গেছে, তাই তাঁরা এমন সময়ে এমন কাজ করতে পারেন না, যাতে সব কিছু বাঙলাদেশের মাটির থেকেও মাটি হয়ে যায়।

রুখে দাঁড়ানোর কয়েক দিন আগে অধ্যক্ষ রুস্তম আলি পল্টু, জেনারেল কেলামতউদ্দিন, আর সোলায়মান হাওলাদারের মাথায় আরেকটি অব্যর্থ বুদ্ধিও এসেছিলো, কিন্তু সেটি তাঁরা বাস্তবায়িত করতে পারেন নি; পারলে আর রুখে দাঁড়ানোর দরকার হতো না, তাঁরাই এখনো থাকতেন রাজা; জনগণমনদের লেজ নামিয়ে পথ থেকে স'রে যেতে হতো। আমরা মূর্খ জনগণরা রাজনীতির আর কী বুঝি? রাজনীতির রয়েছে দশ কোটি কানাগলি, পাঁচ কোটি উপগলি, সাতাশ লক্ষ ষড়যন্ত্র, বত্রিশ লক্ষ বদমাশি, আরো কতো রাজকীয় ব্যাপার; রাজকীয় কারবারে সবই সুন্দর যদি শুধু ক্ষমতা হাতের মুঠোয় থাকে। জনগণমন রাজবংশের রাজপুরুষরা যখন কেবল্য বানিয়ে রাস্তা জুড়ে গোলমাল ক'রে চলছেন, তিন চারটা মোটাগাটা আমলা যখন কেবল্য উঠে বড়ো বড়ো বক্তৃতা ঝাড়ছেন গণতন্ত্রের জন্যে, তখন অধ্যক্ষ রুস্তম আলি পল্টু, জেনারেল কেলামতউদ্দিন, সোলায়মান হাওলাদার বুঝতে পারেন গোলমালের মূল কোনো মোটাগাটা আমলা নয়, কোনো বড়ো রাজপুরুষ নয়, মূল হচ্ছে একটি রোগাপটকা দারোয়ান। ওই দারোয়ানটাই সব নষ্টের মূল, সবচেয়ে শক্তিমান।

ওই রোগাপটকা দারোয়ানটির নাম মোঃ হামিদ মিয়া।

মোঃ হামিদ মিয়া দারোয়ান, তবে তিনি শুধু দারোয়ান নন। মোটাগাটাচ্যাপ্টা আমলাদের জন্যে দেয়াল দিয়ে ঘিরে যে একটি বিশাল প্রাসাদপল্লী বানিয়ে দেয়া হয়েছে, হামিদ মিয়া সেখানকার দারোয়ান; তবে তিনি নেতা, ওই প্রাসাদপল্লীর নিম্নবর্ণের কর্মচারীদের তিনি এক নম্বর নেতা। তিনি বিদ্রোহ করেছেন ব'লেই ওই প্রাসাদপল্লী ভেঙে পড়েছে, তাঁর আদেশেই নিম্নবর্ণের কর্মচারীরা গলা ধাক্কা দিয়ে প্রাসাদপল্লী থেকে বের ক'রে দিয়েছেন শক্তির উৎসবাদী রাজবংশের রাজাদের। তিনি দেখা দিয়েছেন প্রচণ্ড শক্তিমান রূপে। মোঃ হামিদ মিয়া নিয়ন্ত্রণ করছেন প্রাসাদপল্লী, তাঁর কথায় সবাই উঠছে বসছে, এবং তিনি গিয়ে উঠেছেন জনগণমন রাজবংশের

বাঁশের কেলায়। বাঁশের কেলায় দাঁড়িয়ে মোঃ হামিদ মিয়া অগ্নিগিরির মতো বিক্ষোভ প্রকাশ করে, আর তাতে কেঁপে উঠছে নগর।

অধ্যক্ষ রুস্তম আলি পল্টু বলেন, 'জেনারেল কেরামতউদ্দিন, সোলায়মান হাওলাদার খোজ নিতে থাকেন, বুঝতে পারেন মোঃ হামিদ মিয়াই মূল শক্তি; তাঁকে বশ করা গেলে খেমে যাবে ওই বাঁশের কেলায় বিপ্লব।

দ্রুত পান করতে করতে তাঁরা তাঁদের কর্মপদ্ধতি স্থির করছিলেন।

অধ্যক্ষ রুস্তম আলি পল্টু বলেন, 'হামিদ মিয়াটাই নষ্টের মূল, ওই ব্যাটাই খ্যাপাইয়া তোলছে সচিবালয়, কুত্তারবাচ্চারে আমিই ঢুকছিলাম।'

জেনারেল কেরামতউদ্দিন বলেন, 'কয়টা ক্যাডার লাগাই দেই, দে উইল সলু' দি থ্রেনে বিক্ষোভ ডন।'

সোলায়মান হাওলাদার বলেন, 'ক্যাডাররা আরেকটা নতুন গোলমাল পাকাইয়া তোলতে পারে, ক্যাডার দিয়া কাম হবে না।'

অধ্যক্ষ রুস্তম আলি পল্টু বলেন, 'মিলিটারি অ্যাকশনে এখন হইবো না, এখন দরকার পলিটিক্যাল অ্যাকশন। হামিদ মিয়া আইজকাল একটা বড় ন্যাতা হইছে, জনগণমনআলাগো বড়ো বড়ো ন্যাতার লগে ওঠছে বসছে, তাই তারে পলিটিক্যালি ট্যাকেল করতে হইবো।'

জেনারেল কেরামতউদ্দিন গেলাশটি শেষ ক'রে আরেক গেলাশ ভরতে ভরতে জিজ্ঞেস করেন, 'হাউ উইল ইউ ট্যাকেল দি বাস্টার্ড?'

অধ্যক্ষ রুস্তম আলি পল্টু বলেন, 'অর লগে আইজ রাইতেই যোগাযোগ করতে হইবো, লাখ পাঁচেক ট্যাকা গছাইয়া দিতে পারলে ও চুপ কইর্যা যাইবো।'

সোলায়মান হাওলাদার জিজ্ঞেস করেন, 'ব্যাটারে পাওন যাইব কই? অইটা তো জনগণমনআলাগো বড়ো বড়ো ন্যাতাগো পাশই ছাড়ে না।'

অধ্যক্ষ রুস্তম আলি পল্টু বলেন, 'হাওলাদার সাব, আপনে ত আর পলিটিক্সে জ্যানারেল ভাইর মতো নিউকামার না, এত বামপন্থী ডাইনপন্থী পলিটিক্স কইর্যাও আপনে হোল ট্রুথটা বোঝতে পারতেছেন না।'

সোলায়মান হাওলাদার গেলাশটা শূন্য করতে করতে বলেন, 'অধ্যক্ষ ভাইর মতন পলিটিশিয়ান আইজও হইতে পারলাম না, অধ্যক্ষ ভাই হইছেন আমাগো পলিটিক্সের প্রিন্সিপাল, পলিটিক্সের ভাইচ্যাঞ্চেলার। এখন হোল ট্রুথটা বুঝাইয়া বলেন।'

অধ্যক্ষ রুস্তম আলি পল্টু বলেন, 'মোঃ হামিদ মিয়া আইজকাল কমতার স্বাদ পাইছে, কেলায় উঠি'য়া সামনে এত মানুষ দেইখ্যা পাগল হইয়া গেছে, হত্যেক পলিটিশিয়ানই সামনে মানুষ দেইখ্যা পাগল হইয়া যায়। মদ খাওনের মতন লাগে। বড়ো বড়ো ন্যাতাগো লগে থাইক্যা সেও নিজেই বড়ো ন্যাতা ভাবতেছে। আর আমার মনে হয় ওই জনগণমনআলাও তারে ছাড়তেছে না, সে যাতে ভাইগ্যা না যায় সেই কারণে হামিদরে সব সময় পাশে রাখতেছে। তবে আইজ রাইতেই তার লগে কন্টাক্ট করতে হইবো।'

মোঃ হামিদ মিয়ার সাথে কন্টাক্ট করার জন্যে অধ্যক্ষ রুস্তম আলি পল্টু রাতেই জনপাঁচেক দূত নিয়োগ করেন।

অধ্যক্ষ রুস্তম আলি পল্টু দক্ষ রাজপুরাণ; তিনি দূত হিশেবে কোনো পরিচিত রাজপুরাণকে পাঠান না; সাংবাদিক হিশেবে পাঠান দুজনকে, পাঠান আমলাপল্লীর দুজন নিম্নবর্ণের কর্মচারীকে, এবং আরো দু-একজনকে।

কিন্তু তারা কোথাও মোঃ হামিদ মিয়ার সাথে যোগাযোগ করতে পারেন না। মোঃ হামিদ মিয়া রাতে বাসায় ফেরেন না; কেল্লার মধ্যে তাঁকে দেখা যায়, কিন্তু তাঁর কাছে যাওয়া সম্ভব হয় না। কেল্লা থেকে নেমেই মোঃ হামিদ মিয়া জনগণমন রাজবংশের দুই রাজপুরাণের সাথে কোথায় যেনো মিলিয়ে যান।

বুদ্ধিটা কয়েক দিন আগে আসে জনগণমন গণতান্ত্রিক রাজবংশের নিজামউদ্দিন আহমদ ও মোহাম্মদ আবদুল হাইয়ের মাথায়। মোঃ হামিদ মিয়া আমলাপল্লীতে যেদিন তোলপাড় সৃষ্টি করে ফেলেন, নিজের হাতে গ্রহণ করেন আমলাপল্লীর শাসনভার, সেদিনটিকে লাল অক্ষরে লেখা দিন হিশেবে গণ্য করেন নিজামউদ্দিন আহমদ ও মোহাম্মদ আবদুল হাই; তাঁরা দ্রুত গিয়ে দেখা করেন মোঃ হামিদ মিয়ার সাথে, এবং তাঁকে এনে তোলেন তাঁদের বাশের কেল্লায়।

মোঃ হামিদ মিয়া বাশের কেল্লার মধ্যে দাঁড়িয়ে সামনে জনসমুদ্র দেখে প্রথম ঝাঁপিয়ে পড়তে চান, পরে তিনি শক্ত হন; তাঁর মনে হয় তিনি ওই জনগণের মাথার ওপর তাঁর পা দুটি রেখে দাঁড়িয়ে আছেন।

বক্তৃতা দিতে উঠে আরো বদলে যান মোঃ হামিদ মিয়া। তাঁর মনে হ'তে থাকে তাঁর কণ্ঠ থেকে একটির পর একটি ঠাঠা গর্জন করতে করতে গিয়ে পড়ছে বড়ো বড়ো আমগাছের ওপর, জামগাছের ওপর, ধানক্ষেতে পাটক্ষেতে; আর চারদিক দাউদাউ ক'রে জু'লে উঠছে। তাঁর মনে হ'তে থাকে তিনি সাপুড়ে, সাপ খেলা দেখাচ্ছেন; তাঁর বাঁশিতে সাপের মতো দুলছে সামনের জনগণ। তাঁর মনে হ'তে থাকে ওগুলো মানুষ নয়, ওগুলো তাঁর হাতের পুতুল; তিনি যেভাবে আঙুল নাড়ছেন সেভাবেই নাচছে ওই পুতুলগুলো।

এক জনো মানুষ, আর ওই ছাগল ভেড়া গরু গাধা, বহুবার জন্ম নেয়; বাঁশের কেল্লায় মোঃ হামিদ মিয়ারও নতুন জন্ম হয়; তিনি আমলাপল্লীর নেতা থেকে জননেতা হয়ে ওঠেন।

নিজামউদ্দিন আহমদ ও মোহাম্মদ আবদুল হাই বিশাল সম্ভাবনা আর বিকট ভয় দেখতে পান মোঃ হামিদ মিয়ার মধ্যে।

বাঁশের কেল্লার সভা শেষ হ'লে নিজামউদ্দিন আহমদ ও মোহাম্মদ আবদুল হাই পাজেরোতে উঠিয়ে মোঃ হামিদ মিয়াকে নিয়ে আসেন গুলশানে নিজামউদ্দিন আহমদের ভবনে।

নিজামউদ্দিন আহমদ বলেন, 'ভাই হামিদ মিয়া, চল্লিশ পাচচল্লিশ বছর ধইর্যা পলিটিক্স করতেছি, পাকিস্তানিগো বকতিতা দিয়া কাপাই দিতাম; কিন্তু ভাই আপনার মতন বকতিতা আইজও দিতে পারি না।'

মোঃ হামিদ মিয়ার পাজরের হাড়গুলো অনেকখানি ফলে ওঠে, তাঁর সামনের নেতা দুটিকেও তাঁর মনে হয় তুচ্ছ; সাজানো ড্রয়িংরুমটিকেই তাঁর মনে হয় বাঁশের কেল্লা,

তার গলা থেকে গলগল করে বক্তৃতা বেরিয়ে আসতে চায়। কিন্তু হামিদ মিয়া বক্তৃতা দেন না, কথা বলেন।

মোঃ হামিদ মিয়া বলেন, 'বকতিতা দেওন কোনো কামই না, ছার, পান্তাভাত খাওনের মতন, আমি বকতিতা দিয়া রোডে বিল্ডিংয়ে আঙুন লাগাই দিতে পারি। আপনোগো বকতিতা হুইন্যা হুইন্যাই বকতিতা শিকছি, ছার।'

নিজামউদ্দিন ও আবদুল হাই টের পান লোকটি বেশ নির্বোধ অহমিকাপূর্ণ, শক্তা রাজনীতিবিদ হওয়ার জন্যে সর্বাত্মক উপযুক্ত; সে শক্তির উৎসবাদীদের জন্যে যেমন বিপজ্জনক হয়ে উঠেছে তেমনি বিপজ্জনক হয়ে উঠতে পারে তাঁদের জন্যেও। তাই তাকে তৃপ্ত রাখতে হবে, এবং রাখতে হবে সজ্জত; আর রাখতে হবে পরোক্ষভাবে বন্দী। তাকে তৃপ্ত, জস্ত, বন্দী রাখা বিশেষ কঠিন হবে না; মনে হচ্ছে সহজেই সে ফুলে ওঠে, পাজেরোতে উঠতে গৌরব বোধ করে, আর তাঁদের সদ্ব্যবহারে জাতীয় নেতার মহিমা লাভের সুখ পায়।

আবদুল হাই বলেন, 'হামিদ ভাই, আপনে যে কী কন; আইজ আপনের বকতিতা হুইন্যা ত মনে হইল আপনের কাছেই আমাগো শিখনের অনেক কিছু আছে; এক বকতিতায়ই ত আপনে জাতীয় ন্যাতা হইয়া গ্যাছেন, আমাগো লাগছে চল্লিশ পাচচল্লিশ বছর।'

মোঃ হামিদ মিয়া বলেন, 'আইজ, ছার, গলাটায় একটু ব্যাদনা আছিলো, নাইলে আরও আঙুন জ্বালাই দিতে পারতাম, আরও পোরাইতে পারতাম, কাইল সব ঠিক হইয়া যাইবো দেইখোন, ছার।'

নিজামউদ্দিন বলেন, 'আপনের ভবিষ্যৎ খুবই ভাল, হামিদ ভাই, জনন্যাতা ত আপনে হইয়াই গ্যাছেন, আমাগো দিন আইলে আপনে মন্ত্রী নাইলে হাউজ বিল্ডিংয়ের চ্যারম্যান নাইলে অ্যামবাডাসারও হইতে পারেন।'

হামিদ মিয়া বেশ ফুলে ওঠেন, সামনের খাবার গোথ্রাসে গিলতে থাকেন, বাঁশের কিল্লায় এই মুহূর্তেই আবার তাঁর লাফিয়ে উঠতে ইচ্ছে করে।

হামিদ মিয়া বলেন, 'রাজনীতি ত করি, ছার, জনগণের লিগা, মন্ত্রী আর চ্যারম্যান হওনের লিগা না; তয় মন্ত্রীগো গাড়ি আর ফ্যালাগ দেইখ্যা দেইখ্যা মাঝে মইধ্যে মন্ত্রী হওনেরও মন চায়।'

নিজামউদ্দিন ও আবদুল হাই এতোক্ষণ পড়ছিলেন লোকটিকে, এবার তাঁদের পড়া শেষ হয়; শেষ পাতা পর্যন্ত পড়ে লোকটিকে তাঁরা মুখস্থ করে ফেলেছেন; লোকটির কোনো বানান আর বাক্য তাঁদের ভুল হবে না।

আবদুল হাই বলেন, 'আমরা পাওয়ারে আসলে মন্ত্রী আপনে অবশ্যই হইবেন, হামিদ ভাই, তবে আপনের একটু সাবদানে থাকতে হইবো। আমরা যা খবর পাইছি, তাতে খুব চিন্তার মইধ্যে আছি, সেইজইন্যেই ত আপনের সাথে কইরা লইয়া আসলম, একলা ছাইর্যা দিতে পারলাম না।

কথাটি শুনে ভয় পেয়ে কেঁপে ওঠেন মোঃ হামিদ মিয়া।

মোঃ হামিদ মিয়া কেঁপে কেঁপে জিজ্ঞেস করে, 'ক্যান সাবদানে থাকতে হইবো, ছার, কী খবর পাইছেন, ছার?'

নিজামউদ্দিন বলেন, 'শক্তির উৎসআলারা লোক লাগাই দিছে, আপনেরে দুনিয়া থিকা সরাই দিতে চায়।'

ভয় পেয়ে চিৎকার ক'রে ওঠেন মোঃ হামিদ মিয়া।

আবদুল হাই বলেন, 'হামিদ ভাই, আমাগো স্পাইরা সারাদ্যাশ ভইর্যা কাম করতেছে, দ্যাশের কোন জায়গায় কোন কঙ্গপিরেসি হইতেছে কোন চক্রান্ত হইতেছে সব খবর আমরা পাইতেছি; আমাগো মহাজননেত্রীয়ে তারা যেমুন সরাই দিতে চায়, আপনেরেও সরাই দিতে চায়। আপনে অগো টার্গেট।'

হামিদ মিয়া কাতর কণ্ঠে জিজ্ঞেস করেন, 'আমি এখন কী করুম, ছার?'

নিজামউদ্দিন বলেন, 'ডরাইবেন না, হামিদ মিয়া, আপনে আমার বাড়িতেই থাকবেন বাইবেন, আমাগো লগেই যাওয়া আসা করবেন, আমাগো বডিগার্ড আছে, বডিগার্ড ছাড়া আমরা বাইর হই না, আপনেও হইবেন না।'

মোঃ হামিদ মিয়া বেশ নিরাপদ বোধ করেন; চারদিকে বডিগার্ড দেখার জন্যে তাকান, দেখেন কয়েকটি শক্ত পেশি দূরে ব'সে আছে, দেখে তিনি শান্তি পান।

আবদুল হাই বলেন, 'আইজ রাইতে অপনের বাসায় লোক পাঠাইয়া খবর নিমু অগো কোনো লোক আপনের বাসায় গ্যাছে কি না? গ্যালাই ব্যাপারটা ভাল কইর্যা বোঝতে পারুম, আরো সাবধান হমু।'

হামিদ মিয়া বলেন, 'দ্যাছেন, ছার, আমি আপনেগো লগেই থাকুম, আমারে আপনেগো লগেই রাইখেন। আমার খুব ডর লাগতেছে।'

নিজামউদ্দিন বলেন, 'তয় বকতিতা দেওনের সময় ডরাইবেন না, ভাই, কোনো ব্যাডা য্যান বোঝতে না পারে আপনে ডরাইছেন; আপনে অগোই ডর লাগাই দিবেন। ডরাইলে রাজনীতি করন যায় না, রাজনীতি করতে হয় ডর দ্যাখাইয়া। ডরাইলেই ডর।'

হামিদ মিয়া বলেন, 'কাউলকা আমি অগো কইলজার ভিতর ডর লাগাই দিমু। চাইয়পাশ পোরাইয়া দিমু; অরা আমারে সরাই দিতে চায়, মানুষ চিনে নাই।'

মোঃ হামিদ মিয়া উত্তেজিত হয়ে ওঠেন, গলায় তাঁর আঙন জ্বলতে থাকে, বজ্র গমগম ক'রে উঠতে চায়, তিনি বাঁশের কেঁদার দিকে এখনই পা বাড়াতে চান।

রাতেই খবর নিয়ে জানা যায় কয়েকটি লোক মোঃ হামিদ মিয়ার বাসায় বেশ কয়েকবার তাঁর খোঁজ করেছে; তাদের চোখমুখ দেখে ও কথা শুনে ভালো লাগে নি হামিদ মিয়ার স্ত্রী ছমিরন বেগমের, তাদের কিসফিস কথাও তাঁর কানে এসেছে; এবং তিনি খুব উদ্বেগে আছেন। হামিদ মিয়া কোথায় আছেন, তা দেখার জন্যে ছেলেকে নিয়ে তিনি নিজেই চ'লে এসেছেন স্পাইদের সাথে। তিনি এখন একজন নেতার স্ত্রী, তাঁর উদ্বেগ আর রাজনীতিবোধও নেতার স্ত্রীর মতোই। তাঁর কিশোর ছেলেটি ও তিনি এই প্রথম পাজেরোতে উঠেছেন, তাঁদের বাস পর্যন্ত পাজেরো যেতে পারে নি ব'লে কল পেয়েছেন ছমিরন বেগম ও তাঁর ছেলেটি—লোকরা দেখতে পাইল না তারা কোন

গাড়িতে চরছে; কিন্তু পাজেরোতে ব'সে রাস্তা দেখতে তাঁদের ভালো লাগে, পথের মানুষগুলোকে ময়লা পোকামাকড় মনে হয়, এবং নিজামউদ্দিন আহমদের বাড়িতে ঢোকার সময় তাঁদের মনে একরকম অলৌকিক আবেগ জন্মে, যার ভার বহন করা তাঁদের পক্ষে বেশ কঠিন হয়, তাঁদের বক্ষে বেদনা অপার হয়ে ওঠে।

নিজামউদ্দিন আহমদ ও মোহাম্মদ আবদুল হাই খুব সম্মানের সাথে মোঃ হামিদ মিয়া'র স্ত্রী ছমিরন বেগম ও তাঁদের পুত্রটিকে জরিংক্রমে এনে বসান, বডিগার্ডরা তাঁদের ঘিরে থাকে, বডিগার্ডদের দেখতে ভালো লাগে ছমিরন বেগমের। ভেতর থেকে তাঁদের জন্যে প্রচুর খাবার আসে। আবার অলৌকিক আনন্দের ভার কোন স্বর্ণ থেকে ভেসে এসে যেনো তাঁদের শরীরে ভর করে।

নিজামউদ্দিন আহমদ বলেন, 'ভাবী সাহেব, ভাল মন্দ খবরাদি কন; আপনেরা ক্যামুন আছেন? আপনেনো লিগা আমরা চিন্তায় আছি।'

ছমিরন বেগম বেশ সপ্রতিভ রাজনীতিবিদের স্ত্রী, আয়তনে মোঃ হামিদ মিয়া'র দ্বিগুণ, তিনিই আমলাপল্লীর নেত্রী হ'লে ভালো মানাতো।

ছমিরন বেগম বলেন, 'উনি ন্যাভা হওনের পর থিকা তা দিনরাইত চিন্তার মইদ্যেই আছি, ভাইজান, অহন আবার নতুন চিন্তা বাড়ছে।'

আবদুল হাই জিজ্ঞেস করেন, 'বুঝাইয়া কন, ভাবীসাব, নতুন চিন্তার কী হইল?'

ছমিরন বেগম বলেন, 'লোকজন ওনারে মাজেমইদ্যেই বিচরাইতে আইতাছে, তাগো চোখমোখ দেইখ্যা ভাল ঠ্যাকতাছে না, হেরা আবার ফিসফিস কইর্যাও কতা কয়, ক্যামুন কইর্যা চায়।'

স্ত্রীর বর্ণনা শুনে মোঃ হামিদ মিয়া বিচলিত বোধ করেন।

নিজামউদ্দিন আহমদ বলেন, 'ভাবীসাব, সেইজইনোই ত হামিদ মিয়াভাইরে আমরা লইয়া আসলাম, তারে অরা সরাই দিতে চায়।'

শুনে চিৎকার ক'রে ওঠেন ছমিরন বেগম।

আবদুল হাই বলেন, 'ভাবীসাব, চিন্তা করবেন না, পলিটিক্সে অনেক রিক্স আবার অনেক মজা, হামিদ ভাই এখন থেকে আমাগো লগেই থাকবো, বডিগার্ড ছাড়া বাইর হইবো না, হামিদ ভাই কই আছে ভুলেও কারে কইবেন না।'

ছমিরন বেগম বলেন, 'না, ভাইজান সেই কথা কি কইতে পারি, তয় একটু দেইখ্যা শুইন্যা রাইখেন।'

নিজামউদ্দিন আহমদ দশ হাজার টাকার একটি বাস্তিল তুলে দেন ছমিরন বেগমের হাতে, এবং বলেন, 'ভাবীসাব, এইটা রাখেন, কখন কী লাগবো বলন ত যায় না, দুই এক দিন আরেকটা বাস্তিল পাঠামু।'

আবদুল হাই বলেন, 'ভাবীসাব, হামিদ ভাই ন্যাশনাল লিডার হইয়া গ্যাছেন, তার গলার আওয়াজে তোপখানায় আগুন ধইর্যা যায়, আমরা পাওয়ারে আসলে হামিদ ভাই মজী নাইলে অ্যামবাসাডার হইবো।'

ছমিরন বেগম জিজ্ঞেস করেন, 'এই দুইডার মইদ্যে কোনডা বড়, ভাইজান?'

মোঃ হামিদ মিয়া বলেন, 'দুইডাই বড়, দ্যাকতে পাইবা।'



নিজামউদ্দিন বলেন, 'তয় আমবাসাডার হইলে ভাবীরে ইংরাজি কইতে হইব।' ছমিরন বেগম বলেন, 'না, ভাইজান, এই বয়সে আর ইংরাজি কইতে পারুম না, শরম লাগবো, তয় হিন্দি কইতে পারি দুই একটা।'

অধ্যক্ষ রুস্তম আলি পল্টুর পরিকল্পনাটি বাস্তবায়ন করা সম্ভব হয় নি ব'লেই সব ভুল হয়ে গেছে; কিন্তু তিনি রুখে দাঁড়িয়ে টিকিয়ে দিয়েছেন রাজবংশটিকে, না রুখে না দাঁড়ালে নিজেকে টেকানো যায় না, ভেঙে পড়তে দেন নি মহাদেশনেত্রীকে, তাই তিনি এখনো নিজেকে ভাবছেন দেশের প্রধান মন্ত্রী-ভেবে সুখে আছেন, এটা রাজবংশের জন্যে একটি প্রাস পয়েন্ট; তিনি ভেঙে পড়লেই সব কিছু মাইনাস হয়ে যেতো। তাঁর একটু অসুবিধা হচ্ছে যে তিনি জেগেই সিংহাসনে বসতে পারছেন না, বেরোলেই একশোটা যানবাহন আর সেপাই তাঁকে ঘিরে থাকছে না, নামলেই দুশোটি মাথা তাঁর পদধূলি নিচ্ছে না। কয়েক মাস এটা তাঁকে সহ্য করতে হবে, উপায় নেই। বংশের রাজপুরুষদের নিয়ে অধ্যক্ষ রুস্তম আলি পল্টু সব কিছু গুছিয়ে তুলছেন; যেমন অন্যান্য বংশের রাজপুরুষরাও দিনরাত গোছাচ্ছেন; গোছাতে গোছাতে তাঁরা সময় পাচ্ছেন না; পত্নীদের সাথে দেখা করার দরকার তো অনেক আগেই ফুরিয়ে গেছে, এমনকি উপপত্নীদের সাথেও দেখা করার মতো সময় ক'রে উঠতে পারছেন না। (এটা শুধু ভাগ্যবানদের ক্ষেত্রে প্রযোজ্য)। নিষ্পাপ দেবদূতরা দেশ শাসন করছেন, সব কিছু অবাধ নিরপেক্ষ জাতিসংঘভাবে হবে; ওই অফসেটে ছাপা ব্যাপারগুলো দেখবেন সোনালি ডানার দেবদূতরা, নির্বাচন কমিশনের পাকপবিত্র অপাপবিত্র ফেরেশতারা, আন্তর্জাতিক সত্যদর্শীরা; কিন্তু ওই সবে রাজনীতিবিদদের চলে না, তাঁদের দেখতে হবে তাঁদের ব্যাপার।

নিম্নলিখিত জিনিশগুলিন তাগো দ্যাখতে হইবো, নাইলে চলবো না :

(১) ক্যাডারভাইরা ঠিক আছে কি না, তাগো যন্ত্রপাতি ঠিক আছে কি না, তাগো আরো যন্ত্রপাতি লাগবো কি না, আরো নতুন ক্যাডারভাই লাগবো কি না; ক্যাডারভাইরা অন্য রাজবংশে চইল্যা যাইতে চাইছে কি না—এইটা খারাপ লক্ষণ, এমনু হইলে বোঝাতে হইবো ওই রাজবংশই ক্ষ্যামতায় আসবো; খালি ঢাকা শহরের ক্যাডারভাইদের ঠিক রাখলে চলবো না, দ্যাশের প্রত্যেইক গ্রাম, প্রত্যেইক ইউনিয়ন, প্রত্যেইক থানার ক্যাডারভাইদের ঠিক রাখতে হইবো; ক্যাডারভাইরা হইল দলের মূলশক্তি;

(২) ইনভারসিটির হলগুলি দখলে আছে কি না; ইনভারসিটি দখলে থাকলে আল্লার রহমতে দ্যাশ দখল করনে অসুবিধা হইবো না; ইনভারসিটিই বাংলাদ্যাশ, এইটা দখলে রাখতে হইবো; এইজন্যে দুই চাইরটা লাশ পড়লেও ক্ষ্যাতি নাই;

(৩) নিজোগো রাজবংশ হইতে সুবিধাবাদী রাজপুরুষরা অন্য রাজবংশে চ'লে যাইতেছে কি না, চ'লে যাওনের পথ খোজতেছে কি না এইটা দ্যাকতে হইবো;

(৪) অন্য রাজবংশ হইতে ভাল ক্যাভিডেট ভাগাইরা আনন যায় কি না, কারে কারে ভাগাইরা আনলে লাভ হইবো; কয়টা জেনারেল ব্রিগেডিয়ার মেজর কর্নেল দলে যোগ দিতে চাইছে, কয়টা সেক্রেটারি দলে আসতে চাইছে, কয়টা ব্যাংক ডিফলটার যোগ দিতে চাইছে, অন্য দলের কয়টা প্রাক্তন মন্ত্রী এমপি মেয়র দলে যোগ দিতে

চাইছে, কয়টা নামকরা রাজাকার দলে যোগ দিতে চাইছে, কয়টা রাজাকার ভাগাইয়া আনন যাইবো, রাজাকারগো অবস্থা আইজকাইল ভাল;

(৫) কন্ট্রিবিউটাররা ঠিক মতো চান্দা দিতেছে কি না; কে কে চান্দা দেওন বন্ধ করছে, আর কে কে নতুন চান্দা দিতেছে; নতুন কন্ট্রিবিউটার আসলে বোঝাতে হইবো দল এইবার জিতবো; চান্দা বেশি কইর্যা ভোলতে হইবো, বেশি চান্দা পাইলে বোঝাতে হইবো দল জিতবো;

(৬) দ্যাকতে হইবো ব্যাংক ডিফলটারগুলিন ঠিক আছে কিনা; তারা মোটা ট্যাকা দিতেছে কি না, আর কয় কোটি কইর্যা তাগো থিকা তোলন যাইব; তারা কোন বংশের দিকে বোকছে সেইটা দ্যাকতে হইবো, তারা যেই দিকে বোকবো সেই দিকই ক্ষমতায় আসবো; দ্যাকতে হইব তাগো কারখানার ক্যাডারভাই পাঠাইতে হইব কি না;

(৭) ক্যান্ডিডেটরা কে কয় কোটি ট্যাকা দিতে পারবো সেইটা দ্যাকতে হইবো, স্মাগলার পাইলে বোঝাতে হইব ভাল মালপানি হাতে আছে, পাচদশ কোটি খসাইতে কষ্ট হইব না, তাগো ক্যান্ডিডেট করনই ভাল হইব; আর দ্যাকতে হইব তারা নির্বাচনরে অবাধ নিরপেক্ষ রাইখ্যা ভোটের ভাগাইতে পারবো কি না;

(৮) ডিছি, ওছি, এছপি, টিএনওগুলিরে ঠিক রাকতে হইবো; অরা ঠিক থাকলে অবাধে ভোটের বাজ্ঞ বোঝাই হইবো, নিরপেক্ষতা রক্ষা পাইবো;

(৯) আরও বিবিধ রকম জিনিশ দ্যাকতে হইবো, সময় বুইখ্যা কাম করতে হইবো।

আমরা জনগণরা যা শুনেতে পাই, খবরের কাগজে মুখের যে-চেহারা দেখতে পাই-আগে তাঁদের চেহারা কী সুন্দর লাগতো, মনে হতো ফুলবনে রাজকুমাররা গান গাইতেছেন- তাতে বুঝতে পারি, আমাদের বোঝায় ভুলও হ'তে পারে, যে অধ্যক্ষ রুস্তম আলি পল্টু, জেনারেল কেনামতউদ্দিন, সোলায়মান হাওলাদার, মোহাম্মদ কুদ্দুস চৌধুরী, লিয়াকত আলি মিয়া, ব্যারিস্টার কুদরতে খুদা, ছয়ফুর চাকলাদার, ডঃ কদম রসুল এবং শক্তির উৎসবাদী রাজবংশের আর আর অনেক রাজপুরুষের মাংসে আর রক্তে একটু একটু জ্বালা ধ'রে আছে, ওই জ্বালাকে তাঁরা পান্ডা দিচ্ছেন না, কিন্তু জ্বালায় একটু একটু মাথা ধরছে; জ্বালাটা হচ্ছে ওই জনগণমন রাজবংশের শয়তানগুলো, যেগুলো তিনশো বছরেও ক্ষমতায় যেতে পারবে না, তাঁদের বিচার চায়; তাঁরা না কি কোটি কোটি ট্যাকা চুরি করেছেন তার জন্যে জেলে পাঠাতে চায়। ওইগুলো বেশি বেড়ে গেছে, দেখে নিতে হবে ওইগুলোকে; ওরা শুধু রাজপুরুষদেরই বিচার চাচ্ছে না, এমনকি মহাদেশনেত্রীরও বিচার চাচ্ছে, কী বেয়াদবি, ওইগুলোকে দেখে নিতে হবে, বড়ো বেশি বেড়ে গেছে, মহাদেশনেত্রী সকল আইনের ওপরে, সকল বিধানের ওপরে, সকল সংবিধানের ওপরে, তাঁর আবার বিচার কী। শুধু ওইগুলো নয়, জ্বালাটা আরো বেড়ে যায় যখন দেখেন খোজরাজবংশ আর রাজাকার রাজবংশও ওইগুলির সঙ্গে গলা মিলিয়েছে; সব শয়তান সুযোগ বুঝে ফেরেশতা হয়ে উঠেছে, এক রা ধরেছে। তবে এসব চুলরে পান্ডা দিলে রাজনীতিবিদদের চলে না, এই সব চুলে কবে পেটের পোলা আটকে রাখতে পেরেছে; এই সব পান্ডা না দেয়াও রাজনীতি, আবার দুর্নীতি নিয়ে দিনরাত গলাবাজি করাও

রাজনীতি। রাজনীতি করতে গেলে একটা ইণ্ড দরকার। জুলন্ত ইণ্ড লইয়া হটগোল ভাঙনচোরন জ্বালানপোড়ান করলে জনগণ পাগল হইয়া ভোট দেয়, মনে করে ইণ্ডআলারা দুই হাতে টাইন্যা দুনিয়াতে ভেস্ত নামাইতে যাইতেছে। তাঁরাও কি কয়েক বছর আগে ইণ্ড করেন নি খোজারাজবংশের দুর্নীতিকে, সন্মাত্র বাবরের লাম্পট্যকে? গলা ফুলিয়ে 'দুর্নীতি, দুর্নীতি', 'লাম্পট্য, লাম্পট্য' গর্জনে দেশেরে তোলপাড় করেন নি, দ্যাশরে মাভাইয়া তোলেন নাই? খোজারাজবংশের বাবর মুখলকে কি সাভারের কাদায় ডোবা মইয়ের মতো ধাক্কাইয়া ধাক্কাইয়া ঢোকান নাই খোয়াড়ে? দুর্নীতিবাজদের লম্বা লম্বা তালিকা কি তাঁরা ছেপে দেন নি; খবরের কাগজে তাঁরা বড়ো বড়ো ক'রে কি ব্যাংক ডিফল্টারদের নাম ঝুলাইয়া দ্যান নাই? কারো নামে ৫০০ কোটি, কারো নামে ৬৭৫ কোটি, কারো নামে ৯০০ কোটি, কারো নামে ২৫ কোটি? ঘোষণা কি দেন নি যে ওই ডিফল্টারদের খোয়াড়ে পাঠানো হবে, টাকাগুলো উঠিয়ে দেশটিকে আমেরিকা ক'রে তোলা হবে? তারপর তাঁরা কয়টারে জ্বালে পাঠাইছেন? বরং ডিফল্টাররা যাতে খোয়াড়ে না যায়, তাদের চর্বি যাতে আরো বাড়ে, চামড়া মসৃণ থাকে, ব্যাংকে চুইক্যা আরো ধান খাইতে পারে, ক্ষেতে ক্ষেতে গাভী পাইলেই পাল দিতে পারে, সেটা কি তাঁদের দেখতে হয় নি? এর জন্যে তাঁরা বেশ পেয়েছেন—কোটি কোটি ট্যাকা চুকেছে তাগো জীগো বিদেশি অ্যাকাউন্টে, আল্লা যখন চান তখন তাঁর বান্দাগো এভাবেই দেন—এইজইন্যেই পরম করুণাময় আল্লাতালয় ইমান দরকার; আল্লা তাঁদের দিয়েছেন, না নিয়ে তাঁরা কী করতে পারেন?

ডঃ কদম রসুল ভাইর জন্যে আমরা জনগণরা কাঁদবো না হাসবো, বুঝতে পারি না। অতো বড়ো একটা অইধ্যাপক আছিলেন, তারপর অ্যাতনা বড়ো একটা পলিটিশিয়ান হইলেন, দ্যাশরে ধইন্য করলেন। ওই ডঃ কদম রসুল সাহেবকে হারামজাদারা শ্লোগান দিয়ে তিন দিনের জন্যে হাজতে চুকিয়ে দিলো, কিছু আটকে রাখতে পারে নি; পারবে কেনো, সব ঠিকঠাক ক'রে রাখেন নি? প্রাইমারি ইন্সকুল হইতে চোখবান্ধা মাইয়ালোকটা পর্যন্ত? ওই কানা মাইয়ালোকটা কাগো? সব ঠিকঠাক আছে, তাগো আটকাইয়া রাখনের কোনো উপায় নাই। পাঁচ মিনিটে বের হওয়ার ব্যবস্থা ক'রে রাখা হয়েছে—বাসট্রাকসমিতির প্রেছিডেন্ট, ইটের ভাটার মালিক, টাউন্টগুলির বসাই দিছেন; এখন সবাই আগাম নিয়ে রাখছেন, তাগো আটকায় কে? আর সেই জাগায় তো বইসা আছেন তাঁগোই লোক, আলহজ আলফাজ মাক্কিরে তো সেইখানেই বসাই রাখা হইছে, এত দিন পর তাঁরে রাজা কইর্যা দেয়া হয়েছে, খামখা রাখন হয় নাই, তিনি কলকাঠি লাড়বেন। দরকার হইলে এমন কলকাঠি লাড়াইবেন যে সব কিছু পইড়া যাইবো, নাদিরশারা দলে দলে দেখা দিবো, মঙ্গোলিয়ার ক্যাডাররা ছুটে আসবো।

ডঃ কদম রসুল মুক্তি পাওয়ার পর গাঁদাফুলে ঢেকে তাঁকে ছোডোখাডো শেক মজিবের মতো বের ক'রে নিয়ে এলাম আমরা (এই দ্যাশে জ্বাল থেকে যে-ই বাইর হয় সে-ই ছোডোখাডো শেক মজিবের মতো বাইর হয়, সে-ই সবার মডেল), অর্থাৎ আমরা যারা শক্তির উৎসবাদী রাজবংশের: শহরের দশটা না বিশটা রাস্তা বন্ধ ক'রে

দিলাম, এর পর শহরের আর থাকে কী, মহাদেশেনেত্রী আর তাঁর অমর সেনাপতি আর কদম রসুল আর অধ্যক্ষ রুস্তম আলি পল্টুর নামে শ্লোগান দিয়ে আমরা শহর ফাটিয়ে জানিয়ে দিলাম যে তাঁদের অটিকে রাখার মতো কোনো খোঁয়াড় নেই; আর এমন বেয়াদবি করলে সব কিছু উল্টেপাল্টে দেয়া হবে। তাঁহাদের গায়ে একটা ফুলের টোকাও দেয়া চলবে না।

ডঃ কদম রসুল তাঁর মন্ত্রণালয়ে পরিণত হয়েছিলেন কিংবদন্তিতে (তবে তিনি একা কিংবদন্তি নন, বাংলাদেশি গিনিজ বুকর্ডসে আরো বহু সোনার নাম সোনার কালিতে ছাপা আছে)।

তিনি ছিলেন মাঝারি আর নিম্ন আমলাগুলোর নিরন্তর আলাপের আনন্দ।

‘স্যারেরা খান, খাওনের জন্যইতো স্যারেরা আসেন, কিন্তু এই বাস্টার্ডের পোর খাওন সেইখা তাজ্জব হইয়া যাই, যোয়াল মাছের মতো খালি গিলে।’

‘বাস্টার্ডটা বিশ বছর বলেজের মাস্টার আছিলো, কিন্তু খাওনে গিলনে চোরা পলিটিশিয়ানগুলিরে ছারাইয়া গেছে। মাস্টারগুলির খিদা বেশি, আগে তো খাওনের সুযোগ পায় নাই, পরেও পাইবো না।’

‘বউর নামে তিনশো কোটি, মাইয়ার নামে একশো কোটি, পোলাগো নামে দুইশো কোটি; দুইটা মিস্ট্রিসের নামে দুই কোটি। গাজিপুরে দুইশো একর, সাতারে একশো একর। আর কয় দিন সময় পাইলে সবগুলি রেলগাড়ি, ইন্সটিশন, আর জংশনই খাইয়া ফেলবো।’

ডঃ কদম রসুল সব খাওয়ার আগেই জনগণ তাঁদের ফেলে দেয়; অনেকের মতো কদম রসুল কয়েক দিন পালিয়ে থাকেন।

ডঃ কদম রসুলের মুক্তি উপলক্ষে সন্ধ্যা পর্যন্ত রাস্তাভাঙা সংবর্ধনার পর জেনারেল কেরামতউদ্দিন বিশেষ পার্টির আয়োজন করেছেন গাজিপুর রেস্টহাউজে। এখান থেকে তিনি তাঁর কলকারখানা ব্যবসাবাগিজ্য গ্রুপ অফ ইন্ডাস্ট্রিজগুলো দেখেন, এবং আরো অনেক কিছু দেখেন নিবিড় অন্তরঙ্গ উন্মুক্তভাবে; এবং বিশেষ রাজনীতি আলোচনা হয় এখানেই। পার্টিতে এসেছেন প্রধান রাজপুরুষেরা।

একটু পানাহার একটু নৃত্যগীত আর প্রচুর রাজনীতি পার্টির উদ্দেশ্য। বিবেচনা আলোচনার প্রধান বিষয় ট্যাকাপয়সাগুলো—ওই যে পাঁচ বছরে সামান্য কয়টা পয়সা তাঁরা করেছেন, যতোটা ইচ্ছে ছিলো ততোটা পারেন নি, ওই ময়লা সিকি আধলি আর ছেঁড়া এক টাকার নোটের ওপর শকুনের মতো চোখ প’ড়ে আছে শয়তানগো, তাগো মাঝেমইধো খোঁয়াড়ে ঢোকানোর চেষ্টা চলছে, এই ব্যাপারটি ক্যামেনে ট্যাকেল করা যায়, কীভাবে ওগুলোকে দেবিয়ে আর শিখিয়ে দেয়া যায়, তার ফর্মুলা বের করার জন্যেই এই পার্টি। ফর্মুলাটা বের করতে না পারলে দেশে গণতন্ত্র বিপন্ন হয়ে পড়বে, আসলে বিপন্ন হইয়া পড়ছে, দেশ বিক্রি হইয়া যাইবো হিন্দুগো কাছে; অবশ্য পাকিস্তানি মুসলমান ভাইগো কাছে হইলে অন্য কথা, তবে সেই বেচাকেনাটা তাঁরা করবেন।

বাগানের দক্ষিণ-পূর্ব কোণে লতা আর পুষ্পঘেরা একটি কুঞ্জের নাম লাইলি। তাঁরা শীততাপনিয়ন্ত্রণ যেমন পছন্দ করেন, লতাপুষ্পও পছন্দ করেন; এই কালে নেচারকে

যারা ভালোবাসে না, তারা মানুষ না, তারা পৃথিবীর ওজনলেনার ফটাইয়া দিতে চায়। জেনারেল কেরামতই লাইলি নামটি রেখেছেন; এবং গুলোর অক্ষরে কুঞ্জের প্রবেশ পথেই নামটিকে পুষ্পিত গুলিত ক'রে রেখেছেন তিনি। এটি জেনারেল কেরামতের কুঞ্জপানশালা।

সবাই অল্প অল্প পান্যচ্ছেন, আর গুরুত্বপূর্ণ আলোচনা করছেন।

ডঃ কদম রসুলের শরীরটা ব্যাদনা করছে, একটু জ্বরজ্বরও লাগছে; সংবর্ধনার ফলে জ্বরটা একটু কমেছে, গাঁদা ফুলের রসে ব্যাথাটাও একটু কমেছে, স্কেচে আরেকটু কমেছে; তবু তিনি জ্বরটা আর ব্যাদনাটা ভুলতে পারছেন না। তাঁর ভয় লাগছে রাত বাড়লেই হয়তো কেউ তাঁকে গতোতে পিষতে ডলতে আসবে।

ডঃ কদম রসুল প্রথম মুখ খোলেন, বলেন, 'আমার শ্রদ্ধেয় ন্যাতারা, রেসপেট্টেবল ভাইরা, আপনেনগো কাছে আমি এভার গ্রেটফুল অল্প সময়ের মইধ্যে আমারে বাইর কইর্যা আনছেন বইল্যা, কবর যাওন পর্যন্ত গ্রেটফুল থাকবো; দেরি হইলে আমার অসুবিধা হইতো, মইর্যা যাইতাম।'

অধ্যক্ষ রুস্তম আলি পল্টু বলেন, 'ভাক্তার রসুল ভাই, সব আমাগো খুইল্যা বলেন; আপনের শরিলটা খারাপ দেখাইতেছে, অমন দ্যাহটা তিন দিনেই কাহিল হইয়া পড়ছে।'

ডঃ কদম রসুল বলেন, 'বলতে শরম লাগতেছে, কিন্তু না বইল্যাও পারতেছি না, আপনেনগো কাছে বলনই লাগবো।'

জেনারেল কেরামতউদ্দিন চিৎকার ক'রে ওঠেন, 'আই আভারস্ট্যান্ড ডক্টর কদম রসুল, দি বাস্টার্ডস মাস্ট হ্যাভ বিটেন ইউ ইন কাস্টডি, দি বাস্টার্ডস আর দি অ্যাজেন্টস অফ দি জনগনআলাজ, উই মাস্ট টিচ দেম এ গুড লেসন হোয়েন উই গো ব্যাক টু পাওয়ার। উই মাস্ট গো টু পাওয়ার।'

ডঃ কদম রসুল বলেন, 'রাইত হইলেই দুই তিনটা পুলিশ আইসা ল্যাংটা করাইয়া আমারে ছ্যাছতো, ডলতো, পাথর দিয়া গুতাইতো; রক্ত বাইর হইত না, হাড়ি ভাঙতো না কিন্তু ব্যাদনায় ফাইট্যা যাইতাম। এতো দিন মঞ্জী আছিলাম, তার জইন্যো একটু মাইন্যাগইন্যাও করে নাই। তার বদলে গালি দিয়া বলতো, আয় শালা, মঞ্জী হওন দ্যাখাই।'

বারিস্টার কুদরতে খুদা বলেন, 'বাট উই আর ভিআইপিজ।'

মোহাম্মদ কুদ্দুস চৌধুরী বলেন, 'দি পুলিশ ফোর্স ইজ এ প্যাক অব ব্যাভিটস, হার্টলেস কিলার্স অ্যান্ড রেপিস্টস্, কয় দিন আগেও আমাদের সালামের পর সালাম দিতো, স্যাণ্ডুট করতো, কয় দিন পর আবারও দিবে, কিন্তু এখন পাইলেই দে উইল বিট আস লাইক এনিথিং, দে আর সেভিস্টস্।'

পানির মতো পান ক'রে চলছেন তাঁরা।

ডঃ কদম রসুল বলেন, 'আমারে গুতাইয়া, ডইল্যা, আর ছেইচ্যাই ছাড়ে নাই, অছিটা আমার থিকা পঞ্চাশ লাখ নগদ আদায় করছে, আইজ বাইর হইতে না পারলে আরও পঞ্চাশ লাখ দিতে হইত। আমাগো আর অ্যারেস্ট হওন চলবো না, আমাগো

ধরনের উদ্দেশ্য হইছে ওতাইয়া ডইল্যা ট্যাকা বাইর কইর্যা নেওন। এই কয় বছরে কয়টাই ট্যাকা করছি, তা লইয়া গ্যাতে পলিটিস্ক করুম কি দিয়া।'

ব্যারিস্টার কুদরতে খুদা বলেন, 'উই হ্যাভ অলরেডি আন্ডারস্টুড ইট অ্যান্ড টেকেন নেসেসারি মিজারস্, সেইজন্য আইনগত ব্যবস্থা নিয়াছি, দি কন্সটিটিউশন ইজ ইন আওয়ার ফেভার, সকলের আগাম নিয়া রেখেছি, নোভিডি ক্যান টাচ আস অ্যানি মোর।'

ছয়পুর চাকলাদার বলেন, 'এরপর ধরতে আসলে হাত ছিইর্যা ফালামু, আমাগো চিনে নাই। গুয়ারবাচ্চাগো পাছা ফাডাই দিনু, আর আত্মায় মুখ তুইল্যা চাইলে মনে যা আছে তা কইর্যা ছারুম।'

অধ্যক্ষ রুস্তম আলি পণ্ট বলেন, 'আমাগো দুনীতি লইয়া বাড়াবাড়ি করন আর সহজ করুম না; কী আর দুনীতি করছি আমরা, কয় ট্যাকা বানাইছি? পলিটিস্ক করবো আর ট্যাকাপয়সা বানাইবো না এইটা কোন দ্যাশে হয়? আমেরিকায় পলিটিশিয়ান ভাইরা ট্যাকাপয়সা বানায় না? ক্লিনটন ট্যাকা বানায় নাই? নাইলে তাগো চলে ক্যামনে? ইংলন্ডের ভাইরা বানায় না? বিনা পয়সায় ধনীগো ফাইভ ইস্টার হোটেল থেকে না মাইয়ালোক লইয়া? জাপানের ভাইরা বানায় না? কোরিয়ার ভাইরা বানায় না? পাকিস্তানের ভাইরা বানায় না? ইন্ডিয়ার ভাইরা বানায় না? ইন্দোনেশিয়া, মালয়েশিয়া, থাইল্যান্ড, ইটালি জার্মানির ভাইরা বানায় না? না বানাইলে রাজনীতি করুম কি কেলা চুইয়া?'

সোলায়মান হাওলাদার বলেন, 'সব মাছেই ও খায় নাম হয় পাংশাশ মাছের; দ্যাশের কোন শালা ট্যাকা বানায় না? দোষ খালি আমাদের, পলিটিশিয়ানগো, ঘ্যান খালি আমরাই শয়তান, অন্যেরা ফ্যারেশতা।'

এমন সময় চারটি গায়িকা ও নর্তকী দেখা দেয়। তারা পাতাঘেরা মঞ্চে ওঠে; গায়িকাটি গান গাইতে শুরু করে, নর্তকী তিনটি নাচতে শুরু করে। তাদের কণ্ঠ ও শরীর থেকে রক্তিম সুর ঝরে পড়তে থাকে।

জেনারেল কেরামত বলেন, 'টেভার ইজ দি নাইট, অ্যান্ড হ্যাপলি দি কুইন মুন ইজ অন হার থ্রোন, ইউ গো অন ড্যান্সিং অ্যান্ড সিংগিং বিউটিফুল রোউজেজ।'

গায়িকা ও নর্তকীরা মধুর হাসে।

লিয়াকত আলি মিয়া বলেন, 'দ্যাশটা গরিব, আমাগো চলতে হয় লোনের টাকায়, তাও কয় ট্যাকাই আমরা লোন পাই, চাইর পাচ বছরে আর কয় ট্যাকাই আমরা বানাইতে পারি? রাজীব গান্ধিটারে দ্যাখেন, চাহারা আর হাসিখান দ্যাখলে মনে হয় গীতপাঠ ছাড়া আর কিছু জানে না; কিন্তু এক বেকফোর্স কম্পানির থিকাই খাইছে দুই শো কোটি ডলার, যেই ফাইটার বিমান কোনো কামে লাগবো না তাই কিনছে পাশশোটা।'

সোলায়মান হাওলাদার বলেন, 'আমাগো চৈদ্দপুরুষেও ওই ট্যাকা স্বপ্নেও দ্যাকতে পারে না; ইন্ডিয়ানরা খায় ইন্ডিয়ানগো মতন।'

ছয়ফুর চাকলাদার বলেন, 'আমাগো পাকিস্তানি ভাইগো আর বইনগোই ধরেন না ক্যান; বেনজির আফ অক্সফোর্ডে না কোন জায়গায় পইর্যা আইলেন, বিশ পচিশটা

বয়স্কদের লগে ঘোমাইলেন, কয়বার প্যাট খালাশ করলেন, কত আন্দোলন করলেন, খাঁটি মুসলমান হইলেন, প্রধান মন্ত্রী হইলেন, তারপর দুই তিনটা বউআলা জারদারিরে বিয়া কইয়া হাজার কোটি বানাইলেন। আমাগো মহাদেশনেত্রী আর কয় ট্যাকা বানাইছেন?’

জেনারেল কেরামতউদ্দিন বলেন, ‘ব্যুরোক্র্যাটগুলোর কথাই ধরেন না ভাই, দে আর করাপ্ট টু দি ব্যাক বোউন, অ্যাসিসটেন্ট কমিশনার হয়ে ঢোকার পর থেকে খাইতে থাকে, হোয়েরেভার দে গো দে ডিস্কভার গোল্ড মাইনুস্, দি ডিসিজ, জয়েন্ট অ্যান্ড এডিশনাল সেক্রেটারিজ, চেয়ারমেন অফ করপোরেশন্স, রদ্রিদ্দুতগুলি, অ্যান্ড সেক্রেটারিজ টাকার পাহাড় বানায়, কিন্তু দোষ হয় পলিটিশিয়ানদের। পলিটিশিয়ানরা কয় বছরই আর চাপ পায়?’

কুদ্দুস চৌধুরী, তিন চারটা মন্ত্রণালয়ের প্রাক্তন সচিব, গেলাশ ভ’রে নিতে নিতে বলেন, কতোটা বলবেন, গেলাশে চুমুক দিতে দিতে তা ঠিক করেন, এবং বলেন, ‘জেনারেল কেরামত ভাই যা বলেছেন দ্যাট ইজ ট্রু, বাট হি হ্যাজ মিস্‌ড্ সাম ভেরি ইম্পরটেন্ট পয়েন্টস্; আওয়ার ব্রাদার্স ইন দি আর্ম্‌ড্ ফোর্সেস অলসো মেক মাচ মানি, দে মেইক টু মাচ আই শুড সে, আমরা তা অডিটও করি না; ব্যুরোক্র্যাটরা কেনো টাকা বানায় তার কাজগুলি দেখতে হবে। নাউ এ ডেইজ অল আওয়ার কোটিপতিজ আর স্মাগলারস্, অ্যান্ড দি সোকল্ড ইভাস্টিয়ালিস্টস্ আর থিভ্‌স্; অ্যান্ড দে আর অল ইলিটারেট আনএডুকেটেড পিম্প্‌স্। দে ইভেন ক্যানট স্পেল দি ওয়ার্ড ‘মিলিয়ন’, ইয়েট দে আর মিলিয়নিয়ার্স্।’

লিয়াকত আলি মিয়া বলেন, ‘আমার কথা কইলেন না ত কুদ্দুস ভাই? স্মাগলিং না করলে ত আপনোগো কাহে আসতে পারতাম না, পাচ দশ কোটি দিতে পারতাম না। স্মাগলিং কামটা অত্যন্ত কঠিন; সবাই পারবো না। ইংরাজি সব বোঝতে পারি নাই, তয় কতাগুলিন ভালই লাগছিলো; মদ খাইয়া ইংরাজি শোনতে আর কইতে ভালই লাগে, মনে হয় নতুন মাইয়ামানুষ লইয়া ফাইভ স্টারে শুইয়া আহি। কুদ্দুস ভাই, আরো কন।’

তারপর গায়িকা ও নর্তকীদের দিকে তাকিয়ে বলেন, ‘ও সিংগার ড্যান্সার সিস্টাররা, আমাগো কুলকার্নি হ্যামামালিনি বইনরা একটু চুলি কা নিচে কাহে চুরাকে দিল মেরা ড্যান্স ধরেন।’

নর্তকী তিনটি হেসে কয়েকবার শিনা ঝাঁকুনি দেয়, কয়েকবার পাছা দোলায়।

কুদ্দুস চৌধুরী বলেন, ‘দেশের সোসিও-ইকনমিক ফেনোমেননগুলি দেখতে হবে; উই মাস্ট ফেস রিয়েলিটি। সারা জীবন ফাস্ট সেকেন্ড হয়ে, ইউনিভার্সিটিতে ফাস্ট ক্লাশ সেকেন্ড ক্লাশ ফাস্ট সেকেন্ড হয়ে বিসিএস পাশ ক’রে যে-ছেলেটি ব্যুরোক্র্যাট হলো, তার বেতন কতো? বিশ বছর চাবুরি করার পর সে ক-টাকা জমাতে পারে? একটাকাও না। অথচ সে দেখতে পায় তার সাথে যে-ছেলেটা ফেল করতো, থার্ড ডিভিশন পেয়েছিলো সে মস্তানি ক’রে, ঠিকাদারি ক’রে, স্মাগলিং ক’রে কোটিপতি হয়ে গেছে; আর কোটিপতিটি ‘স্যার, স্যার’ ক’রে কাজগুলি বাগিয়ে নিচ্ছে তারই কাছ

থেকে। তখন হি ক্যানট রিমেইন এ সেইন্ট, হি শুড নট রিমেইন অনেস্ট। রাস্তার পাজেরোগুলি কারা দৌড়ায়? শুড স্টুডেন্টস্ ক্যান নেভার ড্রিম অফ এ পাজেরো; নাউ এ ডেইজ অল বিউটিফুল ব্যান্ডম সেক্সি উইমেন অ্যান্ড পাজেরোজ বিলং টু ইলিটারেট রাফেল্‌স্।’

অধ্যক্ষ রুস্তম আলি পল্টু বলেন, ‘সবাই খাইতেছে, কিন্তু স্কেপগোট হইতেছি আমরা পলিটিশিয়ানরা, আমাগো বদনামে দুনিয়া ছাইয়া যাইতেছে, আমরা পলিটিশিয়ানরা মাইর খাইতেছি, জ্যালা পচতেছি, পোলামাইয়া ইল্লীগো কাছে মোখ দ্যাখাইতে পারতেছি না, আর অন্যরা তখন ফাইভ স্টার হোটেলে ছেমরি লইয়া ডিস্কো নাচতেছে, অন্যের বউরে লইয়া ব্যাংকক সিঙ্গাপুর যাইতেছে।’

ছয়ফুর চাকলাদার একটু বেশি পান করেছেন, বা বেশি পান করেন নি, অল্প পান করলেই তাঁর ঠোঁটে গান আসে দেহে নাচ আসে, অধিকাংশই হিন্দি গান হিন্দি নাচ; তিনি একটু নাচ আর গান শুরু করেন; এবং নাচতে নাচতে বলেন, ‘এইর জইন্যে দোষ আমরাগোই, কাউয়ার গোস্ত কাউয়ায় খায় না শোনছি কিন্তু পলিটিশিয়ানরা পলিটিশিয়ানগো গোস্ত দিনরহিত খায়। পাওয়ারে যাওনের লিগা আমরা লাফাইয়া লাফাইয়া অন্যেগো চোর কই; এখন অরা আমরাগো চোর বলছে; এইটা হইছে পলিটিস্। যদিইন পলিটিস্ থাকবো তদ্দিনে এইটা থাকবো, নাইলে আমরা পলিটিশিয়ানরা খামু কী কইর্যা?’

জেনারেল কেরামত বলেন, ‘ঠিকই বলছে ছয়ফুরভাই, উই ডু নট হ্যাভ মেনি ইণ্ডস ফর পলিটিস্, সো উই হ্যাভ টু ডিপেন্ড অন আদার্স করাপশন অ্যান্ড রিলিজিয়ন ফর গোয়িং টু পাওয়ার। আমরাও ক্ষমতায় আসনের আগে খোজাবংশের করাপশন নিয়ে শাউট করছি, ব্যাংক ডিফলটারদের নাম পাবলিশ করছি; লেটার অন দে বিকেইম আওয়ার ফ্রেইন্ডস অ্যান্ড মাস্টার্স। আমাদের মহাদেশনেত্রী হাজ টৌন্ড দি ফাইন্যাল ট্রুথ দ্যাট ইন পলিটিস্ নাথিং ইজ ফাইন্যাল, ইন পলিটিস্ দ্যারার ইজ নো পারম্যানেন্ট ফ্রেইন্ড অর ফো।’

আমরা জনগণরাও এইটা বুঝতে পারতেছি। অন্যের করাপশন লইয়া কে চিল্লাপাল্লা করে নাই? পাওয়ারে আইসা কে করাপশন করে নাই? চিল্লাপাল্লা হচ্ছে পলিটিস্, রাজনীতি। যাঁরা অন্যের করাপশন লইয়া চিল্লাপাল্লা করেন, নিজেদের করাপশন লইয়া অন্যেরা চিল্লাপাল্লা করলে বলেন গণতন্ত্র বিপন্ন, দেশ বেচে দেয়া হচ্ছে, একেবারে বিনা পয়সায় একেবারে পানির দরে ছাইড়্যা দেয়া হচ্ছে, তাঁরা রাজনীতিবিদ, পলিটিশিয়ান। বহু বছর আগে জনগণমনবংশ ক্ষমতায় এসেছিলেন, তাঁরা তখন ছিলেন রাজার রাজা, রাজাধিরাজ, সম্রাটের সম্রাট, তখন সদ্য স্বাধীন হইছি, কিন্তু স্বাধীনতার স্বাদ পাইতেছিলাম না, বা এমনভাবে পাচ্ছিলাম যে হাড়ে হাড়ে টের পাচ্ছিলাম, রগে রগে টান লাগতেছিলো, ছুইল্যা যাইতেছিলাম, তাঁরা স্বাধীনতা এনে দিয়েছিলেন ব’লে মানতে বাধ্য করেছিলেন, আমরা মেনে নিয়েছিলাম (পরে অন্যরা মানতে বাধ্য করেছিলেন যে জনগণমনবংশ স্বাধীনতা আনে নি, তারা কলকাতা গিয়ে শুধু তিনতারা হোটেলে ঘুমিয়েছে, সোনাগাছিতে মজা করেছে, হিন্দুমাইয়াগো লইয়া



চলাচল করেছে, মাঝেমইধ্যে রবীন্দ্রনাথের বই খুলিয়া গান গাইছে, আর একজন তো পাকিস্তানে গিয়া পায়ের ওপর পা রাইখ্যা খালি অ্যারিনমোর ভামুক টানছে পাইপ ভইর্যা, আর চোখে কালা চশমা দিয়া দিনরাইত ঠুশঠাশ ঠুশঠাশ যুদ্ধ করছে খালি তাগো একনম্বর ফ্রিডম ফাইটার একনম্বর মেজর একটা ঘোষণা দিয়াই সে দ্যাশ স্বাধীন কইর্যা ফেলছে, আমরা তাও মনে নিয়েছিলাম : মানা ছাড়া আমরা জনগণরা কী করতে পারি?) আমরা তাঁদের দেখলেই মাথা নিচু ক'রে নিজেদের অপরাধ স্বীকার করতাম, আমরা সবাই দল বেঁধে কইলকাতা যাইতে পারি নাই, তাঁদের আমরা সব ক্ষমতা দিয়ে দিয়েছিলাম; কিন্তু ক্ষমতায় তাঁদের পেট ভরে নাই।

আমরা আধুরা জনগণ, বেশি কথা বলা আমাদের উচিত না, আমাদের গলায় বেশি কথা সাজে না, গলা আমাদের দড়ি দিয়ে শক্ত ক'রে বেঁধে রাখা উচিত, আত্মতাহা গফুরের রাহিম সব কথা বলার ক্ষমতা দিছেন শুধু রাজাগো। আমরা তো তাঁরে সব ক্ষমতা দিছিলাম, বাঙলায় ক্যাপিটাল লেটার থাকলে সেটা দিয়েই আমরা জনগণরা 'তাঁরে' লিখতাম, যতোটা দেওনের আছিল বাকি রাখি নাই, আরো থাকলে আরো দিতাম, দিনরাইত তাঁর গুণগান গাইতে গলারে অবসর দেই নাই, তিনি বিদেশ থিকা বিদেশির মতো দেশে এসেছিলেন, বিমান থেকে নেমে ট্রাকে উঠে তিনি দ্যাশটা দেখে চিনতে পারতেছিলেন না, তাঁর চোখমুখের দিকে তাকিয়ে তা-ই মনে হচ্ছিলো; তিনি কোন ক্ষমতা পেলে সুখ পাবেন বুঝতে পারছিলেন না, রাষ্ট্রপতি হবেন না রাজা হবেন না আবার রাষ্ট্রপতি হবেন না বাদশাহ্ হবেন না সুলতান হবেন না মহারাজ হবেন না সম্রাট হবেন না একলাই সব হবেন না ভাইগা ভাইস্তা শালা বোনের জামাই পোলামাইয়ারে দেশটা দিয়ে দেবেন, দেশটারে কয় ভাগে ভাগ করবেন, কয়টা সুবাদার লাগাইবেন, তা ঠিক করতে পারতেছিলেন না; তখন বড়ো ক্যাডাররা দেখা দিলো, শক্তির উৎসবাদী রাজবংশের উৎপত্তি হলো; নতুন কালিতে সব নতুন ইতিহাস লেখা হলো। আমরা ইতিহাস লেখালেখি বড়ো পছন্দ করি, কয়েক বছর পর পর আমরা নতুন কালিতে সব নতুন ইতিহাস লিখি, নতুন নতুন ইতিহাস মুখস্থ করি।

পাওয়ার হচ্ছে আসল কথা; পাওয়ার পেলে করাপশন করতেই হয়। পাওয়ার হচ্ছে দামড়া পুরুষপোলা, সব সময় খাড়া হইয়া আছে, আর করাপশন হইছে পাটক্ষেতে ডেকড়ি মাইয়ালোক; তাই করতেই হয়। হাজার বছর ধ'রে করাপশনে থাকতে থাকতে করাপশনরে আমরা খারাপ মনে করি না, পলিটিশিয়ানরা যতোই চিৎকার করুক, আমরা জানি ওইটা হইছে খালি আওয়াজ; যারা করাপশন করে, করতে পারে তাদের আমরা ভক্তিশ্রদ্ধাই করি। আমরা যাগো ছবি বঙ্গভবনে ভঙ্গভবনে বান্ধাইয়া রাখছি তাগো মইধ্যে কে করাপশন করেন নাই? তাই ব'লে কি আমরা তাগো মায়ের পেট হইতে খালাশ হওনের দিনে আর দুনিয়া থেকে আমাগো কান্দাইয়া যাওনের দিনে ইকুলের পোলাপানরে ছুটি দিয়া খুশি করি না?

পাওয়ার? তা কে চায় না? আমরা হাজার বছরে পাওয়ার পাই নাই, তাই আমরা সবাই পাওয়ার চাই; আমরা একদল লর্ড ক্লাইভ হইতে চাই, আরেকদল আইউব খাঁ হ'তে চাই; পাওয়ার পাওয়ার পর তাদের ছাড়িয়ে যেতে চাই। ছাড়াবাড়ির খুদির মায়

পাওয়ার চায়, ঢালারপাড়ের রকমান পাওয়ার চায়। পাওয়ার পেলে খুদির মার মস্তক ঠিক থাকে না, দিনে পাঁচসাতবার পাগল হয়; রকমানের অণু ফুলে ওঠে, কোষ ফুলে ওঠে, সব জায়গায় পাওয়ার বোধ করে।

ওই যখন বড়ো ক্যাডাররা প্রথমবার আসলো। ক্যাডাররা এসে চাষাভূষণো বিধিবিধান বোঁচা দিয়ে লাথি মেরে বাতিল ক'রে ক্যাডারগো ধরো মারো বোলাও ওতাওগুলি চালু করলো, চাষাভূষণ নিয়ম চিৎ হয়ে পড়লো খাড়া হয়ে দেখা দিলো ক্যাডারগোগুলি; চালু করার জন্যে তারা চাষাগো মানুষগোই কামে লাগাইলো। আমরা চাষা চামারকামাররা না খেয়ে পাছা উদলা রেখে তাগো মোটামোটা বেতন দেই, গাড়িবাড়ি ফ্লাপ দেই, তাঁরা আমাগো নিয়ম বাঁচাইবো ব'লে; কিন্তু আমরা কী দেখতে পাইলাম? যা দেখতে পাইলাম, তা বলন যায় না। ক্যাডাররা এসে আমাগো তাগো গোমস্তা বানাইলো, তারা খুশি হয়ে গোমস্তা হইলো। আমি কান্দি মাইয়ার লিগা মাইয়া কান্দে নাদের লিগা। এইটা আমরা আগেও দেখছি; ক্যাডাররা আইসাই খোঁজে তাগো, আর তাঁরা ফজরবেলা ক্যাডারদের ট্রাকের আওয়াজ পাওয়ার পর থেকেই অজু গোশল কুলুপ ও অন্যান্য ক্রিয়াকর্ম সম্পন্ন ক'রে সেলাত আদায় ক'রে কাজের মেয়ের হাতে (বৃদ্ধা স্ত্রী নিদ্রিত) আখের গুড়ের মুড়ির মোয়া আর চা খেয়ে স্যুটকোটটাই প'রে নিজের হাতে জুতো পালিশ ক'রে অপেক্ষা করতে থাকেন, কখন ক্যাডাররা নিতে আসবে। কখন জিপের শব্দ পাওয়া যাবে। কখন পাওয়ারে বসাবে, মহামান্য প্রেছিডেন্ট করবে, সর্বশক্তিমান ছিএমএলএ করবে। আমি কান্দি মাইয়ার লিগা মাইয়া কান্দে নাদের লিগা।

এইটা কি রাজনীতি না? রাজনীতি কি হয় খালি শ্লোগান দিলে আঙন লাগাইলে ভাঙলে চুরলে মিছিল করলে ভোট চাইলে ভোট ডাকতি করলে? ছৈজন্দি ব্যাপারী বলে শ্লোগান দিয়ে আঙন লাগিয়ে মিছিল ক'রে ভেঙেচুরে রাজনীতি করতে হ'লে পোতার ওপর সেইটা থাকতে হয় খাড়াইতে হয় দাঁড়াইতে হয়; আর বড়ো ক্যাডার আসার পর স্যুটকোট ফিন্দে প্রেছিডেন্ট ছিএমএলএ হওয়ার জন্যে দরকার হচ্ছে—দরকার হচ্ছে পোতা না থাকন সেইটা না থাকন। ইসহাক মওলানা সাব বলেন তাগো সেইটা কহিট্যা নুন ভইর্যা দেওয়া হইছে। ছৈজন্দি ব্যাপারী বলে এগো নাম পোতাছাড়া পলিটিশিয়ান, করনের ইচ্ছা আছে ঘোলো আনা কিন্তু খাড়ায় না; ক্যাডাররা বুটের লাথি দিয়ে এগো সিংগাসনে বসিয়ে দেয়, আবার পাছায় লাথি মেরে নামিয়ে দেয়। এতেই তাদের আনন্দ।

দালানের ওপরের আন্ধা মেয়েলোকটা আর দাঁড়িয়ে থাকতে পারে না, পাগলির মতো খলখল ক'রে হাসে কলকল ক'রে কান্দে রাস্তায় পড়ে গড়াগড়ি খায় চুল ছেঁড়ে। পাটের দড়িতে বান্ধা বেতের দাঁড়িপাল্লা এদের মাথার ওপর ঠাশ ঠাশ ক'রে ছিড়ে পড়ে; তারা বুঝতে পারে না।

সেই প্রথম বড়ো ক্যাডাররা এসে বড়ো সেইটাছাড়ার বাড়ি জিপ পাঠায়।

সেইটাছাড়া স্যুটকোট প'রে প্রস্তুত হয়েই ব'সে ছিলেন, কয়েক দিন ধ'রেই ব'সে ছিলেন, ডাক আসতে একটু সময় লাগে, তারা তখনো খুনাখুনি শেষ ক'রে উঠতে পারে

নি, ব'সে থাকতে থাকতে তাঁর পাছায় বাত ধ'রে যায়; হঠাৎ একঝাঁক ক্যাডার দরোজা ভেঙে চুকছে দেখে তিনি ভয় পেয়ে যান, দৌড়ে দিয়ে বাথরুমে ঢোকেন; কমোডের ওপর ব'সে পড়েন, কিন্তু কমোডে ব'সে কী করতে হয় ভুলে যান; এবং উন্টোপাল্টা কাজ করতে থাকেন। একবার লাফিয়ে কমোডের ভেতরে ঢুকে পড়তে চান, কিন্তু মাথায় বাড়ি লেপে আবার কমোডে বসেন; আবার কমোডের ঢাকনার ওপর ব'সে পড়েন যেমন ছেলেবেলায় পিড়িতে বসতেন। ব'সে জীবনে এতো আরাম আর কখনো তিনি পান নি।

তিনি বলেন, 'কমোড, আমারে রক্ষা করিও, জীবন দান করিও।'

কমোড থপথপ শব্দ করতে থাকে।

এক ক্যাডার দরোজায় লাগি মেরে বলে, 'স্যার, প্রিজ কাম আউট, ডোন্ট বি অ্যাফ্রেইড; আওয়ার লিডার হ্যাজ অর্ডার আস টু মেইক ইউ অ্যাভেইলেবল অ্যাট বঙ্গভবন ইন টেন মিনিটস্ টাইম; হি উইল মেইক ইউ দি প্রেছিডেন্ট অ্যান্ড দি ছিএমএলএ। দ্যাশে ইম্মেডিয়েটলি ড্যামোক্রেসি দরকার, প্রিজ কাম আউট উইদাউট মাচ ডিলে; দি বাথরুম ইজ নট ইয়োর প্রপার প্রেস, বঙ্গভবন কন্স ইউ; আওয়ার ড্যামোক্রেসি ওয়ান্টস্ ইউ।'

সেইটাছাড়া বাথরুম থেকে বেরিয়ে ক্যাডারদের স্যালুট দেন।

ক্যাডাররা তাঁকে কোলে ক'রে জিপে তোলে। সাক্ষ্য আইন না বুঝে নভেম্বরের হাফা কুয়াশা তখন বিব্রতভাবে ছড়িয়ে আছে চারদিকে, পথে কোনো মানুষ নেই, কয়েকটি কুকুর রাজত্ব করছে রাজপথে, ক্যাডাররা তাঁকে জিপে তুলে দেখে বসার জায়গা নেই। তারা তাঁকে কোলেই তুলে রাখে—বেশ হাক্ষাপাতলা জিনিশ, দেশি মুরগির মতো; এবং বঙ্গভবনের ভেতরে ঢুকে প্রধান ক্যাডারের সামনে বাজারের থলের মতো ছুঁড়ে দেয়।

সেইটাছাড়া কোনো মতে দাঁড়িয়ে প্রধান ক্যাডারকে স্যালুট দেন।

প্রধান ক্যাডার বলেন, 'ইউ গুড নট স্যালুট মি, ইনস্টেড আই শ্যাল স্যালুট ইউ; আই অ্যাম গোলিং টু মেক ইউ দি প্রেছিডেন্ট অ্যান্ড দি ছিএমএলএ রাইট নাউ। দ্যাশে ড্যামোক্রেসি দরকার, পিপল আর হাংরি ফর ড্যামোক্রেসি, ড্যামোক্রেসি নিড্‌স্ ইউ ফর দি টাইম বিয়িং।'

প্রধান ক্যাডার একটা মারাত্মক স্যালুট মারেন, তাঁর বুটের আঘাতে বঙ্গভবন ভেঙে পড়তে চায়; সেইটাছাড়া স্যালুটের শব্দে ভয় পেয়ে যান।

প্রধান ক্যাডার বলেন, 'নাউ, ইউ আর দি প্রেছিডেন্ট অ্যান্ড দি ছিএমএলএ। আমি যেভাবে বলবো, সেভাবে আপনি কান্ডি রুল করবেন; তাহলে ড্যামোক্রেসি আসতে দেরি হবে না; উই অল বিলিভ ইন ড্যামোক্রেসি, আমরা দ্যাশে ড্যামোক্রেসি এনে ছাড়বো, ড্যামোক্রেসি ছাড়া কান্ডি চলতে পারে না।'

প্রেসিছিএমএলএ প্রধান ক্যাডারের গৌফ দেখতে পান, কিন্তু চোখ দেখতে পান না; তাঁর চোখ দেখতে ইচ্ছে করে, কিন্তু সানগ্লাসের সামরিক বেরিয়ার পেরিয়ে ওই অসূর্যম্পশ্য চোখ দুটি তিনি দেখতে পান না।

প্রধান ক্যাডারের কথায় চমকে উঠে তিনি বলেন, 'ইয়েস, স্যার।'

প্রধান ক্যাডার বলেন, 'ইউ আর দি প্রেছিডেন্ট অ্যান্ড দি ছিএমএলএ, ডোট অ্যাড্রেস মি অ্যাজ স্যার; আই অ্যান্ড উই অল উইল অ্যাড্রেস ইউ অ্যাজ স্যার। ইউ মাস্ট আন্ডারস্ট্যান্ড ড্যামোক্রেসিতে দি প্রেছিডেন্ট অ্যান্ড দি ছিএমএলএ ইজ অ্যাভাব অল।'

প্রেসিছিএমএলএ বলেন, 'ইয়েস, মাই প্রভু, জি, আমার মনিব।'

প্রধান ক্যাডার বলেন, 'ইউ আর দি প্রেছিডেন্ট অ্যান্ড ছিএমএলএ; আই অ্যাম দি ডিছিএমএলএ নাম্বার ওয়ান, দ্যায়ার আর টু মোর ডিছিএমএলএস; অ্যান্ড দিজ গাইজ আর ইওর অ্যাডভাইজারস্। হিয়ার ইজ এ রিটার্ড জাস্টিস অফ দি সুপ্রিম কোর্ট, হি উইল অ্যাঙ্ক অ্যাজ ইউর স্পেশাল অ্যাসিস্টেন্ট, বাট ইন ফ্যাক্ট হি উইল অ্যাঙ্ক অ্যাজ মাই ব্যাটম্যান। উই অল আর ওয়েটিং ফর ড্যামোক্রেসি।'

প্রেসিছিএমএলএ ভয়ে ভয়ে জিজ্ঞেস করেন, 'আমার কী কাজ হইবে, আপনি আমাকে কী কাজ দিবেন দয়া করিয়া?'

প্রেসিছিএমএলএ অভ্যাসবশত একটি সোধন করতে গিয়ে সানগ্রাসের দিকে তাকিয়ে ভর পেয়ে থেমে যান। সানগ্রাসে তিনি কালো আগুন জ্বল জ্বল করে জ্বলে উঠতে দেখেন।

প্রধান ক্যাডার বলেন, 'আপনার কিছুই করতে হবে না, আমরাই সব কাজ করবো; আপনি শুধু অনারেবল প্রেছিডেন্ট অ্যান্ড ছিএমএলএ থাকবেন, আপনি বঙ্গববনে ঘুমাইবেন, খাইবেন অ্যাচ মাচ অ্যাজ ইউ নিড, আর না দেখে সাইন করবেন, আমরা তখন ইলেকশন আর ড্যামোক্রেসির রাস্তা পাকা করবো। দি কান্ট্রি নিড্‌স্ ড্যামোক্রেসি অ্যাজ আর্লি অ্যাজ পসিবল।'

কোনো কাজ করতে হবে না শুনে খুব খুশি হন প্রেছিছিএমএলএ।

প্রধান ক্যাডার বলেন, 'ইউ ওয়্যার এ ফেসলেস নেমলেস আননৌন টপ লিগাল ব্যুরোক্রাট; ন্যাশন আপনাকে চিনে না, এইবার আপনাকে ন্যাশন চিনতে পারবে, এভরি নাউ অ্যান্ড দেন যখন উই উইল ফিল নিড আপনাকে টেলিভিশনে ন্যাশনাল ফ্ল্যাগের নিচে ব'সে ড্যামোক্রেসি আর আমাদের মহৎ পারপাস সম্পর্কে ন্যাশনকে অ্যাড্রেস করতে হবে। আই শ্যাল ডিস্টেট দি অ্যাড্রেস হুইচ ইউ উইল রিড। ঠিক মতো রিডিং পড়া শিখতে হবে, যেমন ক্লাশ ফোর ফাইভে পড়তেন। ভেরি সুন ইউ উইল বি এ নৌন ফিগার ইন দি কান্ট্রি। আই অ্যাম শিউর ইউ উইল এনজয় ইট।'

প্রেসিছিএমএলএ বলেন, আমি রিডিং পড়িতে পারিব, চিরকাল আমি রিডিংই পাঠ করিয়া আসিয়াছি; ইহা করিতে আমি অতিশয় আনন্দিত হইব, আপনাকে অসংখ্য ধন্যবাদ জানাইতেছি।'

প্রধান ক্যাডার বলেন 'আপনাকে বেশি দিন কষ্ট দেবো না, স্যার, ইউ আর অ্যান অৌন্ড হ্যাগার্ড, বছরখানের মধ্যেই আই শ্যাল বি দি ছিএমএলএ, তখন আমরা ড্যামোক্রেসির দিকে কয়েক স্টেপ প্রসিড করবো, উই নিড ড্যামোক্রেসি অ্যাজ আর্লি অ্যাজ পসিবল; তখন আপনার কাজ কমবে, কম সাইন করতে হবে, কম অ্যাড্রেস করতে হবে।'

প্রেছিছিএমএলএ বলেন, 'দ্যাট উইল বি ভেরি কাইন্ড অফ ইউ, বুদ্ধ মানুষ আমি বেশি পরিশ্রম করিতে কষ্ট হইবে।'

প্রধান ক্যাডার বলেন, 'বছর দেড়েকের মধ্যে ইউ উইল বি টু অ্যান্ড অ্যান্ড ইউজলেস, বাই দিস টাইম দি কম্টি উইল বি রেডি ফল ড্যামোক্রেসি, আই শ্যাল গিভ বার্থ টু এ ন্যাশনালিস্ট পলিটিক্যাল পার্টি; দেন ইউ উইল রিজাইন ইন মাই ফেভার মেনশনিং দি রিজন ফর রেলিনকুইশমেন্ট অফ দি অফিস অ্যাজ অফ ইল হেল্থ অ্যান্ড ইন ন্যাশনাল ইন্টারেস্ট। ন্যাশনাল ইন্টারেস্ট মিন্‌স্ ড্যামোক্রেসি।'

প্রেছিছিএমএলএ বলেন, 'দ্যাট উইল বি মাই কম্টিবিউশন টু ড্যামোক্রেসি, দেশে ড্যামোক্রেসি আনিয়া আমি ধন্য বোধ করিব, চিরকাল আপনার নিকট কৃতজ্ঞ রহিব, আপনি জাতিকে পুণ্যপন্থা দেখাইবেন।'

প্রধান ক্যাডার বলেন, 'দেন ইউ উইল হ্যাং ইউর ফটোগ্রাফ ইন বঙ্গভবন।'

'হ্যাং' শব্দটি শুনে কেঁপে ওঠেন প্রেছিছিএমএলএ; পরে বুঝতে পারেন তাঁকে নয়, তাঁর ছবি লটকানো হবে বঙ্গভবনে। তিনি স্বস্তি বোধ করেন।

বছর দেড়েক পর নুনভরাকে সেইটাছাড়াকে পাঁজাকোলে ক'রে একদল ক্যাডার ফেলে দিয়ে আসে তাঁর বাড়ির ডাস্টবিনের পাশে। সেদিন দেশে নতুন গণতন্ত্র দেখা দেয়। এমন সেইটাছাড়া পলিটিশিয়ান আরো অনেক জন্ম নিয়েছে দেশে, তবে সকলের কথা বলার দরকার নেই, বলতে ঘেন্নাও লাগে।

পার্টি বেশ গভীর ঘন নিবিড় হয়ে জমেছে।

অধ্যক্ষ রুস্তম আলি পল্টু বলেন, 'অরা চাইর বছর যা পাইছিলো খাইছিলো, অনেক বছর খায় নাই, এইবার খাইতে চায়। ঝাওয়াইয়া দিমু অগো।'

ডঃ কদম রসুলের বেশ লাগছে; ওই তিন রাতের পর এই রাতটিকে জান্নাতুল ফেরদৌসের রাত মনে হচ্ছে। তাঁর কয়েক রেকাত সালাত আদায়ের ইচ্ছে হয়।

তিনি বলেন, 'অগো ভয় পাওয়াইয়া দিতে হইবো, আমলাগুলিরেও ভয় পাওয়াইতে হইবো, পুলিশগুলিরেও ভয় লাগাইতে হইবো। আমাদের ভয় পাইলে চলবো না, সকলকে ভয় লাগাইয়া দিতে হইবো।'

অধ্যক্ষ রুস্তম আলি পল্টু বলেন, 'ভর অনেক আগেই লাগাই দিছি; অরা চাইছিলো আমাগো ঢাকা থিকা দ্যাশ থিকা খ্যাদাইয়া দিয়া পাওয়ারে আসতে; গুরুতেই অই যে ধমক দিলাম, ভর লাগাইয়া দিলাম, তাই আইজকাইল মিনমিন কইর্যা খালি করাশনের পাচালি গায়। অরা কবিয়ালা, অগো পাচালি গাওন ছাড়া আর কাম নাই।'

জেনারেল কেরামতের একটি অন্তরঙ্গ প্রদ্রোম তাঁকে মাঝেমাঝে খোঁচা দিচ্ছে। তিনি সেটা অধ্যক্ষ রুস্তম আলি পল্টুর সাথে একটু আলোচনা করতে চান, কেননা অধ্যক্ষই তাঁকে উদ্ধার করতে পারেন, কেননা অধ্যক্ষই সেটি বিশদভাবে জানেন। তবে অধ্যক্ষ যা জানেন, তা মধুর; তাতে কোনো খোঁচাখুঁচি নেই, বা থাকতেও পারে, এখন খোঁচাখুঁচিটা বেড়েছে।

জেনারেল অধ্যক্ষের কাছে এসে বলে, 'অধ্যক্ষ ভাই, আই হ্যাভ সাম ভেরি পারসোন্যাল অ্যান্ড ইন্টিমেট ডিসকাশন উইথ ইউ।'

অধ্যক্ষ উঠে দাঁড়ান; তাঁরা লাইলি পুষ্পকুঞ্জ থেকে বেরিয়ে আরেকটি কুঞ্জে ঢোকেন, যেটির কোনো দাম নেই; পরে কখনো দাম দেয়া হ'তে পারে, হয়তো পরে কোনো শিরিন পুষ্পকুঞ্জ বিকশিত হ'তে পারে।

জেনারেল বলেন, 'ভাই, একটা প্রলোভন অ্যারাইজ করেছে; আপনিই শুধু তা সলভ করতে পারেন, অনলি ইউ ক্যান সলভ ইট ফর মি।'

অধ্যক্ষ বলেন, 'আমি ত অল টাইম আপনার সার্ভিসে আছি। তাছাড়া জ্যানারেলগো কোনো প্রলোভন থাকা ঠিক না, তাইলে কান্ট্রির ডিফেন্স পাওয়ার নষ্ট হইয়া যায়, কান্ট্রি উইক হইয়া পড়ে।'

জেনারেল বলেন, 'লাইলি।'

অধ্যক্ষ হাসতে হাসতে বলেন, 'অহ, নতুন ভারীসাব অ্যাটাক করছে বুঝি? তাইলে ত এনিমি ইজ ভেরি স্ট্রং, ইন্ডিয়া পাকিস্থান না, আপনি সুপার পাওয়ারের অ্যাটাকে পড়ছেন; ডিফেন্স নষ্ট কইয়া ফেলছে নি?'

জেনারেল বলেন, 'লাইলি আর গোপন ওয়াইফের লাইফ লিড করতে চায় না, ওপেনলি সে আমার সঙ্গে থাকতে চায়, ওয়ান্টস্ টু বি হেভিলি প্র্যাগনেন্ট, সে সব কনডম আর পিল ডাস্টবিনে ঝুঁড়ে ফেলে দিয়েছে। সে ওয়াইফের ফুল স্ট্যাটাস চায়, মিস্ট্রেসের মতন থাকতে চায় না।'

অধ্যক্ষ বলেন, 'বেশ মেজর প্রলোভন মনে হইতেছে।'

জেনারেল বলেন, 'নট অনলি দ্যাট, লাইলি ইলেকশনেও দারাতে চায়, সে নমিনেশন চায়।'

অধ্যক্ষ একটু চিন্তিত হন; এবং বলেন, 'জ্যানারেলভাই, আপনার প্রলোভন দুইটা; প্রথমটা লাইলিভাবী ওপেন স্বীকৃতি চায়, ভারপার ইলেকশনে দারাহিতে চায়। দুইটা প্রলোভনই সলভ করতে হবে।'

জেনারেল বলেন, 'হ্যা, ভাই; আপনিই এইটা সলভ করতে পারেন।'

অধ্যক্ষ বলেন, 'কোনো প্রলোভনই কঠিন না, সব প্রলোভনই সলভ করন যায়। তবে এই কাজে আপনার পাঁচ দশ কোটি ট্যাকা খসাইতে হইবে।'

জেনারেল বলেন, 'মানি ইজ নো প্রলোভন, টাকা আমি খরচ করতে রাজি, আই হ্যাভ ইনাক্স মানি টু কিপ সেভারেল ওয়াইভ্‌স্ অ্যান্ড মিস্ট্রেসেস; আপনি শুধু প্রলোভন দুইটা সলভ ক'রে দেন ভাই।'

অধ্যক্ষ বলেন, 'প্রথম প্রলোভন বড়ভাবী, তারে কি আপনি ডাইভোর্স ক'রে লাইলি ভাবীর সঙ্গে সংসার করতে চান?'

জেনারেল বলেন, 'নো, নো; ডাইভোর্স করতে চাই না। তাতে আমার ইমেজ টোটালি নষ্ট হয়ে যাবে, মাই পলিটিক্যাল কেরিয়ার উইল বি শ্যাটার্ড।'

অধ্যক্ষ বলেন, 'এইটা পলিটিশিয়ানের মতন কথা। পলিটিশিয়ানরা মিস্ট্রেস রাখতে পারে, গোপনে দুই একটা ওয়াইফ রাখতে পারে, কিন্তু বড় জ্বীরে ডাইভোর্স করতে পারে না। পলিটিশিয়ানগো ফ্যামিলি ভ্যালুজ ঠিক রাখতে হয়, ফ্যামিলি ভ্যালুজ সম্পর্কে লেকচার দিতে হয়; এমনকি আমেরিকায়ও ক্রিনটনভাই দুই তিন শো

মাইয়ালোকের লগে ঘুমাইলেন সাক করাইলেন, কিন্তু ফ্যামিলি ভ্যালুজ তিনি নষ্ট করতে পারেন না।'

জেনারেল বলেন, 'আমি ফ্যামিলি ভ্যালুজ ঠিক রাখতে চাই, ফ্যামিলি ভ্যালুজ ঠিক না রইলে সমাজে রইলো কী।'

অধ্যক্ষ বলেন, 'তার মানে বড়ভাবীরে রাজি করাইতে হবে। আমার মনে হয় লাইলিভাবীর কথা বড়ভাবী জানে, বুড়াকালে সেও বেশি গোলমালে যাইতে চায় না, তার স্বার্থটা ঠিক থাকলেই হইল। তারে এইটা মানাইতে হইলে দুই চাইর কোটি তারে দিতে হইবো, বারিধারার বাড়িটাও লেইখ্যা দিতে হইবো মনে লইতেছে, আরো কিছু খরচ লাগবো। মাসে দুই এক রাইত তার লগে থাকলেই চলবো, তার বেশি লাগবো না।'

জেনারেল বলেন, 'এইটা কোনো সমস্যা না, এই সব আমি দিবো, আই হ্যাভ ইনাফ মানি, মানি ইজ নো প্রব্লেম।'

অধ্যক্ষ বলেন, 'আর ভাই, আপনার এলডেস্ট সানকেও কন্সিডার করতে হইবে, সে আমাগো বড়ো ক্যাডার; সেও পিস্তল ঠ্যাকাইতে পারে।'

জেনারেল বলেন, 'দ্যাট ইজ ভেরি মাচ পসিবল, আই অ্যাম মাচ অ্যাক্কেইড হি উইল ক্রিয়েট ট্রাবল্‌স্‌, অলদো হি হ্যাজ সেভারেল মিস্ট্রেসেস, ইয়ং অ্যান্ড জৌন্ড।'

অধ্যক্ষ বলেন, 'তারে থামাইতে কোটি দুই লাগবো, বেশিও লাগতে পারে।'

জেনারেল বলেন, 'টাকা প্রব্লেম না প্রিন্সিপালভাই, টাকা আই হ্যাভ ইনাফ, আপনি এটা ট্যাকল্‌ ক'রে দিবেন।'

অধ্যক্ষ বলেন, 'দ্বিতীয় প্রব্লেম হইলো লাইলিভাবীর ইলেকশনে দারান, নমিনেশন পাওন। কথা হচ্ছে আমাগো দল থিকা কোনো মাইয়ালোক দারাইলে পাশ করতে পারবো না। মহাদেশনেত্রী মাইয়ালোকের মধ্যে পড়েন না, তিনি হইতেছেন মহাদেশনেত্রী, আমাদের মহান ফাদার অফ দি পার্টির মহীয়সী স্ত্রী, তিনি আমাদের পূজনীয়াদার অফ দি পার্টি, কুইন ভিক্টরিয়া। তিনি থাকলে আমরা আছি, নাইলে নাই।'

জেনারেল বলেন, 'কিন্তু ভাই, আমি একটা সলিউশন বাইর করছি, আপনি ওইটা মাইন্যা নিলে কোনো প্রব্লেম থাকবো না, অন্যেরা আপনার কথা ফেলতে পারবে না।'

অধ্যক্ষ বলেন, 'আপনের সলুশনটা বলেন ভাই।'

জেনারেল বলেন, 'আমি দুইটা কন্সটিটিউয়েন্সি থিকা দারাইতে চাই; দুইটা কন্সটিটিউয়েন্সিই আমি তিন বছর ধ'রে ঠিক ক'রে রাখছি, আই স্পেস্ট মিলিয়ন্স্‌, আমি দুইটা থিকাই পাশ করবো। দি ভোটারস অফ বোথ দি কন্সটিটিউয়েন্সিস ওয়ান্ট মি, অ্যাজ দ্যায়ার এমপি বিকজ দে নো আই শ্যাল বি এ মিনিস্টার, দ্যায়ার ইজ নান টু চ্যালেঞ্জ মি।'

অধ্যক্ষ বলেন, 'আপনে দলের লিডার, দুইটা কন্সটিটিউয়েন্সি থিকা নমিনেশন আপনে পাইবেন, আমি আপনার কথা আগেই ভাইব্যা রাখছি। এই বছর আমরা লিডাররা প্রত্যেকে দুই তিনটা কইর্যা কন্সটিটিউয়েন্সি থিকাই কন্টেস্ট করবো,

মহাদেশেন্দ্রী করবেন চাইরটা থিকা। তবে ভাই এখন থিকাই একটু দেইখ্যাওইনা রাখবেন, যাতে ওইখান থিকা আর কেহ দারাইতে না চায়।'

জেনারেল বলেন, 'ওইখান থিকা যারা ক্যান্ডিডেট হইতে পারে, তাদের আমি লাখ পঞ্চাশেক দিয়ে রেখেছি, কেউ ক্যান্ডিডেট হবে না, দে হ্যাভ গিভেন মি হান্ড্রেড পার্সেন্ট গ্যারেন্টি, দে আর মাই পেইড পিপল, অলমোস্ট স্লেভ্‌স্‌।'

অধ্যক্ষ জিজ্ঞেস করেন, 'আপনে কি তাগো বিশ্বাস করেন, তাগো কথার কোনো দাম আছে?'

জেনারেল বলেন, 'পলিটিক্সে বিশ্বাস করা ব'লে কিছু নাই, আছে ট্রিক্স; তার ব্যবস্থা আই হ্যাভ টেকেন, এখন থেকেই তাদের দুইজনরে দশজন কইর্যা ক্যাডার পাহারা দিতেছে, নমিনেশন পেপার জমা দেয়া পর্যন্ত পাহারা দিতে থাকবে।'

অধ্যক্ষ বলেন, 'আপনাকে দুইটা কঙ্গটিউয়েন্সি থিকাই পাশ করতে হইবো, একটায়ও ফেল করলে চলবো না।'

জেনারেল বলেন, 'সেই ব্যবস্থা আমি নিয়েছি, পাশ আমি করবোই। আই হ্যাভ মানি অ্যান্ড ক্যাডার্স্‌; আমার বাঞ্চে ছাড়া অন্য বাঞ্চে ভোট দিতে নান উইল ডায়ার, ভোটার্স্‌ আর নট দি ডিসাইডিং ফ্যাক্টরস্‌ ইন পলিটিক্স।'

অধ্যক্ষ বলেন, 'মানি আর ক্যাডার থাকলে দুইটাই আপনে পাশ করবেন, যদি দুইটায়ই পাশ করতে পারেন, আপনেরে পায় কে? আপনে একটা সিট ছাইর্যা দিবেন, ওই খালি সিটে লাইলিভাবী দারাইবো; তখন তার নমিনেশন পাওন পানির মতন সোজা হবে। আমি তো আছিই আপনার পক্ষে, চিন্তার কোনো কারণ নাই। লাইলিভাবীও পাশ করবো, তখন দুইজনেই পার্লামেন্টে বসবেন। ড্যামোক্রেসিতে এক ফ্যামিলি থিকা যতো মেম্বার হয় ততই ভাল।'

জেনারেল বলেন, 'অধ্যক্ষভাই, আপনি কিছু মনে না করলে আপনার ইলেকশন ক্যাম্পেইনের ব্যয়ের যিকটি পার্সেন্ট আমিই বিয়ার করবো।'

অধ্যক্ষ জেনারেলকে জড়িয়ে ধ'রে বলেন, 'চলেন ভাই, আর দুই চাইর গেলাশ খাই, মাইয়াগুলিরে একটা কাছে থিকা দেখি। বুড়া হইছি বইল্যা শরীরের কাঁপন যায় নাই।'

শক্তির উৎসবাদী গণতান্ত্রিক রাজবংশের মহাদেশেন্দ্রী, কুইন ভিক্টোরিয়া বেশ ভেঙে পড়েছেন, সিংহাসনে বসা ছাড়া রাজনীতি তিনি বোঝেন না, তার চেয়ে বেশি বোঝেন খাই আর চিনা বিউটিশিয়ানদের, তবু তাঁর মনে হচ্ছে সিংহাসন স'রে যাচ্ছে; বেশ উৎফুল্ল আছেন জনগণমন গণতান্ত্রিক রাজবংশের মহাজনেন্দ্রী, রাজকন্যা, সুলতানা রাজিয়া। গতবারের কোনো ভুলই তিনি আর করতে চান না, এবার সিংহাসনে বসতেই হবে তাঁকে; তাঁর রাজপুরুষদের কড়া নির্দেশ দিয়েছেন এবারের সম্ভাবনাকে নষ্ট করা চলবে না। এবার যদি ক্ষমতায় যাওয়া না যায়, তাহলে তাঁদের আর ভবিষ্যৎ নেই। তাই তাঁর রাজপুরুষেরা খুবই ব্যস্ত দিনরাত তাঁরা ক'রে চলছেন পরিকল্পনার পর পরিকল্পনা।

আমরা জনগণরা ড্যামোক্রেসি আর গণতন্ত্রের কলকাঠি বুঝতে পারি না, ভোট দিয়েই কাম শেষ করি; তবে গুনতে পাই শহরে নানা রকম পলিটিকেল পণ্ডিত দেখা



দিয়েছেন, ওই পণ্ডিতরা অন্ধ শিখে এসেছেন বিলাত আর আমেরিকা থেকে, তাঁরা নাকি পাঁচশোজন আর হাজারজন মানুষের সাথে কথা বলেই অন্ধ ক'রেই ব'লে দিতে পারেন এবার ইলেকশনে কোন রাজবংশ ক্ষমতায় আসবেন। আমাদের খবরের কাগজগুলি ওই সব রাজনৈতিক জ্যোতিষীদের হস্তগণনা ছাপতে শুরু করেছে, আর আমরা একেক দিন একেকদল জ্যোতিষীর হস্তগণনার অন্ধ প'ড়ে মাথায় গোলমাল বাধিয়ে তুলছি।

ইলেকশন আসলে সবাই দোকান খোলে, একটু ব্যবসা ক'রে নিতে চায়; পানবিড়িআলারা ঘুমানোর সময় পায় না, টানবাজার আর কান্দুপট্টির মেয়েগুলোর পিঠ আর মাজা লগভঙ হয়ে যায়; এখন দেখছি নতুন এই ব্যবসাটি সবাইকে ছাড়িয়ে গেছে—দিনরাত ব্যবসা করছে।

নিরপেক্ষ রাজনৈতিক জ্যোতিষীসংঘ ভবিষ্যদ্বাণী করেছেন :

	উচ্চাভিস্তের মতে প্রাপ্ত আসন	মধ্যভিস্তের মতে প্রাপ্ত আসন	নিম্নভিস্তের মতে প্রাপ্ত আসন	গড়ে প্রাপ্ত আসন
জনগণমনবংশ	১৪০	১৫০	১৬০	১৫০
শক্তির উৎসবংশ	১০০	৯০	৭০	৮৬.৬
খোজাবংশ	২০	২৫	২০	২১.৬
রাজাকারবংশ	৫	৩	১৫	৭.৬
অন্যান্য বংশ	৫	২	৫	৪
মোট আসন	২৭০	২৭০	২৭০	২৭১

দ্রষ্টব্য : প্রত্যেক শ্রেণীতে অংশ নিয়েছেন ৫০০ ভোটার।

এবার হচ্ছে বাঁচনমরনের নির্বাচন, সারভাইভালের ইলেকশন; কারোই মাথা ঠিক নেই—জিতলে বাঁচুম হারলে মরুম। এই ধরনের হস্তরেখাপাঠ পাওয়া গেলে ভোটারদের মাথা ঠিক থাকে না, যারা ভোট চায় তাদের মগজ ঠিক থাকে না, খুলি ভেঙে মগজ চারদিক দিয়ে বেরিয়ে পড়তে চায়; বিশেষ ক'রে মগজ আর মাথা নষ্ট ভ্রষ্ট ভ্রষ্ট ভ্রষ্ট হয়ে যায় তাদের, সিংহাসন যাদের অবশ্যই চাই—সেই শক্তির উৎসবাদী আর জনগণমন রাজবংশের মহাদেশেন্ত্রী মহাজনেন্ত্রী রাজপুরুষ ক্যাডার, এমনকি চিকামারাদের। একদিন সকালবেলা আমরা জনগণনা দেখতে পাই দেশখানা পলিটিকেল প্যান্ডিট আর অ্যাস্ট্রোলোজারে উপচে পড়ছে; হার্ভার্ড শিকাগো ইউসিএলএ হনুলুলু সাথে আরো অজস্র ধনুলুলু ভনুলুলু চনুলুলুর রাজনৈতিক জ্যোতিষের ভবিষ্যদ্বাণীতে কাগজের পাতা ভ'রে উঠতে থাকে। ভাগ্যে লগে পরতিজোগিতা লাগায় আমাদের রাস্তার গলাকাইট্যা জোড়াগালাইনা ফালফারা বাকবাকম ম্যাজিশিয়ানটা (সে কয়েক ডিগ্রি এগিয়ে যায়, তার হস্তগণনা পত্রিকায় না দিয়া বাস্তবের ভেতরে বাস্তব তার মইধ্যে আরো বাস্তব তার মইধ্যে আরো বাস্তব তার মধ্যে আটকাইয়া রেখে আসে ইংরাজি খবরের কাগজের অফিসের লোহার সিন্দুকে), আমলিগোলায় পানিপড়ানি বুড়ীটা, ধলেশ্বরীর ফেরিঘাটের দাঁতের মাজনের ক্যানভাসারটা, এমনকি টানবাজারের তিনচারটা দেহশিল্পীও ভবিষ্যদ্বাণী করে। ওপরের পূর্বাভাসটি অত্যন্ত খুবই আপত্তিকর লাগে শক্তির উৎসবাদী কাছে, লাগনেরই কথা, তাঁরা এর তীব্র নিন্দা করেন; পয়ের দিনই আমরা খবরের কাগজে আরেকখানা বিজ্ঞানসম্মত পূর্বাভাস পাই, যাতে হস্তরেখা

আরো বৈজ্ঞানিকভাবে গণনা করা হয়েছে। এই পূর্বাভাসটির খুবই উচ্চ প্রশংসা করেন উৎসবাদীরা, আর খুবই নিষ্ঠা নিন্দা করেন জনগণমন গণতন্ত্রবাদীরা।

বিশুদ্ধগণতান্ত্রিক রাষ্ট্রবিজ্ঞানী জ্যোতিষীসংঘের অধিকতর বিজ্ঞানসম্মত (শক্তির উৎসবাদীদের মতে) পূর্বাভাসটি নিম্নরূপ :

	উচ্চবিভের মতে প্রাপ্ত	মধ্যবিভের মতে প্রাপ্ত	নিম্নবিভের মতে প্রাপ্ত	গড়ে প্রাপ্ত
	আসন	আসন	আসন	আসন
শক্তির উৎসবংশ	১৫০	১৬০	১৬৫	১৫৮
জনগণমনবংশ	৯০	৮০	৮৫	৮৫
রাজাকারবংশ	১৫	২০	১২	১৫.৬
খোজাবংশ	১০	৮	৬	৮
অন্যান্য বংশ	৫	২	২	৩
মোট আসন	২৭০	২৭০	২৭০	২৭০

দৃষ্টব্য : প্রত্যেক শ্রেণীতে অংশ নিয়েছেন ৮০০ ভোটার।

এরকম স্তম্ভিত ভবিষ্যদ্বাণীতে, হস্তগণনায়, সংখ্যাভেদে, ময়না টিয়া শালিক টুনটুনির পোস্টকার্ড পাঠে, বাঁটা খড়ম বাটি পিড়ি বঠি চালানে আমরা বাহ্যজ্ঞান হারিয়ে ফেলতে থাকি।

সব ধরনের রাজনৈতিক জ্যোতিষীদের মধ্যে প্রচণ্ডতম সাড়া জাগান এক অভিনব ধারার রাষ্ট্রবিজ্ঞান জ্যোতিষীরা, যাঁরা নিজেদের পরিচয় দেন 'নন্দনতাত্ত্বিক নির্বাচনবিজ্ঞানী'। এই ধারার রাষ্ট্র ও নির্বাচনবিজ্ঞান নাকি এখন খুবই প্রভাবশালী হয়ে উঠেছে উন্নত সেক্সি গণতন্ত্রগুলোতে; আমরা এখনো তার খবর পাই নি, কয়টা ভালো খবরই আর আমরা পাই একশো দুইশো বছর কটিনের আগে; তাঁদের তত্ত্ব হচ্ছে ভোটাররা আর শুধু ইশতেহার ও গলাবাজি শুনে ভোট দেয় না, ওই সব পচা ইশতেহার পড়া আর গলাবাজি শোনার থেকে তারা এক্সএক্সএক্স দেখতে বেশি পছন্দ করে; তারা ভোট দেয় (অন্তত ৪০%) ক্যান্ডিডেটদের পোশাকের রঙ, চিবুকের ভাঁজ, বক্ষের উচ্চতা, চুলের বিন্যাস, কণ্ঠস্বরের মাদকতা, ঠোঁটের বিস্তার, হাসির বিধি-এককথায় তাদের যৌনাবেদন অনুসারে। যাঁর যৌনাবেদন যতো বেশি তিনি ততো ভোট পান। তাঁরা ডিগ্রি দিয়ে সেক্স অ্যাপিল (এসএ) পরিমাপের পদ্ধতিও বের করেছেন; যাঁদের এসএ ৭৫° ডিগ্রির ওপরে, তাঁরা স্টারমার্কপ্রাপ্ত, তাঁদের জয় নিশ্চিত, ভোটাররা তাঁদের ভোট দেয়ার জন্যে ভোরের আগেই ভোটকেন্দ্রে উপস্থিত হয়; যাঁদের এসএ ৫০° ডিগ্রির নিচে, তাঁরা শুধু ফেল নয় তাঁদের জামানত বাজেয়াপ্তি অবধারিত, আগামী নির্বাচনেও তাঁদের কোনো সম্ভাবনা নেই। ওই সব দেশে সেক্স অ্যাপিল না থাকলে হ্যামবার্গারের মতো আকর্ষণীয় খাদ্যও বিক্রি হয় না, আর রাজনীতিবিদরা তো পচা বাসি খাদ্য, তাঁদের কে খায়? তাঁরা আরো জানান যে সারা দুনিয়াতেই রাজনীতিবিদদের এসএ ক'মে যাচ্ছে, জনগণ তাই রাজনীতিতে ভোটে নির্বাচনে আস্থা হারিয়ে ফেলছে; পৃথিবীতে শিগগিরই রাজনীতিক সংকট দেখা দেবে। তাঁদের কাছ থেকে আমরা আরো

জানতে পারি এখন সবচেয়ে কম এসএ আছে আরব আর ইউরোপের রাজা রানী রাজপুত্র রাজকন্যাদের, এবং আফ্রিকা ও অন্যান্য দেশের লৌহমানবদের। তাদের এসএ .০০৫°। নন্দনতান্ত্রিকদের তত্ত্ব ও বিশ্লেষণপ্রণালী হৈঁচৈ বাধিয়ে দেয় এজন্যে যে আমাদের ইসলামি রাষ্ট্রে, যার ছেঁড়াফাড়া সংবিধানের গুরুতে আল্লাতালার নামে সব কাম করনের কথা বলা হয়েছে, যাকে আমরা ফজরে জোহরে মাগরেবে আসরে আফগানিস্থান সৌদি আরব ক'রে তোলার জন্যে পাগল হয়ে উঠেছি, সেই পবিত্র ভূমিতে ক্যান্ডিডেটদের যৌনাবেদন বিচার ধর্মসম্মত কি না। একদল ফতোয়াবাজ ওই বিজ্ঞানীদের পাছায় ৪০টা দোবুরা লাগানোর ফতোয়া দেয়, আরেকদল তাঁদের ফাঁসিতে ঝোলানোর সিদ্ধান্ত জানায়। তবে নন্দনতান্ত্রিক রাষ্ট্রবিজ্ঞানীরা সীমা পেরিয়ে যান না— তাঁরা শয়তানের ভাই নন, বুদ্ধিজীবী হ'লেও তাঁরা বেশ বুদ্ধিমান, তাঁরা বলেন বাংলাদেশের মতো দেশে, যেখানে যৌনাবেদন সম্পর্কে কথা বলা কপট ট্যাবো (ধর্ম রাখতে হইলে এইটা অত্যন্ত দরকার), সেখানে ওই আবেদন (এসএ) বিচার বা পরিমাপ না করলেও চলে; এখানে বিচারবিশ্লেষণ করা দরকার সৌন্দর্য; আর ধর্মে সৌন্দর্য খুবই প্রশংসিত জিনিশ। তাঁরা অজস্র কেতাব থেকে পাতার পর পাতা হাজির ক'রে দেখান এই মহান ধর্ম সৌন্দর্যের প্রশংসায় মুখর, ভাতের পরই আমাদের ফুল খাওনের কথা (গোলাপ ফুল? শাপলাফুল? কদুফুল? গন্ধরাজ? রজনীগন্ধা?); এই ধর্ম খ্রিস্টধর্ম নয়, যাতে নোংরা উকুনভরা ছালাপরা সন্তরা সৌন্দর্যের একনম্বর শত্রু। তাঁরা দেখান যারা আচরণে স্বভাবে কথায় (অনিবার্য কারণে শরীরের কথা তাঁরা উল্লেখ করেন না) সুন্দর নন তাঁরা হৃদয়েও সুন্দর নন; আর তাঁরা ক্ষমতায় আরোহণ (আরোহণ শব্দটি লক্ষণীয়), করলে সব কিছুকে অসুন্দর ক'রে তুলবেন। একেই দেশে সুন্দরের অত্যন্ত অভাব, আগামীতে বাকিটুকুও আর থাকবে না।

নন্দনতান্ত্রিক নির্বাচনবিজ্ঞানীরা তাঁদের পাহাড়ের সমান তথ্যের, এইভাবে সেইভাবে চিৎকাৎ ক'রে উপস্থাপিত উপাত্তের, ওপরে নিচে ডানে বাঁয়ে কোনোকুনি কম্পিউটারকৃত স্তম্ভ ও সারির, যে-ব্যাখ্যা দেন, তাতে আমরা জনগণরা ভয় পেয়ে যাই। আমাদের মনে হইতে থাকে তাঁরা আমাদের মনের কথা বলতেছেন।

তাঁদের স্তম্ভ আর সারিগুলো সরলভাবে আমরা নিচে তুলে ধরছি :

আমাদের	নোংরা	বেশি নোংরা	অতিশয় নোংরা
রাজনীতিবিদদের			
আকৃতি (পেট ইত্যাদি)	৮০.২%	৭০.৪%	৫০.৭%
মুখের গঠন	৮৫.৫%	৭২.৩%	৬৫.৩%
মুখভঙ্গি (বক্তৃতার সময়)	৯০.৫%	৭৬.৮%	৭৭.৫%
হাঁটার ভঙ্গি	৮৯%	৮৭.৮%	৭৮%
ধুতু ফেলা (বক্তৃতার সময়)	৯৫%	৮৮.৬%	৭৯.৬%
বক্তৃতা (কমপক্ষে ৩৪০			
জনের জনসভায়)	৯৯.৯৯%	৮৯.৯%	৮০.৬%
ভাষা (সব সময়)	৯৮.৮৮%	৯২.৬%	৮৫.৬%

দ্রষ্টব্য : ৪০, ৬৯০ জন ভোটারের মত বিশ্লেষিত হয়েছে।

ওপরে সামান্য একটু নমুনা দেয়া হলো মাত্র।

তারা পাঁচ বছর আগের সাথে পাঁচ বছর পরের এই অবস্থার ফালাফলা ছিঁড়াফাড়া তুলনা করেন, রাজবংশগুলোর মহাদেশনেত্রী মহাজননেত্রী রাজপুরুষ এবং আর যা যা আছে, তা তা তা তুলনা করে দেখান এই বছরের ইলেকশন হচ্ছে অসুন্দরের সাথে অসুন্দরের, নোংরার সাথে নোংরার, আবর্জনার সাথে আবর্জনার, কুৎসিতের সাথে কুৎসিতের কম্পিটিশন। তারা দেখান পাঁচ বছর আগে তাঁদের চোখেমুখে সৌন্দর্য ছিলো, ঠোঁটে গ্রীবার হাসিতে উদ্যত ও উজ্জ্বল মুষ্টিতে সৌন্দর্য ছিলো; বছরের পর বছর একটা লোমশ দৈত্যের সাথে লড়াই করে তারা সৌন্দর্য অর্জন করেছিলেন; কিন্তু গত পাঁচ বছরে তাঁদের সেই সৌন্দর্য নষ্ট হয়ে গেছে, প'চে গেছে। তাঁদের নিজেদের মুখে এসে ভর করেছে দৈত্যের মুখের অসৌন্দর্য, বেহায়া বেহায়া ভাব তাঁদের মুখ জুড়ে, পচন বেয়ে বেয়ে পড়ছে তাঁদের অবয়বে। তাঁদের কারো মুখে নির্মল হাসি নেই, তাঁদের হাসি এখন উঁচু চোয়ালের বিকৃতি মাত্র; তাঁদের প্রত্যেকের চিবুক ভেঙে পড়েছে, গাল খেবড়ে পড়েছে, গলকম্বল ছেঁড়া ছালার মতো ঝুলে পড়েছে, চোখের নিচে বস্তির ঘরের ধূলকালি জমেছে; তাঁদের হঠাৎ দেখলে সাধারণ মানুষ ভয় পেয়ে যায়, তাঁদের ছোটো ছোটো দৈত্য মনে হয়। নন্দনতাত্ত্বিক নির্বাচনবিজ্ঞানীরা দেখান মহাদেশনেত্রী মহাজননেত্রী রাজপুরুষরা অব্যবস্থিত (শব্দটির অর্থ বুঝতে আমাদের রাজপুরুষদের পাঁচ দিন সময় লাগে) হয়ে পড়েছেন; পাজেরো থেকে নামতে তাঁদের জামাকাপড়শাড়িসায়া পাজেরোর দরোজায় আটকে যাচ্ছে, উঠতে গিয়েও আটকে যাচ্ছে, মঞ্চেও আটকে যাচ্ছে। তাঁদের ভাষাও বদলে গেছে, গলগল করে করছে তাঁদের মুখ থেকে অপভাষা, বলা যেতে পারে তাঁরা একটি অভিনব রাজনৈতিক অবহট্ট রাষ্ট্রভাষা জন্ম দিয়েছেন, যা ৮৫০ সালের পর এই প্রথম ঘটলো; তাঁরা এবার কথা বলার থেকে চিৎকার বেশি করেন, নিজেদের কর্মসূচির থেকে অন্যের নিন্দে বেশি করেন; তাঁদের ভাষায় চলতি বাঙলা অশ্লীল শব্দ ১০%, আঞ্চলিক অশ্লীল শব্দ ২৮%, ইংরাজি অশ্লীল শব্দ ১৭%, আরবিফার্সি গালাগাল ১৫%। তাঁরা দেখান যে আমাদের রাজপুরুষদের বক্তৃতায় কোনো বক্তব্য নেই, সেগুলো নিরর্থক চিৎকার।

নন্দনতাত্ত্বিক নির্বাচনবিজ্ঞানীরা সিদ্ধান্তে পৌঁছেন এবারের নির্বাচন হবে কদর্যের সাথে কদর্যের প্রতিযোগিতা, লোভের সাথে লোভের প্রতিযোগিতা; আর জনগণকে ভোট দিতে হবে ওই কদর্যের বাক্সে ওই লোভের বাক্সে।

আমরা জনগণরা ভয় পেয়ে যাই, ডরে কাঁপতে থাকি।

এদিকে আবার কতকগুলো আজবাজে সমাজবিরোধী গাঁজাখোর মাদকসেবী বিকারগ্রস্ত বেকার, যারা এমএ এমএসসি এমএজি এমবিবিএস ইঞ্জিনিয়ারিং আর আর হাবিজাবি পাশ করেও বছরের পর বেকার প'ড়ে আছে (বেকার থাকবো না ক্যান—এইসব না পইঁড়া সৌদি গিয়া চাকর থাকলেই পারতো, মুসলমান ভাইগো গুতা খাইলেই পারতো, সোয়াব হইতো), তারা একটা কাগজ ছাপিয়ে দিয়েছে। বেকাররা সৌন্দর্যের কী বোঝে, তাই তারা সৌন্দর্য নিয়ে মাথা ঘামায় নি; তারা পুরোনো কালের টোলের পণ্ডিতদের মতো রাজপুরুষদের নীতি আদর্শ সততা অসততা শিক্ষা অশিক্ষা

এই সব অপলিটিকেল ব্যাপার সম্পর্কে জনগণের মত নিয়ে গবেষণা করে ফলাফল আমাগো মতো গরিব জনগণেরে জানাই দিয়েছে। আজকাল গবেষণায় বড়োই ছকাছকি, বড়োই শুদ্ধান্তি; দেখতে পাই আমাগো বেকাররাও হনুলু না গিয়াও ওই সবে কম যায় না। তয় এইসব শিক্ষা অশিক্ষা সততা অসততা নিয়ে বাড়াবাড়ি ঠিক হয় নাই, শত হইলেও তাঁরা রাজপুরুষ, তাঁরাই ছিলো তাঁরাই থাকবো; শিক্ষা না থাকলেও তাঁরা শিক্ষিত, মানতে হইবো; সততা না থাকলেও তাঁরা সৎ, এইটা মেনে লইতে হইবো। এমন কোন দেশ আছে, যেখানে পলিটিক্সের জন্যে শিইক্ষা দরকার হয়? পটেটো শব্দের বানান করতে পারে, এমন কয়টা প্রেছিডেন্ট ভাইছপ্রেছিডেন্ট আছে আমেরিকায়? দুনিয়ায় এমন কোন রাষ্ট্র আছে, সেখানে পলিটিক্সের জইন্যে সৎ হইতে হয়? এইগুলি তো পুরানো কালের পণ্ডিতগো কথা। বেকার বাজানরাও অনেকগুলো শুদ্ধ আর সারি ছেপে দিয়েছে; সেইগুলির আবার ভাজাভাজা করে ব্যাখ্যাও করেছে। তাদের শুদ্ধ আর সারিতে এই রকম জিনিশ পাওয়া যায় :

আমাদের	নারীদের	পুরুষদের	ছাত্রদের
রাজনীতিবিদগণ	মতে	মতে	মতে
অশিক্ষিত	৯০.২%	৮৮.৪%	৯৯.৯%
মিথ্যাবাদী	৯৫.৭%	৮৬.৩%	৯৯.৯%
কপট বা ভণ্ড	৯৭.৫%	৮৬.৮%	৯৯.৫%
ঘুষখোর	৯৭%	৯৬.৬%	৯৯.৬%
অনৈতিক	৯৭.৯৯%	৭৮.৯%	৯৯.৬%
ক্যাডারদের গডকান্দার	৭০.৮৮%	৭৩.৬%	৯০.৬%
ধর্মানিনেতা	৯৯.৯%	৯৭.২%	১০০%

দ্রষ্টব্য : ৩৩,৪২৬ জন ভোটারের মত বিশ্লেষিত।

তাঁরা এমন আরো অনেক শুদ্ধ ও সারি করে; এবং করে নিম্নরূপ একটি বিশেষ ছক, যা দেখে আমরা পাগল হয়ে যাই :

প্রধানমন্ত্রী ও বিরোধী দলের নেতা/নেত্রীর যোগ্যতা	হ্যাঁ	না
অশিক্ষিত হবেন	১০০%	০০%
ফের ফেল হবেন	৯৫%	৫%
এইট ফেল হবেন	৯২%	৮%
বিএ পাশ হবেন	১০%	৯০%
মাথায় ঘিলু থাকবে	৫%	৯৫%
'পণতন্ত্র' বানান করতে পারবেন	০০%	১০০%
যা ইচ্ছে তাই করতে পারবেন	১০০%	০০%
* আত্মীয়দের মন্ত্রী শিল্পপতি বানাতে পারবেন	১০০%	০০%
সংসদে আসতে হবে	০০%	১০০%

দ্রষ্টব্য : ৩৩,৪২৬ জন ভোটারের মত বিশ্লেষিত। \* চিহ্নিত সারিটি শুধু

প্রধানমন্ত্রীর ক্ষেত্রে প্রযোজ্য।

আমরা তাদের স্তম্ভ ও সারির একটা ছোট্ট টুকরো মাত্র এখানে দিলাম, এতেই বোঝা যায় আমরা কতোখানি পাগল আর কতোখানি সুস্থ আছি।

জঙ্গলের গাছপালা শুকনো নদীনালা খাল বিল পাটক্ষেত ভাঙা ব্রিজ আকাশবাতাস ভুমুরফল তেতইল শাদা বাইগন কলমিলতা কচুর লতি শাপলাফুল বিশতলা টাওয়ার সিনেমাছলের কাছে, গরুরবলদ নৌকোবৈঠা ধানক্ষেত খালবিল সুপারমার্কেট রুমকুলার বস্তি প্রেসক্লাবের কাছে, ময়মুরকি ক্যাডার ভোটের ডিস্টার শিল্পপতি স্মাগলার পলিটিশিয়ানদের কাছে মাফ চেয়ে, আর বগা পানি কালা পানি আকাশের মেঘ পুকুরের মরা শোলগজার ইরিধান পাজেরো এনজিও বস্ত্রবালিকা ট্যান্ড্রফ্রি গাড়ি কাটারাইফেল ককটেল জর্দার কৌটারে সান্নী রেখে কিছু কথা বলতে হচ্ছে আমাদের; কিন্তু কারা ওই কথাগুলো বললো, কাদের বললো, তাঁদের নাম আমরা বলতে পারবো না। আমরা আরো কিছুকাল বেঁচে থেকে বাজারের চায়ের দোকানে বসে ক্যাভিডেটগো খরচে চা খেতে চাই, নেতাগো বাস্ত্রে ভোট দিতে চাই, নেতাগো নামে প্রোগান দিতে চাই, গেইট সাজাতে চাই; এতো তড়াতিড়ি ভেস্তে যেতে চাই না, সেইখানে যতোগুলি ছুরিই নাচুক আর মিঠাপানির বরনাই কলকল ক'রে বহুক আর খাজুরের বাগানে খাজুরই পাকুক। পশ্চিমে আমরা পাঁচবার মাথা ঠুকি, তাতে কোনো কাজ হয় না; আর পশ্চিমা আমাদের পথ দেখায়, তাতে কাজ হয়— আর কতোকাল যে দেখাইবো; এইখানে আমাদের পশ্চিমাদের দেখানো পথেই চলতে হবে— আরো কতোকাল যে চলতে হইবো। এবিসি বিবিসি সিএনএনে মাঝেমাঝেই দেখি খুনি মাকিয়া ধর্ষণকারীর সাক্ষাৎকার নেয়া হচ্ছে, খুব খোলামেলা কথাবার্তা, হুনিরা মাকিয়ারা ধর্ষণকারীরা মন খুলে একের পর এক সত্য কথা বলছে (আমাদের রাজনীতিবিদরাও এতোটা মন খুলিয়া কথা বলেন না), কেনো খুন করলো একটার পর একটা ধর্ষণ করলো বলিভিয়া নিকারাগুয়া থেকে ড্রাগ চালান দিতে গিয়ে কতোজনকে সরিয়ে দিতে হলো, সব বলছে; কিন্তু টিভির পর্দায় তাদের মুখ দেখানো হচ্ছে না, মুখের ওপরে একটা শাদা বা কালো চলন্ত ঢাকনা সব সময় ছড়িয়ে রাখা হচ্ছে—এটা সাংবাদিক নৈতিকতা, তাঁরা সত্য বের করবেন, কিন্তু সত্যবাদীদের ধরিয়ে দেবেন, না, সত্য বের করা তাঁদের কাজ, ধরিয়ে দেয়া তাঁদের কাজ না। এইসব বুদ্ধি পশ্চিমা ইহুদি কাফেরদের মগজেই আসে; আমরা এতে সত্যটা জানতে পারি, সত্যগুলো যারা ঘটায় শুধু তাদের মুখ দেখতে পাই না। মুখ দেখার দরকার নেই; মুখ দেখা আসল কথা না, আসল কথা হচ্ছে সত্য; সত্য দেখা, সত্য জানা।

এই পদ্ধতিতে কিছু সত্য আমরা প্রকাশ করতে চাই।

এক রাজবংশের কথা (এটা হচ্ছে নামের ওপর শাদা ঢাকনা, এর পরেও এমন ঢাকনা আরো ব্যবহার করা হবে) মোল্লা (এই বংশপরিচয়ও ঢাকনা, এর পরেও এমন ঢাকনা আরো ব্যবহার করা হবে), গঘ চাকলাদার, ৬৮ মিয়া ও আরো কয়েক নেতা তাঁদের প্রধান ক্যাডারদের সাথে বসেছেন, দেশের পাঁচ বিভাগের পাঁচতারা ক্যাডাররা তাতে যোগ দিয়েছে, তাঁরা তাদের কর্মপদ্ধতি বুঝিয়ে দিচ্ছেন।

কথ মোল্লা বলেন, 'এইবার কি স্ট্র্যাটেজি নিতে হইবো, তা তোমরা নিচয়ই বুঝতে পারতেছো; উইপন থাকবো, কিন্তু উইপনের ইউজ হইবো না।'

এক ক্যাডার জিজ্ঞেস করে, 'কিন্তু যদি ফেইল্যা দেওনের একশো পার্চেণ্ট দরকার হইয়া পড়ে, তখন কি করুম, স্যার?'

গঘ চাকলাদার বলেন, 'তখন বুইজ্যাওইন্যা কারবার করবা; তবে মনে রাখবা এইবার ফেইল্যা দিলে ইমেজ নষ্ট হইয়া যাইবো।'

এক ক্যাডার বলে, 'আমার জামার তলে যখন কাটারাইফেল থাকে, তখন আমার বুইজ্যাওইন্যা করনের কিছু থাকে না; ওই রাইফেল নিজেই বুইজ্যাওইন্যা কাম করে।'

কথ মোল্লা বলেন, 'মাথাডাও একটু খাটাইতে হইবো, খালি উইপন দিয়া ত পলিটিক্স হয় না, মাথাডাই হইলো আসল উইপন।'

গুচ মিয়া বলেন, 'তোমরা হইলো আর্মির মতো, আর্মি যেমুন ডিসিপ্লিন মাইন্যা চলে তোমরাও তেমন ডিসিপ্লিন মাইন্যা চলবা; যখন তোমাগো ফেইল্যা দিতে বলা হইবো তখন ফেইল্যা দিবা, আবার যখন জনগণরে স্যাবা করতে বলা হইবো, জনগণরে পায়ে হাত দিয়া তাগো মন জয় করতে বলা হইবো, তখন পায়ে হাত দিয়া মন জয় করবা। এইবার হাতেপায়ে ধরতে হইবো, দেখতে পাইতেছো না আমরা দিনরাইত হাতে পায়ে ধরতেছি।'

এক ক্যাডার জানতে চায়, 'ইনভার্সিটির হলগুলিতেও কি আমরা হাতেপায়ে ধইরয়া চলুম, ছাইড্যা দিতে বললে ছাইড্যা দিমু?'

গঘ চাকলাদার শিউরে ওঠেন, থরথর ক'রে কেঁপে চিৎকার ক'রে ওঠেন, 'না, না, না; তা করবা না; ইনভার্সিটি হইলো আসল বাঙলাদ্যাশ, ওইটা দখলে থাকলে বাঙলাদ্যাশও দখলে থাকবো। হলের একটা কোনাও ছাড়বা না।'

কথ মোল্লা বলেন, 'ইনভার্সিটি আর সারাদ্যাশের মধ্যে ফারাক আছে; দ্যাশে গ্যারামে লাশ ফেলনে বিপদ আছে; ইনভার্সিটিতে লাশ ফ্যাগে ক্ষতি নাই, ওইটা হইলো আউট অব বাউন্ড, দারোগা পুলিশ জজ ম্যাজিস্ট্রেটের বাইরে, ওইখানে আমাগো ছাত্ররা শহীদ হয় অমর হয়, মরে না, মামলামকদ্দমা হয় না। ওতে ইলেকশনের শান্তিশৃঙ্খলা নষ্ট হয় না, ইলেকশনের নিরপেক্ষতা নষ্ট হয় না।'

গুচ মিয়া বলেন, 'মালাউনগুলিরে ডরের মইধ্যে রাকতে হইবো, অইগুলিই আমাদের পার্মানেন্ট এনিমি; এমন করবা যাতে ভোটের দিনে তারা খুশি হইয়া নিজেগো বাড়িতে বইস্যা থাকে, ভোট দিতে না যায়। জানই ত মালাউনগুলিরে বিশ্বাস নাই। অইগুলি ট্যাকাপয়সা ইভিয়া পাঠাইয়া দ্যায়, দ্যাশটারে ইভিয়া বানাইতে চায়। পাকিস্তান অরাই ভাঙছে, এই দ্যাশটারেও ভাঙতে চায়।'

কথ মোল্লা বলেন, 'তাগো বাড়িতে বসাই রাখনের জইন্যে একটা বাজেট করবা, বিনা পয়সায় বাড়িতে বসাই রাখন যাইবো না, যদি কিছু মালপানি হাতে পড়ে তয় খুশি হইয়া বাড়িতে বইস্যা থাকবো।'

এক ক্যাডার বলে, 'অইগুলি খুব ঠ্যাডা, মালপানি নিতে চায় না।'

গঘ চাকলাদার বলেন, 'দুই একটা মালাউনের দলে টাইন্যা আনবা, তাগো ন্যাতা

বানাইয়া ফেলবা, আমাগো পক্ষে বকতিতা দেওয়াইবা। দ্যাশে নিচ্ছই দুই চাইরটা ছাগেশ্বর পাঠেশ্বর কালিপদ খালিপদ পাইবা।'

এক ক্যাডার বলে, 'মালপানি ছাড়াও তাগো বাড়িতে বসাই রাখন যায়; আইওলিরে মালপানি দেওন ট্যাকাকড়ি গাঙে ফেলন।'

গুচ মিয়া জিজ্ঞেস করেন, 'সেইটা কিভাবে?'

ওই ক্যাডার বলে, 'পাঁচ বিভাগ থিকা পাঁচ দশটা মাইয়্যারে ধইর্যা নিয়া রেপ কইর্যা ছাইর্যা দিলেই হয়, তাইলে ডরেও তারা ঘর থিকা বাইর হইবো না।'

কথ মোল্লা বলেন, 'না, না, এখন রেপটেপে যাইবা না, বাবারা, আমাগো দারোগা পুলিশ বাবারাই সেই কাম কইর্যা চলছে, তোমাগো করনের কাম নাই।'

কথ মোল্লা একটু উত্তেজনা বোধ করেন।

এক ক্যাডার বলে, 'কিছু ছার, ক্যাডাররা সব সময় টেনশনে থাকে, টেনশন রিলিজ করনের লিগা যেমুন মাঝেমইদ্যে কাটারাইফেল খালাশ করতে হয়, তেমনই মাঝেমইদ্যে রেপ করনের দরকার হয়।'

গুচ মিয়া বলেন, 'ক্যান বাবারা, আইজকাইল হোটেলে পার্কে এতো হাই ক্লাশ কলগার্ল সিনেমার অ্যাকস্ট্রা পাওয়া যায়, ইনভার্সিটি কলেজের এডুকেটেড মাইয়াও পাওয়া যায় শুনি, রেপ করনের কি দরকার।'

আরেক ক্যাডার বলে, 'রেপ ছারা, ছার, টেনশন রিলিজ হয় না, এই বয়সে আপনে তা বোঝতে পারবেন না।'

তারা কয়েক ঘণ্টা ধরে তাঁদের কর্মপদ্ধতি বিস্তৃতভাবে আলোচনা করেন, এবং সমগ্র কর্মপ্রণালি গ্রহণ করেন।

আরেক রাজবংশের চহ শিকদার, জব্ব আহমদ, এট শেখ, ঠড খাঁ ও কয়েক প্রধান নেতা কর্মসূচি গ্রহণের জন্যে বসেন তাঁদের পাঁচ বিভাগের পাঁচতারা ক্যাডারদের নিয়ে।

চহ শিকদার বলেন, 'বাবারা তোমরা জানই যে এইবারের ইলেকশন আমাগো মরনবাচনের ইলেকশন, আমরা মইর্যা আছি এইবার বাচতে হইবো, উইন আমাগো করতে হইবোই; এইবার কোনো ভুল করন চলবো না।'

এক ক্যাডার বলে, 'আমাগো যেই কাম দিবেন, আমরা জান দিয়াও তা কইর্যা দিমু; জানের আর কোনো দাম নাই। পাওয়ারে যাইতে চাই, পাওয়ারের বাইরে থাকতে থাকতে ঘুম ভুইল্যা গেছি।'

ঠড খাঁ বলেন, 'প্রথম দরকার হইলো তোমাগো মইদ্যে ঐকা, ইউনিট; তোমরা নিজেরা খুনাখুনি করলে আমাগো সব শ্যাম্ব হইয়া যাইবো। তোমাগে ইউনিট ছাড়া দলের ভবিষ্যৎ নাই।'

প্রধান ক্যাডার বলে, 'আমরা ইউনিটি ইন্সটাবলিশ করছি, আর নিজেগো মইদ্যে ফাইটিং হইবো না। ইলেকশনই এখন আমাগো আসল কাম।'

জব্ব আহমদ বলেন, 'পাওয়ারে না থাকলে কিছুই করন যায় না দ্যাখতেই পাইতেছ; অরা রাইফেল দিয়া দ্যাশ দখল কইর্যা পাওয়ারে বসলো, ভোটের বাস্তব চুরি কইর্যা পাওয়ারে রইলো; ন্যাতারা লাল হইয়া গেলো, ক্যাডাররা লাল হইয়া গেলো।'



অগো ন্যাভাগো ইম্পাইন ফ্রান্স সুইজারল্যান্ড ওয়াশিংটনে প্যালেস আছে, ক্যাডাররা লম্বা লম্বা নিশান পাজেরো চালায়, বনানীতে দুই বিঘার উপর প্যালেস বানায়, টাওয়ারে টাওয়ারে তিন চাইরটা কইর্যা ফ্ল্যাট কিনে। দুই তিনটা বউ আর মিস্ট্রেস রাখে, চাইর্যা দেখে তোমাগো কি আছে আমাগো কি আছে? কিচ্ছু নাই।’

এক ক্যাডার বলে, ‘পাওয়ারই আসল কথা; কাটা রাইফেল দেখাইয়া আর কতটা করন যায়, পাওয়ার হইল হাজারটা কাটা রাইফেলের সমান। চাইর দিক থিকা ট্যাকা আসতে থাকে।’

আরেক ক্যাডার বলে, ‘যতজনরে ফালাই দিতে কইবেন ফালাই দিমু।’

হাফাকার ক’রে ওঠেন এট শেখ, ‘বলো কি বলো কি, এমন কথা বলার সময় এইটা না; গেরিলা ফ্রিডম ফাইটারের স্পিরিট তোমাগো এখনো গ্যালো না; যাইবো কেমনে, তোমরা হইলা ফ্রিডম ফাইটার, তবে তোমাগো মনে রাকতে হইবো এইটা নাইস্টিন সেভেনটি ওয়ান না, এইবারের যুদ্ধ অন্যরকম। না মাইর্যা যুদ্ধ করতে হইবো, বাচাইয়া যুদ্ধ করতে হইবো, হাতেপায়ে ধইর্যা যুদ্ধ করতে হইবো। এইটা ভোটের যুদ্ধ।’

চছ শিকদার বলেন, ‘এইবারের পলিটিকেল ক্লাইমেটা দেখতে পাইতেছ, বাতাস আমাগো দিকে। অনেক হাতেপায়ে ধইর্যা কাইন্দা কাইট্যা বাতাসরে আমাগো দিকে আনছি, তোমাগো দেখতে হইবো যাতে বাতাস অন্য দিকে না যায়, বাতাসরে গার্ড দিয়া রাখতে হইবো।’

ঠউ খাঁ বলেন, ‘ইনভার্সিটির হলগুলিরে দখলে রাকতেই হইবো, একটুও ছারন যাইবো না, ইনভার্সিটিই হইলো দ্যাশের পাওয়ার সেন্টার, সারাদাশ এই দিকে তাকাইয়া থাকে, যাগো ইনভার্সিটি তাগেই দ্যাশ।’

এক ক্যাডার বলে, ‘অগো আর হলে ওটতে দিমু না, একবার বাইর করাছি ত করাছিই, ওটতে চাইলে লাছ পয়বো।’

চছ শিকদার বলেন, ‘শুনতে পাইছি অরা এইবার আমাগো ভোটব্যাংক হিন্দুভাইগো বাড়ি থিকা বাইর হইতে দিবো না, এইবার ট্যাকা পয়সা দিয়া তাগো আটকাইয়া রাখবো, তাতে না পারলে কাটারাইফেলের ভয় দেখাইবো। তোমাগো কাম হইবো তাগো ঠিক মতো পলিং ইন্সটিশনে লইয়া যাওন। তাগো বুঝাইতে হইবো তোমরা আছো, হিন্দুভাইগো কোনো ভয় নাই। একটা ভোটও নষ্ট করন যাইবো না; একটা ভোটের দাম কোটি ট্যাকা।’

জব্ব আহমদ বলেন, ‘সাবধানে কাজ করবা; অগো দল থিকা যেই ক্যাডাররা আসছে তাদের উপর চোখ রাখবা; য্যান্ স্যাবোটেজ না করতে পারে।’

কয়েক ঘণ্টা ধ’রে এরকম আরো অনেক গুরুত্বপূর্ণ গণতান্ত্রিক আলোচনা হয়; তাঁরা নির্বাচনকে অবাধ নিরপেক্ষ সুষ্টুভাবে সম্পন্ন করার দৃঢ় সংকল্প গ্রহণ করেন।

একটা দেশে কতোগুলো গণতান্ত্রিক রাজবংশ আছে, তা দেখেই বোঝা যায় ওই দ্যাশে পলিটিক্স আর ড্যামোক্রেসির কন্ডিশন কতোখানি সুপারফাইন। আমরা মূর্খ মানুষ, ইতর মানুষ, গরিব জনগণ, চাঁড়ালের চাঁড়াল, বেশি কিছু জানি না, তবে এই কথাটা আমাদের মনে হইতেছে।

যেই দ্যাশে যতো বেশি রাজবংশ সেই দ্যাশে ততো বেশি ড্যামোক্রেসি। এই কথাটাও আমাদের মনে হইতেছে। এই কথাটা আগে অন্য কোনো মানুষজনের মনে হয়েছে কি না আমরা জানি না; তবে আমাদের মনে হচ্ছে।

যেই দ্যাশে রাজবংশগুলি যতো বেশি একে অন্যরে পুঙ্গির ভাই হৌয়ের পো সমঙ্গির পুত আর আর প্রিয় আদরের নামে ডাকে, সেই দ্যাশে গণতন্ত্র ততো বেশি বিদগ্ধ ততো বেশি পারফেক্ট।

আমাগো দ্যাশে ড্যামোক্রেসি যেমন বেশি তেমনি পারফেক্ট।

আমাদের দেশে খালি চারখানা রাজবংশ নাই; দেশে আরো অনেক ছেঁড়াফাড়া ভাঙাচোরা চ্যাণ্টা ছ্যাচালাগা কানা আতুর লুলা ধ্বজভঙ্গ রাজবংশ আছে।

দেশ ছোটো হইতে পারে, কিন্তু রাজবংশের অভাব নাই। দ্যাশ গরিব হইতে পারে, কিন্তু ড্যামোক্রেসির ঘাটিতি নেই।

সেই সব রাজবংশের কথা বলা হয় নাই।

আমরা গরিব মানুষ, সাধারণ জনগণ, ইতর সাধারণ, দিন আনি দিন খাই, কোনো কোনো দিন আনতে পারি না খাইতেও পাই না, আমাদের গারেগতরে গোস্ত নাই, মাথায় ঘিলু নাই; কতো রাজবংশের নাম মুখস্থ রাখবো? কতো রাজপুরুষের নাম মাথায় রাখুম? রাজপুরুষরা তো চারদিকে পায়খানার পোকের মতো কিলবিল করেন। এমন হইতে পারে তাগো কথা একেবারেই মনেই আসে নাই, আবার এমনও হ'তে পারে যে তাঁদের কথা খুবই মনে পড়ছে, মিনিটের জন্যেও ভুলি নাই, কিন্তু বলনের দরকার বোধ করি নাই। ব'লে কী লাভ, সময় নষ্ট হইতো। আমাগো চোখে ওইগুলি আজকাল পকেটমারি ছিচকা চোরের সমান হয়ে গেছে, আমরা দেশের মানুষজন ওইগুলিরে আর গনায় ধরি না।

ওইগুলি টিকে আছে মাঝেমইধ্যে ছোটোখাটো চুরিচামারি ছিনতাই করার জইন্যে। দেশে একটু আধটু চুরিচামারি ছিনতাই না থাকলে কোনো মজা থাকে না। ওইগুলি আমাদের মনে মজা দেয়।

অনেকগুলি রাজবংশ আছে, যেগুলির অফিসই নাই, ওই বংশের রাজপুরুষ তাঁর বেডরুমে ব'সেই স্ত্রী (একবচন/বহুবচন) আর দুই চারজন গোমস্তা নিয়ে বংশ চালায়। ব্যবসা মন্দ হয় না।

অনেকগুলি রাজবংশ আছে, যেগুলির অফিসে কবর, আর কবরে মাজার তৈরি হয়েছে। দেশে কবর মাজারের দাম অনেক। কবর আর মাজার দেখলে লোকজন দাঁড়ায়, জিয়ারত করে, দুইচারটা পয়সা দেয়। ওই রাজবংশগুলির রাজপুরুষেরা কবরে মাজারে দাঁড়িয়ে দোয়াদরুদ পড়েন। ব্যবসা মন্দ হয় না।

মহান আল্লাতালার রাজত্ব স্থাপনের জন্যে এখন দ্যাশে তিন চাইর শো রাজবংশ আছে। আল্লাতাল্লা আর লোক পাইল না। তাগো কাম গুত্রুবারে গুত্রুবারে শহরগুলিরে ময়লা করা। তাগো পায়খানা প্যাশাব কুলুপে শহর ভইর্যা যায়। মনে হয় আল্লাতাল্লাও তাগো চায় না। আমরা তো চাই-ই না।

এই আলমক্লামদিনি আলবাগদাদি আলতেহেরানি রাজবংশগুলির ইবনে সৌদ ইবনে ফয়সল ইবনে পুটিমারা ইবনে কুচিয়ামারা বায়েতুল্লা রহুল্লাদের প্রত্যেকের জীবন জবজবে ইতিহাসে ভরা, তাতে পরিচ্ছেদের পর পরিচ্ছেদ, তাতে অনেক চুরিচামারি বাটপারি, ব'লে শেষ করা যায় না; মানুষের ঠকাইতে ঠকাইতে তাঁরা আল্লারেও ঠকাইতেছেন ব'লে মনে হচ্ছে। আমরা মানুষরা ঠকি, তিনিও যে ঠকেন এইটাই আমাদের কেমন কেমন ধাক্কা ধাক্কা লাগে।

ইবনে পুটিমারা রাজবংশের কথাই একটু বলি।

এই মহারাজ একদা এক শহরে এক অফিসে এক রকমের পিয়ন আছিলেন। স্বভাবটা তাঁর ভালো ছিলো না— এগো স্বভাব কোনোদিনই ভালো না; সিকি আধুলির ওপর তাঁর চোখ প'ড়ে থাকতো; একবার পিয়ন সাহেব অফিসের দশ হাজার টাকা (দশ হাজার! এখন মাসে আয় তাঁর দশ কোটি) মেরে পুটিমারা পালিয়ে যান, তারপর তাঁরে গুতিয়ে গুতিয়ে জেলে চুকানো হয়। জেল থেকে বেরোনোর দশ বারো বছর পর তিনি ইবনে পুটিমারারূপে দেখা দেন।

সমস্ত প্রশংসা তাঁরই প্রাপ্য।

এই মক্লামদিনি তেহেরানি বাগদাদি পলিটিশিয়ানদের চলতি নাম পির (আমরা শুনতে পাই এই বিরাট কথাটার আসল অর্থ নাকি বুড়া; তাহলে কেমন হইলো?); তাঁরা ইহকাল পরকাল সবকাল জুড়ে পলিটিক্স করেন, পরকাল দেখিয়ে ইহকালে পাঞ্জেরো টাওয়ার নারী আর আর জিনিস করেন। পুটিমারা এখন এক প্রকাণ্ড পির, তাঁর মেঘ আছে কয়েক লাখ। মেঘ আর কি, আমরাই; মেঘ আর আমাদের মধ্যে পার্থক্য কী। আমাগো কোটি কোটি ভেড়ার দ্যাশে কয়েক লাখ অবশ্য বেশি না, তবে শুনতে বেশি লাগে। মেঘেরও বুদ্ধিবিচার আছে, আমাগো নাই; যদি থাকতো তাহলে কি ওই পিয়নের পাল্লায় পড়ি? পাঞ্জেরো হাঁকাই তাঁর বাড়ির দিকে? না তিনি আর পিয়ন নন; তিনি ইবনে পুটিমারা, আলমক্লাম পলিটিশিয়ান।

মেঘদের নিকট থেকে তিনি লাউডগা কচুর লতি শাপলা মুরগি মোরগ ছাগল গরু বাছুর বলদ দশ বিশ একশো পাঁচশো টাকার নোট গুনে গুনে নিচ্ছিলেন, তাদের পানসে খিচুড়ি খাওয়াচ্ছিলেন; ব্যবসা বেশ জ'মে উঠছিলো। আমাদের দেশে পাঁচ দশ বছর পর পর (বিশেষ ক'রে যখন কোনো বড়ো ক্যাডার দেশ দখল করে) এমন একটা দেখা দেয়, জমিয়ে ব্যবসা করে, তারপর আরেকটা দেখা দেয়, আগেরটার ব্যবসা কমে, নতুনটার ব্যবসা জমে।

এমন সময় খোজারাজবংশের সম্রাট বাবর দেখা দেন। বড়ো ক্যাডাররা ধর্মের ঝগড়া উড়াতে পছন্দ করেন, বাবর ধর্মের ঝগড়া দেশের সব ছাদ ভ'রে ফেলেন। বাবর খুঁজে পান পুটিমারাকে; এবং তাঁকে প্রতিষ্ঠিত করেন একনম্বর রিলিজিয়াস পলিটিশিয়ান হিসেবে। বাবরের এইটা এক বড়ো কীর্তি।

বাবর তাঁকে জিজ্ঞেস করেন, 'হজুর, আমি আপনার দোয়া চাই। কীভাবে আপনার দোয়া আমি পাইতে পারি? আপনার দোয়া নিয়া আমি আগাইতে চাই।'।

পুঁটিমারা বলেন, 'নিয়মিত আমার দরগায় আসিবেন।'

বাবর বলেন, 'আমি আসবো, হেলিকপ্টারে উড়ে আসবো; আমরা সঙ্গে জেনারেলরা সেক্রেটারিরা এডিশনাল সেক্রেটারিরা ব্যাংকের চেয়ারম্যানরা মেয়ররা পলিটিশিয়ানরা স্মাগলাররা আর যা যা আছে তারা পাজেরো নিশান টয়োটা মার্সিডিজ চালিয়ে আসবে। আপনি দোয়া করবেন।'

পুঁটিমারা বলেন, 'তাহলে অবশ্যই আমি দোয়া করিব।'

বাবর বলেন, 'আমি এর থেকেও বেশি সেবা করতে চাই, তা কীভাবে করতে পারি? আপনার দোয়া নিয়া আমি মরন পর্যন্ত রুল করতে চাই।'

পুঁটিমারা বলেন, 'আমার পুত্ররা তাহা আপনাকে বলিবে।'

পুঁটিমারার চার বিবি আর অজস্র পুত্র; পুত্ররা সবাই বুদ্ধিমান।

একপুত্র বলে, পিতা স্বপ্নে দেখেছেন তিনি এইখানে একটি পবিত্র প্যালেস বানাইতেছেন। এই প্যালেস ইসলামের প্যালেস, এইটা বানাইলে সওয়াবের শেষ থাকবে না।'

বাবর বলেন, 'তা অবশ্যই বানানো হবে, ছয় মাসেই হবে। প্যালেস ছাড়া দেশের উন্নতি নাই, ধর্মের উন্নতি নাই।'

আরেক পুত্র বলে, 'বেহেস্তের আদলে আমরা একটি হাউজিং সোসাইটি করেছি, ওই হাউজিং সোসাইটির নাম জান্নাতুল ফেরদৌস। তার জন্যে ঢাকা শহরে দশ বিঘা জমি লাগবে।'

বাবর বলেন, 'জমি পাবেন, আমরা জান্নাত চাই।'

তাঁর পাশেই মেয়র দাঁড়িয়ে ছিলেন; তিনি বলেন, 'স্যার, একটাকা দাম দিলে আইন রক্ষা পাবে।'

বাবর বলেন, 'ওই টাকাটা অফিসে বাঁধিয়ে রাখবেন।'

আরেক পুত্র বলেন, 'পিতা স্বপ্ন দেখেছেন আল্লার রহমতে দেশে অনেক তেল পাওয়া যাবে, তাই দশটি অয়েল ট্যাংকার কেনার জন্যে লোন চাই। বেহেস্তেও ট্যাংকার লাগবে।'

বাবর দুইটা ব্যাংকের চেয়ারম্যানের দিকে তাকান।

চেয়ারম্যান দুটি বলেন, 'এই সপ্তায়ই একশো কোটি টাকা দেয়া হবে।'

এইভাবে তাঁরা ধর্ম রাজনীতি অর্থনীতির সমন্বয় সাধন করেন। আমাদের ধর্ম কোনো সংকীর্ণ জিনিস নয়, তা সর্বাদীপ জীবনব্যবস্থা।

কিন্তু বাবরকে খোঁয়াড়ে ঢোকানোর পর ইবনে পুঁটিমারা বলেন, 'বাবর একটা খবিশ আছিলো, জেনাখোর আছিলো, সে হাবিয়া দোজগে যাইবে।'

বাবর খোঁয়াড় থেকে বেরিয়ে বলে, 'পুঁটিমারা একটা শয়তান, আস্ত ইবলিশ, সে আমার থেকে কোটি কোটি টাকা নিয়েছিলো, সে ব্ল্যাকমার্কেট স্মাগলিং করতো; মদের ব্যবসা করতো। তারে আমি ছেড়ে দিলাম। এইবার আমি আসল পির ধরলাম, এইবার থেকে আমার পির ইবনে কুচিয়ামারা।'

এই ধর্মীয় রাজনীতি দেখতে আমাদের বেশ লাগে।

এক সময় কাচিহাভুড়ির রাজবংশে আমাগো দ্যশ ভ'রে গিয়েছিলো; আমরা গরিবরা মনে করেছিলাম আমাদের দিন আসলো। কিন্তু আমাগো দিন আর আসলো না, মনে হয় আমাদের দিন চিরকালের জইন্যে শ্যাম্ব হলো। কাচি দিয়ে অবশেষে পুচিয়ে পুচিয়ে নিজেদের গলা কাটলাম, হাতুড়ি দিয়ে পিটিয়ে পিটিয়ে নিজেদের মাথা আর কপাল ভাঙলাম। অথচ কতো স্বপ্ন ছিলো আমাদের; কতো স্বপ্ন দেখিয়েছিলো আমাদের সেই সব রাজবংশ—মাস্ত্রীয় রাজবংশ, লেনিনীয় রাজবংশ, মাওরাজবংশ; সেগুলো ভেঙেচুরে হলো মাস্ত্রীয়-আব্দুল রাজবংশ, মাস্ত্রীয়-করিম রাজবংশ, মাস্ত্রীয়-জন্মের রাজবংশ, লেনিনীয়-মোল্লা রাজবংশ, লেনিনীয়-খাঁ রাজবংশ, লেনিনীয়-শেখ রাজবংশ, মাও-চৌধুরী রাজবংশ, মাও-কাজি রাজবংশ, মাও-সলিমদ্দি রাজবংশ; এইরূপ গণ্ডায় গণ্ডায় কুড়িতে কুড়িতে রাজবংশ। তাঁরা গলা কাটতে কাটতে, ছেলেপেলেদের মরনের দিকে ঠেলে দিতে দিতে, তারপর ভাঙতে ভাঙতে, তারপর আরো ভাঙতে ভাঙতে, চুরমার হ'তে হ'তে তারপর বড়ো ক্যাডারদের পা ধরতে ধরতে এখন তাঁরা বড়ো ক্যাডারদের নোংরা বুটে পরিণত হয়েছেন। কিন্তু রাজপুরুষ অবশ্য পেরিয়ে গেছেন সবাইকে; তাঁরা ছেলেপেলেদের শিখিয়েছিলেন সমাধান করো ধনীগুলোকে, একবারে সমাধান ক'রে ফেলো, দেশে বিপ্লব ঘইটা যাইবে, দেশে চাষাগরিবের রাজত্ব আসবে, চাষা রাজা হবে কামলা রাজা হবে। তাঁদের কথায় ছেলেপেলেগুলো সমাধান হয়ে গেলো, শূন্য হয়ে গেলো লাশ হয়ে গেলো হাড় হয়ে গেলো, হাজার হাজার ছেলেকে আমরা খুঁজে পেলাম না, কিন্তু রাজবংশের বড়ো বড়ো রাজপুরুষেরা ধনী হয়ে গেলেন।

ভাগো সব গল্প আর বলতে চাই না, দুই একটা ছোটগল্প এইখানে বলা যায়।

লেনিনীয়-খাঁ রাজবংশের বড়ো কাজ ছিলো মস্কো গিয়ে রোগের ফ্রি ট্রিটমেন্ট করানো। তাঁদের সর্দিকাশি হইলে, ছেলেমেয়েবউদের জ্বরজারি হ'লে অ্যারোফ্লেট জাহাজে উঠে তাঁরা মস্কো চ'লে যেতেন, ভাগো পয়সা লাগতো না; বিনাপয়সায় চিকিৎসা কইর্যা সুস্থ হয়ে ফিরে আসতেন। তাঁরা ভালো ক্লিনিক পাইছিলেন, কিন্তু আমরা গরিবরা তা পাই নাই।

মস্কোর ক্লিনিকে শ্যাম্ব ট্রিটমেন্ট করতে যান ওই রাজবংশের একনম্বর পুরুষ কমরেড আলি আহাম্মদ।

অ্যারোফ্লেট জাহাজে উঠেই তিনি ঘুমিয়ে পড়েন; ঘুমের ভেতরে স্বপ্ন দেখেন যে এক অলি আউলিয়া তাঁরে বলতেছেন তিরিশ বছর ধইর্যা আল্লারে না মাননের জইন্যেই তাঁর এই রোগ হইছে। এই রোগের নাম কাফেরি রোগ। আল্লারে না মানলে রোগ হইবোই। তাঁর কাম হইবো মস্কো নাইম্যাই তোবা করন, আল্লার কাছে কান্দন; তাহলে তিনি মাফ কইর্যা দিবেন, তিনি বেঁচে যাবেন, ট্রিটমেন্ট লাগবো না, এইভাবেই ভালো হয়ে যাবেন।

ঘুম থেকে জেগে কমরেড আলি আহাম্মদ দোয়াদরদ পড়তে থাকেন। তিরিশ বছরেও তিনি এইসব ভোলেন নাই।

মক্কাতে হাসপাতালে নেয়ার পর কমরেড আলি আহাম্মদ প্রথম যে-কথা বলেন, তা হচ্ছে, 'আমি তোবা করুম, মাফ চামু।'

ডাক্তার তাঁকে কাটাছিঁড়ার জইন্যে নিতে চায়, কিন্তু তিনি বলেন, 'আমি তোবা করুম, মাফ চামু।';

ডাক্তার কিছু বুঝতে পারে না; তাঁর সঙ্গীরা খুব অবাক হন।

তাঁর এক সঙ্গী বলেন, 'কমরেড আলি আহাম্মদ ভাই, আপনার এখন অপারেশন দরকার; নাইলে বাচবেন না।'

কমরেড আলি আহাম্মদ বলেন, 'আমি তোবা করুম। আল্লাহে না মাইন্যা পাপ করছি, আমি মাফ চামু।'

তাঁর সঙ্গী বলেন, 'কমরেড আলি আহাম্মদ ভাই, ক্লাসস্ট্র্যাগেল শ্যায় হয় নাই, আপনাকে বাচতে হইবো, কার্ল মার্ক্স বলছেন আল্লা হচ্ছে গরিবগো জইন্যে তৈরি করা আফিম, ধনীরা ওইটা তৈরি কইর্যা গরিবগো খাওয়াইতেছে। আমরা গরিবগো একনায়কত্ব প্রতিষ্ঠা করতে চাই।'

কমরেড আলি আহাম্মদ বলেন, 'আমি তোবা করুম, আল্লাহ কাছে মাফ চামু। আমারে আর ক্লাসস্ট্র্যাগেল শুনাইও না, আমি তোবা করুম।'

তিনি অপারেশন থিয়েটারে যেতে রাজি হন না।

কিন্তু কে তোবা করাইবো? একজন মওলানা দরকার তোবা করানোর জইন্যে। মক্কা শহরে মওলানা কই? তবে এক্কেবারে নাই, তা না; শহর ঘেঁটে একজন মওলানা নিয়ে আসা হয় তাঁর জন্যে।

ওই মওলানার কাছে কমরেড আলি আহাম্মদ তোবা করেন। তোবা করনের পর তিনি ইস্তেকাল করেন (ইনালিহাযে ... রাজেউন)।

কমরেড আলি আহাম্মদ যখন অ্যারোস্ট্রালে ক'রে ফিরছিলেন তখন আমরা খবর পাই ওই দেশে আর সাম্যবাদ নাই; ওই দেশের রাজারা মাফ চেয়ে সাম্যবাদ ছেড়ে আবার ধনীবাদ গ্রহণ করেছেন।

কমরেড আলি আহাম্মদের সঙ্গে ওই দ্যাশও তোবা করছে; মার্ক্স লেনিন স্ট্যালিনও তোবা করছে। জয়, ধনীদের জয়; দুনিয়ার ধনী এক হইছে।

শক্তির উৎসবাদীদের যখন আমরা ফালাই দিলাম, তখন আমরা যখন ঘরে ফিরে আসছিলাম, খুব একটা আন্দোলন করছি ব'লে যখন খুব সুখ পাইতেছিলাম, তখন শুনতে পাইলাম ইভান্স্ট্রিয়ালিস্ট ডিফল্টার পাঁচ হাজার কোটি ট্যাকার মালিক আবদুল মালেকের দালানে খুব গোলমাল হইতেছে।

গোলমাল হইতেছে হোক, তাতে আমাগো কি? এতো বড়ো একটা ফালানের ঘটনার পর ছোটোখাটো এক-আধটা গোলমাল তো হবেই।

খুব গোলমাল হইতেছে, বোমা ফাটতেছে, গুলি হইতেছে। ব্যাপারটা কি? আমরা কি একটু খবর লইতে পারি না? খবর লইয়া জানলাম মাও-সলিমদ্দি রাজবংশ অ্যাকশন করছে; ছোটোখাটো একটা বিপ্লব শুরু কইর্যা দিছে। আমরা খুশি হইলাম, আবদুল

মালেকের শিক্ষা দরকার। ব্যাংক থাকা ট্যাকা নিয়া আর ফিরত দেয় নাই, খালি ট্যাকা বানাইতেছে।

পরে শুনলাম সলিমদ্দি আবদুল মালেককে সেলুলারে বলেছেন, 'অইটা কিছু না, ভয় পাইয়েন না।'

মালেক বলেন, 'আমার ত ভয় লাগতেছে।'

সলিমদ্দি বলেন, 'আপনের আরো বিপদ আছিলো, আরেক গ্রুপ আপনেরে সবাই দিতে চাইছিলো, আমি বাচাই দিলাম। ইউ আর নাউ ওয়ান হান্ড্রেড পারসেন্ট সেফ, ডোনট বি অ্যাফ্রেইড; উই আর উইথ ইউ।'

মালেক বলেন, 'আমি আপনের কাছে গ্রেটফুল, আপনি আমারে বাচান, আপনার যা লাগবো আমি দিচ্ছি।'

সলিমদ্দি বলেন, 'ক্লাসস্ট্রাগেলের জইন্যে উই নিড সাম মানি, আপনার পাচ হাজার কোটি আছে বইল্যা শোনতেছি, কোটি দশেক পাচটার মইধ্যে পাঠাই দেন। আপনার কোনো ভয় নাই।'

মালেক বলেন, 'আমি নিজেই নিয়া আসতেছি।'

সলিমদ্দি বলেন, 'একটা নতুন পাজেরোও আমাদের দরকার ক্লাসস্ট্রাগেলের জইন্যে, নতুন একটা নিশান পাজেরো নিয়ে আসবেন।'

সলিমদ্দি এখন নিশান পাজেরোতে চ'ড়ে ক্লাসস্ট্রাগেল করছেন। ক্লাসস্ট্রাগেল অনেকেই করতেছেন, তাঁদের উন্নতি হইতেছে।

এইবার সব দলের মুখেই রাহুর গ্রাসের দাগ; মনে হচ্ছে সকলের গুঁকই রাহু চুষে চুষে কালো ক'রে দিয়েছে।

জনগণমন রাজবংশের মহাজননেত্রী খুবই চেষ্টা করছেন হাসি হাসি খাকতে, কিন্তু আমরা তাঁর হাসির ভেতরে কী যেনো দেখতে পাই।

শক্তির উৎসবাদী রাজবংশের মহাদেশনেত্রী হাসতেই ভুলে গেছেন, তাঁর বিউটিশিয়ানরা দেশে ফিরে গেছে ব'লে হয়তো, হাসতে গিয়ে তিনি রেগে উঠছেন।

রাজাকার রাজবংশের আলি গোলাম কোনো দিন হাসেন না, হাসলে তাঁর ভেতরের হয়েনাটি বেরিয়ে পড়ে, তাই এইবারও হাসেন না।

খোজাগণতান্ত্রিক রাজবংশের মহাজননেতা খোঁয়াড়ে, তাঁর হাসার কথা না; শুনি তিনি মাঝেমাঝে খোঁয়াড় ভিজিয়ে কাঁদেন, আল্লারে ডাকেন।

আমাদের রাজবংশগুলি সভার পর সভা করছে, বৈঠকের পর বৈঠক করছে, দেশের গরিব মানুষদের ঘুমাতে দিচ্ছে না।

মহাজননেত্রীর সাথে বৈঠকে বসেছেন জনগণমন রাজবংশের প্রধান পুরুষেরা—আবদুর রহমান, কলিমউদ্দিন মুধা, নিজামউদ্দিন আহমদ, রজ্জব আলি, আবদুল হাই, হাজেরা আলি। তাঁদের মুখে একই সাথে আশা ও উদ্বেগ থমকে আছে; শরীরে ক্লান্তি ও প্রচুর, খুবই খাটছেন তাঁরা, দৌড়োদৌড়ি করছেন দেশ জুড়ে, থামার সময় পাচ্ছেন না, ঘুমানোর সময় পাচ্ছেন না। যেনো তাঁরা সবাই দড়ির ওপর দিয়ে

হাঁটছেন, আগেরবার হাঁটতে গিয়ে প'ড়ে গিয়েছিলেন, এইবার পার হ'তেই হবে, পা চেপে হাঁটছেন, নইলে প'ড়ে যাবেন গভীর অতল গিরিখাতে যেখানে বাঘ হায়েনার পাল অপেক্ষা ক'রে আছে দাঁতনখ খিচিয়ে, তলিয়ে যাবেন ভয়ঙ্কর খরস্রোতা নদীতে যেখানে বিকট হাঁ ক'রে অপেক্ষা ক'রে আছে ঝাঁকে ঝাঁকে কুমির হাদ্দর। জনগণ কি তাঁদের দিকে এইবার একটু মুখ তুলে চাইবে না? জনগণ, প্রিয় জনগণ, কি এতো নিষ্ঠুর হবে? মনে হচ্ছে এইবার জনগণ মুখ তুলে চাইবে, তারা ওইগুলিরে দেখেছে, অনেক বছর ধ'রে দেখেছে; এইবার কি একবারের জন্যেও দয়া ক'রে তাঁদের দিকে চাইবে না?

জনগণের কী আছে দেখা ছাড়া, তারা তো দেখার জন্যেই জনগণ হয়েছে, পামরজনতা হয়েছে; তাদের তো দেখতেই হবে—একবার এদের, আরেকবার তাদের, আরেকবার ওদের। কিন্তু জনগণ থাকবে জনগণ।

মহাজননেত্রী বলেন, 'আল্লামার রহমতে কি এইবার আমাদের অবস্থা আগের থিকা ভাল না? কি মনে হইতেছে আপনোগো, কতোখানি আগাইলেন?'

তিনি সকলের মুখের দিকে তাকান; মুখগুলো দেখে তাঁর ভালোই মনে হয়।

রাজপুরুষ আবদুর রহমান বলেন, 'আমরা ত যা করনের কিছুই বাকি রাখতেছি না, এখন সব আল্লা আর জনগণের হাতে, আল্লায় যদি মুখ তুলিয়া চায়, জনগণ যদি মুখ তুলিয়া চায় তাহিলে আমরা পাওয়ারে আসবো।'

মহাজননেত্রী জিজ্ঞেস করেন, 'যেইগুলির সঙ্গে প্যাঙ্ক করতেছি সেইগুলি আবার বিট্টে করবো না ত?'

নিজামউদ্দিন আহমদ বলেন, 'বিট্টে করনের পসিবিলিটি ত সব সময়ই আছে, আমাগো দ্যাশে বিট্টে করনই পলিটিস্ক, তবে এইবার বিট্টে কইয়া তাগো কোনো সুবিধা হইবো না।'

মহাজননেত্রী জিজ্ঞেস করেন, 'মনোয়ার হোসেন মোল্লায়ে আপনাদের কি মনে হয়, সে কি শক্তির উৎসআলাগো সঙ্গে হাত মিলাইতে পারে?'

রজ্জব আলি বলেন, 'তার কোনো উপায় নাই, তাগো ন্যাভারে যারা চাইর পাচ বছর অটকাইয়া রাখছে তাগো লগে মনোয়ার হোসেন মোল্লার যাওনের উপায় নাই, খালি আমরা পাওয়ারে আসলেই ওগো ন্যাভার বাইরে আসনের একটা উপায় হইতে পারে এইটা সে বোঝে।'

কলিমউদ্দিন মুধা বলেন, 'আমরা পাওয়ারে আসলে মনোয়ার হোসেন মোল্লায়ে প্রথম দিনেই মিনিস্টার করুম, এইটা ত তারে আপনে নিজেই বইল্যাই দিছেন, শক্তির উৎসআলাগা তারে মন্ত্রী করবো না। তারে যারা মন্ত্রী করবো তাগো সঙ্গে সে থাকবোই। আমরা ছাড়া তার মন্ত্রী হওনের উপায় নাই।'

নিজামউদ্দিন আহমদ বলেন, 'মনোয়ার হোসেন মোল্লা সঙ্গে আমার সব সময়ই কথা হয়, মহাজননেত্রীর সঙ্গেও হয়, তারে আর অবিশ্বাস করতে পারি না। অবিশ্য পলিটিক্সে বিশ্বাস বইল্যা কোনো কথা নাই, এইটা বুঝি আমরা জিতলে সে আমাগো সঙ্গেই থাকবো।'



মহাজননেত্রী বলেন, 'এইবার জিততেই হইবো, চাচা।'

নিজামউদ্দিন আহমদ বলেন, 'এইবার না জিতলে বোঝতে হইবো আদ্যাতাল্লা আমাগো ছাইর্যা দিছে, জনগণ আমাগো ছাইর্যা দিছে; বঙ্গভবন আমাগো লিগা নাই।'

তিনি বড়ো একটি দীর্ঘশ্বাস ফেলেন, সারা ঘর শীতে জ'মে উঠতে চায়।

মহাজননেত্রী কিছুক্ষণ মাথা নিচু ক'রে চুপ ক'রে থেকে বলেন, 'খোজাবংশের জননেতার স্ত্রী গুলবদন বেগমরে ধইর্যা রাখতে পারা যাইবো তো?'

রাজপুরুষ আবদুল হাইয়ের দায়িত্ব হচ্ছে ওই ডাইনিকে ধ'রে রাখা; ডাইনিকে ধ'রে রাখতে রাখতে বিপর্যস্ত হয়ে পড়েছেন আবদুল হাই, মাথা প্রায় খারাপ হওয়ার উপক্রম হয়েছে তাঁর।

আবদুল হাই বলেন, 'অই মাইয়ালোকটার উপর তার স্বামীই ভরসা করতে পারে না, অন্যের কথা না বলাই ভাল। আমি তারে ধইর্যা রাখনের চ্যাপ্টা চালাই যাইতেছি। এইটা ত সবাই জানে তাগো জননেতা স্ত্রীরে বিশ্বাস করে না, বিশ্বাস করে বেগম মর্জিনা আবদুল্লা আর মনোয়াররে। তার স্বামী যদিও যাইবো অই মাইয়ালোকটা তার উল্টা দিকে যাইবো।'

মহাজননেত্রী জানতে চান, 'রাজাকারবংশের খবর কি?'

রজ্জব আলি বলেন, 'অরা আমাগো লগেই আছে, তবে গোপনে গোপনে অগো দুই একজন উৎসআলাগো লগেও প্যাক্ট করনের চ্যাপ্টা করতেছে। আসলে অগো ওই দিকেই ত টান বেশি, ঠেইক্যা আমাগো লগে আন্দোলন করছে।'

মহাজননেত্রী জানতে চান, 'অরা কি এইবার আগের থিকাও বেশি সিট পাইবো মনে হয়?'

আবদুর রহমান বলেন, 'পবিত্র ইসলাম ধর্ম যেমন কইর্যা আবার জাইগ্যা ওঠেছে, দ্যাশ ভইর্যা যতো মসজিদ ওঠতেছে, রোজা নামাজ পড়া হইতেছে, তাতে ত মনে হয় অগো অবস্থা আগের থিকা ভালই হবো। অরা তাই ভাবে।'

মহাজননেত্রী বলেন, 'আমরাও ত ইসলামের কিছু বাকি রাখি নাই, বিসমিল্লা আলহামদুলিল্লা আমরাও ত কম বলতেছি না, আমরাও ত নামাজ রেজা করতেছি, কয়দিন আগে ওমরা কইর্যা আসলাম, আবার ওমরা করতে যাবো। মুসলমান ভাইরা কি এইটা খেয়াল করতেছে না?'

হাজেরা আলি বলেন, 'আমাদের অসুবিধা হইছে আমরা মাথায় কাপড় দিলে নামাজ পড়লে হজে গেলে ইন্টেলেকচুয়াল ভাইরা বলে আমরা ফ্যানাটিক হইয়া যাইতেছি, রিএকশনারি হইয়া যাইতেছি, আবার মাথায় কাপড় না দিলে নামাজ না পড়লে হজে না গেলে জনগণ কয় আমরা কাকের। এই দুইটারে মিলাইতে আমাদের জান শ্যাঘ হইয়া যাইতেছে।'

মহাজননেত্রী বলেন, 'ইন্টেলেকচুয়ালগো কথা ছাইর্যা দ্যান, দ্যাশ তাগো চিনে না, তাগো কথা শোনে না, ইন্টেলেকচুয়ালগো কথায় বাস্তবে ভোট পড়ে না। তারা যা কয় কউক, তারা আমাগো লগেই থাকবো, তাগো যাওনের জায়গা নাই। শহীদ মিনার ছইর্যা তাগো এইখানে আসতে হবেই।'

নিজামউদ্দিন আহমদ বলেন, 'শক্তির উৎসআলারা যদি আবার আসে, তাহিলে দ্যাশে থাকন যাইবো না; পাওয়ারে আইসাই আমাগো জ্যালাে চুকাইবো, জামিনও পাওন যাইবো না।'

এইরূপ আরো আলোচনা হয় তাঁদের মধ্যে।

শক্তির উৎসবাদী রাজবংশ তীব্র চেষ্টা ক'রে চলছে রাজাকার রাজবংশকে সাথে আনার, চেষ্টা চালাচ্ছে খোজারাজবংশের রাজপুরুষদের নিজেদের দলে ভাগিয়ে আনতে। বেশ কয়েকটি এসে গেছে, তাদের ভাগাতে হয় নি, এমনিই আইসা গেছে ব'লে আমরা শোনতেছি, তবে সেইগুলির পায়ের নিচে কাদা ছাড়া মাটি নেই; উৎসবাদীরা খুবই উবিগ্ন, তাদের পায়ের নিচেও তারা পিছল পিছল বোধ করছে। মহাদেশেনেত্রী শুনতে পাচ্ছি ঘুমাতে পারছেন না, তাঁর কাছেও কেউ যেতে পারছে না; তিনি আদেশ দিয়ে দিয়েছেন রাজপুরুষদের যেভাবেই হোক পাওয়ারে যাওয়ার ব্যবস্থা করার। অধ্যক্ষ রুস্তম আলি পল্টু ও অন্যান্য রাজপুরুষেরা খেটে খেটে আর গোপন গোপন আলাপে বসতে বসতে পাগল হয়ে যাইতেছেন। অধ্যক্ষ রুস্তম আলি পল্টু বেশ কয়েকবার মহাদেশেনেত্রীর সাথে বৈঠকে বসার আবেদন জানিয়েছেন, মহাদেশেনেত্রী সময় দিতে পারেন নি; অবশেষে সাত দিন পর মহাদেশেনেত্রী একদিন বৈঠকে আসার সময় দিতে পারেন। আমরা লোকের মুখে শুনতে পাই সেইখানে নানা রকম গুরুত্বপূর্ণ আলোচনা হয়।

মহাদেশেনেত্রী বৈঠকে ব'সে চারদিকে তাকান; রাজপুরুষেরা তখন মাথা নিচু ক'রে থাকেন; তাঁর সামনে মাথা উঁচু ক'রে বসা রাজবংশ নেই।

অধ্যক্ষ রুস্তম আলি পল্টু বলেন, 'হে মাননীয় মহাদেশেনেত্রী, আমরা প্রায় সব কিছুই গোছাই আনছি, আমরা পাওয়ারে যাবো।'

মহাদেশেনেত্রী গম্ভীরভাবে বলেন, 'পাওয়ারে যেতেই হইবে, আর কারও হাতে পাওয়ার দেওয়া যাবে না। অগো হাতে গেলে দ্যাশটারে অরা বেইচ্যা দিবে।'

অবজেনারেল কেরামতউদ্দিন উত্তেজিত হয়ে উঠতে চান; তিনি বলেন, 'অরা অলরেডি কাক্তি সেল করার কস্পিরেসি শুরু করেছে, উই মাস্ট ফয়েল দেয়ার কস্পিরেসি, জনগণের এইটা জানাই দিতে হবে।'

সোলায়মান হাওলাদার বলেন, 'জনগণ এইটা ভালোভাবেই জানে, এইজনায়ে জনগণ অগো এতো বছর চায় নাই, এই বছর অরা জনগণের ব্লাফ দিতেছে, জনগণের এইটা বুঝাই দিতে হবে।'

মহাদেশেনেত্রী জিজ্ঞেস করেন, 'কতোখানি প্রসিড করলেন সেই কথা বলেন। পাওয়ার আমাদের, অরা পাওয়ারে বসবে সেইটা সহজ করবো না।'

রুস্তম আলি পল্টু বলেন, 'অনেকখানি প্রসিড করছি ম্যাদাম, আমাগো কভিশন দিন দিন ভাল হইতেছে, নানা রাজবংশের সঙ্গে প্যাঙ্ক হইতেছে। পাওয়ারে আমরা যাবই, সব ব্যবস্থা ক'রে আনছি।

মহাদেশেনেত্রী বলেন, 'সব কিছু স্পষ্ট ক'রে বলেন।'

রুস্তম আলি পল্টু বলেন, 'মওলানা রহমত আলি ভিত্তির সঙ্গে ভালোই কথা হইতেছে, অগো আমরা বুঝাইতে পারতেছি যে অরাও ইসলাম চায় আমরাও ইসলাম

চাই, অরা আর আমরা একই, ভাইয়ে ভাইয়ে অবনিবনা হইতে পারে, তবে ভাই ভাইর থিকা দূরে যাইতে পারে না, আমাগো এক লগে থাকন দরকার; কাফেরগো লগে তাগো যাওন ঠিক না।'

মহাদেশনেত্রী বলেন, 'তঁারে আমি নিজেই ফোন করছিলাম, পাই নাই; মনে হয় আমার সঙ্গে কথা বলতে চায় না।'

রেগে ওঠেন জেনারেল কেরামত, 'এইটা বেয়াদবি, এইটা টলারেট করা যায় না, তাকে শিক্ষা দিতে হবে। অগো উঠাইলো কারা, আনরা না থাকলে অরা থাকতো কই? দেশেই থাকতে পারতো না। অরা বেইমানি করতেছে।'

রশ্তম আলি গণ্টু বলেন, 'রহমত আলি ভিত্তি আইজকাইল বেয়াদবি করতেছে, তাকে শিখাই দিমু সময় আসুক; এখন সইজ্য করা ছাড়া উপায় নাই। পলিটিক্সে বেইমানি ত নতুন কিছু না, আর অরা ত দ্যাশের সঙ্গেই বেইমানি করেছিল।'

ডঃ কদম রসুল বলেন, 'এইবার সবাই আল্লাতাল্লার নাম বেশি লইছে, এতে অগো মনে হচ্ছে অগোই ভোট দিবে। আমরাও অগো থিকা আল্লার নাম কম লই না, আমিও আমার কসটিটিয়েসিতে কসটা ওয়াজ মহফিল কইরা আসলাম, দুইটা মসজিদ তুইল্যা আসলাম। আল্লারসুল খালি অগো না।'

মোহাম্মদ কুন্দুস চৌধুরী বলেন, 'পিপল অগো ফ্যানাটিক মনে করে, অগো চেহারা দেখলেই ভয় পায়, আমাদের মনে করে খাটি ইসলামি, পিপল ফ্যানাটিক পছন্দ করে না, ধার্মিক পছন্দ করে।'

সোলায়মান হাওলাদার বলেন, 'খোজাবংশের একটা ফ্যাকশন আমাদের সঙ্গে আছে, সব সময়ই কথা হইতেছে, আর গুলবদন বেগম সাহেবার টান আমাদের দিকেই; আমার আগের ফ্রেইন্ডদের সাথেও কথা চলছে, মাও-লেনিনঅলাদের অনেকেই গোপনে আমাদের সঙ্গে থাকবে।'

মহাদেশনেত্রী বলেন, 'আরও ভাল ক'রে কাজ করেন, আমার কি করতে হবে বলেন, ম্যাজরিটি আসন আমাদের পাইতেই হবে, অগো পাওয়ার দেওয়া যায় না; অরা দেশটা বেইচা দিবে।'

ব্যারিস্টার কুদরতে খুদা বলেন, 'ম্যাজরিটি আসন আমরাই পাবো, অরা যতই নাচুক পিপল অগো ভোট দিবে না। পিপল অগো চিনে, পিপল জানে দে আর ইন্ডিয়ান এজেন্টস্, পিপল ভেরি মাচ ইন্ডিয়ার অ্যাগেইনস্টে।'

ভাঁরা অনেক সময় ধ'রে এইরূপ গণতান্ত্রিকভাবে গুরুত্বপূর্ণ রাজনৈতিক আলোচনা করেন, এবং নানা রকম গুরুত্বপূর্ণ সিদ্ধান্ত গ্রহণ করেন।

আমরা জনগণরা শুনতে পাচ্ছি মহাগোলমাল হট্টগোল এমনকি মারামারি ছিঁড়াছিঁড়ি চলতেছে খোজারাজবংশে-এই বংশটা বুঝি টিকলো না দাঁড়াইতে পারলো না এই বংশটা বুঝি নির্বংশ হইলো; এই বংশে ভাঙনের চড়চড় ধপাশ ধুম ক্যারং ঠাঠাশ নানা শব্দ হচ্ছে, ওই শব্দ চট্টগ্রাম রংপুর দিনাজপুর ঝালকাঠি রাঙ্গুনিয়া পর্যন্ত শোনা যাচ্ছে। শুনতে পাই এই দল ভেঙেচুরে খানখান হয়ে পড়ছে ভেতর থেকে বাইরে; মহাজনেতার মহীয়সী স্ত্রী গুলবদন বেগম, বিশ্বাস করার মতো গুজব ছড়িয়ে পড়ছে

রাস্তাঘাটে, খোঁয়াড়ে গিয়ে মহাজননেতার সঙ্গে দেখা করা বন্ধ ক'রে দিয়েছেন; এইভাবেই তিনি কম যাচ্ছিলেন, এখন যাওয়া বন্ধ; সত্য গুজব শুনছি মহাজননেতাই তাঁকে ধমক দিয়ে নিষেধ ক'রে দিয়েছেন। কারণ নাকি বেগম মর্জিনা আবদুল্লাহর সাথে গুলবদন বেগম প্রায় চুলোচুলি গুরু করেছিলেন, গালে নখ লেগে অনেকখানি ছিড়ে গেছে বেগম মর্জিনার, যা মহাজননেতার মতো হৃদয়বান মানুষের পক্ষে সহ্য করা সম্ভব হয় নাই। মহাজননেতা আর তাঁর স্ত্রী অনেক বছর ধ'রে ফ্যামিলি ভ্যালুজ টিকিয়ে রাখার চেষ্টা ক'রে আসছিলেন, যেমন কমবেশি আমরা সবাই টিকিয়ে রাখার সাধ্যসাধনা ক'রে যাচ্ছি, এখন বুঝি আর ওই ফ্যামিলি ভ্যালুজ টিকলো না। কিন্তু পলিটিক্সে এইটা খুবই দরকার। আমরা গোপনে আড়ালে আবডালে যাই করি না কেনো বাইরে আমাদের ফ্যামিলি ভ্যালুজ রক্ষা করা অত্যন্ত দরকার, সমাজসংসার এইটা চায়; ফ্যামিলি হচ্ছে আসল রষ্ট্র, আর এইটাকে যদি চুনকাম ক'রে না রাখি তাহলে বড়ো রষ্ট্রকে কীভাবে বছরের পর বছর চুনকাম করবো? আমরা আমাদের গরিব মানুষের মনের কথা যতোটা জানি তাতে মনে হয় আমরা গরিবরা সম্ভবত বেগম মর্জিনা আবদুল্লাহর আর গুলবদন বেগম কাউকেই পছন্দ করি না; তাঁদের মধ্যে গোলমাল চুলোচুলি গাল কাটাকাটি হ'লে চারদিকের দুঃখের মধ্যেও বেশ একটা মজা পাই। ফ্যামিলি ভ্যালুজের চুলোচুলিতে আমরা মজা পেলেও মহাজননেতা যে মজা পাচ্ছেন না, তা আমরা বুঝতেই পারছি; খোঁয়াড়ের ভেতরেও তাঁকে হয়তো কুঁকড়ে থাকতে হচ্ছে। বাইরে তো আর যাই থাক সমাজ সংসার রষ্ট্র আছে। তাই তিনি অভ্যাসমতো প্রায় একটি সামরিক নির্দেশ জারি ক'রে ফেলেছেন—গুলবদন বেগমকে খোঁয়াড়ে দেখা করতে যেতে নিষেধ করেছেন। তবে ভেতরের ভাঙার থেকেও মারাত্মক হচ্ছে তাঁর রাজবংশ বাইরেও ভেঙে পড়ছে, অনেকেই রাজবংশ ছেড়ে যাওয়ার জন্যে নানা নীতিমালা তৈরি করছেন, অনেকখানি চ'লে গেছেন অনেকেই; মহাজননেতা আর কাউকেই বিশ্বাস করতে পারছেন না। তবে তিনি বিশ্বাস করেন মনোয়ার হোসেন মোল্লা আর মর্জিনা আবদুল্লাহকে, আমরা জনগণরা মনে করতেছি এই দুইজনকে নানা কারণেই বিশ্বাস করা যায় সব মানুষ সব সময় বেইমানি করতে পারে না; এই দুইজনেরই ভবিষ্যৎ আছে—মনোয়ার হোসেন মোল্লার গাড়িতে পতাকা ওড়ার ইশারা আছে, আর মর্জিনা আবদুল্লাহর ইশারা অত্যন্ত নিবিড় অন্তরঙ্গ।

তাঁদের ভাঙাচোরা রাজবংশেরও বৈঠক বসে, নদীতে পড়লে কি আমরা শ্মশানের পোড়া চলা ধ'রে ভাসতে চাই না? তাদের বৈঠকে প্রধান হচ্ছেন মনোয়ার হোসেন মোল্লা; এইটা বৃদ্ধ শ্রদ্ধেয় ও অশ্রদ্ধেয় শাহ আলম চৌধুরীর জন্যে বিশেষ কষ্টের, কিন্তু তিনি এখনও কষ্ট ক'রে এই কষ্ট সহ্য ক'রে চলছেন।

মনোয়ার মোল্লা বলেন, 'এইবার ইলেকশনে আমাগো একটাই প্রিন্সিপাল, সেইটা হচ্ছে সারভাইভের প্রিন্সিপাল। আমরা সারভাইভ করতে পারি যদি আমাগো মহাজননেতা সারভাইভ করেন, তিনি থাকলেই আমরা আছি। এইটা সব সময় মনে রাখতে হবে, ভোললে চলবো না। এইটা আমাগো বাচনের প্রিন্সিপাল।'

মনোয়ার মোল্লাকে বেশ প্রফুল্ল দেখায়; মনে হয় তাঁরা সারভাইভ না করলেও তিনি সারভাইভ করবেন। তিনি খুব ফিট আছেন, এমন ফিট আছেন ইংরেজিতে যাকে আমরা ফিটেস্ট বলি।

শাহ আলম চৌধুরী বলেন, 'ন্যাতা সারভাইভ করুক এইটা ত আমরা সবাই চাই, তার সারভাইভ করা দরকার, কিন্তু কথা হচ্ছে আমাদের নিজেকেও সারভাইভ করতে হইবে। সেই কথাও ভাবতে হইবে আমাদের।'

মর্জিনা আবদুল্লা একটু বিষণ্ণ ও রাগান্বিত হয়ে ওঠেন।

মর্জিনা আবদুল্লা বলেন, 'মহাজননেতা না থাকলে আমরা কে? আমাদের কে ভাল দেয়? তিনি যখন রাজা আছিলেন তখন আমাদের অবস্থা কেমন ছিলো, আর এখন কেমন। তিনি বাচলেই আমরা বাচবো এইটা মনে রাখতে হবে। আমাদের এই ধরনের কথা বলা বেইমানি।'

ইমাজউদ্দিন ঝান্টু বলেন, 'এইটা কোনো তর্কের সাবজেক্ট না, মহাজননেতাকে লইয়া ডিবেট চলে না, তিনি সব ডিবেটের উর্ধে, তবে তার ছাড়ানোর জইন্যে যাদের সঙ্গে প্যাঙ্ক করবো দেখতে হইবে তারা আমাদের কয়জনকে মন্ত্রী করবো।'

মনোয়ার মোল্লা বলেন, 'সেইটা ডিপেন্ড করে আমরা ইলেকশনে কেমন করি, কয়টা সিট পাই, বারগেইন করার মতো পাওয়ার আমাদের থাকে কিনা? পলিটিক্সে বারগেইন করার জইন্যে স্ট্রেন্থ লাগে আমরা জানি।'

ব্যারিস্টার শাহেদ মিয়া বেশ দেরি করে এসেছেন, তাঁকে বেশ চঞ্চল দেখাচ্ছে।

শাহেদ মিয়া বলেন, 'তাইলে কি আমরা জনগণবংশেরই সাপোর্ট করতে যাচ্ছি? এইটা আবার একটু ভাবিয়া দেখা উচিত।'

মনোয়ার মোল্লা বলেন, 'লাস্ট মোমেন্ট পর্যন্ত এইটা আমরা ভাববো, এইবার তাগোই পসিবিলিটি বেশি পাওয়ারে যাওয়ার, সেইজইন্যে তাগো সঙ্গে আইজও আছে, লাস্ট মোমেন্ট কি হবে তা আলা জানে।'

শাহেদ মিয়া বলেন, 'ম্যাডাম গুলবদন বেগমের পছন্দ অন্য রকম, তিনি শক্তির উৎস আমাদেরই প্রেফার করেন।'

মর্জিনা আবদুল্লা এইবার পুরোপুরি রেগে ওঠেন, পারলে তিনি ব্যারিস্টারের ওপর ঝাঁপিয়ে পড়তেন, অন্তত সবগুলো নখ তাঁর দুই গালে চুকিয়ে দিতেন।

মর্জিনা আবদুল্লা বলেন, 'তার পছন্দে অপছন্দে কিছু যায় আসে না, শি ইজ নট ইন দি পার্টি, শি ইজ নট আওয়ার ডিসিশন মেকার। তার নামও তোলাবেন না, মহাজননেতা বলে দিয়েছেন সে আর নেই, শি ইজ জিরো।'

মনোয়ার মোল্লা বলেন, 'এইবার পঞ্চাশটা সিট যদি পাই তাইলেই আমরা দরাদরি করতে পারবো।'

শাহেদ মিয়া জিজ্ঞাস করেন, 'আমাদের কয়জনকে তারা মিনিস্টার করবো এইটা ক্লিয়ার করে নিতে হবে, আমরা কয়েকজনে মিনিস্টার হতে চাই। আমরা তাদের সাপোর্ট দিবো মিনিস্টার করলে, আদারওয়াইজ নট।'

মনোয়ার মোল্লা হেসে বলেন, 'শাহেদভাই মিনিস্টার ত কম হইলেন না, সব মিনিস্ট্রিতেই আপনে বসছেন, সব মিনিস্ট্রির চেয়ারেই আপনার দাপ লাইগ্যা আছে,

ভবিষ্যতেও লাগবো, দেখতে হইবো এইবারও আপনারে মিনিস্টার করন যায় কি না, তবে ইলেকশনে আপনারে পাশ করতে হবে।’

শাহেদ মিয়া রেগে উঠতে গিয়ে গম্ভীর হওয়ার চেষ্টা করেন।

মর্জিনা আবদুল্লা বলেন, ‘আমাদের মহাজননেতা ইজ এ ম্যান অফ প্রিন্সিপাল, তিনি তার নীতিতে চিরকাল ঠিক থাকেন, এই জইন্যেই তিনি এখন ওইখানে আছেন, নীতি থিকা মহাজননেতা কখনো সইর্যা যান না, এইবারও যাইবেন না; তিনি যা ব’লে দিয়েছেন, তাই আমাদের করতে হবে। আমাদের প্রধান কাজ তারে বাইর ক’রে আনা, তাহলে একটা দুইটা না সব মিনিস্টার আমরাই হবো।’

মর্জিনা আবদুল্লার কথায় ও ওঠে অভিজ্ঞতাজাত নিশ্চয়তা ফুটে ওঠে।

শাহেদ মিয়া উঠে দাঁড়ান, বেরোতে বেরোতে বলেন, ‘আমি যাই, আমার কাম আছে, আপনেরা তারে বাইর ক’রে আনেন, দেখেন পারেন কিনা।’

মনোয়ার নোব্বা বলেন, ‘ব্যারিস্টার দল ছাড়নের চেষ্টা করছে মাসখানেক ধইর্যাই, আইজ বুঝি ছাইর্যা গেলো। তাতে আমাগো লস নাই, ব্যারিস্টার এইবার পাশ করতে পারবো না, আমি খবর নিয়া দেখছি।’

ইমাজউদ্দিন ঝন্টু বলেন, ‘আরো কয়জন বাইরে হওনের জইন্যে পা বাড়াইয়া আছে, তারা আইজকাইল দিনরাইত উৎসআলাগো লগে ওঠে বসে।’

শাহ আলম চৌধুরী বলেন, ‘পলিটিশিয়ানগো নিজের ভবিষ্যৎ দেখতে হয়, নিজের ফিউচার ঠিক মতন দেইখ্যা সেই মতন কাম করতে যে পারে, সেই খাটি পলিটিশিয়ান। শাহেদ মিয়া খাটি পলিটিশিয়ান, তারে দোষ দিতে পারি না।’

তিনি কথটি ব’লে গম্ভীর হয়ে চুপ ক’রে থাকেন; তাঁর মুখের দিকে তাকিয়ে মনে হয় তিনিও নিজের ভবিষ্যৎ দেখতে পাচ্ছেন।

আমরা কয়েক দিন ধ’রে দেশ জুড়ে বাঘের গায়ের গন্ধ পাইতে শুরু করছি।

দিনাজপুর না গাইবান্ধা না কাউখালির না কিশোরগঞ্জের এক চাষাভাই এই গন্ধটা প্রথম পায়। শেষ রাতে উঠে হালটের পাশে পাটক্ষেতে হাগতে ব’সে সে বাঘের গন্ধ পেয়ে হাগা চেপে দৌড়ে ঘরে ফিরে এসে বউরে ঠেলা দিতে দিতে বলে, ‘অই, ওট ওট, বাগ আইছে, অই, ওট।’

চাষাভাই কাঁপতে থাকে আর তার বউ ভয় পেয়ে জেগে উঠে বলে, ‘কি কও, কি আইছে? যা ইচ্ছা আছক।’

চাষাভাই বলে, ‘বাগ আইছে, বাগের গন্ধ পাইলাম, ওট।’

তার বউ বলে, ‘কোন জায়গায় বাগ? কোন জায়গায় বাগের গন্ধ পাইলা? বাগ আইব কই থিকা?’

চাষাভাই বলে, ‘ক্যান, আমি ত অখনও গন্ধ পাইতাছি, তুই পাছ না?’

বউ বলে, ‘বাগের গন্ধ কোনখানে? আমি গরুর চনার গন্ধ পাইতাছি।’

চাষাভাই বলে, ‘তুই মাইয়ামানুষ, কোনদিন বাগ দেখছ নাই বাগের গায়ের গন্ধ কেমন তা জানবি কেমনে, চনার গন্ধই ত তুই চিনবি। মাইয়ামাইনঘের জন্মই হইছে চনায় প্যাট বোঝাই করনের লিগা।’

বউ বলে, 'আমার নাকে সর্দি হইছে লাগে, হেই লিগা খালি চনা চনা গন্ধ পাইতাছি।'

চাষাভাই বলে, 'ভুই চনার গন্ধ পাইতাছ, আর আমি বাগের গন্ধে মইর্যা যাইতাছি।'

বউ বলে, 'সগলে যে বলে তোমার মাথায় ছিট আছে সেইটা মিছা না।'

বউ আবার ঘুমিয়ে পড়ে, কিন্তু ওই চাষাভাই বাঘের গন্ধে আর ঘুমোতে পারে না; সকাল হওয়ার পরও ক্ষেতে যেতে তার ভয় করতে থাকে।

এমন খবর আমরা দেশের নানান জায়গা থিকাই পাইতে শুরু করছি।

আরেক জায়গায় বাচ্চাদের, আহা আমাগো সোনামণিগো, ইস্কুল শুরু হয়েছে, একটি বাচ্চা ওই সময় চিৎকার ক'রে ওঠে, 'আফা, আমার ডর লাগতেছে, আমার ডর লাগতেছে।'

আফা রেগে উঠে বলেন, 'ক্যান, তর ডর লাগতাছে ক্যান?'

বাচ্চাটি বলে, 'কিয়ের জানি গন্ধ পাইতাছি।'

তখন সব বাচ্চাই চিৎকার ক'রে ওঠে, 'আমাগো ডর লাগতাছে, আমরা গন্ধ পাইতাছি, আমাগো ডর লাগতাছে।'

আফা রেগে উঠতে গিয়ে নিজেও গন্ধ পান।

আফা বলেন, 'সতাই ত বাগের গন্ধ, মনে হয় বাগ আইছে।'

বাচ্চাদের সারা ইস্কুলে চিৎকার কান্নাকাটি শুরু হয়ে যায়, সব দরোজা জানালা বন্ধ ক'রে দেয়া হয়। তাদের চিৎকার শুনে চারপাশ থেকে লোকজন ছুটে আসে।

লোকজন চিৎকার ক'রে বলে, 'তোমাগো কি হইছে, তোমরা দরজা জানালা আটকাইয়া চিক্কইর পারতাছ ক্যান, কি হইছে তোমাগো?'

বাচ্চাদের চিৎকার আরো বেড়ে যায়।

দুজন আফা এক সময় জানালা খুলে বলেন, 'আমরা সব বাগের গন্ধ পাইতাছি, মনে হয় বাগ আইছে।'

লোকজন চারদিকে তাকিয়ে কোনো বাঘ দেখতে পায় না, গন্ধও পায় না বাঘের; এমনকি কাছে দূরে একটা খট্টাশও তারা দেখতে পায় না।

তারা চিৎকার ক'রে বলে, 'তোমরা মনে হয় পাগল হইছো, এইহানে বাগ আইবো কোনহান থিকা, দরজা জানালা খোলো।'

সব জায়গায়ই যে বাঘের গন্ধ পেতে শুরু করেছি আমরা, তা নয়; কোনো কোনো জায়গায় শুয়োরের গন্ধও পেতে শুরু করেছি আমরা।

ফুলঝুরিয়ার মানুষ কয়েক দিন ধ'রে শুয়োরের গন্ধ পাচ্ছিলো; প্রথম তারা অবশ্য বুঝতে পারে নি যে ওই গন্ধটা শুয়োরের গায়ের গন্ধ। না বোঝার কারণ তো একটাই, তারা কখনো শুয়োরই দেখে নি; তাই তার গায়ের গন্ধ কেমন তারা জানতো না। তারা জানে শুয়োর হারাম, তাই শুয়োরের নাম উঠলেই আমরা সবাই গন্ধ পাই। কয়েক দিন ধ'রে গন্ধটা বাড়তে থাকে; এবং একজন প্রথম বলে যে গন্ধটা শুয়োরের গায়ের গন্ধ।

তখন ফুলঝুরিয়ার মানুষ মাঝে মাঝে বমি করতে থাকে, অনেকে খেতে গিয়ে গন্ধে খাওয়া বন্ধ করে, নানা রকম ঔষধ খেতে শুরু করে তারা। কিন্তু তারা বুঝতে পারে না কোথা থেকে আসতে পারে শুয়োরের গায়ের দুর্গন্ধ, যাতে বমি না ক'রে পারা যায় না।

তারা আশা করছিলো পাবে পবিত্র সুগন্ধ, কিন্তু শুয়োরের গন্ধে তারা অসুস্থ হয়ে পড়ে।

ফুলঝুরিয়ার রাজাকারবংশের আমির অধ্যাপক আলি গোলাম পদার্পণ করবেন ব'লে ঘোষণা দেয়া হয়েছে: জনগণ খুবই উদ্দীপ্ত, অনেকে নতুন টুপিও কিনেছে, দিকে দিকে ঘোষণা দেয়া হচ্ছে তাঁর পবিত্র আগমনের, দেয়ালে দেয়ালে পোস্টার লাগানো হয়েছে, সোয়াবের কথা ভেবে খুশিতে ভ'রে উঠতে চাচ্ছিলো লোকজন, কিন্তু তারা শুয়োরের গন্ধ পেতে থাকে। ফুলঝুরিয়ার ঘরবাড়ি বমিতে পিচ্ছিল হয়ে উঠতে থাকে, পাচা টক দুর্গন্ধে ভারি হয়ে ওঠে ফুলঝুরিয়ার বাসাত; মরিচ ধান ধনেপাতা লাউয়ের দিকে তাকালেও মনে হয় তারা বমি করছে।

গন্ধ ভাঙানোর জন্যে তারা বাড়িতে বাড়িতে ধূপ জ্বালাতে শুরু করে।

যেদিন অধ্যাপক আলি গোলাম ফুলঝুরিয়ায় উপস্থিত হন, সেদিন গন্ধটা চরম রূপ ধারণ করে। আলি গোলাম ভাষণ দিতে শুরু করলে লোকজন চিৎকার ক'রে আবেদন জানাতে শুরু করে, তিনি প্রথম ওনতে পান না।

ওনতে পাওয়ার পর তিনি জিজ্ঞেস করেন, 'আপনারা চিৎকার করছেন কেনো, আপনারা কি আবেদন করিতে চান?'

লোকজন বলে, 'হে হুজুর হে আমির, আমরা শুয়োরের গন্ধ পাইতেছি, গন্ধে টিকতে পারতেছি না। আপনে আগে দোয়া পইর্যা গন্ধ খ্যাদাইয়া আমাগো বাচান।'

তিনি বলেন, 'আমি কোনো গন্ধ পাইতেছি না।'

তারা বলে, 'হে আমির, আমরা পাইতাছি।'

আলি গোলাম সারা বিকেল আর সন্ধ্যা ভ'রে সবকলকে নিয়ে দোয়াদরুদ পাঠ করেন, অনেক দিন ধ'রে তিনি নিজে দোয়াদরুদ পড়েন না ব'লে দেখতে পান অনেক দোয়াই তিনি ভুলে গেছেন, তবু তিনি থামেন না; কিন্তু তাতে গন্ধ কমে না, লোকজন বলতে থাকে, 'হে আমির, আমরা গন্ধ পাইতাছি, আরও দোয়া পড়েন, গন্ধ বাইর্যা যাইতাছে।' ক্লান্ত হয়ে আলি গোলাম সভা ছেড়ে দলের অফিসে গিয়ে ঘুমিয়ে পড়েন—ঘুমোতে পারেন না, জেগে থাকেন।

পরদিন ভোর হওয়ার আগেই তিনি ফুলঝুরিয়া ছেড়ে যান, ঠিক করেন এখানে আর আসবেন না। আরো তিন চার দিন ধ'রে ফুলঝুরিয়ার মানুষ শুয়োরের গন্ধ পায়; ধীরে ধীরে গন্ধ ক'মে আসে। তারা আবার শিশুর মুখে শিশুর গন্ধ ধানক্ষেতে ধানের গন্ধ বাড়ী ভাতে ভাতের গন্ধ পেতে শুরু করে।

ফুলঝুরিয়ার মানুষ বুঝতে পারে না ওই ক-দিন তারা কেনো পেয়েছিলো অমন দুর্গন্ধ। ওই গন্ধের কথা ভেবে তারা মাঝেমাঝে শিউরে ওঠে, আল্লার কাছে প্রার্থনা করে যাতে ওই গন্ধ তারা আর না পায়।



কিন্তু গন্ধ আমরা কমবেশি পাচ্ছি।

মহাজননেতার প্রিয়তমা মর্জিনা আবদুল্লাহর সঙ্গে চুলোচুলি রক্তরক্তি আর আর পারিবারিক রাজনৈতিক কর্মকাণ্ড করার পর বাসায় ফিরেই গুলবদন বেগম পানীয়র বোতল গেলাশ চারপাঁচখানা সেলুলার নিয়ে শক্ত হয়ে বসেন। তাঁর মুখে আমরা জনগণরা সব সময়ই ছোটোবেলায় নানীর কাছে শোনা ভাইনিটার মুখের আদল দেখতে পাই, কাগজে তার ছবি উঠলে পোলাপানরা ছবি দেখে ভয় পায় ব'লে আমরা সেই দিনকার কাগজ লুকিয়ে রাখি, তবে আল্লায় যারে যেই মুখ দিচ্ছে তা নিয়া কথা বলা ঠিক না, আমরা সেই বিষয়ে কথা বলতে চাই না, তবে এই মুহূর্তে তিনিও তাঁর মুখটা দেখলে ভয় পাইতেন। তিনি সেলুলার টিপতে শুরু করেন; কিন্তু আমাগো দেশ এমন দেশ এখানে কাকেরগো দেশ থেকে যা আসে তাই আটকে যায়, খালি পিপপিপ করতে থাকে; তিনি রেগে গোটা দুই সেলুলার ছুঁড়ে ফেলে দেন, বার তিনেক পানীয়তে চুমুক দেন। আহ, কি সুখকর! তিনি বোধ হয় আর পলিটিকেল ফ্যামিলি ভ্যালুজ টিকিয়ে রাখতে পারছেন না; ওই বদমাইশটারে দেখাইয়া দিতে হবে। ওইটারে খোঁয়াড়ে চিরকাল আটকাইয়া রাখতে হইব, ওইখান থিকাই অরে বনানী গোরস্থানে পাঠাতে হবে।

উৎসবাদী রাজবংশের রক্তম আলি পল্টু সাহেবকে তাঁর খুবই দরকার, তাঁর সঙ্গে আলাপ ক'রেই তিনি এখন ছেঁড়াফাড়া কলজেটিতে শান্তি পেতে পারেন; তবে মনে হইছে রক্তম আলি পল্টু অইত্যাগ্ত ব্যস্ত আছেন, তাঁর সেলুলার তিনি আটকাইয়া রাখছেন। সেলুলার আটকাইয়া রাখনের মিনিং কী? তিনি নিজে কখন আটকাইয়া রাখেন? নিশ্চয়ই কারো লগে কোনো গোপন প্যাক্ট করতে বসছে রক্তম আলি। পলিটিশিয়ানগুলি সবই হারামি, খালি হারামি না হারামির বাচ্চা হারামি, কার লগে যে কি কইব তার ঠিক নাই। মনোয়ার মোল্লার সঙ্গে বসলো না তো? এই ভাবনাটা আসতেই একটানে তিনি গেলাশটি শেষ ক'রে দেন; তারপর টিপতেই অধ্যক্ষ রক্তম আলি পল্টুকে পাওয়া যায়।

গুলবদন বেগম বলেন, 'ভাই, আপনারে পাওনের থিকা আইজকাইল আল্লারে পাওনও সোজা। এক ঘণ্টা ধইর্যা ফোন টিপতছি, আপনার ফোন বাজে না।'

রক্তম আলি পল্টু বিনয়ের সঙ্গে বলেন, 'মাফ কইর্যা দেন ম্যাডাম, আর গালি দিয়েন না, আপনে যে আমারে খোঁজছেন এইটা আমার ভাইগ্য, একটু পর আমিই আপনারে রিং করতাম, আপনেরে খুবই দরকার। আপনে আমাগো একজন বড় গার্জিয়ান, ওয়েল-উইশার, আপনেরে আমি কখনোই ভুলি না।'

গুলবদন বেগম বলেন, 'ভাই, আইজকাইল আমারে আর কার দরকার, আপনে পলিটিশিয়ান বইল্যা কথাটা ঘুরাই বললেন, আপনেরেই আমার দরকার। এইটা সত্য খালি পলিটিস্ম না, আপনের সঙ্গে আলাপ কইর্যা আমি আরাম পাই।'

রক্তম আলি পল্টু বলেন, 'ম্যাডাম, আমি সত্য কথাই বলতেছি, আপনার লগে আমি পলিটিস্ম করি না, সকলের সঙ্গে পলিটিস্ম করন যায় না। আপন মাইনঘের সঙ্গে আবার পলিটিস্ম কি।'

গুলবদন বেগম বলেন, 'আমি ফাইনাল ডিসিশন নিয়া নিছি, সেইটা আপনারে জানানোর জইন্যেই ফোন করলাম।'

রুস্তম আলি পল্টু বলেন, 'বলেন ম্যাডাম, কি ডিসিশন নিলেন? আপনার ডিসিশনের ওপর কারো কোনো কথা থাকতে পারে না।'

গুলবদন বেগম বলেন, 'আইজ থিকা আমাগো রাজবংশ দুই ভাগে ভাগ হইয়া গেছে, বাইরে কারে তা জানান হইবে না, খালি আপনে জানলেন।'

রুস্তম আলি পল্টু বলেন, 'এইটা খুবই দরকার আছিল, আপনোগো বংশে যেই গোলমাল তাতে এক সঙ্গে থাকন ইমপসিবল। অনেক ডিজঅনেস্ট লোকে ওই বংশ ভইয়া গেছে, অপরচুনিষ্ট ব্রিটোয়ারে আপনোগো দল গিজগিজ করতছে।'

গুলবদন বেগম বলেন, 'আমি আপনোগো সাপোর্ট দিব, আমার সঙ্গের কমপক্ষে পচিশজন পাশ কইর্যা আসবো, খালি আমাগো কয়টা দাবি মিটাতে হবে।'

রুস্তম আলি বলেন, 'আপনের সব দাবিই আমরা মিটাব।'

গুলবদন বেগম বলেন, 'ওইটারে যে খোয়ারে ঢুকাইছেন সেই খোয়ারেই মউত পর্যন্ত রাখতে হবে, বাইর হইতে দিবেন না; অইটা খোয়ারে থাকব নাইলে কবরে থাকব, বাইরে থাকতে দিবেন না।'

রুস্তম আলি খুশিতে ভ'রে উঠে বলেন, 'আপনে ম্যাডাম একেবারে আমাগো মহাদেশেনেত্রীর মনের কথাটা বলছেন, মহাদেশেনেত্রী বলেন ওইটারে আর বাইরে আসতে দেয়া হবে না, ওইখানেই ওইটা ধুইক্যা ধুইক্যা মরবো, তারপর গ্রামের বাড়িতে পাঠাই দেয়া হবে। আমাগো মহাদেশেনেত্রী বলেন, ওইটা জানয়ার, ওইটারে খাচায় রাখনই ভাল।'

গুলবদন বেগম বলেন, 'হ্যাঁ, তাই করবেন।'

রুস্তম আলি পল্টু বলেন, 'অই জানয়ারটার নিচে যে কেমন কইর্যা আপনে এত বছর শুইলেন অইটারে আপনার এত সুন্দর দেহখানা দিলেন, তা ভাইব্যা আমি এই বয়সেও মাঝেমাঝে কাইপ্যা উঠি, ম্যাডাম।'

গুলবদন বেগম বলেন, 'মাইয়ামানুষের এই কপাল, জানোয়ারগো নিচেই শুইতে হয়। তবে এই জানোয়ারটাকে শিক্ষা দিতে হইবে।'

রুস্তম আলি পল্টু বলেন, 'ম্যাডাম, দুঃখের ব্যাপার হইল বাংলাদ্যাশটা পাকিস্তান না, পাকিস্তান হইলে আগেই দেখাই দিতাম। জানেন ত ম্যাডাম, পাকিস্তানে জুলফিকার ভুট্টুরে জ্যানারেল জিয়াউল হক খালি জেলে আটকাইয়া রাখে নাই; জ্যানারেল জ্যালা তারে প্রত্যেক রাইতে আইচ্ছা ডলন দিত। একে ত খাইতে দিত না, না খাইয়া খাইয়া ভুট্টু দরি দরি হইয়া যাইতেছিল, আর রাইতে এক ব্রিগেডিয়ার গিয়া ঘণ্টা দুই ধইর্যা আইচ্ছা ছাচন দিত। এক রাইতে ছাচনের সময় ব্যাটা মইর্যা যায়, আর তারে তারাতারি ফাসিতে ঝুলাই দিয়া কাগজে খবর ছাপাইয়া দেয় যে জুলফিকার ভুট্টুরে ফাসি দেয়া হয়েছে। দ্যাশটা পাকিস্তান হইলে তা করন যাইত, এই কারণেই ত পাকিস্তানরে আমরা পছন্দ করি, ওইখানে ইচ্ছামত কাম করন যায়, ওইটা কামের দ্যাশ।'

গুলবদন বেগম বলেন, 'আর মনোয়ার মোল্লার সঙ্গে কোনো প্যাণ্ট করবেন না।'

রুস্তম আলি বলেন, 'ওই বদমাইশটার কথা বলবেন না, ম্যাডাম। ওইটা এক নম্বর অপরচুনিষ্ট, মিনিস্টার হওন ছাড়া আর কিছু বোঝে না। ওইটা সবার লগে লাইন দিতেছে। এইবার ভাবছে ওই ইন্ডিয়াআলারা পাওয়ারে আসবো, সেই জইন্য তাগো লগে দিনরাইত পইর্যা আছে, ওই ব্যাটারে দেখাই দিব।'

গুলবদন বেগম বলেন, 'আর আমারে মিনিস্টার করতে হইবে।'

রুস্তম আলি বলেন, 'সেই কথা বলতে হবে না ম্যাডাম, আমরা পাওয়ারে গেলে আপনে মিনিস্টার হবেনই, আপনে আমাগো এক নম্বর মিনিস্টার হবেন, আর এমন যদি দেখি আপনারে প্রাইম মিনিস্টার করলে বেশি সুবিধা হয় তাইলে আপনেরে আমরা প্রাইম মিনিস্টার করবো, এইটা আমরা ভাইব্যা রাখছি।'

গুলবদন বেগম বলেন, 'ভাই, আপনার এই সিনসিয়ারিটির জইন্যোই আপনারে আমি এত লাইক করি, আপনার মতন পলিটিশিয়ান দ্যাশে আর নাই।'

তাদের কথা এক সময় শেষ হয়; কিন্তু গুলবদন বেগম সেলুলার টিপতে আর পান করতে থাকেন; এবং এক সময়ে জড়িয়ে বলেন, 'সালামালাইকুম ভাই, আপনারে আইজকাইল পাওন যায় না।'

ওই দিকে সেলুলার কানে চেপে ধরেছেন জনগণবংশের মোহাম্মদ আবদুল হাই। একবার আবদুল হাইর মনে হয় নিজের নামটা বদলে দিই, রং নাম্বার ব'লে রেখে দিই; কিন্তু তিনি তা করেন না, বলেন, 'আপনেরেই পাওন যায় না, ম্যাডাম, পাওনের চ্যাষ্টা ত কম করি না।'

গুলবদন বেগম বলেন, 'মিছা কথা বইল্যেন না ভাই, পাওনের চ্যাষ্টা ত করেন মনোয়ার মোল্লারে, তাইলে আমারে পাইবেন কেমনে? আমি ত আপনার বংশের কাছে ফুরাই গেছি, তবে মনে রাখবেন আমি ফুরাই নাই, আমার সাপোর্ট ছাড়া পাওয়ারে যাইতে পারবেন না।'

আবদুল হাই বলেন, 'কি যে বলেন ম্যাডাম, আপনে হলেন আপনার বংশের লিডার, আপনার কথায় সবাই ওঠে বসে, আপনারে ছইর্যা কি মনোয়ার মোল্লার পিছে আমি ঘুরতে পারি?'

গুলবদন বেগম গেলাশে কয়েকটি চুমুক দেন, তাঁর অন্য কিছুতেও চুমুক দিতে ইচ্ছে করে;—হায়রে দেহ, হায়রে চুমুক, বাতিল হওয়ার পরও ক্ষুধা যায় না।

গুলবদন বেগম বলেন, 'এইবারে পাওয়ারে আসবেন ভাইব্যা আমাদের ইগনোর করতেছেন ভাই, কিন্তু তা কি পারবেন? ভাবছেন মনোয়ার মোল্লারে লইয়া পাওয়ারে যাইতে পারবেন, আমারে ছাড়া হবে না।'

আবদুল হাই বলেন, 'এমন কথা বলবেন না ম্যাডাম, আপনে আমাদের এক নম্বর ওয়েল-উইশার আমরাও আপনার ওয়েল-উইশার, আপনেরে ছাড়া আমরা পাওয়ারে যাইতে পারুম না। এই বছর আমরা সকলের দোয়া চাই, দেশে ড্যামোক্রেসি ফিরাই আনার জইন্যো সকলের দোয়া চাই। আপনে ড্যামোক্রেসিতে বিশ্বাস করেন, আমরাও করি; আমাগো একলগে থাকতে হবে।'

গুলবদন বেগম বলেন, 'কিন্তু ভাই মনে হয় আপনারা মনোয়ার মোল্লারে নিয়াই পাওয়ারে যাবেন, আমরা ইগনোর করছেন। মনে রাইখেন মনোয়ারের বাপেরও সেই শক্তি নাই, বংশের আমিই আসল লোক।'

গুলবদন বেগম গেলাশে আরো কয়েকটি চুমুক দেন; আর কিছুতে তাঁর এখন চুমুক দিতে ইচ্ছে করছে না, একটা খাটি খুন করতে ইচ্ছে করছে।

আবদুল হাই বলেন, 'ম্যাডাম, আপনি একজন খাটি পলিটিশিয়ান আর আমরাও পলিটিস্ক কইয়া খাই, আপনে জানেন পলিটিশিয়ানরা কাগোই কোনদিন ইগনোর করে না, আমরা ত করিই না।'

আরো কয়েকটি চুমুক দেন গুলবদন বেগম। কথা বলতে গিয়ে গুলবদন বেগমের জিভ জড়িয়ে আসতে চায়, জিভটাকে ভেজা চামড়ার স্যাভেলের মতো ভারি মনে হয়, তবু তিনি কথা বলার চেষ্টা করেন।

গুলবদন বেগম বলেন, 'অই বদমাইশ জানোয়ারটা আমাদের ছারছে, আপনারাও আমরা....'

তিনি আর কথা বলতে পারেন না; তাঁর বাঁ হাত থেকে গেলাশটিকে তিনি ছুঁড়ে ফেলে দেন, দেয়ালে গিয়ে গেলাশটি চুরমার হয়ে যায়; আর ডান হাত থেকে সেলুলারটি খ'সে পড়ে। গুলবদন বেগম প্রথম সোফার ওপর গড়িয়ে পড়েন, সেখান থেকে গড়িয়ে পড়েন মেঝের ওপর। তাঁর মুখ থেকে লাল বেরোতে থাকে; লালার সাথে দুটি শব্দ বেরোতে থাকে—বদমাইশ জানোয়ার বদমাইশ জানোয়ার।

আবদুল হাই ওই দিকে চিৎকার করতে থাকেন 'হ্যালো, হ্যালো', কোনো সাড়া না পেয়ে সেলুলার বন্ধ ক'রে বলেন, 'বুড়ী বিচ, কুত্তার সঙ্গে কুত্তী।'

দিকে দিকে আমাগো অপসর পাওয়া বুড়াগুলিও খুব জাইগ্যা উঠছে। আমাগো এই সুন্দর দেশে তরতাজা পোলাপানগুলি কোনো কাজ পায় না, ইনভারসিটি থেকে বার হইয়া ফ্যা ফ্যা করতে থাকে, কিন্তু বুড়াগুলির কামের কোনো শ্যাষ নাই। ওইগুলি সাতান্ন হওয়ার পরও চাকুরি জড়াইয়া ধইয়া প'ড়ে থাকে, ওরা না থাকলে সূর্য আন্ধার হইয়া যাবে চান উঠবে না মাইয়ালোকের প্যাটে পোলা আসবে না, তিন চার বছর কাম বাড়াই নেয়; ড্যাকরা ছেলেগুলি ব্যাকার হইয়া রাতায় রাতায় পার্কে পার্কে গাঁজা টানে, ল্যাখাপড়া জানা মাইয়াগুলির আর বিয়া হইতে চায় না। অপসর পাওয়া বুড়াগুলি এখন পলিটিস্ক মেতে উঠছে, কাম ছাড়া তারা থাকতে পারে না; আর বুড়াকালের জইন্যে সবচে ভালো কাম হইছে পলিটিস্ক। পলিটিস্ক তাদের দরও খুব বেশি, বিশেষ ক'রে দুই ধরনের বুড়ার : একটা হইল ওই অপসর পাওয়া জ্যানারেল, আরেকটা হইল অপসর পাওয়া সেক্রেটারি, মাছের বাজারে পাদাশের মতন।

এই পাদাশগুলি খুব জাইগ্যা উঠছে, আমরা তাগো চর্বি দেখতে পাইতেছি।

এই পাদাশ মাছগুলির খেলা খুবই মজার।

আমাদের রাজবংশগুলি খুব পছন্দ করে, তারা পাদাশমাছ কিননের জইন্যে পাদাশমাছ ধরনের জইন্যে পাগল হয়ে গেছে। যেমন ক'রেই হোক ড্যামোড্রেসির ইলেকশনের মেজবানিতে চল্লিশায় পাদাশমাছ তাগো চাই-ই চাই। পাদাশমাছ না হ'লে

ইলেকশনের চল্লিশা জমবে না, সবাই মনে করবে দাওয়াত দিয়ে ভালভাত খাওয়ানো হচ্ছে। তাই আমরা দেখতে পাচ্ছি রাজবংশগুলি যেখানে সেখানে জাল ফেলেছে পাদশমাছ ধরার জন্যে, আর যদি ধরাই না যায় তাহলে কিনতে যাচ্ছে বাজার থেকে—আস্ত পাদশ। আমাগো দুইখানা বড়ো রাজবংশ বেরিয়ে পড়েছে পাদশমাছ ধরতে পাদশমাছ কিনতে; আর পাদশমাছেরাও খুব চালাক, জালের নিচে পড়তে পড়তে পড়ছে না, কোন জালের নিচে পড়বে তা মেশিন দিয়ে হিশেব করছে, তারা নিজেদের বেচতে বেচতে বেচছে না, কোন বংশের কাছে নিজেকে বেচবে তা পকেট ক্যালকুলেটর দিয়ে দিনরাত হিশেব করছে। আমরা পাদশগুলির খুব নামডাক শুনতে পাচ্ছি, খবরের কাগজগুলি বড়ো বড়ো ক'রে খবর ছেপে ছবি ছেপে আমাদের জানাই দিচ্ছে কোন বংশ কয়টা পাদশ ধরলো, কয়টা পাদশ কোন দলের জালের ভিতর চুকলো।

আমাদের জনগণমন গণতান্ত্রিক রাজবংশ আর শক্তির উৎসবাদী গণতান্ত্রিক রাজবংশ মাঝেমাঝে বৈঠকে বসছে পাদশ ধরার কৌশল বের করার জন্যে। জনগণমন গণতান্ত্রিকরা বৈঠকে এমন কৌশল নিচ্ছে :

মহাজননেত্রী বলছেন, 'এইবার আমাগো দলে দশ পনরটা সেক্রেটারি আর জ্যানারেল থাকতেই হইব, নাইলে দলের মুখ থাকব না।'

মোহাম্মদ আবদুর রহমান বলছেন, 'এইটা ত আমরা দলের বেসিক প্রিন্সিপাল হিশাবেই গ্রহণ করছি, জ্যানারেল আর সেক্রেটারিরা হইব দলের মাথার মণি।'

কলিমউদ্দিন মূধা বলছেন, 'তা আমাগো নিতেই হইব, নাইলে দল মুখ দেখাইতে পারব না, তবে একেকটার বাগরাবাই কম না।'

মহাজননেত্রী জানতে চান, 'বাগরাবাই কেমন?'

নিজামউদ্দিন আহমদ বলেন, 'তারা প্রত্যেকেই মিনিষ্টার হইতে চায়, আলাপের আগেই বইল্যা ফেলে মিনিষ্টার করলে দল থিকা দারাইব।'

মহাজননেত্রী বলেন, 'হ, আমরা তাগো মিনিষ্টার ত করুমই; এইবার আমরা পাওয়ারে যেতে চাই, পাওয়ারে যাওয়ার জইন্যে যদি তাগো মিনিষ্টার করতেই হয় তাইলে তাগো মিনিষ্টার করুম।'

মোহাম্মদ আবদুল হাই বলেন, 'এইজইন্যে আমরা পার্সোন্যাল ইন্টারেস্টও ত্যাগ করতে প্রস্তুত, নিজেরা মিনিষ্টার না হয়ে তাগো মিনিষ্টার করুম, কিন্তু পাওয়ারে যেতেই হবে, এই ছাড়া উপায় নাই।'

শক্তির উৎসবাদী গণতান্ত্রিক রাজবংশ পাদশ ধরার জন্যে এমন কৌশল নেয় :

মহাদেশনেত্রী বলেন, 'এইবার দলে কয়জন নতুন জ্যানারেল আসবেন?'

অধ্যক্ষ রুস্তম আলি পল্টু বলেন, 'আশা করতেছি পনের কুড়িজন জ্যানারেল আমাগো সঙ্গে আসবেন।'

মহাদেশনেত্রী বলেন, 'এত কম কেন? দলে আরো জ্যানারেল লাগবে।'

অধ্যক্ষ রুস্তম আলি পল্টু বলেন, 'আরও ধরনের চ্যাপ্টা করছি, ম্যাডাম, দ্যাশে জ্যানারেলের অভাব ঘইট্যা গেছে, এত বড় একটা দ্যাশে হাতে গনা কয়টামাত্র জ্যানারেল, দ্যাশে হাজারখানি রিটার্ড জ্যানারেল থাকা দরকার আছিল।'

মহাদেশনেত্রী জানতে চান, 'নাই কেন?'

অধ্যক্ষ রুস্তম আলি পল্টু বলেন, 'আমাগো আর্মড্‌ফোর্সে প্রমোশন এত কম যে জ্যানারেল বেশি নাই। তাগো মতন যোগ্য আর স্মার্ট লোক দ্যাশে নাই, তাগো প্রত্যেকের জ্যানারেল হইলে মানায়।'

মহাদেশনেত্রী বলেন, 'এইবার পাওয়ারে গেলে প্রমোশন দিয়া এক হাজার জ্যানারেল বানাইবেন। জ্যানারেল ছাড়া দ্যাশ বিশ্বে মর্যাদা পায় না।'

সোলায়মান হাওলাদার বলেন, 'আমরা সেই স্টেপ নিছিলাম, ম্যাডাম, আর কিছু দিন পাওয়ারে থাকলেই তা হইত, দ্যাশে জ্যানারেলের অভাব হত না।'

মহাদেশনেত্রী জানতে চান, 'কয়জন সেক্রেটারি সাহেব এইবার আমাদের দলে আসতেছেন? সেক্রেটারি সাহেবদের খুব দরকার।'

অধ্যক্ষ রুস্তম আলি পল্টু বলেন, 'পনের বিশজন হইব, ম্যাডাম। রিটার্ডার্ড সেক্রেটারি ছাড়া দ্যাশ চালান খুব ডিফিকাল্ট, তারা অক্সিডিন্ট সব জানে।'

মহাদেশনেত্রী বলেন, 'আরো লাগবে, এই কয়জনে হবে না, পচিশ তিরিশজন সেক্রেটারি ছাড়া হবে না।'

অধ্যক্ষ রুস্তম আলি পল্টু বলেন, 'আমরা সেই চ্যাপ্টা করতেছি, ম্যাডাম। আমলাগুলি সব সময়ই আনফেইথফুল, যেই দিকে সুবিধা ওইগুলি সেই দিকেই দৌরায়, আগে আমাগো দিকে দৌরাইত এখন অন্য দিকে দৌরাইতেছে। এইবার সেক্রেটারিগুলি বড় বদমাইশ, তারা ইন্ডিয়াআলাগো দিকে লাইন দিতেছে।'

মহাদেশনেত্রী বলেন, 'অই লাইন থিকা ধ'রে নিয়া আসেন, তাদের বলেন তাদের মিনিস্টার করা হবে। জ্যানারেল আর সেক্রেটারি ছাড়া দল দেখতে ভাল লাগে না, দলের মর্যাদা থাকে না।'

ওই পাদশাশগুলি তীব্র উত্তেজনায় সময় কাটাচ্ছে; চারদিক থেকে অফারের পর অফার পাচ্ছে, মিনিস্টার করা হবে মিনিস্টার, মাথা ঠিক রাখতে পারছে না। মিনিস্টার তো করা হবেই, সেটা কোনো ব্যাপার না; ব্যাপার হলো যেই দলে জয়েন করবো সেই জালে ধরা দিবো, তারা পাওয়ার পাবে তো? পাওয়ার না পেলে মিনিস্টার করবো কোন হান থিকা? তাই ধরা দেয়ার আগে চারদিকে তাকাই দেখন দরকার, গরিবগরবা পিপলের মুখের দিকে চেয়ে দেখন দরকার, পারলে তাদের ভিতর থিকা খবরটা বাইর করন দরকার, তারা কোন বংশরে পাওয়ারে পাঠাইব? পিপল কি জনগণআলাদের চায়? এইবার কি জনগণআলাদের অবস্থা বেশ ভালো না? মনে হয় পিপল এইবার তাদের পাওয়ারে পাঠাইয়া পরীক্ষা ক'রে দেখতে চায়। কিন্তু .. কিহু? যদি না পাঠায়? পিপল কি শক্তির উৎসআলাদের আবার চায়? এই কিছু দিন আগে না তাদের ঠেলে ফেলে দিলো? চাহির মাসেই কি সেই কথা ভুইল্যা আবার পাওয়ারে পাঠাবে? পাঠাতেও পারে। মুখ পিপলের মতিগতি সাইকলজিস্টরাও বুঝতে পারে না। পাঠাতেও পারে? তার মানে কোনো শিউরিটি নাই, সবই আনসারটেন, কেউ জানে না। কোনটায় জয়েন করবো, কোনটার জালে ধরা দিবো, কোনটার টোপ গিলবো? অত্যন্ত উত্তেজনায় আছেন

পাদশাশগণ। কে ব'লে দিতে পারে কোন বংশ জিতবে, পাওয়ারে যাবে? পলিটিকেল প্যাডিউলো মাথা আরো খারাপ ক'রে দিচ্ছে; একেক দিন একে রকম বৈজ্ঞানিক ভবিষ্যদ্বাণী ক'রে মাথা বিগড়ে দিচ্ছে। রাস্তার গণকের কাছে যাবো? হাত বাড়িয়ে বলবো, কোন দল জিতবে ব'লে দিন, আমি মিনিস্টার হইতে চাই? অ্যায়ারকভিশন্ড অ্যাস্ট্রোলোজারের কাছে যাবো? পিরের বাড়ি যাবো? স্ত্রী, প্রাক্তন স্ত্রী, প্রেমিকা, প্রাক্তন প্রেমিকা, উপপত্নী, প্রাক্তন উপপত্নীর বাড়ি যাবো? কাজের মেয়েটাকে জিজ্ঞেস করবো? ব'লে দাও কোন বংশ জিতবে? কোন বংশ এইবার পাওয়ারে যাবে? মাথা গরম হয়ে উঠছে পাদশাশগণের।

অবজেনারেল করিম ইউসুফ ফোন করেন অবজেনারেল আল হাক্কানিকে, 'আই অ্যাম পাসিং এ টেরিবল টাইম, ডিসাইড করতে পারছি না হুইচ পার্টি টু জয়েন। অল দি পার্টিজ আর অফারিং মি ইনক্রেডিবল পাইজেস।'

আল হাক্কানি বলেন, 'আমার কভিশনও একই, আই অ্যাম এট এ লস, ইটস মোর ডিফিকাল্ট দ্যান ওয়ার স্ট্র্যাটেজি। ভাই, বলেন, তো কারা পাওয়ারে আসবো?'

করিম ইউসুফ বলেন, 'অনলি গড নোজ, মে বি ইভেন হি ডাজ নট নো।

আমার একবার মনে হয় শক্তির উৎসবানীরা উইল স্টেজ এ কামব্যাক, আবার মনে হয় জনগণআলাস উইল গো টু পাওয়ার দিইস টাইম।'

আল হাক্কানি জিজ্ঞেস করেন, 'আপনারে কি অফার করছে?'

করিম ইউসুফ বলেন, 'এনি মিনিস্ট্রি আই ওয়ান্ট অ্যাকসেস্ট দি পোস্ট অফ দি প্রাইম মিনিস্টার।'

আল হাক্কানি বলেন, 'হোয়াই নট দি পোস্ট অফ দি প্রাইম মিনিস্টার, হা হা হা। আমারেও এই রকমই অফার করছে, বাট ক্যান্ট ডিসাইড হুইচ পার্টি টু জয়েন। নাউ আই অ্যাম প্র্যাকটিচিং আটারিং জয় বাংলা অ্যান্ড বাংলাদেশ জিভাবাড, বাংলালি অ্যান্ড বাংলাডেশি; যেইটা আটার করতে আমার ভাল লাগবে আমি ঠিক করছি সেই পার্টিতেই জয়েন করবো।'

'তারা অনেকক্ষণ ধ'রে হাসাহাসি উপভোগ করেন।

করিম ইউসুফ বলেন, 'টু বি এ মিনিস্টার ইজ নট সো ব্যাড, ইটস এ হাইলি ইন্টারেস্টিং পোস্ট আই থিংক, বাট দুই পার্টিতেই অনেকগুলি বড় হ্যাগার্ড টুথলেস ককলেস জেনারেল জয়েন করছে, তাঁদের রেখে শ্যায় পর্যন্ত আমাদের মিনিস্ট্রি দিবো তো? আই ক্যান্ট ট্রাস্ট দি পলিটিকেল বাস্টার্ডস, দে আর লায়ার্স, ফাদার্ড বাই ডেভিল্‌স্। একবার জয়েন করার পর তো তাদের পেছনে পেছনে হাটতে হবে, তাদের কথায় উঠতে বসতে হবে।'

আল হাক্কানি বলেন, 'অৌন্ড হ্যাগার্ডগুলি খান্দি শোভা, ওইগুলিরে অরা নিচ্ছে, বাট একেবারে পান্ডা দেয় না, তারা পান্ডা দেয় আমাদের মতো ইয়ং এনার্জিটিক জেনারেলদেরই, তারা জানে আমরা হ্যাড জাস্ট ন্রিটার্ড, উই আর অলমোস্ট ইন সার্ভিস হুইচ ইজ ভেরি ইম্পরটেন্ট, উই আর মাচ মোর অ্যাট্রাকটিভ টু দেম দ্যান

দোজ অৌণ্ড হ্যাগার্ড জেনারেলস। দে আর ডেড বডিজ ইন দি গাইজ অফ রিটার্ড জেনারেলস।’

করিম ইউসুফ বলেন, ‘লেট্‌স্‌ ওয়েট অ্যান্ড সি ফর এ ফিউ মোর টেরিবল ডেইজ, তারপর একদিন ফুলের তোড়া নিয়ে গিয়ে হাজির হবো। বিয়াও ত এইভাবেই করেছিলাম, ডিফারেন্স হচ্ছে এইবার বিয়া বসতে হবে। হা হা হা। আফটার অল ব্লিপিং উইথ এ হোর ইজ মাচ বেটার অ্যান্ড ইন্টারেস্টিং দ্যান সেলিব্যাসি।’

আমাদের অপসরণপ্রাপ্ত সেক্রেটারিগণও ভুগছেন একই ইনসোমনিয়ায়।

তাদের ঘুম আসছে না, স্থির করতে পারছে না, জীবনে এমন জটিল ফাইলের মুখোমুখি কখনো বসেন নি, আগে অন্যের লেখা ফাইলে না দেখে মাল ঙ্গনে সই করেছেন, এইবার মনে হচ্ছে সাইন করছেন নিজের ফাইলে; বারবার জায়নামাজে ব’সে আল্লাহে ডেকে জিজ্ঞেস করতে ইচ্ছে হচ্ছে, হে সর্বশক্তিমান, হে দয়াময়, হে অতীত ভবিষ্যতের দ্রষ্টা, হে গণতান্ত্রিক ইলেকশন সম্পর্কে সদাসচেতন, আপনার নামেই সবাই ইলেকশন করতেছে, ইউ নো অভরিথিং, আপনার ইঙ্গিতেই সব হয়ে থাকে, স্বৈরাচার বিদায় নিয়া পিপলের ড্যামোক্রেসি দেখা দেয়, আপনে দয়া ক’রে ব’লে দিন এইবার কোন বংশ পাওয়ারে যাবে, রাজা হবে, পিপল এইবার কোন বংশের পাওয়ারে বসাইয়া খুশি হয়ে প্রতারিত হবে, আমি কোন বংশের কাছে, মহাদেশনেত্রী না মহাজননেত্রীর কাছে, ফুলের তোড়া নিয়া উপস্থিত হবো?

তারা দুই বংশের টানাটানিতে ছিড়েফেড়ে যাচ্ছেন, কথা দিতে গিয়ে কথা দিতে পারছেন না; যদি ভুল হয়ে যায়? পার্টি পাওয়ারে না গেলে তো মন্ত্রী হওয়া হবে না। কিন্তু মন্ত্রী হ’তে ইচ্ছা করছে, গাড়িতে নিশান উড়াইতে ইচ্ছা করছে। কতো গরু গাধা নিশান উড়াইয়া পচাইয়া ফেলো, নিশানের দিক ক’রে গাড়িতে বসলো, আমি নিশানের গাড়িতে চড়তে চাই, ওইভাবে বসতে চাই। বছরের পর বছর গরু গাধা খচ্চর মূর্খগুলিরে ‘স্যার, স্যার’ করতে করতে ঘেন্না ধ’রে গেছে, এইবার মূর্খগুলির মতো ‘স্যার’ হ’তে ইচ্ছে করছে।

প্রাক্তন সেক্রেটারি আবদুল মোরশেদ সেলুলার করেছেন প্রাক্তন সেক্রেটারি আইউব আলিকে, ‘ভাই, আপনে কোন দলে যোগ দিতেছেন? ডিসিশন নিতে পারছেন? আমি ত পাগল হয়ে যাচ্ছি, পাসিং এ টেরিবল টাইম।’

আইউব আলি বলেন, ‘ধরাধরির মধ্যে আছি। সকালে এই দল ধরছে বিকালে ওই দল ধরছে, আমিও সকালে এই দল ধরছি বিকালে ওই দল ধরছি। বুঝতে পারছি না কারা পাওয়ারে যাবে।’

আবদুল মোরশেদ বলেন, ‘আপনে তো ধার্মিক মানুষ, রোজা নামাজ করেন, হজও করছেন চাইর পাচবার, শক্ত একটি পিরও আছে, ইসলামটা ভালো ক’রে জানেন, পাকিস্থানেরও আপনে অ্যাডমায়রার, আপনে তো উৎসবাদীদের সঙ্গেই যাবেন মনে হয়। আপনার জন্যে ডিসিশন নেয়া সহজ।



আইউব আলি বলেন, 'আরে ভাই ধর্ম আছে ধর্মের জায়গায়, পলিটিক্স আছে পলিটিক্সের জায়গায়। ধর্ম না, আসল কথা হচ্ছে হুয়িচ পার্টি উইল গো টু পাওয়ার, ধর্ম ত আমি জায়নামাজেই করতে পারি, বাট আই ক্যান্ট বি এ মিনিস্টার আনলেস আই জয়েন দি পার্টি হুয়িচ উইল গো টু পাওয়ার। ধর্মের মিনিস্টার করার পাওয়ার থাকলে মসজিদের মোল্লাগুলিই মিনিস্টার হইত।'।

আবদুল মোরশেদ বলেন, 'ওরা সব সেক্রেটারি আর জেনারেলদের মিনিস্টার করার প্রমিজ করছে, কিন্তু এতোজনকে ওরা মিনিস্টার করবে হাউ?'

আইউব আলি বলেন, 'সেটাই তো চিন্তার কথা, পলিটিশিয়ানগুলি বর্ন লায়ার, পিপলকে মিথ্যা বলতে বলতে অভ্যাস হয়ে গেছে, এখন আমরাও অদের ট্র্যাপে পড়ছি কি না বুঝতে পারছি না। বাট আই মাস্ট জয়েন এ পার্টি, খোদা চাইলে মিনিস্টার হইতেও পারি।

আবদুল মোরশেদ বলেন, 'আমিও তাই ভাবছি। মিনিস্টার হ'লে ট্যাকাগুলি উঠে আসবে, এমপি হ'লেও উঠবে, টাকা মার খাবে না। এনজিওগুলির চাকর খাটার থেকে এটা খারাপ না।'।

আইউব আলি বলেন, 'উই আর আর্নিং এ লট অ্যাজ অ্যাডভাইজারজ টু দি এনজিওস, দে আর আওয়ার গোল্ড মাইনস্, ওটা থাকবে, এমপি বা মিনিস্টার হ'লে ওটা আরো জমবে।'।

আবদুল মোরশেদ জানতে চান, 'আপনের কি মনে হয়? কোন পার্টি পাওয়ারে যাবে ব'লে আপনার মনে হয়? আপনে পিপলের মতিগতি কিছুটা বুঝতে পারছেন?'।

আইউব আলি বলেন, 'এইবার জনগণআলাজ হ্যাজ এ চান্স্, দি গার্ল ইজ এ গুড ইন্টেলিজেন্ট কমিটেড পলিটিশিয়ান, শি ব্রট অ্যাবাউট দি ডাউনফল অফ দি উৎসআলাজ, পিপল আর ভেরি মাচ সিম্পথিটিক, শি হ্যাজ এ চান্স্।'।

আবদুল মোরশেদ বলেন, 'উৎসআলাজ নাউ হেইট দি ব্যুরোক্র্যাটস্ ইফ দে কাম টু পাওয়ার তারা উইল টিচ দি ব্যুরোক্র্যাটস্ এ গুড সিভিয়ার লেসন; এটা ছোটবড় ব্যুরোক্র্যাটই বোঝে, তার ফলও ফলবে ইলেকশনে।'।

আইউব আলি বলেন, 'আই হোপ সো।'।

আমরা জনগণরা দূর থিকা খালি শুনছি, দূর থিকা খালি দেখছি। ভিতরে আমরা জনগণরা আবার কোন দিন ঢুকলাম যে কাছে থিকা শুনবো কাছে থিকা দেখবো? আমরা ব্যালট বাক্সের ছিদ্রটারেই শুধু কাছে থিকা দেখি। ওই ছিদ্রের ভিতর দিয়া আমাগো কপালরে আমরা নিচে ফেলাই দেই।

অধ্যক্ষ রুস্তম আলি পল্টু খুবই উত্তেজিত আর উদ্বিগ্ন, দেখা যাচ্ছে পার্টির ফাডে চান্দা পড়ছে না; ব্যাংক ডিফল্টারগুলি চান্দা দেয়া কমাই দিছে, বন্ধ ক'রে দিছে অনেকে। চার পাঁচ বছর ধ'রে না চাইতেই দিয়ে আসছিলো, এখন বারবার চাওয়ার পর যা দেয় তাতে পোলাপানদের ক্যাডারদের চাও হবে না। ক্যাডাররা কয়েক বছর

ধইর্যাই বেশ বানাইছে, মিছিলে যাওয়ার সময় তারা ছাত্রগো মতন ময়লা কাপড় প'রেই যায়, রাতের বেলা পাজেরো হাঁকায়, তিন পিস স্যুট পরে, মিস্ট্রিসগো বাড়ি যায়, টাওয়ারে টাওয়ারে ফ্ল্যাট কিনছে, বনানী উত্তরায় জায়গা নিয়ে রেখেছে, তবু ত তাদের দিতে হবে। নইলে ভাইগ্যা যেতে পারে, জনগণআলারা ত ধরার জইনো খাড়া হয়েই আছে। নমিনেশন দেওনের সময় ফাভে ট্যাকা আসবে, কিন্তু ওই ট্যাকা ত কিছুই না; ডিস্টারগুলি ট্যাকা না দিলে চলবে কেমনে? কয় বছরে তারা হাজার কোটি বানাইল, আর এখন ভাইগ্যা পড়তে চায়? ওইগুলিরে জ্যাগে চুকানই দরকার আছিল। তিনি কয়েকজন নেতা নিয়ে বসেন, মহাদেশনেত্রীরে এই কথা জানান যাইবে না, তাহলে তিনি ঘুমোতে পারবেন না।

রুস্তম আলি পল্টু বলেন, 'আপনাদের জানান দরকার যে ডিস্টাররা চান্দা দিতেছে না, ফান্ড খালি হইয়া যাচ্ছে।'

জেনারেল কেরামত বলেন, 'বাস্টার্ডরা চাপ্ নিচ্ছে, মে বি দে থিংক দি জনগনালাজ উইল গো টু পাওয়ার। তারা আখন অইদিকে লাইন দিছে, কোটি কোটি টাকায় অগো ভইর্যা দিছে।'

সোলায়মান হাওলাদার বলেন, 'এই রাফেল ইন্ডাস্ট্রিয়ালিস্টগুলি বাস্টার্ডের বাস্টার্ড, বাতাস ঘুরতে দেখলেই তারা ঘোরে, কয়েকটা ক্যাভার পাঠান দরকার।'

রুস্তম আলি পল্টু বলেন, 'দরকার হইলে ক্যাভার পাঠাইতে হবে, চান্দা না দিয়া দ্যাশে থাকতে পারবে না।'

জেনারেল কেরামত বলেন, 'দুই চাইরটারে ফোন ক'রে এখনই ধমক দ্যান।'

রুস্তম আলি পল্টু অনেকক্ষণ ধ'রে সেলুলার টেপেন, কাজ হয় না; শেষে এক ডিস্টারকে পেয়ে যান।

রুস্তম আলি পল্টু বলেন, 'আছ্ছেলামালাইকুম খাজা সাহেব, ভাল আছেন ত? আশা করছিলাম এইর মইধ্যে একদিন আসবেন, নাইলে কাউরে পাঠাইবেন।'

খাজা সাহেব বলেন, 'আমি খুব সরি, দ্যাশে ছিলাম না, সিংগাপুর ব্যাংকক ওসাকায় একটু কাম ছিল। আপনে ভাল আছেন ত? আপনার কথা আমি ভুলি নাই, আই গট সাম প্রেজেন্টস্ ফর ইউ ফ্রম ওসাকা, ইউ উইল লাইক ইট।'

রুস্তম আলি পল্টু বলেন, 'খ্যাংক ইউ ভেরি মাচ, প্রেজেন্টটা পাইলে অইত্যান্ত খুশি হবো, তবে আরেকটা কথা আছিল।'

খাজা সাহেব বলেন, 'বুঝতে পারছি, কিন্তু দিনকাল খুব খারাপ যাচ্ছে, বিজনেস একেবারে নাই, সোনার চালানগুলি বন্ধ রইছে। আপনারা থাকলে অসুবিধা হইত না, বড় ডিফিকাল্টিতে আছি।'

রুস্তম আলি পল্টু বলেন, 'লাইফে ডিফিকাল্টি মাঝেমইধ্যে আসেই, চিরকাল থাকে না, আমরাও এখন ডিফিকাল্টিতে আছি, দুই তিন মাসের ব্যাপার, ওই জিনিশটা আইজই পাঠাইবেন, ফাভে ট্যাকা নাই।'

খাজা সাহেব বলেন, 'আইজই আধা লাখ পাঠাই দিব।'

রুস্তম আলি পল্টু হাহাকার ক'রে ওঠেন, 'বলেন কি খাজা সাহেব, আপনার থিকা পুরা এককোটি পাওনের আশা কইর্যা আছি, আধা লাখে টয়লেটও হবে না। পুরাটাই দিবেন।'

খাজা সাহেব বলেন, 'এইটা পারফম না, ভাই, মাফ করবেন। বড় ডিফিকাল্টি সময় যাইতেছে, ব্যবসা নাই চালান আসে না।'

রুস্তম আলি পল্টু বলেন, 'সব চান্দা কি অই জনগণআলাগোই দিয়া দিছেন, মনে রাইখেন পাওয়ারে আমরাই যাবো।'

আমরা তাঁদের পলিটিকেল ইন্টিমেট আলাপ আর শুনতে চাই না; তারা পলিটিশিয়ান ব'লে কি তাঁদের প্রাইভেসি নাই?

জনগণমনাদের এইবার বোধ হয় ভালো সময় যাচ্ছে।

ডিফন্টার শুকুর মজিদের সঙ্গে সোনারগাঁয়ে সন্ধ্যার একটি ঘণ্টা মাত্র উপভোগ করতে এসেছেন জনগণমন নেতা কলিমউদ্দিন মুখা।

তিনি একটু গোপনেই এসেছেন, যাতে জনগণ তাঁকে দেখে না ফেলে।

শুকুর মজিদ বলেন, 'এইমাত্র আপনে দিনাজপুর থেকে ফিরলেন, আমার জইন্যে যে একটা ঘণ্টা দিতে পারলেন আই অ্যাম ভেরি গ্রেটফুল।'

কলিমউদ্দিন মুখা বলেন, 'আমরা পিপলের পলিটিশিয়ান, আমাগো ডাক দিলে আমরা ফিরাইতে পারি না, আপনার সঙ্গে আমার আগেই বসা দরকার ছিল।'

শুকুর মজিদ বলেন, 'সেইটা আমার ভাইগ্যে হয় নাই, এই ইভনিংটা আমার জইন্যে আনফরগেটবল হয়ে থাকবে, আপনে ত বড় মিনিস্ট্রি পাবেন।'

কলিমউদ্দিন মুখা বলেন, 'জনগণ যদি দয়া করে, যদি পাওয়ারে যাইতে পারি, মিনিস্ট্রিতে ত একটা পাবই, এখন আপনারা দোয়া করবেন।'

শুকুর মজিদ বলেন, 'আমাদের লাইনের মিনিস্ট্রি পাইলে ভাল হয়, আমরা দুই চাইরবার দেখা করতে যেতে পারবো। গত বছরগুলি খুবই খারাপ গেছে, তবে ছাড়ি নাই, আশায় আশায় আছিলাম আপনারা পাওয়ারে আসবেন। আমি ত মনেপ্রাণে খাটি বাঙ্গালি, মনে মনে সব সোম সোনার বাংলা গাই।'

কলিমউদ্দিন মুখা বলেন, 'বাঙ্গালি হইতেই হইব, দ্যাশরে ভালবাসতেই হইব, অরা ত আইজও পাকিস্তান চায়, অদের মুক্তিযুদ্ধের চ্যাতনা নাই।'

শুকুর মজিদ বলেন, 'একটা কথা বলতে চাই, আমি সামান্য কিছু কন্ট্রিবিউট করতে চাই, দয়া কইর্যা নিবেন।'

কলিমউদ্দিন মুখা বলেন, 'জনগণের কন্ট্রিবিউশনের উপরই ত আমাদের চলতে হয়, আমরা ত বিশ বছর ধ'রে খাই নাই। অরা খাইছে, অগো অভাব নাই, আরো খাইতে চায়। একটু বেশি কইর্যাই দিয়োন, পাওয়ারে আসলে আদায় কইরা দিব।'

শুকুর মজিদ বলেন, 'পার্টি আর আপনার জইন্যে এককোটি ধইর্যা রাখছি, আমি মুক্তিযুদ্ধের পক্ষের মানুষ, সমাজতন্ত্রেও আগে বিশ্বাস করতাম, আল্লার রহমতে টাকার আমার অভাব নাই, আপনারা আসলে আরো হইব।'

আমরা এদেরও পলিটিকেল ইন্টিমেট আলাপ আর শুনতে চাই না; কারো প্রাইভেসিতে উঁকি দেওন ঠিক না।

নমিনেশন পেপার জমা দেওয়ার সময় আইসে গেছে, আর আমরা দেখতে পাচ্ছি তাগো মধ্যে, মায়ের পেটে থাকা য়ারা পলিটিশিয়ান হইয়া খালাস হইছিলেন, আর তাঁদের মধ্যে, য়ারা মায়ের পেট থিকা পলিটিশিয়ান হইয়া খালাস হন নাই, বলন য়ার য়ারা বাপের প্যাট থিকা পলিটিশিয়ান হইছেন—ফাইলে সই করতে লেফরাইট করতে করতে পলিটিশিয়ান হইছেন য়ারা, তাঁদের মধ্যে সাড়া প'ড়ে গেছে, শহরের ফুলের দোকানে ফুলের টান পইড়া যাচ্ছে। তোড়া বানাতে বানাতে ফুলের দোকানের পোলাপানগুলির হাত বেদনায় টনটন করছে আড়ল প'চে যাচ্ছে। একেক জ্যানারেল একে কর্নেল ন্যাজর ব্রিগেডিয়ার একেক সেক্রেটারি বড়ো বড়ো ফুলের তোড়া নিয়া মহানজেনেত্রী আর মহাদেশনেত্রীর কাছে হাজির হয়ে তাঁদের নীতিতে অবিচল আস্থা আনতেছেন। আরো মজার কাণ্ড হচ্ছে অনেক পুরানা মিনিস্টারমন্ত্রী, য়ারা রাজবংশ বদলাইয়া বদলাইয়া বড়ো হইছেন, তাঁরা আগের বংশ ছাইড়া মুখে বিরাট হাসি বুলাইয়া নতুন বংশে যোগ দিতেছেন। আমরা এইতে মনে কিছু করি না, বরং খুশি হই যে এইরা হইছে আসল পলিটিশিয়ান, বয়সের সঙ্গে সঙ্গে তাঁদের জ্ঞানবুদ্ধি খালি বাড়তেছেই, তাঁরা আগের বংশে গিয়া ভুল করছিলেন, প্রাণ ভ'রে জনগণের স্যাবা করতে পারেন নি, এইবার সেই ভুল বুঝতে পারছেন, তাই নতুন বংশে যোগ দিতেছেন। এইটা হইল খাঁটি পলিটিস। তাঁদের বড়ো বড়ো ছবি ছাপা হচ্ছে। দেখে আমরা মূর্খ জনগণরা খুশিতে ভ'রে যাচ্ছি। মনে হচ্ছে দ্যাশে মাস ভইয়া ঈদ চলতাছে, আমাদের সুখের সীমা নাই।

অপসর নেয়া সেই আইনপতি বদিউজ্জামাল পাইকারকে আমরা রাজাকার বইল্যাই জানি, ওই যে মুক্তিযুদ্ধের সময় তিনি পাকিস্তানিগো গোলাম আছিলেন; তারপর তিনি শক্তির উৎসবাদীতে যোগ দিছিলেন, মিনিস্টার হইছিলেন, তারপর তিনি খোজারাজবংশে গিয়া আরো বড়ো মন্ত্রী হইছিলেন, আমরা তাজ্জব হইয়া দেখতে পাইলাম বদিউজ্জামাল পাইকার বাংলাদেশের ক্ল্যাগ উড়াইয়া ফুলের তোড়া বাড়াইয়া একেবারে স্বাধীনতার দলে জনগণমন গণতান্ত্রিক রাজবংশে গিয়া যোগ দিলেন। কাগজে সেই ছবি দেইখা আমাদের চক্ষু বন্ধ হইয়া যাইতে চায়।

আমরা ভাবছিলাম জনগণের মহাজনেত্রী এইটারে নিবেন না।

কিন্তু মহাদেশনেত্রী হাসিতে বাংলাদেশ ভরাইয়া ফুলের তোড়া লইতে লইতে আমগো প্রাণের কথা বললেন।

তিনি বললেন, 'বদিউজ্জামাল পাইকার একজন মহান পলিটিশিয়ান, দ্যাশের স্যাবা করাই তাঁর জীবনের ব্রত, আমাদের বংশ তাকে পাইয়া ধন্য হলো। এইবার আমাদের বিজয় নিশ্চিত, মুক্তিযুদ্ধের পক্ষের জয় কেউ ঠ্যাকাইতে পারবে না। দ্যাশে ড্যামোক্রেসি আসতে দেরি নাই।'

আমাদের প্রাণের কথা শুনে আমরা সুখী হইলাম।

দুই চাইরটা বরোণ বুদ্ধিজীবী মুখ খুলতে গিয়া মহাজনেত্রীর মুখের দিকে তাকাইয়া মুখ বন্ধ ক'রে মুগ্ধ হয়ে রইলেন।

বদিউজ্জামাল পাইকার বললেন, 'যেই বংশ ফ্রিডম ফাইটিং করছে, দ্যাশে লিবারেশন আনছে, সেই বংশে আসতে পাইর্যা আমি খোদার কাছে শুকরিয়া জানাইতেছি। আমি মহাদেশনেত্রীর নীতিতে চিরকালই আস্থা পোষণ করি, তিনিই দ্যাশের সব, তার পিছনে দারাইতে পাইরা আমার জীবন ধন্য হইল।'

আমরা বোঝতে পারি পলিটিক্স হইছে জীবন্ত ব্যাপার, তার বদল ঘটে; মানুষ আগে যা বোঝতে পারে নাই আজ তা বোঝতে পারব না, সেইটা কোনো কথা না। পলিটিক্সে বারবার বোঝতে হয়, কবরে যাওনের আগেও বোঝতে হয়।

জ্যানারেল টিপ সুলতান খুব আপন লোক আছিলেন জনগণমন গণতান্ত্রিক রাজবংশের। ওই বংশ থিকা অনেক কিছু পাইছেন; এইবার তিনি রাজনীতি করবেন বইল্যা শোনতে গেলাম। আমরা ধইরাই নিছিলাম তিনি জনগণমনে যোগ দিবেন, মুক্তিযুদ্ধকে আগাই দিবেন। আমরা শোনতে পাই মুক্তিযুদ্ধ আইজও শ্যাম হয় নাই, যুদ্ধ চলতেছে।

আমরা যা দ্যাখলাম তাতে খুশি হওন ছাড়া উপায় নাই।

তিনি ঢাকা ক্লাবের ফুলের দোকান থিকা দুই শো কেজি একখানা তোড়া নিয়া গিয়া শক্তির উৎসবাদী বংশের মহাদেশনেত্রীর নিকট হাজির হলেন। মহাদেশনেত্রী অতো ভারি তোড়া আগলাইতে পারছিলেন না ব'লে জনতিনেক রাজপুরষ ফুলের তোড়া কান্ধে ক'রে দাঁড়াইলেন। ফুলের জীবন ধন্য হইল।

তিনি মহাদেশনেত্রীর পায়ে হাত দিয়া সালাম করিলেন। এইটা পলিটিক্স।

মহাদেশনেত্রী বললেন, 'জ্যানারেল টিপ সুলতান দ্যাশের গৌরব, তিনি আমাদের বংশেও গৌরব, আমাদের ভিটরি কেউ আটকাইতে পারবে না। আমরা পাওয়ারে যাবই। পিপল আমাগো ভোট দেয়ার জইন্য ওয়েট করছে।'

টিপ সুলতান বললেন, 'মহাদেশনেত্রীর পায়ে হাত দিয়া আমি আমার কান্দির পায়ে হাত দিলাম, পিপলের পায়ে হাত দিলাম, আই অলোয়েজ সার্ভড্ মাই কান্দি, ফ্রম নাউ অন আই শ্যাল সার্ভ মাই মহাদেশনেত্রী অ্যান্ড মাই কান্দি টুগেদার। উই আর সার্টেন টু গো টু পাওয়ার, বাংলাদেশে উৎসবাদী বংশ ছাড়া পাওয়ারে যাওয়ার কারো রাইট নাই। মহাদেশনেত্রী জিন্দাবাদ।'

আমরাও দূর থিকা জিন্দাবাদ দিতে থাকছি।

এইভাবে বর্ন পলিটিশিয়ানরা পিতার পেট থিকা খালাস হওয়া পলিটিশিয়ানরা পাসাশরা দ্যাশারে পলিটিক্সে মাতিয়ে তুলছেন, আমাদের ভাবনাচিত্তা একেবারে লোপ পেতে বসছে, আমরা যা ভাবি-মুখ্য আমরা, ভাবতে পারি না, গরিবের আবার ভাবনা কী-পলিটিশিয়ানরা তার উল্টো ভাবেন উল্টা করেন। এইখানে রাজা আর প্রজার চিন্তার ফারাক, রাজার চিন্তা আর কর্ম হচ্ছে রাজকীয়, প্রজার চিন্তা আর কাম হইছে প্রজাকীয়, দুইটা বিপরীত হইবই।

বাজারে খুব গুজব উঠছিলো যে অপসর পাওয়া বিখ্যাত সেক্রেটারি আলাউদ্দিন মিয়া শক্তির উৎসবাদী বংশে গিয়া যোগ দিবেন; ওই বংশ তাঁর জইন্যে অনেক করছে, দুই তিনবার অ্যান্সটেনশন দিয়া তাঁরে বুড়া কইর্যা ফেলছে, কিন্তু তিনি বুড়া হন নাই,

একেবারে তরতাজা আছেন, তিনিও ভাগো জইন্যে অনেক করছেন, কিন্তু ঘুম থিকা উঠে কাগজে দ্যাখলাম তিনি জনগণমন গণতান্ত্রিক বংশে যোগ দিয়া বড় বক্তৃতা দিয়ে বসছেন।

তিনি বলছেন, ‘উৎসআলার দ্যাশরে করাপশনে ভ’রে দিছে। অ্যাট দ্যাট টাইম আমি আটটা মিনিষ্ট্রির সেক্রেটারি ছিলাম, দেখছি ওই দলের মিনিষ্টার এমপিরা পুকুর থিকা কলসি ভ’রে পানি তোলার মতো ব্যাংক থিকা টাকা তুলে নিছে। দে আর এ প্যাক অফ করাপ্ট পিপল, দে আর রবার্স, যারা দেশরে ডুবিয়ে দিছে। দেশরে উদ্ধার করার জইন্যে মহাজননেত্রীর প্রিন্সিপালই আসল, তাই আমি এই বংশে জয়েন ক’রে ধন্য হলাম। আমি ফ্রিডম ফাইটার ছিলাম, মরা পর্যন্ত ফ্রিডম ফাইটার থাকব।’

শুনে আমরা হাতে হাতে তালে তালে তালি দিতেছি।

মহাজননেত্রী বললেন, ‘যেই বংশে আলাউদ্দিন মিয়া সাহেবের মত দশটা মিনিষ্ট্রির সেক্রেটারি যোগ দিলেন, সেই বংশে জনগণের নিজের বংশ, এই বংশে পিপলের কথা চিন্তা করা ছায়া আর কিছু চিন্তা করে না, পিপল এইবার আমাদের বংশরে পাওয়ারে পাঠাইবই, ইনশাল্লা। তারা পাওয়ার কাইর্যা নিছিল, জনগণ তা এইবার নিয়া আসবে, আমরা দ্যাশে পিপলের ড্যামোক্রেসি প্রতিষ্ঠা করব।’

পাল্টা দিকে উল্টা কারবার ক’রে বসছেন ছয় মিনিষ্ট্রির অপসরআলা সেক্রেটারি মোহাম্মদ আজম সৈয়দ। তাঁরে আমরা ভাবছিলাম জনগণমন বংশের লোক, সেই শুরুত্ব সময় এক লাফে তিনি টংয়ের পর টংয়ে উঠছিলেন, গতবারও তাঁরে দেখছি জনগণের রাজবংশে ফ্রিডম ফাইটিং আর আল্লাতাল্লা নিয়ে লাফের পর লাফ দিতে, এইবার দেখি তিনি জয়েন করছেন শক্তির উৎসবাদী রাজবংশে, বড় বড় কথা বলছেন মহাদেশনেত্রী আর তাঁর মহান স্বামী সম্পর্কে। তাঁর ফুলের তোড়াটার ওজন পাঁচ শো কেজি, পিপলেরও সাধ্য নাই ওই তোড়া তুলিয়া বুকের কাছে ধ’রে।

পলিটিশিয়ানরাই পলিটিকেল, জনগণের জনকেরও সাধ্য নাই বোঝে।

মহাদেশনেত্রী ওই তোড়ার ওপর দাঁড়িয়ে সকলের উদ্দেশ্যে বলছেন, ‘মোহাম্মদ আজম সৈয়দ প্রমাণ করেছেন আমাদের বংশই আসল বংশ, পিপল আমাদের বংশরেই পাওয়ারে দেখতে চায়, তিনি অদের বংশ ত্যাগ ক’রে আসছেন, কারণ পিপল ওই বংশরে চায় না, ওই বংশরা দ্যাশটারে সেল ক’রে দিবে, দ্যাশের ফ্রিডম থাকবে না, দ্যাশটারে ভুটান কইর্যা তুলবে।’

মোহাম্মদ আজম সৈয়দ বলেন, ‘এই দ্যাশের অল টাইমের পলিটিশিয়ানদের মইখো মহাদেশনেত্রী একজন গ্রেট পলিটিশিয়ান, শি ইজ দি ওয়াইফ অফ দি গ্রেটেস্ট পলিটিশিয়ান এভার বর্ন ইন আওয়ার কান্ট্রি, তার পেছনে দারাতে পেরে আমি ধন্য হলাম, জনগণআলাজ আর বিট্রিয়ার্স, দে আর কাফের্স, পিপল তাদের ভোট দিবে না, তারা পাওয়ারে যেতে পারবে না। দে উইল ডেস্ট্রয় দি কান্ট্রি ইফ দে ক্যান গো টু পাওয়ার।’

নমিনেশন পেপার জমা দেয়ার ধুম প’ড়ে গেছে দেশে।

দলে দলে সারা দ্যাশ থিকা পলিটিশিয়ানরা আইসা নমিনেশন পেপার জমা দিতেছে; বেশি নমিনেশন পেপার জমা পড়তেছে দুই বংশের বাঞ্চে, তারা একেকদিন একটা আরেকটাকে ছাড়াই যাইতেছে। হাজার হাজার পলিটিশিয়ান, হাজার হাজার নমিনেশন পেপার, হাজার হাজার ফুলের তোড়া, লাখ লাখ সাপোর্টার। দ্যাশে ড্যামোক্রেসির পৌষমাসের মেলা ব'সে গেছে। আমাদের দেশ হইল পৃথিবীর সবচেয়ে ঘন গণতন্ত্র ডেস্টেট ড্যামোক্রেসি।

জনগণমনা গণতান্ত্রিক রাজবংশের মহাজননেত্রী আর রাজপুরুষেরা বেশ খুশি; কিন্তু বেশি খুশি হ'তে পারছেন না।

শক্তির উৎসবাদী রাজবংশের মহাদেশনেত্রী ও রাজপুরুষেরা বেশ বিচলিত; কিন্তু বিচলিত খুশির মইধ্যে আছেন।

রাজাকার রাজবংশ বিসমিল্লা ব'লে আল্লার নামে সোজা হয়ে দাঁড়াচ্ছে।

খোজাগণতান্ত্রিক রাজবংশ চুরমার, মাজা ভাঙা কাত হয়ে দাঁড়িয়ে আছে।

আর আর রাজবংশ পলিটিশিয়ান বুঁজে পাচ্ছে না।

মহাজননেত্রী রাজপুরুষদের নিয়ে বসেছেন; তাঁরা নমিনেশন পেপার জমা পড়নের তাৎপর্য আর সম্ভাব্য রেজাল্ট সম্পর্কে আলোচনা করছেন।

মহাজননেত্রী বলেন, 'আমাগো বংশের বাঞ্চেই এইবার সবচাইতে বেশি পেপার পড়ছে, কেভিডেটরাও ভাল, এইবার জনগণ যদি মুখ তুলিয়া চায়।'

মোহাম্মদ আবদুর রহমান বলেন, 'অন্য বংশ থিকা ভাইগ্যাও আমাগো দলেই ক্যাভিডেট বেশি আসছে, এইটাও সুলক্ষণ, পলিটিক্সের টেকেন্সিটা বুঝা যাইতেছে, এখন আল্লা আর জনগণ মুখ তুলিয়া চাইলেই হয়।'

কলিমউদ্দিন মুধা বলেন, 'তয় তিন চাইরটা জ্যানারেল আর সেক্রেটারি বিট্টে করছে, এতবার প্রমিজ করল আমাগো কাছে যে আমাগো দলে জয়েন করবো, ক্যাভিডেট হইব, কিন্তু বিট্টে করলো।'

মহাজননেত্রী বলেন, 'অইগুলি সবই কি উৎসআলাগো নমিনেশন পাইব? অগো বংশ ত আগো থিকাই জ্যানারেল আর সেক্রেটারিতে ভইর্যা আছে। অইগুলির উপর চোখ রাখতে হইব, দরকারে আসবে।'

মোহাম্মদ রজ্জব আলি বলেন, 'অইটা হইল মেলিটারি আর আমলাগো দল, অই রকম ক্যাভিডেট তারা ছারব না, যত পাইব ততই লইব। সবগুলিরেই নমিনেশন দিব, জনগণেরে অরা এইসব দেখাইয়া বুঝাইতে চায় যে উত্তর পারা অগো লগে আছে, আসল জায়গায় অগো পাওয়ার আছে।'

মহাজননেত্রী একটু বিচলিত হন; একটু পর তিনি বলেন, 'চোখ রাখতে হবে জ্যানারেলগো মইধ্যে কে কে বাদ পড়লো, পছন্দ হইলে আমরা তাগো ধইর্যা আনুম। উত্তর পারা আমাগোও এইটা এইবার আমরাও দেখায়ে দিব। দুই একজনের কথা আমি ভাইব্যা রাখছি।'

মোহাম্মদ আবদুল হাই বলেন, 'কারে কারে ধইর্যা আনতে হবে বইলেন, আমরা ধইর্যা আনুম। অগো নমিনেশনের দিন অগো অফিসের কাছে লোক দারা করে রাখুম, তারা ধইর্যা নিয়া আসবো।'

নিজামউদ্দিন আহমদ বলেন, 'জংধরা কাচিহাতুড়িআলারা যে ধরাধরি করতেছে, এইবার তাগো কি করব?'

মহাজননেত্রী বলেন, 'অই বেইমানগুলিরে এইবার দরজায়ও আসতে দিব না। গেলবার অইগুলিরে দিয়া ঠকছি, মোনাফেকের মতন গোপনে গোপনে আমগো বিরুদ্ধে কেম্বিডেট দিছে, উৎসআলাগো সঙ্গে প্যাঙ্কি করছে, আর কয়টা মোনাফেক বেইমান পাশ কইর্যা অগো লগে গিয়া যোগ দিছে। অইগুলির মুখে ঝারু মারি।'

মোহাম্মদ আবদুল হাই বলেন, 'সারা দুইন্যা ভইর্যা অইগুলি বেইমানি করতেছে আর ডোবতেছে, দ্যাশের মানুষ অগো চায় না।'

মোহাম্মদ রজ্জব আলি বলেন, 'নমিনেশন পেপার ত জমা পরলো, এইবার ওমরাটা কইর্যা আসন দরকার। আল্লার ঘরে গিয়া নামাজ পইর্যা কান্দনকটন দরকার, রহমানুর রহিম এইবার যদি মুখ তুইল্যা চায়।'

মহাজননেত্রী বলেন, 'পরশ দিনই ওমরা করতে চলেন, দিনটা ভাল আছে, ওমরাটা সাইর্যা এসে নমিনেশন দিব। আল্লারে ডাইক্যা আসলে তিনি মুখ তুইল্যা চাইবেন, জনগণও এইটা ভাল চোখ দেখব, তারাও মুখ তুইল্যা চাইব।'

তারা ঠিক ক'রে ফেলেন পরশ দিনই ওমরা করতে যাবেন, চল্লিশজনের একটা বড়ো দল যাবেন, আল্লার আর জনগণের চোখে এইটা না পইড়্যা পারে না। এসে তারা ক্যান্ডিডেটদের ইন্টারভিউ নেবেন, বাছাই ক'রে নেবেন ছেকে ছেকে, দেখে দেখে, অনেককে এরই মাঝে দেখে রেখেছেন, বেস্ট ক্যান্ডিডেট নেবেন, যাঁদের নাম আছে ডাক আছে পপুলারিটি আছে ট্যাকা (এইটা এক নম্বর) আছে (আর হাতে ভাল ক্যাডার আছে, এইটা দরকার, নিউট্রাল পিসফুল ইলেকশনেও এইটা ছাড়া চলে না—এইটা চুপে চুপে আলাপ করা হয়)।

শক্তির উৎসবাদী গণতান্ত্রিক রাজবংশের বাক্সেও নমিনেশন পাওয়ার দরখাস্ত বোঝাই হয়ে উঠেছে, তবু তাঁদের চিন্তা যাচ্ছে না, শুধু চিন্তা করতে হচ্ছে; বৈঠকে ব'সে তারা নানারূপ পলিটিকেল চিন্তাভাবনা করছেন।

মহাদেশনেত্রী বলেন, 'আপনাদের কি মনে হয়? ঠিক ক্যান্ডিডেটরা নমিনেশনের জইন্য দরখাস্ত করছে ত?'

রুস্তম আলি পল্টু বলেন, 'ভাল দরখাস্ত পরছে, সবই পাওয়ারফুল পপুলার মানিড ক্যান্ডিডেট, কারে রাইখ্যা কারে নমিনেশন দিব, তা ঠিক করাই ডিফিকাল্ট হইব। ভাল ক্যান্ডিডেট দিতে হইব।'

অবজেনারেল কেরামতউদ্দিন বলেন, 'উই মাস্ট নমিনেট দি বেস্ট ক্যান্ডিডেটস্ হু হ্যাভ মানি, পাওয়ার, অ্যাড পপুলারিটি। ইলেকশনে উইন করতেই হবে।'

রুস্তম আলি পল্টু বলেন, 'মহাদেশনেত্রী চাইরটা আসনেই দারাইবেন, অই সিটগুলি আমাগো সিউর সিট, পরেও আমাগো হইব, মহাদেশনেত্রীর ইমেজটাও ঠিক থাকবো; আর বংশের লিডাররা যারা চাইবেন তারা দুইটা কইর্যা আসনে দারাইবেন।'

কেরামতউদ্দিন বলেন, 'দিস ইজ দি বেস্ট প্রিন্সিপাল ইন নমিনেটিং আওয়ার ক্যান্ডিডেটস্, আমাদের লিডারদের পপুলারিটি পিপলকে শো করা দরকার। ফরেন অ্যাজেন্টরাও বোঝাতে পারবে আমাদের দল কত স্ট্রং।'



মহাদেশেনেত্রী বলেন, 'আপনারা বেস্ট প্রিন্সিপালই নিবেন, পাওয়ারে আমাদের যাইতেই হবে, অরা দ্যাশটারে সেল করবে, তা হইতে দিব না।'

মোহাম্মদ কুদ্দুস চৌধুরী বলেন, 'পিপল অদের চায় না, দে আর ইন অ্যান ইলিউশন, পিপল লাভ আস, পিপল আমাদের ভোট দিবে।'

মোহাম্মদ সোলায়মান হাওলাদার বলেন, 'ওমরা করার সময় এসে গেছে। আমাদের মাননীয় মহাদেশেনেত্রীর পক্ষে কখন সময় হবে? ওমরার উপর ইলেকশন অনেকখানি ডিপেন্ড করে।'

মহাদেশেনেত্রী বলেন, 'ওমরা ত করতেই হবে। মহামান্য কিংয়ের সঙ্গেও মিট করার দরকার। সময়টা আপনারা ঠিক করেন।'

রুস্তম আলি পল্টু বলেন, 'জনগণআলারা কবে ওমরা করতে যাইতেছে, সেইটা দেখন দরকার। অগো পরে গেলেই পলিটিকেলি বেটার, আর অরা যতজন যাবে আমরা তার চাইতে বেশি যাব।'

ব্যারিস্টার কুদরতে খুদা বলেন, 'ওমরায় যাওয়ার আগে পার্টি অফিসে একটা বড় মিলাদ মহফিল হওয়া নেসেসারি, পেপারগুলিতে তার ছবিও ছাপান দরকার। মিলাদের খুবই ইমপ্যাক্ট পিপলের উপর।'

রুস্তম আলি পল্টু বলেন, 'খুব ভাল কথা, পরওই অফিসে মিলাদ হবে। আল্লা রসুলের নাম নেয়া সব সময়ই ভাল, অন্যরাও ভাল চোখে দেখে।'

ডঃ কদম রসুল বলেন, 'আমার মনে একটা চিন্তা আসছে, সেইটা করন যায় কি না একটু ভাইব্যা দেখনের জইন্যো রিকুয়েস্ট করতেছি। আমার মনে হয় এইতে আমাগো আরো ভাল হইব।'

রুস্তম আলি পল্টু বলেন, 'ভাই, চিন্তাটা বইল্যা ফ্যালেন।'

ডঃ কদম রসুল বলেন, 'অগো বান মারন যায় কি না একটু ভাইব্যা দেখন দরকার। একটা দোয়া আছে সেইটা দিয়া অগো আর পিপলের মইধ্যে চিরকালের জইন্যো শত্রুতা সৃষ্টি করনের তদবিরটা আমরা কইর্যা দেকতে পারি, আমি দোয়াটা আর ডিজাইনটা বই থিকা ফটোকপি কইর্যা রাখছি।'

কথাটি শুনে সবাই বিব্রত হয়, মহাদেশেনেত্রী তাঁর নখ দেখতে থাকেন।

রুস্তম আলি পল্টু বলেন, 'ইলেকশনে উইন করার জইন্যো সব কিছুই আমাগো করন দরকার, সব রকমের বানই আমাগো মারন দরকার; তবে কথাটা হইল এইটা বড়ই কঠিন কাজ। এইটা করনের লিগা বারো কোটি মাইনবের কেইশ ছিইর্যা আনতে হইব আর জনগণআলাগো মরা আর জ্যাতা সব লিডারের কেইশ ছিইর্যা আনতে হইব। এইটা করতে গেলে কয়েক বছর লাগবো।'

কেরামতউদ্দিন বলেন, 'উই ক্যান ভু দ্যাট আফটার উই গো টু পাওয়ার। উই ক্যান ইস্টাবলিশ এ ন্যাশনাল হ্যায়ার ব্যাংক, অ্যান্ড কালেক্ট পিপল্‌স হ্যায়ার। ইট উইল বি অ্যান অ্যাচিভমেন্ট।'

তাঁরা আরো অনেক গুরুত্বপূর্ণ পলিটিকেল আলোচনা ও ডিসিশন গ্রহণ করেন।

মহাজননেত্রী চল্লিশজনের একটি দল নিয়ে ওমরা করতে চ'লে গেলেন। যাওয়ার সময় আমরা দেখতে পাই তাঁর চেহারা বদলে গেছে, বাঙালি ব'লে চিনন যাচ্ছে না; আমরা ভয় পাইতে থাকি যখন তিনি ফিরবেন তখন তাঁকে আমরা একেবারেই চিনতে পারবো কি না। তিনি হয়তো বাঁটি মরুভূমি বাঁটি মুসলমান হয়ে ফিরবেন। জনগণ পছন্দ করবে। আমরা পিপলরা চিরকালই বিদেশি দেখলেই পাগল হই, মরুভূমি দেখলে মুগ্ধ হই।

ওমরাটা থাকায় খুব সুবিধা হইছে পলিটিশিয়ানগো, তাগো আর আরবি বছরের বারো নম্বর মাস আলহিজার জইন্যে ব'সে থাকতে হয় না। ব'সে থাকতে হইলে ড্যামোক্রেসির পলিটিক্সে প্রাণ আসতো না, চার্মও থাকতো না। শুনতে পাই সত্য মিথ্যা আমরা গরিবরা জানি না, আমাগো অত ট্যাকা নাই যে হজও করবো আবার সোনাও কিইন্যা নিয়া আসবো, আমরা শোনতে পাই পলিটিকেল ওমরার নিয়মকানুনও পলিটিকেলি আলাদা।

মহাজননেত্রী যেদিন ওমরা করনের জইন্যে গেলেন সেই দিন আমাগো সুফিয়া রিয়াদ থিকা ফিইর্যা আসলো। সে জীবিত আসে নাই, সুফিয়া ফিরে আসতে পারে নাই, সুফিয়ার লাশ ফিরে আসছে।

সুফিয়া ওমরা বা হজ করতে সেইখানে যায় নাই, সুফিয়া সেইখানে গেছিল চাকরানি হইয়া, বান্দি খাটতে। ফিরে আসলো লাশ হইয়া।

অমন মাইয়া লাশ হইব না ত কি হইব, অর জন্মই হইছিহঁল লাশ হওনের জইন্যে। অর ভাইগ্য ভাল পবিত্র দ্যাশে গিয়া লাশ হইছে, ভেঙ্গে যাইব।

মাইয়ামানুষ কি আর মানুষ, যেই ভাইগ্য নিয়া আসছিল ওতা মানলে সুফিয়া দ্যাশেই থাকতে পারত, বাইচ্যাও থাকতে পারতো হয়তো।

ভয় মাইয়ামানুষের বাচন মরনের মইধ্যে তফাৎ কি।

সুফিয়ার বাবা আমাগো মতই গরিব ছিলো, তবু অই মেয়েটাকে লেখাপড়া শিখাইতে সে চাষ্টা করছিলো। আরেকটা খারাপ জিনিশ হইল মাইয়াটা সুন্দরও ছিলো, লোকটা মাইয়ার জইন্যে জান দিত। এইটে ওঠনের পর মাইয়াটা দেখতে এত সোন্দর হয় যে গ্রামের ড্যাকরাগুলি ইকুলে যাওয়া আসার পথে অর হুয়াত ধইর্যা টানাটানি করত। কয়টারে ও চড়াপড়ুও দিছে। কিন্তু বাগটা কিছু না হেরে মইর্যা যায়। ড্যাকরাগো টানাটানি সইজ্য করতে না পেরে সুফিয়া ঢাকা চইলিয়া আসে। সুফিয়া বুঝতে পারে তার লেখাপড়া আর হইব না, তার রুজি করতে হবে। নিজে খাইতে হবে, মারে আর দুইটা ভাইবোনের খাওয়াইতে হবে।

ঢাকায় সুফিয়া গার্মেন্টসে একটা কাজ নেয়; কিন্তু সেইখানে অর যা বেতন তার চেয়ে প্রেমিক অনেক দেখা দেয়। সুফিয়া দেখতে পায় রাস্তাঘাট কল কারখানা মেশিন চেয়ার টেবিল সবই প্রেমিক, প্রেমে চাইরপাশ ভাইস্যা যাচ্ছে। সুফিয়া প্রেমিকদের প্রেমনিবেদন, টানাটানি, চিঠিপত্র, টিপন, জড়াই ধরন, বেড়াটেনের দাওৎ আর আর জিনিশে পাগল হয়ে উঠতে থাকে।

সুফিয়া ঠিক করে এইখানে আর থাকন যায় না। আর দেশইটা কুকুর শিয়ালগো চেখে পড়ছে, তারা না খাইয়া ছাড়বো না।

সুফিয়া একদিন একটা বিজ্ঞাপনে দেখতে পায় যে রিয়াদে কিছু গৃহপরিচারিকা লাগবে, যারা গৃহপরিচারিকার কাজ করতে চায় তারা আবেদন করতে পারে। তরুণী হইলে ভাল হয়, সুন্দরী হইলে আরো ভাল হয়। অত্যন্ত ধনী পরিবার, বেতন মাসে দশ হাজার টাকা, যাওনের, আর তিন বছর পর পর দেশে আসার ফিরে যাওয়ার খরচ ওই পরিবার বহন করবে। অর্পূর্ব সুযোগ!

সুফিয়া সাথে সাথে আবেদনপত্র লিখে ওই ম্যানপাওয়ার এজেন্সিতে হাজির হয়। তার ইচ্ছে করছিলো এখনই রিয়াদে চ'লে যেতে, যাতে ওই গার্মেন্টসে আর যেতে না হয়। এজেন্সির এমডি সাহেব সুফিয়াকে দেখার সাথে সাথে তাকে নির্বাচন করেন, সুফিয়া তাঁর চোখের দিকে তাকিয়েই বুঝতে পারে। সুফিয়ার ভালোও লাগে, কিন্তু একটি ভয় সে নিজের ভেতরে টের পায়। এমডি সাহেব ঠিক ক'রে ফেলেন, আরবরা এমন মালই চায়, বুক উঁচা, পাছা বড়, শরীর ঢলঢলে, তার উপর মুখটাও সোন্দর। এমডি সাহেব তিন দিন পর তাঁর সাথে সুফিয়াকে দেখা করতে বলেন। সুফিয়া যখন বেরিয়ে আসছিলো এমডি সাহেব তার বুক ও পাছায় হাত দিয়ে আদর করেন। সুফিয়া ভয় পায়, কঁপে ওঠে।

তিন দিন পর সে কি যাবে এমডি সাহেবের কাছে? সুফিয়া ঠিক করতে পারে না; একবার মনে হয় যাবে না, আরেকবার মনে হয় যাবে, মাসে দশ হাজার টাকা তাকে রুজি করতে হবে, নিজে বাঁচতে হবে, মা ভাইবোনদের বাঁচাতে হবে। বুক পাছায় এক আধটু হাত তো পড়বেই যেখানেই থাকি, এটা মনে নিতে হবে। বুক আর পাছার এমন কি দাম।

তিন দিন পর সুফিয়া উপস্থিত হয় এমডি সাহেবের কাছে। এমডি সাহেব তাকে জানান তার মেইড সার্ভেণ্টের চাকুরি হয়ে গেছে, সে খুব উপযুক্ত; পনেরো দিনের মধ্যে তাকে রিয়াদের উদ্দেশে বিমানে উঠতে হবে। এমডি সাহেব তাকে কাগজপত্র দেন, বাড়িতে সকলের সাথে দেখা ক'রে আসতে বলেন। এমডি সাহেব তার বুক আর পাছায় একটু বেশি ক'রে আদর করেন, কিন্তু চাকুরির আনন্দে সুফিয়ার তা খারাপ লাগে না, একটু ভালোই লাগে।

বিশ দিনের মধ্যে সুফিয়া রিয়াদে বান্দি খাটার জন্যে ঢাখা ছেড়ে যায়। নিজেকে তার আকাশের পাখি মনে হয়।

সে মনে মনে দেখতে পায় তার রিয়াদের মনিবের স্ত্রী কন্যারা তার জন্যে বিমানবন্দরে এসেছে; তাঁরা দেখতে কি সুন্দর, সে তাঁদের পায়ে হাত দিয়ে সালাম করবে, তাকে দেখে তাঁদের পছন্দ হবে। প্রাণ দিয়ে সে সেবা করবে সকলের, দশ হাজার টাকা, মাসে দশ হাজার টাকা, দেশে সে কোনো দিন পাবে না। দেশে সে টাকা পাঠাবে, মা ভাইবোন ভালো থাকবে, এবং সে টাকা জমাবে।

বিমানবন্দরে সুফিয়া দেখতে পায় দুটি বিকট ইয়ামেনি চাকর তাকে নিতে এসেছে। বিকট, অত্যন্ত বিকট। তাদের হাতে ইংরেজিতে তার নাম লেখা একটি কার্ড। চাকর দুটিকে দেখেই সে ভয় পায়, সে কঁপে ওঠে, চারদিকে সে মরুভূমি দেখতে পায়। তখন মধ্যরাত, রাত তাকে ঢেকে ফেলে। সে তাদের সাথে গাড়িতে উঠে

বসে। অনেক রাতে সে মনিবের বাড়িতে গিয়ে পৌছে। বাড়ির সামনে কোনো আলো নেই, সামনে সে ভীষণ একটা দালানের ভূত দাঁড়ানো দেখতে পায়।

বাড়িতে তখন মনিবেরা নেই, তারা হজে গেছে।

অন্ধকার, অন্ধ আলো, অন্ধকার, বিকট কক্ষের পর কক্ষ পেরিয়ে একটি আরব বুড়ী সুফিয়াকে তার ভেজা স্যাৎসেতে রঙচটা কক্ষে নিয়ে আসে। সুফিয়া বারবার শিউরে উঠতে থাকে। সুফিয়া কিছুটা ইংরেজি জানে, বুড়ী জানে না; তাই তাদের কোনো কথা হয় না। বুড়ী তাকে কয়েকটি খেজুর আর বিস্কুট খেতে দেয়, চাও দেয়। সুফিয়া কিছুই খেতে পারে না; তার বমি পেতে থাকে। তার মনে হয় সারাটা বাড়ি, বিকট অন্ধকার, আর বিশাল মরুভূমি তার ওপর ঝাঁপিয়ে পড়েছে। সুফিয়া একবার তীব্র চিৎকার ক'রে ওঠে, তার চিৎকার বিকট প্রতিধ্বনি হয়ে তার কানে ফিরে ফিরে আসতে থাকে। সুফিয়া বিছানায় ব'সে পড়ে, সে দুর্গন্ধ পায়, শোয়ার তার ইচ্ছে হয় না, ভোরে তার ঘুমঘুম চোখে আলো এসে ঢোকে।

তার ঘর, বিছানা, আর বালিশ দেখে সুফিয়া লাফিয়ে বিছানা থেকে নামে। বিছানার চাদরটা ঘিনঘিনে নোংরা, বালিশটা চিটচিটে; দূরে খেজুর আর বিস্কুটের থালায় কয়েকটি তেলাপোকা জটলা করছে। তেলাপোকা সে এভাবেই ভয় পায়, সে চিৎকার ক'রে ওঠে। ভোরের আলো অন্ধকার হয়ে ঢুকছে ঘরটিতে, ওই ভোরের আলোর অন্ধকারে সুফিয়া ঘরের এক কোণে একটি বাথরুমের দরোজা দেখতে পেয়ে দরোজা খোলে। বাথরুমটার অর্ধেক ভ'রে নোংরা, ট্যাপ খুলে দেখে তিরতির ক'রে পানি পড়ছে, আর জংঘরা শাওয়ারটি দিয়ে কোনো পানি বেরোচ্ছে না। একটা ময়লা সাবান প'ড়ে আছে সিংকে, ওই সাবান আর তিরতির পানিতে সে মুখ ধুতে শরীর ধুতে চেষ্টা করে। সে আল্লা আল্লা করতে থাকে, কিন্তু সে ভনতে পায় তার নুক ধকর ধকর করছে।

তখন বুড়ী এসে তার বাথরুমের দরোজায় ঢু দিতে থাকে।

বুড়ী সুফিয়াকে তার পিছে পিছে যেতে ইঙ্গিত করে, সুফিয়া ভয়ে ভয়ে তার পেছনে হাঁটে। বুড়ী তাকে রান্নাঘরে নিয়ে যায়, ঘরটি দেখায়, এবং তার হাতে ভুল ইংরেজিতে লেখা কাজের একটি তালিকা তুলে দেয়। সুফিয়ার বেশ কাজ। সে রাঁধুনীকে সাহায্য করবে, বাড়িঘর পরিষ্কার, শিশুদের দেখাশোনা করবে। বুড়ী তাকে ব্রেকফাস্ট বানানোর ইঙ্গিত করে, সুফিয়া ব্রেকফাস্ট তৈরি করে। সকালের খাওয়ার পর সুফিয়া হাঁড়িকড়াই পরিষ্কার করে, রান্নাঘর ঝাঁট দেয়, আরো কয়েকটি ঘর পরিষ্কার করে।

ওই বাড়িতে সে একাই বান্দী নয়, আরো তিনজন আছে। দক্ষিণ ভারতের একটি প্রৌঢ়া রাঁধুনী আছে, শ্রীলংকার একটি যৌবনবতী বান্দী আছে, ফিলিপাইনের একটি রোগা ফ্যাকাশে মেয়ে আছে। বুড়ী রাঁধুনীটা সব সময়ই বিরক্ত, সে কারো সাথে কথা বলে না, মাঝেমাঝে একা একা দীর্ঘশ্বাস ফেলে বলে 'আর পাঁচ মাস', ফিলিপাইনের রোগা মেয়েটে ফ্যালফ্যাল ক'রে তাকায়, চোখ দুটি তার উন্মাদের চোখের মতো, সে মাঝেমাঝে এমনভাবে তাকায় যেনো সে খুব দূরে কিছু দেখতে পাচ্ছে। সুখী মনে হয় শ্রীলংকার যৌবনবতীকে, তার বিশেষ কোনো কাজ করতে হয় না। সে বেশি সময়

আয়নার সামনে দাঁড়িয়ে সাজগোজ করতেই ব্যস্ত থাকে। সে চলচল করে, পিঠ বাহ বুক থেকে কাঁপন ছড়ায়।

শ্রীলংকার যৌবনবতী সুফিয়ার কাছে এসে মাঝেমাঝেই বলে, 'মালিক আসছেন না, আমার ভালো লাগছে না।'

সুফিয়া বুঝতে পারে না মালিক না এলে তার ভালো লাগবে না কেনো।

মেয়েটি বলে, 'মালিক আমাকে বহুত ভালোবাসেন, আমি মালিকের জান।'

তুনে কেমন যেনো লাগে সুফিয়ার।

মেয়েটি সুফিয়ার দিকে মাঝেমাঝে ঈর্ষার চোখে তাকায়।

মেয়েটি বলে, 'মক্কা থেকে ফিরে মালিক আমাকে সোনার হার কিনে দেবেন।'

মালিক এতো ভালো? ভাবতে গিয়ে ভয় পায় সুফিয়া।

শ্রীলংকার যৌবনবতী সুন্দরী বাদিটি এক সময় সুফিয়াকে তার সামনে মডেলের মতো দাঁড়াতে বলে। মডেল? সুফিয়া প্রথম রাজি হয় না, কিন্তু তাকে দাঁড়াতেই হয়। মেয়েটি সুফিয়ার ঠোঁটে একটি আঙুল বুলিয়ে বলে, 'তোমার ঠোঁট পাতলা, মালিক পাতলা ঠোঁট পছন্দ করে না, তবে তার দুই ছেলে এমন ঠোঁট পছন্দ করে।' সুফিয়া ঠোঁট সরিয়ে নিয়ে ব'সে পড়তে চায়, পারে না; মেয়েটি তার বুক ও পাছায় হাত দিয়ে দেখে বলে, 'মালিক তোমার বুক আর পাছা পছন্দ করবে। বড়ো বুক পাছা মালিকের পছন্দ।' মেয়েটির চোখে সে ঈর্ষা দেখতে পায়। কিন্তু 'বড়ো বুক পাছা মালিকের পছন্দ'—এর অর্থ কী, এর অর্থ কী, সুফিয়া বুঝতে পারে না; সে দৌড়ে তার ঘরে গিয়ে মেঝের ওপর ব'সে পড়ে।

তিনচার দিন পর মালিকের পরিবার ফিরে আসে।

মালিকের বয়স চল্লিশ-পঁয়তাল্লিশের মতো, দেখতে সে কদর্য, দেখেই ঘেন্না লাগে। এখানে আসার পর সুন্দর কিছু দেখতে পায় নি সুফিয়া, যা দেখে তাই কদর্য। মালিকের চার বউ। তাদের বয়স পঁয়ত্রিশ থেকে পঁচিশের মধ্যে। মালিকের অনেকগুলো ছেলেমেয়ে। সুফিয়া বুঝতে পারে তারা হঠাৎ ধনী হয়েছে, কিন্তু নিচু জাতের লোক, এমন লোকেরা আমাদের দেশে বস্তিতে থাকে। সবাই দেখতে কদর্য, চিৎকার ছাড়া কথা বলে না, তাদের খুব অভদ্র অসভ্য মনে হয় সুফিয়ার। কোরান পড়া ছাড়া তারা আর লেখাপড়া জানে না। তাদের টাকা আছে, কেমন টাকা আছে সুফিয়া বুঝতে পারে না, সুফিয়া দেখতে পায় তারা কোনো কাজ করে না। কাজ না ক'রে টাকা আসে কোথা থেকে?

মালিক বিকেলেই সুফিয়াকে তার ঘরে ডাকে। সুফিয়া কাঁপতে কাঁপতে মালিকের সামনে উপস্থিত হয়। সুফিয়া দেখে মালিক ও তার দুই বউ ব'সে আছে। সে সালাম করতে যায়, মালিক তাকে ধ'রে গুয়োরের মতো দুটি ময়লা হাত দিয়ে তার ঠোঁট, বুক, পাছা টেপে। তার চামড়া ছিঁড়ে যেতে যায়। সুফিয়া নিজেকে ছাড়িয়ে নেয়ার চেষ্টা করে, পারে না; সে চিৎকার ক'রে কাদে, কিন্তু মালিকের বউ দুটিও তাতে বিচলিত হয় না।

মালিক বলে, 'তোমার দেহ আইচ্ছা কড়া, তুমি আইচ্ছা মাল, বাংলাদ্যাশেও এই রকম মাল আছে?'

মালিকের ফাটা বাঁকা ঘিনঘিনে ঠোঁট নিচের দিকে ঝুলে পড়ে।

বউরা সুফিয়ার দিকে তাকায়, সুফিয়া পালিয়ে যাওয়ার কথা ভাবে।

মালিক বলে, 'আইজ রাইতে তুমি আমার লগে শুইবা, আমার সাদ মিটলে সপ্তায় পাঁচ দিন আমার লগে আর দুই দিন আমার দুই পোলার লগে শুইবা। তুমি আইচ্ছা মাল, আমার সাদ মিটতে কয়েক মাস লাগবে।'

মাথা ঘুরে সুফিয়া মাটিতে প'ড়ে যায়।

মালিক তার দুই ছেলেকে ডাকে। দুটি কুৎসিত ছেলে, পনেরো ঘোলে বছরের মতো বয়স, মালিকের ডাকে উপস্থিত হয়।

মালিক বলে, 'মাইয়াটারে তগো লিগাই আনাইছিলাম, কিন্তু দেইখ্যা আমার পছন্দ হইয়া গেছে, মাইয়াটারে লইয়া আমিই শুমো, আমার সাদ মিটলে তরা পাবি, আইজ থিকা শ্রীলংকার মাইয়াটারে লইয়া তরা থাক। ওহাব তিন দিন নিবি, হাশেম তিন দিন নিবি, একদিন আমার লিগা রাকবি।'

ওই রাতেই মালিক ধর্ষণ করে সুফিয়াকে। সুফিয়া ছিঁড়েফেড়ে যায়, রক্তে ভেসে যায়, ভেঙেচুরে যায়। গুটা ধর্ষণের প্রথম রাত, তারপর মালিক নিয়মিত ধর্ষণ করতে থাকে সুফিয়াকে, সুফিয়া হ'তে থাকে ধর্ষিত, ধর্ষিত, ধর্ষিত, ধর্ষিত।

ওই অন্ধকারে ধর্ষিত হওয়া ছাড়া কোনো উপায় থাকে না সুফিয়ার। সুফিয়া পালাবার চেষ্টা করে, দেখে পালাবার কোনো উপায় নেই। কেউ তাকে সাহায্য করার জন্যে নেই, সবাই তাকে পাহারা দিচ্ছে আটকে রাখার জন্যে। শ্রীলংকার যৌবনবতী তার বিরুদ্ধে চ'লে গেছে, মেয়েটির মনে হচ্ছে তার কাছে থেকে মালিককে কেড়ে নিয়েছে সুফিয়া। মালিক তাকে সোনার হার দেবে বলেছিলো, ওই হার সে পায় নি। মেয়েটির মনে হয় মালিক সুফিয়াকে সেই হার দিয়েছে। বাড়ির পাহারাদারগুলো পাষণ্ড, তাদের পেরিয়ে বাইরে যাওয়ার উপায় নেই। বাড়িটা একটা নোংরা দুর্গ। মালিকের চার বিবি। সব সময় ব্যস্ত ঝগড়াঝাটিতে, তাদেরই কোনো সুখ নেই, সুফিয়ার কথা তারা ভাবতেও পারে না। সুফিয়া আটকে পড়ে মরুভূমির নোংরা অন্ধকার দুর্গে, যেখানে ধর্ষণই সত্য, আর কিছু সত্য নয়।

সে একবার বাড়ি থেকে পালিয়ে বের হয়েছিলো, অল্প পরেই তাকে ধ'রে আনা হয়। পালিয়ে বেশি দূরে কোনো মেয়ের পক্ষে যাওয়ার কোনো উপায় নেই সেখানে। ধ'রে এনে তাকে এমনভাবে মারা হয় যে সে জ্ঞান হারিয়ে ফেলে।

একবার সে বাড়ির ছাদে উঠে ডাকাডাকি করেছিলো, কেউ তার ডাক শোনে নি। ছাদ থেকে চাবুক মেরে মেরে তাকে নামিয়ে আনা হয়। চাবুকে চাবুকে অজ্ঞান হয়ে যায় সুফিয়া, সাত দিনে জ্ঞান ফেরে নি।

কয়েক মাসের মধ্যেই সুফিয়ার একবার গর্ভপাত ঘটানো হয়। ভালোভাবে হয় না, তার ভেতর থেকে রক্ত তিরতির ক'রে বেরোতেই থাকে। ঠিক হ'তে অনেক সময় লেগে যায়।

সুফিয়া শুকিয়ে যেতে থাকে, ফ্যাকাশে হয়ে যেতে থাকে, পাগল হয়ে যেতে থাকে, জ্ঞান হারিয়ে ফেলতে থাকে।

কয়েক মাসের মধ্যে তার আরেকবার গর্ভপাত ঘটানো হয়। এইবার রক্ত আর ধামতে চায় না, সুফিয়ার সালোয়ার সব সময় ভেজা থাকে।

পাগল হয়ে ওঠে সুফিয়া।

মালিক, আর তার দুই ছেলে নিয়মিত ধর্ষণ ক'রে চলে সুফিয়াকে। সুফিয়া আর চিৎকারও করে না, শুকনো মরা পাগলির মতো প'ড়ে থাকে; তারা রাতের পর রাত দিনের পর দিন ছিড়েফেড়ে ফেলতে থাকে সুফিয়াকে।

মাসে দশ হাজার কজি করার জন্যে রিয়াদের উদ্দেশে যাত্রার কয়েক মাসের মধ্যেই সুফিয়া গলায় ফাঁস দিয়ে মারা যায়।

মহাজননেত্রী যখন তাঁর বিশাল পুণ্যবান দলবল নিয়ে ওমরা করার জন্যে বিমানে উঠছিলেন, তখন সুফিয়ার লাশ এসে বিমানবন্দরে নামে।

আমাগো সুফিয়া আমাগো মইখে ফিইর্যা আসে।

কয়েক দিনের মধ্যেই মহাজননেত্রী পুণ্য অর্জন ক'রে, মুখ আর পোশাক অদ্ভুত বদল ক'রে, মাথায় আবায়্যা না কী সব বেঁধে, হাতে তসবি নিয়ে ড্যামোক্রেসির ইলেকশনের দ্যাশে ফিরে আসেন। তাঁর ছবি দেইখ্যা আমরা তাঁরে চিনতে পারি না, মনে হয় আমরা কী যেন দেখতেছি, কিন্তু আমরা খুশি হই যে তিনি এইবার ইলেকশনের এ টু জেড দেইখ্যা ছাড়বেন, আল্লা আর মানুষ তাঁর দিকে মুখ তুলিয়া না চাইয়াই পারে না। মনে হয় আমাগো দ্যাশে এই ধর্ম আসলো, এর আগে খাঁটিভাবে আসে নাই, আটশো বছরে যা হয় নাই তিনি কয় দিনেই তা কইর্যা আসলেন।

সুফিয়ার কথা তিনি জানেন না, এইটা ভালো।

মহাজননেত্রী ফিরে আসলেন, আমরা তাঁর নবরূপ দেখে আজ্জব তাজ্জব হচ্ছি, আর অমনি, দু-দিন পরেই, চললেন মহাদেশনেত্রী পঞ্চাশজন পুণ্যবান নিয়ে ওমরা করতে। ক্যাম্পেইন শুরু হইল। তিনি সঙ্গে বেশি লোক লইছেন, তাঁর ধর্মে ভক্তি আরো বেশি, তাঁর পুণ্য আরো বেশি হইব, পলিটিক্সটাও বেশি হইব, ড্যামোক্রেসি আরো খুশি হইব, আমাদের এই মনে হইতে থাকে, আমরাও খুশি, খুশির ওপর খুশি। তিনি তাঁর পোশাক বদল ক'রে নিছেন, সোন্দর পলিটিকোরিলিজিয়াস রিলিজিওপলিটিকেল পোশাক। তাঁর স্টাইল আছে, আমরা গরিবরা সব সময়ই দেখে মুগ্ধ হই, স্টাইল ক'রে তিনি মাথাটারে সাজিয়েছেন, ধর্মও থাকলো স্টাইলও হইল। এইটা আমরা গরিবরা খুব পছন্দ করি।

মহাদেশনেত্রী যেই দিন গিয়া সেইখানে পৌছলেন সেই দিন সেইখানে একটা ঘটনা ঘটতেছিলো। ঘটনাটা তিনি জানতে পারেন নাই; ভুচ্ছ ঘটনা।

সেই দিন সেইখানে চৌদ্দ বছরের একটি মেয়েকে পাথর ছুঁড়ে মারা হচ্ছিলো।

মেয়েটির নাম সারা। সারার অপরাধ সে জিনা করেছে, হুদুদ করছে, আল্লার বিরুদ্ধে পাপ করেছে; তাই তাকে পাথর ছুঁড়ে মারা হচ্ছে। যেই পুরুষরা এই কাজ করেছে, তারা ধরা পড়ে নাই।

সারা ধরা পড়েছে, প্যাটটা তার, ওই পেটে কে বা কারা কি ঢুকাইছে, তাগো সেইখানে কোন দাগ লাগে নাই, মজা কইর্যা তারা কাইট্যা পড়ছে, সারার মতন চিৎ

আর অজ্ঞান হইয়া পইড়্যা থাকে নাই, মাসে মাসে তাগো সেই জায়গা ফুইল্যা ওঠে নাই। ভাই তারা ধরা পড়ে নাই।

তার যখন প্যাট হয় তখনও সে তেরো বছরের আছিল, সাড়ে নয় মাসে তার চৌদ্দ বছর হয়েছে। এই মাসগুলি সে ধার কইর্যা বাঁইচ্যা আছিল।

যেই রাতে সেই ঘটনা ঘটে সেইটা ছিলো বৃহস্পতিবারের রাইত। বৃহস্পতিবার ওই দেশে ফুর্তির দিন, উইক এন্ড, দ্যাশে মজা করন যায় না, তাই ওই দিন তারা দলে দলে আমিরাতে যায় মজা করতে, শুক্রবারের ঝামেলায় পড়তে চায় না। মজা ক'রে ফিরে আসে শনিবার বিকেলে। সারার বাপ মা সেদিন আমিরাত চ'লে গিয়েছিলো; বাড়িতে সেই রাতে ছিলো মাত্র সারা, অনেক দূরের ঘরে বান্দীরা, আর ছিলো তার সতেরো বছরের ভাই করিম। ওই রাতে তার ভাই করিম পার্টি দেয়, প্রত্যেক বৃহস্পতিতেই সে পার্টি দেয়; ফুর্তির পার্টিতে আসে তার বয়সের ইয়ার দোস্তরা। সন্ধ্যা থেকে নিচের তলায় শুরু হয় তাদের উদ্দাম পার্টি, মদ, মারিইউয়ানা, সাথে উদ্দাম পশ্চিমা সঙ্গীত; বারেটার দিকে তা উদ্দামতম হয়ে ওঠে, পশ্চিমা সঙ্গীতের তাগবে বাড়ির চারপাশ গমগম করতে থাকে। সারা নিজের ঘরে ঘুমোতে পারে না। সে বুঝতে পারে ভাই ও তার বন্ধুরা মদ খাচ্ছে, গাঁজা টানছে, আর নাচছে।

সঙ্গীতের সুরের তাগবে টিকতে না পেরে সারা পার্টির ঘরে গিয়ে উপস্থিত হয়, সে তাদের শব্দ কমানোর জন্যে চিৎকার করতে থাকে। নাচের ঘরটি অর্ধে অন্ধকার, রঙিন আলোতে ভরপুর। সারার পরা তখন রাতের স্বচ্ছ পোশাক, ভেতরে না চুকে সে দরোজায় মাথা ঢুকিয়ে ডাকাডাকি করে। কেউ তার ডাক শোনে না, তাই সে ভাইকে যোজার জন্যে ভেতরে ঢাকে। ভাইকে সে পায় না, ভাই হয়তো কোনো বাথরুমে বসি করছিলো। ভাইয়ের মাতাল বন্ধুরা তাকে দেখেই তার ওপর ঝাঁপিয়ে পড়ে। তার পোশাক ছিঁড়েফেড়ে তারা তাকে সম্পূর্ণ নগ্ন করে, একের পর এক সারাকে ধর্ষণ করতে থাকে। তার শরীর নানা জায়গায় ক্ষতবিক্ষত হয়; সারা জ্ঞান হারিয়ে ফেলে।

ভোরবেলা ভাইয়ের ধর্ষণকারী বন্ধুরা তাকে চিনতে পেরে সবাই পালিয়ে যায়।

বাড়ির ড্রাইভার ও বান্দীরা তাকে হাসপাতালে নিয়ে যায়। ডাক্তার ঘটনাটি জানায় পুলিশকে, এবং ধর্মরক্ষাকারী মুতাওয়ারা সংবাদ পেয়ে ধর্ম রক্ষা করার জন্যে ছুটে আসে। মুতাওয়ারা ওই দেশের ধর্মীয় গেস্টাপো, তাদের ডরে রাজা রাজপুত্রকন্যারাও কাঁপে, শান্তিতে একটু আধটু টানতে পারে না। সারা তার ভাইয়ের বন্ধুদের কারো নাম জানে না, সে কখনো তাদের সামনে যায় নি, তাদের দেখে নি। তাই সে কারো নাম বলতে পারে না। সারার ভাইয়ের কাছে থেকে পুলিশ তার বন্ধুদের নাম বের করে, কিন্তু তখন দেরি হয়ে গেছে, তারা এর মাঝে সুন্দর কাহিনী তৈরি ক'রে ফেলেছে। বন্ধুরা পুলিশকে বলে, ওই সন্ধ্যায় কেউ মদ পায় নি, গাঁজা টানে নি, তার শুধু উচ্চ সঙ্গীত বাজিয়ে আনন্দ করেছে। তারা বলে, মেয়েটি স্বচ্ছ রাতের পোশাক প'রে এসে তাদের সাথে চলাচল করতে শুরু করে, বারবার জেনা করার জন্যে জোর করতে থাকে। তারা প্রথম রাজি হয় নি, তখন মেয়েটি তাদের চুমো খেতে থাকে, তার শরীরের পোশাক খুলে নানা কিছু দেখাতে থাকে, তখন তারা আর নিজেদের দমন



করতে পারে না। মেয়েটি সকলের সাথে জেনা করতে চায়, তাই তারা সবাই জেনা করতে বাধ্য হয়। তাদের কোনো দোষ নাই, তারা কিৎনা পাল্লায় পড়েছিলো।

সারার বাপ আর মা আমিরাত থেকে ফিরে আসে। সারার মা মেয়ের যত্না বুঝতে পারে, বিশ্বাস করে মেয়ের কথায়, কিন্তু তার করার কিছু নেই, সে তার মেয়ের মতোই শক্তিহীন। তার বাপ অত্যন্ত ক্ষেপে ওঠে, সে জানিয়ে দেয় জেনা করার জন্যে সারাকে শাস্তি পেতেই হবে। সে আল্হাযর বিরুদ্ধে হুদুদ করেছে, তারে বাঁচতে দেয়ন যায় না। তার শাস্তি হচ্ছে পাথর ছুঁড়ে মৃত্যুদণ্ড। সারার ভাই নিজে বাঁচার জন্যে চুপ ক'রে থাকে।

তাদের বাড়ি সব সময় ঘিরে থাকে মুতাওয়ারা। তারা অত্যন্ত শক্তিমান, ডালকুস্তার মতো তারা হানা দেয়। তারা সারার বাবার প্রশংসা করে, কেননা সে মেয়েকে শাস্তি দিয়ে ইসলাম রক্ষা করতে যাচ্ছে।

কয়েক দিনের মধ্যে দেখা যায় সারা গর্ভবতী, তাই তাকে অবিলম্বে পাথর ছুঁড়ে মারা যায় না, প্যাটেরটা বাঁচিয়ে রাখা দরকার, ওইটা যদি পুরুষ হয়, তাহলে ত সে মহান আরব হইতে পারে, একদিন দুনিয়া জয় করনের জইন্যে ঘোড়ায় চইড়া বাইর হইতে পারে। প্যাটেরটা তাকে আরো সাড়ে নয় মাস বাঁচিয়ে রাখে, প্যাটের জিনিশের দাম আছে, খালি প্যাটটা যার তার দাম নাই। প্যাট ত কতই আছে, দুই চাইরটা না থাকলেও চলে; তবে প্যাটের ভিতরে যা দিয়া ঢুকায় তার দামের শ্যাষ নাই। একটি মেয়ে জন্ম নেয়, আগে হইলে তারে পুঁহিতে ফেলন হইত, এখন হইব না; তবে সারা জীবন ধইর্যা তারে বাঁচইয়া রাইখ্যা পোতন যাইব। প্যাটলিগুলিরে জীবন ভইর্যাই পোতন যায়। ওই মাইয়াটা যদি পঞ্চাশ ঘাইট বছর সারার প্যাটে থাকতো তাইলে ভালো হইত; কিন্তু সাড়ে নয় মাসে বাইর হইয়া সারাকে পাথর ছুঁড়ে মারার পবিত্র দিন ঠিক ক'রে দেয়।

শহরের পরহেজগার সবাই খবর পেয়ে গেছে এক জেনাকারিণীকে পাথর ছুঁড়ে মারা হবে। তারা আগে থেকেই পাথর মারার সোয়াবের জইন্যে অপেক্ষা করছিলো, প্যাটের জিনিশটা তাদের দেরি করিয়ে দেয়, তাতে তাদের জোশও বাড়ে; আর ওই দিন সকাল থেকেই অজু নামাজ ক'রে তারা পবিত্র মৃত্যুদণ্ডের স্থানে ভিড় জমাতে থাকে। পবিত্র উন্নাদনায় তারা সবাই অধীর, তারা এক পাপিষ্ঠার মৃত্যু দেখে, তাকে পাথর ছুঁড়ে মেরে পুণ্য অর্জন করতে চায়। পুণ্যার্থী জনতা যখন তীব্র রৌদ্রে আর টিকতে পারছিলো না, ধৈর্য হারিয়ে ফেলছিলো, তখন পুলিশের গাড়ি এসে থামে। তারা শাস্তি পায়, তারা সমস্ত প্রশংসাপ্রাপককে বারবার প্রশংসা করতে থাকে।

গাড়ি থেকে ভদ্রুর কোমল চোখের জলের মতো সারাকে টেনে নামানো হয়।

সারা রূপসী হয়ে উঠেছে; মৃত্যুর কথা জেনেও কেমনে সে এমন সুন্দর হলো? প্যাটলিগুলির স্বভাবই এমন, কবরের কথা ভাবতে ভাবতেও তারা সুন্দর হয়ে ওঠে। জনতা তার নামে উচ্চসরে নিন্দা জানাতে থাকে, প্রশংসাপ্রাপকের প্রশংসা করতে থাকে, অল্পক্ষণের জইন্যে তার মুখ দেখে তারা নিশ্চিত হয় যে এমন রূপ যে মাইয়ার সে পাপ না কইর্যা থাকতে পারে না, সে ফিৎনা, সব নিয়মেরে উল্টাইয়া সে দিবেই। তারে শাস্তি না দিলে ইসলাম টিকবো না।

সারার হাতপা শেকল দিয়ে বাঁধা, তার মাথা বুলে আছে নিচের দিকে। একজন মুতাওয়া সমস্ত প্রশংসাপ্রাপকের দীর্ঘ প্রশংসা ক'রে সারার অপরাধের বিবরণ পড়তে থাকে, যাতে জনগণ ঠিক মতো শুনতে পায় সেজন্য সে উচ্চকণ্ঠে অসতী সারার জেনার বিবরণ পড়ে।

হুদুদের শান্তি থেকে প্যাটলিগো বাঁচন নাই।

সারার মুখের ভেতরে ঠেসে একটা নোংরা চটের টুকরো ঢোকানো হয়, যাতে সে গোঙাতেও না পারে, তার মাথা একটা কালো আবরণ দিয়ে ঢেকে দেয়া হয়। চুলে শয়তান থাকে, ওই চুলের ভেতর দিয়ে মাইয়ালোকের মাথার ভিতর ঢোকে লাখ লাখ ইবলিশ, তাই চুল খোলা রাখা পাপ। তাকে হাঁটু গেড়ে বসানো হয়, সারা বাধা দেয় না। জর্রাদ তার পিঠে একটি একটি ক'রে পঞ্চাশ ঘা প্রচণ্ড চাবুক মারে। সারা লুটিয়ে পড়তে পড়তে পড়ে না। আহা, পেট থেকে বেরোনোর সময়ই যদি তাকে বালুতে পুঁতে ফেলা হতো!

পাথর বোঝাই একটি ট্রাক এসে সেখানে থামে। ট্রাক থেকে পাথর নামিয়ে এক জায়গায় জুপ ক'রে রাখা হয়। ধন্য পাথরের টুকরো। যে-লোকটি সারার অপরাধের বিবরণ পড়েছিলো, সে জনতাকে পাথর ছোঁড়া শুরু করতে বলে।

জনতা সমস্ত প্রশংসাপ্রাপকের প্রশংসা করতে করতে পাথরের জুপের দিকে তীব্র বেগে ছুটে যায়।

এই পুণ্যের জন্যে তারা এতো মাস ধ'রে আর এতক্ষণ রোদের ভেতরে অধীর হয়ে অপেক্ষা করছিলো, তারা পাথরের পর পাথর নিয়ে সারার দিকে ছুঁড়তে শুরু করে। সমস্ত প্রশংসা প্রশংসাপ্রাপকের। চার দিকে থেকে পাথর এসে লাগতে থাকে সারার মুখে মাথায় শরীরে, পাথরের ঘায়ে সারা এদিক সেদিক দুলতে থাকে, শেষে বালুর ওপর লুটিয়ে পড়ে।

সারাকে একটানা পাথর মারা হয় না। এইটা ত আর মইধ্যযুগ না, আইয়ামে জাহেলিয়া না, এইটা হইল আধুনিক যুগ (তয় মনে হয় ওইখান থিক্স আইয়ামে জাহেলিয়া দূর হয় নাই, আরো জমা হইতেছে), মরুভূমিতেও একটু মানবতা আছে, তাই মাঝেমাঝে পাথর ছোঁড়া বন্ধ করা হয়, আমেরিকার কায়দায় একজন ডাক্তার পরীক্ষা করে সে বেঁচে আছে কিনা। সারা পাঁচ মিনিটে ম'রে গেলেই ভালো হইত, কিন্তু মাইয়ামানুষ সহজে মরতে চায় না; প্যাটলিরা পাথরের থেকেও শক্ত, পাথরের থেকেও প্রাণহীন, তাগো জনের সময় প্রাণই দেয়া হয় নাই, জানই দেয়া হয় নাই, তাই মরবো কেনে? তাগো মারনের জইন্যে পাথর ছুঁড়তে ছুঁড়তে পুরুষপোলাগো জান বাইর হইয়া যাইতেছে।

প্রথমবার ডাক্তার দেখে সারা মরে নাই। জনতা প্রশংসাপ্রাপকের প্রশংসা ক'রে আবার পাথর ছুঁড়তে শুরু করে।

দয়াশীলোরা আবার পাথর ছোঁড়া বন্ধ করে, ডাক্তার সারার নাড়ি পরীক্ষা ক'রে দেখে। না, সারা মরে নাই, পুইত্যা না ফেললে বোধ হয় মরবো না। খালাশের সময়ই বালিতে পুইত্যা ফেলা দরকার আছিল এইটরে।

আবার শুরু হয় পাথর ছোঁড়া, সমস্ত প্রশংসা প্রাপ্য প্রশংসাপ্রাপকের।

তবু সারা মরে না। কিন্তু এতো বিকট পাথরের মুখোমুখি কতক্ষণ টিকবে এই ভদ্রর তুচ্ছ পাপিষ্ঠ নিষ্পাপ সুন্দর? এই ফিংনাটা কতক্ষণ লড়াই করবে গুণ্যবান হিংস্র পাথরের সঙ্গে?

মরতে তাকে হবেই, পাথর তাকে ফমা করবে না, হৃদুদের কোনো মাফ নাই। পাথরের থেকে সে বেশি শক্তিমান নয়। পাথরের ক্রোধে সে নিশ্চয়ই নিশ্চিহ্ন হবে, সমস্ত প্রশংসা প্রাপ্য প্রশংসাপ্রাপকের।

ঘণ্টা দুয়েক পর ডাক্তার জানায় সারা মারা গেছে। সফল ধার্মিক পুণ্যশীলোরা পাথর ছোঁড়া বন্ধ করে।

সমস্ত প্রশংসা প্রাপ্য প্রশংসাপ্রাপকের।

পাপিষ্ঠাকে শান্তি দেয়া হয়েছে, ধর্ম রক্ষা পেয়েছে। রুশ অশ-খালির সমস্ত বাতু পবিত্র হয়েছে।

মহাদেশনেত্রী ওমরা করতে গেছেন, সারার সংবাদ তিনি পান নি।

মহাদেশনেত্রী যখন ফিরে আসেন তাঁর অপক্লপ রূপ দেখে আমরা মুগ্ধ হই। মাথা ঘিরে কী চমৎকার আবায়্য পরেছেন, কোনো শয়তান ঢুকতে পারবে না, চুলে, কাঁধের নিচ দিকে কী যেনো ঝুলিয়ে দিয়েছেন, আমরা গরিব জনগণ, ধর্ম হজ্ঞ ওমরা জানি না, আল্লা আমাগো মাফ করবেন, এইসব পোশাক আশাক জানবো কেমনে? আমরা মুগ্ধ হই, শিউরে উঠি, ধর্মে ভাসতে আর ডুবতে থাকি, এবং বিপদে প'ড়ে যাই—কে বেশি ধার্মিক, মহাজননেত্রী না মহাদেশনেত্রী, কারে ভোট দিলে আল্লা খুশি হইব ড্যামোক্রেসি রক্ষা পাইব এইটা ঠিক করতে পারি না। মহাবিপদের মইধ্যে পইড়্যা যাই আমরা, বিপদে পড়নই ত আমাগো কাম, আমরা গরিব জনগণ; আমাগো মনে হইতে থাকে আমাগো কঠিন পরীক্ষা করনের জইন্যেই আত্মাতাত্মা দুইজনরে পাঠাইছেন, আমাগো বাইর করতে হইব কার ধর্ম বেশি, আর ভোট দিতে হইব সেইভাবে। আমাগো খালি পরীক্ষা দিতে হইব, হাশরের মাঠ পর্যন্ত পরীক্ষা দিতে হইব— আমরা গরিব জনগণ।

শুরু হইছে রাজপুরুষগো ইন্টারভিউ, আর নমিনেশন দেওন।

দ্যাশ ভইর্যা আমরা পাগল হইয়া উঠছি এইটা দেখার জইন্যে যে জনগণমন গণতান্ত্রিক রাজবংশ কারে কারে নমিনেশন দেয়, আর শক্তির উৎসবাদী রাজবংশ নমিনেশন দেয় কারে কারে। রাজপুরুষেরা যখন নমিনেশন পাওয়ার জইন্যে দরখাস্ত করছিলেন, তখন আমরা গরিব পিপল হয়ে উঠেছিলাম পাগল পাগল, আর এখন নমিনেশন দেওনের আর পাওনের সময় আমরা হয়ে উঠি আস্ত পাগল। জনগণরে, আমাগো মতন গরিবগো, পাগল না করতে পারলে পলিটিক্স কিসের, ড্যামোক্রেসি হইছে আমাগো পাগল করনের মিঠা অম্বুদ, এমনভাবে খাইওয়াইতে হয় যাতে আমরা পাগল হইয়া যাই, জিতলাম না ঠকলাম বুঝতে না পারি।

আমরা ত ভিতরের সব দেখি না, ছিটাফোটা শুনতে পাই, আর একেকজনের নমিনেশন পাওন দেখে ভাবতে থাকি কি হইছে ভিতরে। আমরা যেমন শুনছি তেমন বলতেছি; নিজের চোখে ত দেখি নাই, পরের মুখে শুনছি, দুই একটা ঘোড়ার মুখ থিকাও টুকরাটাকরি শুনছি।

জনগণমন গণতান্ত্রিক রাজবংশের ক্যাভিডেটদের ইন্টারভিউ চলতেছে। ইন্টারভিউ নিতেছেন প্রধান রাজপুরুষেরা; মহাজননেত্রী আছেন মাঝখানে, তাঁকে অজ্ঞত দেখাচ্ছে, রিলিজিয়ান আর পলিটিক্সের মিলন ঘটলে যেমন দেখায়, তেমন দেখাইতেছে, তাঁরে ঘিরে আছেন আবদুর রহমান, কলিমউদ্দিন মুধা, নিজামউদ্দিন আহমদ, রজ্জব আলি, আবদুল হাই সাহেব।

মহাজননেত্রী তসবি পড়তে পড়তে বলেন, 'বিসমিল্লাহের রহমানের রাহিম, আল্লার কাছে মুনাজাত করি তিনি আমাদের দিকে মুখ তুলিয়া চান।'

তাঁরা সবাই মনে মনে মুনাজাত ক'রে ওঠানো দুই হাত ভ'রে ভোট সংগ্রহ ক'রে চোখ বন্ধ করেন, পবিত্রভাবে দুই হাত নিজেদের মুখে বুলান, মাথায় বুলান, বুকে বুলান। দুই একজনে বুকে ফুঁ দেন।

মহাজননেত্রী বলেন, 'ক্যাভিডেটগো ডাকনের আগে নীতিমালাটা আরেকবার ঠিক কইর্যা লই, তাইলে কাজ সহজে হবে। এইবার ক্ষমতায় আমাদের যাইতে হবেই, ঠিক ক্যাভিডেট দিতে হবে।'

আবদুর রহমান বলেন, 'প্রথম নীতি হচ্ছে মহাজননেত্রী তিনটা কি চাইরটা কম্পিটিউয়েন্সি থিকা কন্সটেন্ট করবেন, অই সিটগুলি আমাগো থাকবো, আমরা প্রধান ন্যাতারা সবাই নমিনেশন পাইবো, আমরা কয়জন দুইটা আসন থিকা ইলেকশন করবো।'

নিজামউদ্দিন আহমদ বলেন, 'দুই চাইরটা সিটে এখন নমিনেশন দেয়া হইবো না, অইগুলি মহাজননেত্রী পরে নিজে বুকে ঠিক করবেন, শ্যাম মোমেন্টে অন্য বংশ থিকা কোনো সবচাইতে বেটার ক্যাভিডেট যদি আইস্যা পড়ে, তখন অইগুলিতে তাগো দার করান যাইব।'

মহাজননেত্রী বলেন, 'আমিও এই নীতিটা ভাবতেছিলাম, আমার মনে হয় শক্তির উৎসআলাগো বংশ থিকা দুই একটা জ্যানারেল, দুই চাইরটা ভাল রাজাকার ভাইগ্যা আসতে পারে, তখন তাগো নিতে পারবো।'

রজ্জব আলি বলেন, 'আমি একটা জ্যানারেল আর দুই তিনটা ভাল রাজাকারের কথা ভাবতেছিলাম, অগো নিলে ভাল হইত।'

মহাজননেত্রী বলেন, 'তাগো নাম কন, দেখি পছন্দ হয় কি না।'

রজ্জব আলি নামগুলি বলেন।

মহাজননেত্রী বলেন, 'এই নামগুলি আমিও ভাবতেছিলাম, তাগো নিলে শিউর জিতবো, চিন্তা করতে হইবে না।'

আবদুল হাই বলেন, 'তয় এইগুলি খুব ডিজঅনেস্ট, পাশ কইর্যা সুবিধা পাইলে উৎসআলাগো লগে যোগ দিতে পারে, এইটা ভাইব্যা দেখেন।'

আবদুর রহমান বলেন, 'ইনিরা ত নমিনেশন পাওয়ার লিগা দরখাস্তই করে নাই, আর ওই জ্যানারেল, ওই জ্যানারেল সাহেব উৎসআলাগো নমিনেশনের লিগা দরখাস্ত করছে, সেইখানে নমিনেশন পাওনের লিগা লাইগ্যা রইছে। আমাগো লগে কুঅপারেশন করে নাই, অনেক ডাকছি এই দিকে আসে নাই।'

রজ্জব আলি বলেন, ‘কুদরত আলি চৌধুরী রাজ্যকার আছিল, খোজাবংশে আছিল, উৎসআলাগো লগেও আছিল; তবে তিনি প্রবীণ অ্যাক্সপেরিয়েন্সড পলিটিশিয়ান, দ্যাশে অত্যন্ত শ্রদ্ধেয় মানুষ, সে এইবার কোনো দল থিকা নমিনেশন চায় নাই, তারে নিলে আমাগো সুবিধা হইব।’

মহাজননেত্রী বলেন, ‘তায় সঙ্গে আমার চাচা-ভাতিহ সম্পর্ক, এখনই তারে আমি টেলিফোন কইর্যা আমাগো দল থিকা দারাইতে রিকুয়েস্ট করি। আমার রিকুয়েস্ট চাচা ফেলতে পারবো না।’

আবদুল হাই বলেন, ‘তারে যেইখান থিকা দারাইতে দিবেন সেইখানে কফিলউদ্দিন মিয়া আমাগো অত্যন্ত ভাল ক্যান্ডিডেট, সে সব সময় আমাগো দল করে, দলরে সে অইখানে টিকাই রাখছে, কুদরত আলি চৌধুরী সাহেবকে সেইখান থিকা নমিনেশন দিলে কফিলউদ্দিন বিগড়াইয়া যাইতে পারে।’

মহাজননেত্রী বলেন, ‘দলের জইন্যে এইটুকু স্যাক্রিফাইস ত করতেই হবে, পাওয়ারে যাওয়ার জইন্যে সব রকমের স্যাক্রিফাইসের জইন্যে রেডি থাকতে হবে। কফিলউদ্দিন মিয়ারে আমি বুঝ মানাই দিব, পাওয়ারে আসলে তারে বড় কিছু দিলেই হইবো।’

আবদুর রহমান বলেন, ‘টেলিফোন কইর্যা দেখি চৌধুরী সাবরে পাওয়া যায় কি না। পাইলে এখনই কথাটা ফাইনাল হইতে পারে।’

সেলুলার টিপে টিপে সেলুলারটা তিনি মহাজননেত্রীকে দেন।

মহাজননেত্রী বলেন, ‘আসসালামাইকুম চাচা, আমারে চিনতে পারছেন? আপনার শরীরটা ভাল ত?’

কুদরত আলি চৌধুরী বলেন, ‘তোমার গলা চিনতে পারুম না অতটা বুড়া আইজও হয় নাই, আই অ্যাম নট সো ওল্ড অ্যাজ আদার্স থিংক, তোমার পার্টি ত এইবার পাওয়ারে বাইব, তুমি প্রাইম মিনিস্টার হইবা, এইটা আমি তোমারে বইল্যা রাখলাম। আর কংগ্রেসুলেট ইউ।’

মহাজননেত্রী বলেন, ‘সেইটা আপনার দোয়া, চাচা। পাওয়ারে আমরা না গেলে দ্যাশটা আর ঠিক থাকবো না, তবে আপনেনে ছারা আমি পাওয়ারে কীভাবে যাই, আপনেনে লইয়াই পাওয়ারে যাইতে চাই, চাচা।’

কুদরত আলি চৌধুরী বলেন, ‘আমি ত এইবার পলিটিস্স থিকা দূরে আছি, আই এনজয়ড্ এনাক পাওয়ার ইন মাই লাইফ, এখন মরনের আগে একটু রেস্ট লইতে চাই, পাওয়ার আর ভাল লাগে না।’

মহাজননেত্রী বলেন, ‘আপনে রেস্ট নিলে দ্যাশ চলবো কি কইর্যা, চাচা? আপনারে এইবার আমার দল থিকা ইলেকশন করতে হইব, আপনেনে ছারা আমাগো চলবো না। এইবার আমরা আপনেনে লইয়াই পাওয়ারে যাইতে যাই, আপনে না করলে হইব না।’

কুদরত আলি চৌধুরী বলেন, ‘আমি ত নমিনেশন পাওনের দরখাস্ত করি নাই, সময় ত শ্যাষ হইয়া গেছে।’

মহাজননেত্রী বলেন, 'চাচা, আপনি রাজি হন, এখনই আমি আপনার কাছে ফর্ম পাঠাই দিতেছি, আপনার আসতে হইব না, খালি সবই কইর্যা দিবেন, বাকিটা আমরাই করবো। খালি আপনার সাইনটা চাই, চাচা।'

কুদরত আলি চৌধুরী বলেন, 'ঠিক আছে, তুমি যখন বলতেছ তখন আর না করি কেনে। ফর্মটা পাঠাই দেও, আমি দারামু।'

'আসসালামাইকুম' বলে সেলুলার রেখে মহাজননেত্রী বলেন, 'আমরা একজন শিউর ক্যান্ডিডেট পাইলাম, পাওয়ারে যাইতে হইবই।'

কুদরত আলি চৌধুরীর জন্যে একটি ফর্ম পাঠিয়ে দেয়া হয়, একটা সিট শিউর।

ক্যান্ডিডেটদের ইন্টারভিউ শুরু এর পর। অই ইন্টারভিউ বোর্ডে যেই সব কথাবার্তা হয় সেই সব কথাবার্তা টপ সিক্রেট, বাইরে বলন যায় না। আমরা দূর থিকা যা শুনছি, জনগণ আমরা, আমাগো শুনায় ভুল হইতে পারে, বলনেও ভুল হইতে পারে, তার দুই একটা কথা বলন যায়। তবে এইটা খুব গোপন কথা, মনে করতে হইব আমরা কিছু শুনি নাই আমরা কিছু বলি নাই, সব কিছু ভিতরে চাইপ্যা রাখছি।

ক্যান্ডিডেট আবদুল কাদের মিয়া নমিনেশন পাওয়ার জইন্যে ইন্টারভিউ দিতেছেন।

মহাজননেত্রী জিজ্ঞেস করেন, 'আপনের কপ্টিটিউয়েন্স থিকা আরও চাইরজন দারানের জইন্যে দরখাস্ত করছে, আপনে কি তাগো থিকা বেশি ভোট পাইবেন?'

আবদুল কাদের মিয়া বলেন, 'আল্লামার রহমতে নিশ্চয়ই আমি তাগো থিকা বেশি ভোট পামু, অই সিটে আমিই জিতুম, আমি পর পর তিনবার এমপি হইছি অই সিটে, আমার থিকা পপুলার পাওয়ারফুল আর কেহ নাই অইখানে। আমি মহাজননেত্রীকে আমার একমাত্র নেত্রী বলে অনেক দিন থিকাই মাইন্যা নিছি। মহাজননেত্রীই খালি দ্যাশরে ঠিক মতন চালাইতে পারেন।'

আবদুর রহমান জিজ্ঞেস করেন, 'আইচ্ছা ভাই, আপনে খোজাবংশ থিকা এমপি হইছেন, উৎসআলাগো এমপি হইছেন, এইবার এইবংশে আসতে চাইতেছেন কেন? আপনে কি মনে করেন এইবার আমরা পাওয়ারে যামু?'

আবদুল কাদের মিয়া বলেন, 'আমি জনগণমনবংশে আসতে চাই, কারণ এইটাই আসল বংশ, এই বংশ ফ্রিডম ফাইটিং করছে দ্যাশে স্বাধীন আনছে, এই বংশ না থাকলে বাংলাদ্যাশ আইজও পাকিস্থান থাকত, আমরা পাকিস্থান থাকতাম, এই বংশ আমাগো বাদলি বানাইছে, আমরা বাদলি আমরা পাকিস্থানি না, পাঞ্জাবিগো পায়ের তলে বাদলি থাকতে পারে না, আর মহাজননেত্রী দুনিয়ার এক নম্বর নেত্রী, তার পায়ে মাথা রাইখ্যা আমি বাকি জীবন পলিটিক্স করতে চাই, পিপলের স্যাবা করতে চাই। মাইনমেরই ভুল হয় আমারও ভুল হইছিল, সেই জইন্যে আগে আসতে পারি নাই, তয় এখন মহাজননেত্রীর পায়ে মাথা রাখতে চাই। এইবার আমরা পাওয়ারে যামুই, উৎসআলাগো, কোনো চান্স নাই, আমি অই বংশরে ছাইর্যা দিছি, অই বংশ ড্যামোক্রেসিতে বিশ্বাস করে না, তারা ডিষ্টেটরশিপে বিশ্বাস করে।'

নিজামউদ্দিন আহমদ বলেন, 'কাদের মিয়ারে প্রশ্ন করনের দরকার পড়ে না; তার লগে আমাগো আগে থিকাই কথা হইয়া আছে। তিনি দশ পোনরো বছর ধইর্যা

অইখানের সবচাইতে পাওয়ারফুল সবচাইতে পপুলার পলিটিশিয়ান, এইটা সারাদ্যাশের মানুষ জানে। তারে হারাইয়া উৎসআলারা হয় হয় করতেছে। এইবার তিনি আমাগো বংশে আসছেন এইটা আমাগো ভাইগ্য। তারে অরা মস্ত্রী করে নাই, করছে যার কোনো পপুলারিটি নাই, সেই মাতাল মমতাজ আলিরে; তিনি এইটা সহ্য করতে পারেন নাই, কোনো জেনুয়িন পলিটিশিয়ানই এইটা সহ্য করতে পারে না।'

রজ্জব আলি বলেন, 'কাদের ভাইয়ের সব কথাই ত আমরা জানি, তার লগে সব কথাই আমাগো হইয়া আছে, আগে থিকাই ঠিক হইয়া আছে কাদের ভাই আমাগো ক্যাবিডেট হইবেন। তিনি উৎসআলাগো বংশে ভাসন ধরাই দিছেন, তার দিকে আর উৎসআলাগো ফিউচার নাই।'

মহাজননেত্রী বলেন, 'কাদের ভাই, আপনার এলাকার সিচুয়েশন কেমন, একটুখানি বলেন ত।'

কাদের মিয়া বলেন, 'আমার আর আমার পাশের তিনটা সিটে উৎসআলাগো এইবার রিটার্ন করার কোনো পসিবিলিটি নাই, কারণ আমরা যারা পাশ করতাম তারা মহাজননেত্রীর জনগণমনবংশে যোগ দিছি। আমাগো অইখানে পাশ করার লিগা তিনটা জিনিশ খুবই দরকার।'

মহাজননেত্রী জিজ্ঞেস করেন, 'জিনিশগুলি কি?'

কাদের মিয়া বলেন, 'প্রথম যেই জিনিশটা দরকার, সেইটা হইল ট্যাকা, ট্যাকা ছারা পলিটিক্স করন যায় না, ট্যাকা থাকলে ভোটার আছে ভোট আছে, তারপর দরকার হইল ক্যাডার, ট্যাকা থাকলে ক্যাডার পাওন যায় আর ক্যাডার থাকলে ভোট পাওন যায়, ক্যাডার ছারা ড্যামোক্রেসি চলে না পলিটিক্স চলে না, সব শ্যাষে দরকার হইল পপুলারিটি, এইটাও থাকন দরকার। খোদার রহমতে এই তিনটা জিনিশই আমার আছে।'

আবদুল হাই বলেন, 'কাদের ভাই সেইটা আমরা জানি। আপনারে নমিনেশন আগে থিকাই আমরা দিয়া রাখছি। পার্টিরে আপনে যেই চান্দা দিছেন, তাতেই বুঝা যায় আপনে শিউর পাশ করবেন। তয় আরো কিছু চান্দা দরকার।'

আবদুল কাদের মিয়া বলেন, 'না, বেশি আর কি দিছি, মাত্র পাচ কোটি, আরও পাচ কোটি ট্যাকা আমি নিয়া আইছি পার্টির লিগা, আইজ বিকালেই জায়গা মতন নিয়া আসবো। পলিটিক্সে আসনের আগেই আমি বুঝছি ট্যাকা ছারা পলিটিক্স করন যায় না, অইটা দরকার আগে, তাইলেই পিপলের ন্যাতা হওন যায়।'

এইরকম ইন্টারভিউ কয়েক দিন ধইরয়া চলতেছে। ওই দিকে শক্তির উৎসবাদী রাজবংশের নমিনেশন দেওনও শুরু হয়ে গেছে। আমরা বন্ধ পাগল হয়ে উঠতেছি, নমিনেশনের চ্যাহারা দেইখ্যা বুঝতেছি এইবার রিয়েল পলিটিক্স হইতেছে, কে যে কোন জায়গায় নমিনেশন পাইব আলাও জানেন না। ওনা কইরয়া ফেললাম মনে হয়, তিনি নিশ্চয়ই জানেন, কিন্তু আমরা তা বুঝতে পারতেছি না।

ইন্টারভিউর তিন না চাইর দিন সেলুলারে একটা চাঞ্চল্যকর খবর আসে মহাজননেত্রীর কাছে, তিনি আনন্দে কাঁপতে থাকেন।

মহাজননেত্রী সেলুলার আবারার নিচে কানের কাছে নিয়ে হাতে তসবি টিপতে টিপতে বলেন, 'হেলো।'

ওই দিকের কর্ণ বলে, 'মহাজননেত্রী, বড় খবর আছে, উৎসআলাগো অফিসের গেইটের কাছে থিকা বলতেছি, উৎসআলারা জ্যানারেল কামরুদ্দিন সাবরে নমিনেশন দেয় নাই, আমরা তারে রাস্তায় ধরছি, তারে আমরা লইয়া আসতেছি।'

মহাজননেত্রী বলেন, 'তারাতারি লইয়া আসো, এইটাই আশা কইর্যা আছিলাম, সে শিউর পাশ করবো, তারাতারি লইয়া আসো।'

তারা সময় নষ্ট না ক'রে জেনারেল কামরুদ্দিনকে নিয়ে ইন্টারভিউ বোর্ডে উপস্থিত হয়, রাস্তায় ফুলের তোড়া আর মালা কিনতে যা দেরি হয়। মহাজননেত্রী ও রাজপুরুষেরা তাঁকে অভ্যর্থনা জানান।

মহাজননেত্রী বলেন, 'আপনে আমাগো এইখানে আগেই দরখাস্ত করলে আপনাকে এই কষ্টটা করতে হইত না। আমরা আপনার কথা অনেক দিন ধইর্যাই বলাবলি করতেছিলাম, এই জইন্যে প্রত্যেক দিন লোকও পাঠাই দিছি খবর নিতে আপনার কি হইল। আপনারে আমাগো দল থিকা নমিনেশন দিলাম, আপনে শিউর পাশ করবেন, এইবার আমরা পাওয়ারে যাব, আমরা পাওয়ারে গেলে আপনে মিনিস্টার হবেন।'

জেনারেল কামরুদ্দিন স্যালুট দিয়ে বলেন, 'আই অ্যাম রিয়েলি শ্রেইটফুল টু ইউ, আওয়ার মহাজননেত্রী, আই শ্যাল রিমেইন অবিডিয়েন্ট টু ইউ টিল মাই ডেথ। ইউ আর ও গ্রেট লিডার, এইবার আমরা পাওয়ারে যাবই। আই অ্যাম সরি ফর মাইসেঞ্চ দ্যাট আই অ্যাপ্রাইড ফর দেয়ার নমিনেশন, দে আর দি এনিমিজ অব দি কান্দি, আমি এখন বুঝতে পারছি ইউ আর দি হার্ট অব দি কান্দি, ইউ আর দি প্রিন্সেস হু উইল বি দি কুইন, আই শ্যাল সার্ব ইউ অ্যাজ ইউর সার্ভেন্ট। আমি আপনার দোয়া চাই।'

জেনারেল কামরুদ্দিন বাড়ি থিকা বাইর হইছিলেন মহাদেশনেত্রীর ওপর গভীর বিশ্বাস পোষণ করে, তাঁরে টিল ডেথ সার্ব করার জইন্য, আর বাড়ির দিকে রওনা হলেন মহাজননেত্রীর ওপর গভীর আস্থা পোষণ ক'রে, তাঁরে টিল ডেথ সার্ব করার পরতিগ্যা কইর্যা।

পলিটিক্সে ফাইনাল কথা ব'লে কিছু নাই, সকাল বিকাল পলিটিক্সে এক জিনিশ না। পলিটিক্স ডাইনামিক ব্যাপার, একখানে দাঁড়াই থাকে না।

এখন ইন্টারভিউ দিচ্ছেন আহমদ আলি পটন; তিনি দ্যাশের এক জেলার মহানোতা, ট্যাকা আর ক্যাডারের অভাব নাই।

আবদুর রহমান বলেন, 'পটন ভাই, আমরা খবর নিছি যে ওইখানে আপনাই পাশ করবেন, তয় ট্যাকাপয়সা ক্যাডার কেমন আছে আপনার?'

আহমদ আলি পটন বলেন, 'ট্যাকাপয়সা ক্যাডার ছাড়া পলিটিক্স হয় না, এই দুইটা আমার আছে, পপুলারিটিও আছে। ভোটের ভাইরা আমার নাম ছাড়া অন্যের নাম লয় না, লওনের সাহস নাই।'

কলিমউদ্দিন মৃধা জিজ্ঞেস করেন, 'ভাই, তাইলে এইবার আপনে ক্যাডার ইউজ করবেন নি?'



আহমদ আলি পটন বলেন, 'ক্যাডারের ইউজ নানা সময় নানা রকমের হয় আমরা পলিটিশিয়ানরা জানি। ক্যাডার থাকতে হয়, সময় বুইঝা ইউজ করতে হয়, যখন যেই রকম দরকার হয়। এইবার হইল নিরপেক্ষ অবাধ ড্যামোক্রটিক ইলেকশন, এইবার ক্যাডাররা কাটা রাইফেল নিয়া দৌড়াদৌড়ি করব না, ঠাস ঠাস কইর্যা লোক ফ্যালবো না, এইবার তারা ড্যামোক্রটিক প্রসেসে কাজ করবো। সবার স্যাবা করবো, পিস কোরের মতো স্যাবা করবো, কিন্তু ক্যাডার থাকতে হইব, কখন কি হয় বলন ত যায় না।'

রজ্জব আলি জিজ্ঞেস করেন, 'ইলেকশনে খরচ কেমন করতে পারবেন, পার্টিরে কেমন চান্দা দিতে পারবেন ভাই, পার্টি ট্যাকার অভাবে কষ্টে আছে।'

আহমদ আলি পটন বলেন, 'ইলেকশনের খরচের জইন্যো পাচ সাত কোটি ধইর্যা রাখছি, লাগলে আরও খরচ করুম, আর পার্টিরে পাচ সাত কোটি চান্দা দিমু বইল্যা ঠিক কইর্যা রাখছি।'

আবদুর রহমান বলেন, 'ভাই আপনার কথা শুইন্যা খুশি হইলাম, নমিনেশন আপনে পাইবেন। পার্টির ফান্ডের অবস্থা অইত্যন্ত খারাপ, আরও কিছু বাড়াই দিয়েন ভাই।'

আহমদ আলি পটন বলেন, 'চাচা, আপনে যখন বলতেছেন তখন ত দিতেই হইব, তয় হাত পাও ধইর্যা রিকুরেস্ট করতেছি আমারে নমিনেশন দিয়েন। পাশ ত আমি করবই, আমারে কেউ হারাইতে পারবো না।'

মহাজননেত্রী বলেন, 'তা আমরা জানি ভাই, আপনে গিয়া ক্যাম্পেনের কাজ শুরু করেন, এইবার আমাদের পাওয়ারে যাইতে হবে।'

এই রকমভাবে অত্যন্ত গোপনীয়তার সঙ্গে জনগণমন বংশের ইন্টারভিউ চলতে থাকে, আমরা গরিব জনগণরা শহরের অক্লান্ত কাকের মতো ছিটারফোঁটা খবর পাইয়া মেতে ওটতে থাকি।

ওই দিকে বসছে শক্তির উৎসবাদী রাজবংশের ইন্টারভিউর বোর্ড; সেইখানেও একই রকম ড্যামোক্রটিক প্রসেসে নমিনেশন দেওয়া হইতেছে। সেইখানেও গমগমের শ্যাম নাই, সেইখানেও সব কিছু কাঁপতেছে, পাওয়ার, পাওয়ার, পাওয়ার শব্দ হইতেছে, আগামী কইলই পাওয়ারে যাইতে পারলে ভালো হইত, কিন্তু যাওন যাচ্ছে না, ইলেকশন কইর্যা যাইতে হবে।

আমরা গরিব জনগণরা কি কইরা জানবো সেইখানে কি হইতেছে? তবে আমরা কান খাড়া ক'রে থাকি ব'লে দূরের শব্দও অল্পখল্প শোনতে পাই। সেই শোনা কথাই বলতেছি, দেখা কথা বলতেছি না। দেখনের ভাইগ্য কি আমাগো আছে? আমাগো কথায় একটু নিমক লাগাই লইতে হবে।

ইন্টারভিউ নিচ্ছেন মহাদেশনেত্রী, অধ্যক্ষ রক্তম আলি পণ্টু, অবজেনারেল কেরামতউদ্দিন, সোলায়মান হাওলাদার, মোহাম্মদ কুদ্দুস চৌধুরী, ব্যারিস্টার কুদরতে খুদা, ডঃ কদম রসুল প্রমুখ রাজপুরুষেরা।

মহাদেশনেত্রী স্থির শ্মিত বিষণ্ণ নিঃসঙ্গ সুদূর মহারানীর মতো ব'সে আছেন! তিনি চোখে কী যেনো দেখতে পাচ্ছেন, আবার পাচ্ছেন না, আবার দেখতে পাচ্ছেন, আবার

পাচ্ছেন না; একবার কিছুই দেখতে পাচ্ছেন না। এই রকম সময় মানুষের এই রকমই হয়। চারপাশকে এক সময় তাঁর ধ্বংসস্বপ্ন মলভূপের মতো মনে হয়, ঘুমিয়ে পড়তে তাঁর সাধ হয়; জেগে থাকতে তিনি ক্লান্তি বোধ করেন।

অধ্যক্ষ রুস্তম আলি পল্টু বলেন, 'আমাগো নমিনেশন দিতে হইব ২৭০ জন ক্যান্ডিডেটের, তার মইধ্যে ২০০ জনের নাম আমরা বইস্যা আগেই ঠিক কইর্যা রাখছি, মহাদেশনেত্রীর হাতে ১৫টা সিট রাইখ্যা দিছি, আমাগো আসলে পাচপান্নটা সিটের জইন্যে ক্যান্ডিডেট নমিনেশন দিতে হইব। আমাগো কম্পিটেন্ট ক্যান্ডিডেটের অভাব নাই, সংসদে ১০০০ সদস্য থাকলে ভাল হইত।'।

জেনারেল কেরামতউদ্দিন বলেন, 'ইটুস্ রিয়েলি এ ভেরি ডিফিকাল্ট টাস্ক, দ্যায়ার আর সো মেনি ব্রাইট ক্যান্ডিডেটস্, আমাদের ক্যান্ডিডেট অ্যাভাউট পাচ হাজার, তার মইধ্য থেকে ফিফটি ফাইভ ক্যান্ডিডেটকে নমিনেশন দেয়া রিয়েলি ভেরি ডিফিকাল্ট, বাট আই অ্যাম শিউর উই ক্যান ডু দ্যাট, মহাদেশনেত্রী উইল শো আস দি রাইট ওয়ে টু ডু দিস অ্যাজ শি হ্যাজ অলোয়েজ শৌন।'।

মহাদেশনেত্রী সিদ্ধভাবে হাসেন; রাজপুরুষেরা কেউ তা দেখতে পান না, তাঁর হাসি দেখার অধিকার তাঁদের নেই বইলাই গুনছি। দুনিয়ায় কত সৌন্দর্যই এইভাবে নষ্ট হইয়া যায়, আবর্জনার উপর শেফালি ঝইরা পড়ে, মলের টুকরার উপর আইসা পড়ে চান্দে'র আলো, সুন্দরীরা ঘুমায় কোটিপতি কুষ্ঠরোগীর বিছনায়।

ডঃ কদম রসুল বলেন, 'এই ডিফিকাল্ট কাজ করনের জইন্যে আমরা আমাগো প্রিন্সিপালগুলি কাজে লাগাইব, তখন ইট উইল বি ইজি টু নমিনেট দি রাইট ক্যান্ডিডেটস্। এইর আগেও আমাগো ক্যান্ডিডেটের অভাব হয় নাই, ফিউচারেও অভাব হইব না, আমরা পাওয়ারে যাওনের পার্টি।'।

অধ্যক্ষ রুস্তম আলি পল্টু বলেন, 'ডাক্তার রসুল ভাই প্রিন্সিপালগুলির কথা মনে করাই দিয়া কাজ সহজ কইর্যা দিলেন। আমরা ক্যান্ডিডেটগো রিয়েল পাওয়ারগুলি দেখবো, ট্যাকা আছে কি না, চান্দা কত দিবো, ক্যান্ডিডেটের জোর কেমন, আর দেখুম তার হিস্টরি, পাকিস্থানের জইন্য দরদ আছে কি না, ইসলামে বিশ্বাস কতখানি, ইন্ডিয়ান শত্রু কি না, আমাগো দলে কত ব্যচ্চর আছে, আগে কোন কোন দল করতো। এই পরয়েন্টগুলো দেখলে ডিফিকাল্টি হইব না।'।

মহাদেশনেত্রী বলেন, 'পলিটিক্সে ডিফিকাল্টি ব'লে কোনো কথা নাই।'।

অধ্যক্ষ রুস্তম আলি পল্টু বলেন, 'মহাদেশনেত্রীর কাছে আমি আমার নত কইর্যা কৃতজ্ঞতা জানাই তিনি আমাদের পলিটিক্সের একটা মূল প্রিন্সিপাল মনে করাই দিছেন বইল্যা, তিনি মনে করাই না দিলে আমরা বিষয়টারে ডিফিকাল্ট ভাইব্যা ডরাইতাম, এখন ডরানের কিছু দেখতেছি না।'।

সোলায়মান হাওলাদার বলেন, 'আমাদের রাজবংশের যিনি ফাউন্ডার, তারে আমরা কৃতজ্ঞতার সঙ্গে স্মরণ করি, তিনিই আমাদের এই মূল প্রিন্সিপালটি দিয়া গেছেন, তার সামনে ডিফিকাল্ট বইল্যা কিছু ছিল না, পাচ দশ মাইল হাটন তার কাছে ডিফিকাল্ট ছিল না, যেইখানে আমরা আধমাইল হাটলেই প্যাটের ভারে বইস্যা পরি সেইখানে

তিনি এক ঘন্টায় দশ মাইল হাটতেন, হেলিকপ্টারে চরতে আমরা ডরাই তিনি ডরাইতেন না। মাটি কাটতে মাছ কাটতে আমরা ডরাই তিনি ডরাইতেন না, ডর বইল্যা তার কিছু ছিল না।'

মোহাম্মদ কুন্ডুস চৌধুরী বলেন, 'আমাদের গ্রেট লিডার, গ্রেটেস্ট পলিটিশিয়ান অফ দি কাউন্ট্রি উইল লিড আস টু ভিক্টরি, হি ইজ উইথ আস, হি ইজ গিভিং আস অর্ডার ফ্রম অ্যাভার, তার প্রিন্সিপাল মাইন্যা চললে কিছু ডিফিকাল্টি হবে না।'

এখন ইন্টারভিউ দিতেছেন মোহাম্মদ ইউসুফ আলি চৌধুরী

অধ্যক্ষ রুস্তুম আলি পল্টু বলেন, 'ভাই, আপনার সব খবরই আমাগো জানা, আপনার পাওয়ার আর পপুলারিটির কথা দ্যাশের পিপল জানে, তবু কয়টা কথা কই, আপনার থিকা আবার জাইন্যা নই।'

ইউসুফ আলি চৌধুরী বলেন, 'তা জানানোর জইন্যেই ত আসছি মাননীয় মহাদেশনেজীর সামনে, তার সামনে আসতে পাইয়া জীবন ধইন্যা হইল, আপনারা আমার সবই জানেন, আবার জানাইবার সুযোগ পাইলে আমি খুশি হব।'

কেরামতউদ্দিন বলেন, 'মিস্টার চৌধুরী উই ওয়ান্ট টু নো ইউর রিয়েল পাওয়ারস্, দ্যাটস্ চান্দা কত দিতে পারবেন, ইউ নো আওয়ার পার্টি ফান্ড ইজ অলমোস্ট এম্পটি, ইলেকশনে খরচ কেমন করতে পারবেন, আর আপনার ক্যাডারদের অবস্থা কি? ক্যাডারস্ আর ডের ইম্পরটেন্ট। এইগুলি হচ্ছে একজন সাকসেসফুল পলিটিশিয়ানের রিয়েল ফাউন্ডেশন অন হুয়িচ হি স্ট্যান্ডস্ লাইক এ জায়েন্ট। আমরা শিউর যে আপনে একজন পলিটিকেল জায়েন্ট।'

ইউসুফ আলি চৌধুরী বলেন, 'আল্লার রহমতে আর আপনেগো দোয়ায় এইগুলির কোনোটারই আমার অভাব নাই, ট্যাকা, ক্যাডার, পপুলারিটি সবই আমার আছে। পার্টিরে দশ পোনোরো কোটি চান্দা দেওনের জইন্যে আমি রেডি হইয়া রইছি, মানি ইজ নো প্রব্লেম, ইলেকশনে বেশি খরচ এইবার করন যাইবো না ওনছি, তর দশ পোনোরো কোটির নিচে চলবো না। আমার ক্যাডাররা ট্রেইনিং পাওয়া ক্যাডার, তারা স্যাবা করনে যেমন এক্সপার্ট তেমনই একস্পার্ট আসল কাজে। এই সব দিকে কোনো প্রব্লেম নাই।'

অধ্যক্ষ রুস্তুম আলি পল্টু বলেন, 'এই সবই আমি জানি ভাই, বেড়াইতে গিয়াই ত সব দেইখ্যা আসলাম। ভাই চান্দাটা কবে দিতে পারবেন?'

ইউসুফ আলি চৌধুরী বলেন, 'দেশি কারেন্সিতে এইবার দিমু না ডলারে?'

অধ্যক্ষ রুস্তুম আলি পল্টু বলেন, 'হাফ হাফ ভাই, দেশিতে হাফ ডলারে হাফ দিয়েন পাওয়ারে আমরা অল্প দিনের মধ্যেই যাইতেছি, আমাগো ক্যাভিডেটগো খরচপাতি তখন উঠাই লওন যাইব। যান ভাই, চিন্তা কইরেন না, আপনে নমিনেশন পাইলেন।'

আরেক ক্যাভিডেট সাক্ষাৎকার দিতেছেন, যেই সব কথা হইতেছে তার একটু আধটু আমরা শোনতে পাইতেছি।

সোলায়মান হাওলাদার জিজ্ঞেস করেন, 'আইচ্ছা, আপনার পাকিস্তান আর ইন্ডিয়া সম্পর্কে মত কি?'

ক্যাভিডেট বলেন, 'পাকিস্তান আমাদের ফ্রেন্ড ইন্ডিয়া আমাদের এনিমি। পাকিস্তান মুসলমানের দ্যাশ বাংলাদ্যাশও মুসলমানের দ্যাশ, মুসলমান মুসলমান ভাই ভাই, ইন্ডিয়া পাকিস্তান ভাঙছে, পাকিস্তান ভাঙনের লিগা ইন্ডিয়া সেভেনটি ওয়ানে হেল্ল করছিল। ইন্ডিয়ায় বিশ্বাস নাই। তবে ইন্ডিয়ার লগে মারামারি করন যাইব না, মোখে মোখে ইন্ডিয়ার বিরুদ্ধে কথা কইতে হবে, ভিতরে ভিতরে খাতির রাখতে হবে, এই পলিটিস্কে আমি বিশ্বাস করি।'

ব্যারিস্টার কুদরতে খুদা বলেন, 'ইউ আর এ ভেরি নলোজেবল পলিটিশিয়ান, ইউর সেস অব হিস্ট্রি অ্যান্ড ফরেন পলিসি ইজ প্রফাউন্ড, ইউ শুড গো টু দি পার্লামেন্ট।'

এইরূপে নমিনেশন দিতে দিতে উৎসবদী বংশের নমিনেশন দেওয়ার কাজ শ্যাম হয়, ডিফিকাল্ট কাজ তাঁরা সহজেই শ্যাম করেন। কোনো ডিফিকাল্টি হয় নাই, পথ দেখানের জইন্যে তাঁদের প্রদর্শক আছেন।

রাজাকার রাজবংশের কোনো ইন্টারভিউ হয় না। ড্যামোক্রেনি হইছে কুফরি, ড্যামোক্রেনি হইল নাছারা ইহুদিদের ইসলামের বিরুদ্ধে ষড়যন্ত্র, এইটা তারা দ্যাশ থিকা দূর কইর্যা দিবে, একদিন যখন তারা তলোয়ার দিয়া দ্যাশ দখল কইর্যা ফেলবে তখন ড্যামোক্রেনির গুয়োরটারে শ্যাম করবো; এখন উপায় নাই কুফরি ড্যামোক্রেনির পলিটিস্ক তাগো করতে হইতেছে, ইলেকশন করতে হইতেছে, দারাইতে হইতেছে, আল্লার নামে ভোট চাইতে হইতেছে, এইটা কুফরি, আল্লার ভোট চাইতে হইবো ক্যান? সব ভোটই ত আল্লার। তবু ইলেকশন করতে হইতেছে, কিন্তু ইন্টারভিউর দরকার নাই, আল্লার লোকজনের নাম আগে থিকাই ঠিক করা আছে, খালি তাগো নামগুলি জানাই দিলেই চলবে।

রাজাকার রাজবংশের ওয়ার মজলিস বসে।

এক নম্বর আমির, দুই নম্বর আমির, আর আর পবিত্র পলিটিশিয়ানরা টুপি আসকান আতর ইত্যাদির মইধ্যে সেজেগুজে বসেন।

আমির অধ্যাপক আলি গোলাম প্রথমে আল্লার সমস্ত প্রশংসা করেন, তাঁরে ধইন্যবাদ দেন, তাঁর দোয়া চান, আর নাছারাদের ইলেকশনে অংশ লওয়ার জইন্যে মাফ চান। নিশ্চয়ই তিনি মাফ করবেন, তিনি দয়ালু ও ক্ষমাশীল।

আমির বলেন, 'নাছারাদের ইলেকশন কুফরি, তবু এই ইলেকশনে আমরা অংশ নিতেছি কেননা আমরা আল্লা আর আবু আলার দ্যাশ স্থাপন করতে চাই, এখন দ্যাশে আমাদের পপুলারিটি বৃদ্ধি পাইয়াছে, পারায় পারায় মসজিদ উঠিছে, মানুষ দিনরাত সালাত পড়িছে, এইবার আমাদের অবস্থা অনেক ভাল। ইনশাল্লা আমরা একশো সিট পাইব, আর আগামী ইলেকশনে আমরা দুইশো সিট পাইব, তখন আমরা পাওয়ারে যাইয়া আবু আলার ইসলামি রাষ্ট্রে স্থাপন করিব।'

উপস্থিত সবাই বলেন, 'আলহামদুলিল্লা, আল্লার রাষ্ট্রে স্থাপনে দেরি হইতেছে বলিয়া আমরা কষ্ট পাইতেছি, আল্লা আমাদের মাফ করিবেন।'

আমির বলেন, 'ইলেকশন দিয়া আল্লার রাষ্ট্রে স্থাপন করা ইমানের দুর্বলতা, এই রাষ্ট্র মানুষেরে তোশামোদ কইর্যা স্থাপন করতে হয় না, আল্লার রাষ্ট্রে আল্লার শক্তিতে জোর

কইর্যা স্থাপন করিতে হয়, যাহারা বাধা দেয় তাহাদের মন্তক ছিন্ন করিতে হয়, কিন্তু আমাদের সেই শক্তি নাই, একদিন আল্লা শক্তি দিবেন।’

সবাই হু হু করে কেঁদে ওঠেন, চোখ মুছতে মুছতে বলেন, ‘হে আল্লা, আমাদের সেই শক্তি দান করুন, যাহাতে আমরা ইমানের জোরে তলোয়ারের জোরে আপনার রাষ্ট্রে স্থাপন করিতে পারি। হে আল্লা, আমাদের তলোয়ার দান করুন, যেমন তলোয়ার আপনে দিয়াছিলেন তারেকেরে, খালেদেরে, কাশেমেরে, বকতিয়ার খিলজিরে; যেই তলোয়ার আপনে দিয়াছেন তালেবানেরে।’

আমির বলেন, ‘এইবার আমি সেই সব মমিন ন্যাতাদের নাম পড়িতে জনাব মওলানা রহমত আলি ভিত্তিরে আদেশ দিতেছি, যাহারা এইবার আল্লার নামে ইলেকশনে দারাইবেন।’

সবাই বলেন, ‘আলহামদুলিল্লা।’

মওলানা রহমত আলি ভিত্তি আমির সাহেবের থেকে অনেক বলিষ্ঠ, তিনি এর আগে ভোট পেয়েছেন, আমির আলি গোলাম কখনো ভোট পান নাই। তাই তাঁর গলায় জোর বেশি, ইমান বেশি।

রহমত আলি ভিত্তি বলেন, ‘আমাদের ইসলামি রাষ্ট্রে প্রতিষ্ঠা হইবেই, কেহই তাহা থামাইয়া রাখতে পারিবে না, ইনশাআল্লা। এইবার ইলেকশনে আমরা একশো থিকা একশো তিরিশটা সিট পাইব।’

সবাই বলেন, ‘আলহামদুলিল্লা’

রহমত আলি ভিত্তি প্রার্থীদের নাম পড়তে শুরু করেন, মজলিশ ভ’রে মারহাবা মারহাবা আলহামদুলিল্লা আলহামদুলিল্লা ধ্বনি উঠতে থাকে।

ওই ধ্বনিতে চারদিকে মরুভূমি মরীচিকা জ্বলজ্বল করে ওঠে।

খোজাগণতান্ত্রিক রাজবংশের নমিনেশন লইয়া যেই সমস্ত মজার কাণ্ড হয়, তা আর বলনের দরকার নাই।

নমিনেশন হইয়া গেলে আবার মক্কাশরিফ যাওনের পালা আসলো।

আমাগো রাজাবাদশারা আইজকাল রিলিজিয়ন ছাড়া বাঁচতে পারেন না, পাজেরো চলাইয়া গিয়া তাঁরা সালাত কইর্যা আসেন, তগো দমে দমে আল্লাহ। এই পচা মাটি ময়লা খাবড় এমন পাকপবিত্র আর আগে হয় নাই। একদিন এই খাল বিল নদী নালা তাগো সোয়াবে রুব-আল খালি হইয়া উঠবো, সেই দিন দেরি নাই। এমন যদি হইত তাঁরা দিনে পাঁচবার মক্কাশরিফ মদিনাশরিফ জেদ্দাশরিফ রিয়াদশরিফ যাইতে আসতে পারতেন, সেইখানকার বালি কপালে মাথায় শরিলে লাগাইতে পারতেন, পাথরে চুমা খাইতে পারতেন, তাইলে খুব ভালো হইত, আমরা আরো ভোট দিতাম; কিন্তু আইজও সেই সুবিধা হয় নাই, যাইতে আসতে সময় লাগে, জিন নাই বিমানে যাইতে হয়। প্রত্যেক দিন তাঁরা যাইতে পারেন না, পলিটিস্ক করতে গেলেই একবার ওইখানে ঘুইর্যা আসেন, ড্রেস বদলিয়ে আসেন, চেহারা নতুন মেকাপ লাগাইয়া আসেন, দ্যাশটারে তাক লাগাই দ্যান। আমাগো পলিটিস্ক আর রিলিজিয়ন একই ব্যাপার, একটার লগে আরেকটার লাগালাগি নাই, দুইটার মইধ্যে গলাগলি ভাব।

কাদামাটির দ্যাশের পলিটিস্ক করনের জইন্যে যাইতে হয় বালির দ্যাশে। শ্যামলা দ্যাশে ভোট পাওনের লিগা খুইয়া আসতে হয় মরুভূমি। পলিটিস্ক! ড্যামোক্রেসি! একদিন দ্যাশটা রুব-আল খালি হইয়া উঠবো।

ইন্সুলে পড়নের কালে আমাগো বাঁশমওলানা সাব (তিনি একটা মোটা বড়ুরা বাঁশের আট হাতি লাঠি হাতে লইয়া আসতেন, মাটিতে চুশচাশ শব্দ হইত, আমরা তাঁরে বাঁশমওলানা সাব বলতাম)। একটা মছল্লা বলছিলেন, সেইটা আমাগো মনে পড়তেছে। এক শহরে এক পরহেজগার বান্দা আছিলেন, তিনি দিনে পাঁচবার মক্কাশরিফ যাইয়া নামাজ প'ড়ে আসতেন, সবাই তাকে ধন্য ধন্য করতো।

তাঁর একটা জিন আছিল, জিনটা তাঁরে লইয়া যাইতো লইয়া আসতো।

জিনটা একদিন তাঁরে মহাসাগরের এক দ্বীপে নিয়া আটকাইয়া বলে, 'কেয়ামত পর্যন্ত আমি তোমার গোলাম হয়ে থাকবো, তবে আইজ আমারে সেজদা করো, নাইলে এই মহাসাগরের মইধ্যে তোমারে একলা ফেইল্যা যাবো।'

জান বাচানের জইন্যে ওই পরহেজগার জিনরে সেজদা করেন (হায়, হায়, তিনি কী করেন), জিন তাঁর গোলাম হইয়া থাকে, পরহেজগার সাহেব জিনের কান্ধে চইয়া পাঁচবার মক্কাশরিফ যাইয়া আইস্যা নামাজ পড়তে থাকেন। কিন্তু যা হইবার তা হইয়া গেছে, জিনরে সেজদা করায় তাঁর সব শ্যাষ হইয়া গেছে।

তাঁর মাবুদ দুইটা, জিনটাও তাঁর মাবুদ। আমাগো তাগো মাবুদ কয়টা?

ওমরা করনের জইন্যে জনগণমন গণতান্ত্রিক রাজবংশের মহাজননেত্রী মক্কার উদ্দেশ্যে যাইটসন্তরজন লইয়া রওনা হইয়া গেলেন ('এইবার পাওয়ারে যাইতে হইবো, এইবার পাওয়ারে যাইতে হইবো, আল্লা, আমাগো পাওয়ারে বসাও'), আমরা তাঁর মাথা দেখতে পাইলাম না, মাথার চূলে শয়তান থাকে, চুল চাইক্যা রাখতে হয়, মুখের একটুখানি মাত্র দেখলাম, মনে হইল ফেরেশতারা যাইতেছেন। তাঁরা সবাই ফিইর্যা আসলেন আরো বড়ো ফেরেশতা হইয়া, পোশাক বদলাইয়া, মরুভূমি হইয়া, হাতে তসবি লইয়া। তসবি টিপতে টিপতে তাঁরা কী বলেন, আমরা শোনতে পাই না ('এইবার পাওয়ারে যাইতে হইবো, এইবার পাওয়ারে যাইতে হইবো, আল্লা, আমাগো পাওয়ারে বসাও')।

শক্তির উৎসববংশের মহাদেশেনেত্রী আশিনকইজন লইয়া পবিত্র ওমরা করনের জইন্যে মক্কার উদ্দেশ্যে রওনা হইয়া গেলেন ('পাওয়ারে ফিরা যাইতে হইবো, পাওয়ারে ফিরা যাইতে হইবো, পাওয়ার ছারা বাচবো না, আল্লা, পাওয়ার দেও'), তাঁর পোশাক দেইখ্যাও আমরা তাজ্জব হইলাম, তাঁর বিউটিশিয়ানরা ভালো মেকাপ দিয়াছে, শয়তান ঢোকনের পথ নাই, রিলিজিয়ন, পলিটিস্ক ও স্টাইলরে সুন্দরভাবে মিলাইয়া দিয়াছে, আমরা তাঁর মুখ দ্যাখতে পাইলাম না, তবে যতটুকু দ্যাখলাম, তাতে ধর্মের দাগ দেইখ্যা খুশি হইলাম। তাঁর তসবি দেখা যায় না, তাঁরা কী বলেন শোনা যায় না ('পাওয়ারে ফিরা যাইতে হবো, পাওয়ারে ফিরা যাইতে হইবো, পাওয়ার ছারা বাচবো না, আল্লা, পাওয়ার দেও')।

এই সময় হঠাৎ খুন হয়ে গেলো চৌদ্ধখামের ভালো ছেলটি, যে রাজনীতির মতো ভালো কাজে কখনো ছিলো না ব'লেই জানতাম। সে ক্লাশে ফার্স্ট সেকেন্ড হতো, এইটা

খুবই খারাপ, ফার্স্ট সেকেন্ড হ'লে কেউ পলিটিস্ক করে না, প'ড়ে প'ড়ে নিজেকে নষ্ট করে, পলিটিস্ক করলে কেউ ফার্স্ট সেকেন্ড হয় না, হওয়ার দরকার পড়ে না। তার বাবাটি গরিব, ছেলের মুখের দিকে তাকিয়ে মা আর বাবা একটু সুখ পেতো। সুখটুকু পাওয়া ঠিক নয়, একটু দুঃখে থাকা দরকার মানুষের, আর এই দুঃখের দেশে আবার সুখ কী; সে ইকুল থেকে ফেরার পথে খুন হয়ে গেলো। এটা তার দোষ, তাকে খুন করার কারো ইচ্ছে ছিলো না, কিন্তু সে খুন হয়ে গেছে। দু-চারটা খুন না হলে ইলেকশন জমে না। চৌরাস্তায় একটু গোলমাল হয়েছিলো, গোলমালটা চলছিলো দুই বড়ো রাজবংশের ক্যাডারদের মধ্যে, তখন ছেলেটি সেখানে দিয়ে আসছিলো, বেশি নয়, কাটারাইফেলের একটা গুলি এসে তার মাথায় লাগে। ছেলেটি প'ড়ে যায়, তাকে কেউ টেনে তোলে না, হাসপাতালে পাঠায় না; পাঠালেও কোনো লাভ ছিলো, ডাক্তাররা কেউ ছিলেন না, তাঁরা সবাই ঢাকায় প্র্যাকটিস করছিলেন। ছেলেটি মারা যায়। এটা কোনো উল্লেখযোগ্য ঘটনা নয়, গুলিটুলি লেগে মৃত্যু আমাদের দেশে খুবই স্বাভাবিক ঘটনা।

আমরা আগে বুঝতে পারি না যে গরিবগরিব ওই ছেলেটি শহিদ অমর হওয়ার সৌভাগ্য নিয়ে জন্মেছিলো। কিছুক্ষণ পরই আমরা জানতে পারি ছেলেটি শহিদ ও অমর; তার রক্ত দামি, তার রক্তের কণায় কণায় পলিটিস্ক।

সে উল্টেপাল্টে প'ড়ে গেলে আরো কিছুক্ষণ ফাটিয়ে ফুটিয়ে কাঁপিয়ে নড়িয়ে চারপাশ বন্ধ স্তর ক'রে বীর ক্যাডাররা চ'লে যায়। একটা প'ড়ে গেছে, ফেলার ইচ্ছে তাদের ছিলো না, সুষ্ঠু নিরপেক্ষ নির্বাচনের আগে তারা রক্ত ফেলতে চায় নি, কিন্তু প'ড়ে গেছে, এটা তাদের দোষ নয়। তাদের দোষ দিতে পারি না, তারা ছেলেটিকে খুন করতে চায় নি, ছেলেটিই খুন হওয়ার জন্যে সেখানে গিয়ে পড়েছিলো, ওর ভাগ্য খারাপ বা ভালো। ধর্মে আমরা বিশ্বাস করি, বরাতে বিশ্বাস করি, তার জন্যে সারা রাত জেগে থেকে রুতো সোনাদানা চাই, পরের বছরই সেই সব সোনাদানায় আমাদের ঘরবাড়ি ভ'রে ওঠে, রাখনের জায়গা পাই না, সেই স্বর্গীয় বিশ্বাস থেকে বলতে পারি আমরা দুঃখ করতে পারি না, আল্লা এটা তার নামে লিখে রেখেছিলো, তাই গুলি লেগে সে মরেছে। না মরলেই বরং বিশ্বাসে গোলমাল দেখা দিতো। ক্যাডারদের কোনো দোষ নেই, কাটারাইফেল তারা চালিয়েছিলো সেটা তাদের নামে লেখা ছিলো। মানুষের করার কিছু নেই, তিনি যা করান মানুষ তাই করে। তাই কাউকে দোষ দিতে পারি না।

ক্যাডাররা সিগারেট টানতে টানতে নিজ নিজ শিবিরে ফিরে গিয়ে দেখে তাদের নেতারা খুব উত্তেজিত হয়ে অপেক্ষা করছেন। নেতাগুলো কাটা চালাতে পারে না, পারে শুধু মিছে মিছে বক্তৃতা দিতে আর উত্তেজনায় টান টান থাকতে। তাঁরা থানার নেতা, দেশেরও নেতা; ইলেকশনের আগে তাই তাঁদের উত্তেজনা স্বাভাবিক। ক্যাডাররা ঠাণ্ডা, ধীরস্থির, বরফের মতো প্রশান্ত, আর ভয়াবহ।

এক বংশের থানা-নেতা জিজ্ঞেস করেন, 'খবর কি, শোনলাম একটা লাছ পরছে? ঘটনা কি বুঝাই কও।'

বেশন টানতে টানতে এক ক্যাডার বলে, 'হ, পরছে একটা, মাতায় গুলি লাগছে মনে হইতাকে। ফুরাই গ্যাছে লাগতেছে।'

থানা-নেতা জিজ্ঞেস করেন, 'লাছটা কই, লাছটা আনলা না?'

ক্যাডার বলে, 'লাছ দিয়া কি করুম? লাছ ত আনতে কন নাই'।

থানা-নেতা বলেন, 'তোমরা করছো কি? একটা অ্যাছেট ফেইল্যা আসছো। ইলেকশনের আগে এমন্ অ্যাছেট আর পামু কই?'

ক্যাডার বলে, 'লাছ ত পুলিশভাইগো প্রপার্টি, সেইজইন্যা রাইখ্যা আসলাম। জ্যাকেটে রক্ত লাগাইতে ইচ্ছা হইল না।'

থানা-নেতা বলেন, 'ইলেকশনের আগে একটা লাছ পাওন ভাইগ্যের কথা, অইটা আমাগো লাছ, আল্লায় দিছে। যাও, বাবারা, তরাতরি যাও, পোলাটার নামের লগে শহিদ আর জিন্দাবাদ লাগাইয়া শ্লোগান দিতে দিতে লাছটা লইয়া আসো। একটা শহিদ আমাগো দরকার।'

ক্যাডাররা শ্লোগান দিতে দিতে লাশ কুড়োতে চ'লে যায়।

আরেক বংশের থানা-নেতা জিজ্ঞেস করেন, 'ইদ্রিস মোল্লার পোলাটা নাকি মাথায় গুলি লাইগ্যা পইর্যা গেছে?'

বেঙ্গন টানতে টানতে এক ক্যাডার বলে, 'কার, পোলা তা ত জানি না, তর পোলাডার নাম শুনছি সিদ্দিক।'

থানা-নেতা বলেন, 'সিদ্দিক এখন শহিদ সিদ্দিক, সে আমাগো দলের, তার রক্ত বৃথা যাইতে দেওন যায় না।'

ক্যাডার বলে, 'অই ছ্যামরারে কোনো দিন দলে দেখি নাই, শুনছি ক্রাশে ফাস্ট হইত। এই মাল দিয়া দলের কোনো গেইন নাই।'

থানা-নেতা বলেন, 'সে ব্রিলিয়েন্ট ছাত্র, সিদ্দিক এখন শহিদ, তার লাছটা লইয়া আসো। বাবারা, যাও, 'শহিদ সিদ্দিক জিন্দাবাদ', 'শহিদের রক্ত বৃথা যেতে দিব না', 'সিদ্দিকের রক্তে গণতন্ত্র আনবো' বইল্যা শ্লোগান দিতে দিতে যাও, তার লাশ লইয়া মিছিল করুম। বিকালে জনসভা করুম। ফাস্ট বয়ের লাশটা এখন খুব কামে লাগবো। ইলেকশনের আগে একটা শহিদ পাওন ভাইগ্যা।'

এক ক্যাডার বলে, 'বাইচ্যা থাকনের সময় মনে হইত ও কোনো কামে লাগবো না, এখন দেখতেছি অর লাছটা কামে লাগবো।'

'শহিদ সিদ্দিক জিন্দাবাদ', 'সিদ্দিকের রক্তে গণতন্ত্র আনবো', 'শহিদের রক্ত বৃথা যেতে দিব না' শ্লোগান দিতে দিতে ক্যাডাররা শহিদ সিদ্দিকের লাশ আনতে যায়।

লাশ তাদের চাই, একটি শহিদ তাদের দরকার।

আবার কাটারাইফেল ফুটান শুরু হয়।

লাশ একটা হয়েই অসুবিধা হয়েছে, আরেকটা লাশ পড়ন উচিত আছিল; তাইলে দুই রাজবংশ দুটি অমর শহিদ পেতো, ভোটের বাস্তবে ব্যালেন্স আসতো, ড্যামোক্রেসি থাকতো। লাশ একটা, অতিশয় মূল্যবান লাশ, তার মালিক দুই দল। ওই লাশ বোঝাই ভোটে। লাশের উপর ড্যামোক্রেসির সিংগাসন।

রাজবংশগুলো এখন দেশ দখল করতে বেরিয়ে পড়েছেন।

মনে হচ্ছে মঙ্গোলিয়া উজবেকিস্তান কাজাকিস্তান মেসোপটামিয়া আরাবিয়া আফগানিস্তান খোরাসান বদকশান ইরান তুরান থেকে ঘোড়া ছুটিয়ে তলোয়ার উঠিয়ে



গলা কাটতে কাটতে ছুটে আসছে প্রচণ্ড বীরেরা, চেষ্টাশী হালাকু খানেরা, বিন কাশেম বখতিয়ার খিলজি তারিক খালেদরা; তবে এইটা আমাগো ভুল, দশ বারো শো বছর ধইয়া যোম না হইতে হইতে চোখ ভইর্যা দুঃস্বপ্ন দ্যাখতে দ্যাখতে রাইতের বেলা দিনের বেলা মার মার কাট কাট শোনতে শোনতে আমরা এখন ঠিকটা দেখতে পাই না, ঠিকের ছায়াটা দেখি, মানুষ না দেখে তার প্রেতটা দেখি। এইটা আমাগো অসুখ। চোখ আর মগজ খারাপ হয়ে গেছে বইল্যা সত্য না দেখে মিথ্যা দেখি। যাঁরা নিরপেক্ষ গণতান্ত্রিক ইলেকশনের ক্যাম্পেইনে বাইর হয়ে পড়ছেন, তাঁরা কেউ অইসব দ্যাশ থিকা আসেন নাই, তাঁরা আমাগেই মানুষ, আমাগেই রাজপুরুষ, আমাগো পুকুরেরই পানি খান, আমাগো ধানেরই ভাত খান, তাগো দয়ার শরীর, তাঁরা জনসভার পর জনসভা মিটিংয়ের পর মিটিং করে আমাগো ভালোবাসা জানাইতেছেন, দ্যাশের সঙ্গে তাঁরা প্রেম করতেছেন, তাঁরা ঘুমাইতে পারতেছেন না আর আমাগোও ঘুমাইতে দিতেছেন না; এইবার মরন বাঁচনের ইলেকশন। এইবার কিয়ামত ঘনাইয়া আসছে দ্যাশ ভইর্যা।

রাত্তায় রাত্তায় পথে ঘাটে মিটিংয়ে মিটিংয়ে জনসভায় জনসভায় খাঁটি প্রকৃত সেন্ট পার্সেন্ট যোলা আনা নির্ভেজাল নিশ্চিত বিপ্লব আসল সাচ্চা ইমানদার মমিন মুসলমান দেখতে পাইতেছি আমরা। এতো আর একসঙ্গে কোনো কালে দেখি নাই, আমাগো পাপী বাবারা দেখে নাই পাপী দাদারা দেখে নাই। সাতশো বছর আগে দেখি নাই তিনশো বছর আগে দেখি নাই একশো বছর আগে দেখি নাই মুগলগো আমলে দেখি নাই ইংরাজের রাজে দেখি নাই, যখন কালা কিস্তি টুপি মাথায় দিয়া ‘পাক সরজমিন সাদবাদ তুনিশানে আজমে আলিশানে’ মুখ দইয়ের মতন ফেনায় ভরে তুলতাম, তখনও দেখি নাই। আমাদের সব রাজপুরুষরা বড়ো বড়ো পরহেজগার মমিন মুসলমান সেজে মুখে আর বুকে আর মাথায় ইসলাম নিয়া ড্যামোক্রেনির ইলেকশনের ক্যাম্পেইনে নামছেন, লগে লগে আমরাও নামছি; মনে হইছে ইসলাম এত শ বছর পর খাঁটি অনুসারী পাইয়া জিন্দা হইয়া উঠছে, আমরাও জিন্দা হচ্ছি। ইসলামের এমন সুদিন আর আসে নাই, অন্যরা আনে নাই, আমাগো রাজারা আনছে, আমরা আনছি। রিলিজিয়নটা এই দ্যাশে নতুন কইর্যা পোরচার হচ্ছে; আগে ঠিক মতন হয় নাই, এইবার পোজ করা হচ্ছে। গুনছি ঠ্যাকলে নাকি শয়তান সবচাইতে বেশি কইর্যা আল্লার নাম লয়, মোখ থিকা অই নাম সরে না, আমরা সেইটা আমাগো চোখে দেখতে পাইতেছি। ভাত চাই না আমরা, ভাত খাইয়া বাইচ্যা থাইক্যা কি হয়; কাপড় চাই না আমরা, কাপড় পইর্যা কি সুখ, না পড়লে কি হয়; ইঙ্কুল চাই না আমরা, ইঙ্কুল দিয়া কোন খাট্টা হয়; হাসপাতাল চাই না আমরা, হাসপাতালে গিয়া বাইচ্যা থেকে গুনা বাড়াইয়া খালি দোজগের পথ বাড়ে; চাকরি চাই না আমরা, সৌদি গিয়া চাকর খাটলেই চলবো; কিচ্ছু চাই না আমরা; খালি তারে চাই; নিজেগো লিগা ঘর চাই না আমরা, তার লিগা ঘর বানাইলেই হইব।

আমাগো রাজবংশগুলি প্রচণ্ড ভাঙবে মহাগর্জনে ভৈরব হুংকারে আশমান জমিন কাঁপাইয়া ইসলাম প্রচার করতে লাগছেন, আমরা সাচ্চা মুসলমান হইয়া উঠছি, চোখে

দিনরাইত ভেস্তদোজগ দেখতে পাচ্ছি, তবে আমরা বুঝতে পারছি না এইটা ড্যামোক্রেসির ইলেকশন না একটা নতুন ধর্ম প্রবর্তন। দুই নম্বরটা হইলেই উত্তম, ড্যামোক্রেসি দিয়া আমরা কি করুম? ড্যামোক্রেসি ধুইয়া খাইয়া কি আমরা ভেস্বে যাইতে পারুম? দুনিয়াটি কয় দিনের? পলিটিব্ল, প্রধান মন্ত্রী, ড্যামোক্রেসি, ইলেকশন, এমপি, পার্লামেন্ট, পাজেরো, বনানী, গুলশান কয় দিনের?

আমাগো মনে হইছে দুনিয়ায় একটা নতুন রিলিজিয়ন আসছে, আর সেইটা নিয়া আসছেন আমাগো ড্যামোক্রেসির রাজপুরুষেরা।

যিনি কোনোদিন সালাত পড়ে নাই, দেখতে পাচ্ছি তিনি মসজিদে মসজিদে হাজার হাজার ভোটার লইয়া সালাত পড়ছেন। মসজিদ কাঁইপ্যা ওঠছে।

স্কচ পান না করলে যিনি সুস্থ থাকেন না (স্বাস্থ্যগত কারণে অনেকেই এইরূপ হইয়া থাকে), একটু আগে যিনি স্কচ টানছিলেন (না টানলে দেশপ্রেম সংহত হইয়া জমে না), দেখতে পাই মঞ্চ উঠাই তিনি ধর্ম প্রচার শুরু করছেন।

আমরা খালি খুশি হইতে থাকছি, ভেষ্টের কথা ভাইব্যা জার জার হইছি।

মহাজননেত্রী মাথাটিকে অল্পতভাবে ঢেকে (শয়তান হইতে ঢুল সাবধান, মাইয়ালোকের ঢুলের ভিতর দিয়া শয়তান ভিতরে ঢেকে) মঞ্চ উঠেই বলছেন, 'প্রিয় ভাইসব, ভাইরা আমার, বোনরা আমার, দ্যাশে আল্লারে দৃঢ়ভাবে প্রতিষ্ঠিত করিতে হইবে, আমার বংশরে ভেট দ্যান, আমরা ছাড়া আর কোনো বংশ আল্লারে চায় না। আমরাই খালি ভারে চাই।'।

মহাদেশনেত্রী স্টাইলে (তঁার স্টাইলে ডেভিল আকৃষ্ট হইতে পারে) মাথা ঢেকে মঞ্চ উঠেই বলেন, 'অরা পাওয়ারে আসলে দ্যাশ থিকা ইসলাম উঠে যাবে, বিসমিল্লা লাইলাহা থাকবো না, খালি উলুর শব্দ আর মন্দিরের ঘন্টার শব্দ শোনা যাবে, পঞ্চাশ লক্ষ হিন্দু ইন্ডিয়া থিকা রওনা করছে।'।

অধ্যক্ষ রুস্তম আলি পল্টু স্টেজে দাঁড়িয়েই বলেন, 'ভাইসব, আপনারা কি চান, আমি জানি আপনারা আল্লারে চান, নামাজ পরতে চান, রোজা রাকতে চান, ভেস্বে যাইতে চান। আমরা পাওয়ারে আসলে আপনারা আল্লারে পাইবেন, নামাজ পরতে পারবেন, রোজা রাকতে পারবেন। অরা পাওয়ারে আসলে আপনাগো ধর্ম থাকবো না, আল্লা থাকবো না, লাইলাহা থাকবো না, হিন্দুরা আইস্যা ভগবান ভগবান কালি কালি দুর্গা দুর্গা বইল্যা পুজা করবো।'।

নিজামউদ্দিন আহমদ মঞ্চ উঠেই বলতে থাকেন, 'হে আল্লা, আপনার বাসনা পূর্ণ করার জইন্যই আমরা পলিটিব্ল করি, ইলেকশন করি, এই জনগণ আপনার বান্দা, এই জনগণ আমাগো পাওয়ারে দ্যাকতে চায়। আল্লা, আপনারে ছারা আমরা আর কিছু জানি না। আমরা পাওয়ার চাই না, আল্লারে চাই।'।

মনোয়ার হোসেন মোল্লা মঞ্চ উঠাই বলেন, 'ভাইরা, আপনারা নয় বছর ধইর্যা দেখছেন আমাগো মহাজননেতা ইসলাম ছারা আর কিছু বোজতেন না। ইসলামের জইন্যে তিনি আজ বন্দী হয়ে আছেন। তিনি স্বপ্ন দেখেন মসজিদে গিয়া নামাজ পরতেন, তার মতন মুসলমান আর নাই। তিনি বাহির হইয়া আসলে দ্যাশে প্রকৃত ইসলাম প্রতিষ্ঠিত হইবে।'।



নিজেদের শরীরের গন্ধের মতো মধুর লাগতো, কিন্তু হঠাৎ অন্য রকম গন্ধে তারা আঁৎকে ওঠে। রাস্তায় ছিলো যারা মাঠে ছিলো যারা বাজারে ছিলো যারা রেলস্টেশনে ছিলো যারা তারা প্রথম গন্ধ পেয়ে দৌড়ে বাসায় ফিরতে থাকে, বাইরে থাকতে পারে না। বাসায় ফিরে সব দরোজা জানালা বন্ধ ক'রে দেয়, ছিদ্রে ছিদ্রে তুলো ছেঁড়া কাপড় চট আর আর যা পায় ঢুকোতে থাকে, কিন্তু গন্ধ বন্ধ হয় না, চড়চড় ক'রে গন্ধ চুকতে থাকে। তারা নাক চেপে বিছানায় মাটিতে সারারাত প'ড়ে থাকে, ব্যথায় নাক ফুলে ওঠে। সকালের দিকে দেখে কোনো গন্ধ নেই।

সবাই রাস্তাঘাটে বলাবলি করতে থাকে, 'রাইতভর কিসের গন্ধ পাইলাম?'

কেউ ওই গন্ধের পরিচয় জানে না।

কেউ কেউ বলে, 'কোনো নতুন পত্তর গন্ধ হইব। অই পত্ত আমরা কোনো দিন দেখি নাই।'

কেউ কেউ বলে, 'আমাগো বাড়ির পিছনে একটা পায়ের দাগ দ্যাকলাম, এমন দাগ আগে দেখি নাই।'

কেউ বলে, 'ইরিখেতে গিয়া দ্যাকলাম একটা প্যাচাইনা দাগ, হুড় আধ হাত মাটিতে ঢুকিয়া গ্যাছে।'

এইটা কি কোনো পত্তর পায়ের দাগ? কেউ জানে না।

এমন প্যাচাইনা আর গভীর কোন পত্তর হুড়? কেউ জানে না।

এইটা কি জিন? রাফস? শয়তান? কেউ জানে না।

তারা পুকুরপাড়ে ধানক্ষেতে মাঠে বাড়ির পেছনে পত্ত না জিন না রাফস না ক্ষুদ্রনাইয়া না শয়তান না কিসের যেনো অদ্ভুত পায়ের দাগ দেখতে পায়, যেমন পায়ের দাগ আগে তারা দেখে নি।

শিক্রামপুরে আসে একটা অদ্ভুত পত্ত, তার স্বভাব অদ্ভুতভাবে অন্য রকম। পত্তটা রাতের বেলা আসে, কখন আসে কেউ দেখতে পায় না, রাতে সবার গভীর ঘুম পায়, একটা পাখিও জেগে থাকে না; ঘুমের মধ্যে শিক্রামপুরের মানুষ সুন্দর সুন্দর স্বপ্ন দেখে, সকালে ঘুম থেকে জেগে দেখে শোচনীয় দৃশ্য।

পত্তটার কাজ পুরোনো কবর ভেঙে লাশের হাড়গোড় খাওয়া। ওটি পুরোনো হাড়গোড় খেতেই বেশি পছন্দ করে। তারা জানে শেয়াল কবরে আসে নতুন লাশ খেতে, কিন্তু এই পত্তটা অন্যরকম; যে-সব কবর বিশ পঞ্চাশ দশ পাঁচ বছরের পুরোনো, যে-সব কবরের কথা খ্রিয়জনেরাও ভুলে গেছে, পত্তটা সে-সব কবর খুঁড়ে তুলে আনে হাড়গোড়, রাতভর খায়, কিছু হাড় ফেলে রেখে যায়। সকালে লোকজন উঠে দেখে কয়েকটি কবরের পাশে প'ড়ে আছে পুরোনো অপরিচিত হাড়গোড়।

লোকজন ভয় পায়, যে-খ্রিয়জনের তারা ভুলে গেছে, তাদের জন্যে বেদনা জেগে ওঠে তাদের মনে; কিন্তু তারা কী করবে বুঝে উঠতে পারে না।

তারা নানা রকম খতম পড়ায়, কিন্তু পত্তটা তার কাজ ক'রে যেতে থাকে।

রসূলাগঞ্জের জনগণ একরাতে আক্রান্ত হয় ভয়ঙ্করভাবে।

সন্ধ্যার কাজকর্ম শেষ ক'রে খেয়ে তারা শোয়ার আয়োজন করছে, স্বামীস্ত্রীরা ছোটোখাটো ঝগড়াঝাটগুলো মিটিয়ে নিয়ে প্রস্তুতি নিচ্ছে, এমন সময় তারা ভাল্লকের

প্রচণ্ড গর্জনের শব্দ শুনতে পায়। ভাল্লুকের গর্জনে ও গন্ধে তারা প্রথম ভয় পেয়ে যায়, এবং বিস্মিত হয় যে তাদের পল্লীতে ভাল্লুক আসার কথা নয়, কয়েক শো মাইলের মধ্যে কোনো বন নেই, ভাল্লুক এলো কোথা থেকে? একটা বাড়ি থেকে আর্ত চিৎকার উঠলে তারা বুঝতে পারে ওই বাড়িটা আক্রান্ত হয়েছে; তারা শরিকি বর্শা ট্যাটা জুঁতি যার যা ছিলো, সে-সব নিয়ে বেরিয়ে ওই বাড়ির দিকে ছুটতে থাকে।

তারা এগোতে পারে না। পঞ্চাশটির মতো বিশাল বিকট লোমশ ভাল্লুকের মুখোমুখি তাদের সমস্ত সাহস শক্তি শরিকি বর্শা ট্যাটা জুঁতি নিক্রিয় হয়ে ওঠে, তারা আক্রান্ত হ'তে থাকে, ভাল্লুকগুলো তাদের খাবায় তুলে তুলে ছিঁড়েফেঁড়ে ফেলতে থাকে। ঘণ্টাখানেক ধ'রে সম্ভ্রাস আর ধ্বংসযজ্ঞ চালিয়ে ভাল্লুকগুলো দূর থেকে দূরে মিলিয়ে যেতে থাকে। লাশের পর লাশ প'ড়ে থাকে রসুলাগঞ্জ জুড়ে, সারা গ্রাম গোঙাতে থাকে কাঁদতে থাকে। সারা গ্রাম ম'রে যায়।

একরাতে বাঘ পড়ে আমাদের সারা দেশ জুড়ে।

সুন্দরবন না কোন বন থেকে দলে দলে নেমে আসতে থাকে ডোরাকাটা হলদে চকচকে প্রচণ্ড হিংস্র ভয়াবহ বাঘেরা, তারা চুকতে থাকে আমাদের পল্লীতে, নগরে, শহরে। তারা জঙ্গলের ভেতর দিয়ে আসে, ধানক্ষেত পাটক্ষেত সরষে আলু ক্ষেতের ওপর দিয়ে আসে, আমাদের আলপথ, রাজপথ, পুকুরপাড়ের পথ দিয়ে আসে, তারা নদী সাঁতরে আসে, বিলের জলাভূমির ওপর দিয়ে আসে, পুকুর খাল পার হয়ে আসে, বাঁশের পুলের ওপর দিয়ে, লোহার সেতুর ওপর দিয়ে তারা আসতে থাকে, দলে দলে আসতে থাকে। আমরা তখন ঘুমিয়ে ছিলাম, তখন গভীর রজনী নেমেছে, কোনো কোলাহল নেই, তখন বাঘেরা আসে। আমরা কখনো প্রস্তুত নই, প্রস্তুত হওয়ার কিছু ছিলো না। আমরা প্রথম তাদের গায়ের গন্ধ পাই, অজস্র বাঘের গায়ের বন্য আদিম রক্তমাখা গন্ধে আমাদের দেশ বমি ক'রে ফেলতে চায়, আমরা বমি ক'রে ফেলতে থাকি; তারপর আমরা তাদের গায়ের শব্দ পাই, আমাদের মনে হ'তে থাকে ক্রমশ মৃত্যু এগিয়ে আসছে আমাদের দিকে, মৃত্যুর গায়ের শব্দে আমরা কঁকুড়ে যাই, আমাদের গলা থেকে কোনো শব্দ বেরোয় না; তারপর তারা আমাদের ওপর ঝাঁপিয়ে পড়তে থাকে, তাদের মুখ দেখে নখ দেখে দাঁত দেখে থাবা দেখে আমরা আগেই মাটিতে লুটিয়ে পড়ি। আমরা বল্লম শরিকি জুঁতি ট্যাটা কোচের কথা মনে করতে পারি না, আমাদের মনে হ'তে থাকে বাঘের কাছে নিজেদের সঁপে দিলেই আমরা বাঁচবো, আমরা বাঘদের শিকার, আমরা বাঘদের খাদ্য। আমাদের শরীর থেকে রক্ত ঝরতে থাকে, আমরা গঁথে থাকি তাদের দাঁতে, কুলতে থাকি, তারা আমাদের ছিঁড়তে থাকে চাটতে থাকে। হঠাৎ আমরা বাঘদের বিকট মুখে কাদের যেনো মুখ দেখতে পাই, মুখগুলোকে চিনি আমরা, অনেকখানি চিনি, আবার মনে হয় চিনি না, অনেকখানি চিনি না। বাঘদের মুখ থেকে মাঝেমাঝে মুখোশ স'রে যেতে থাকে, মুখগুলোকে আমরা চিনি মনে হয়, তাদের দাঁত দেখি, দাঁতে রক্ত দেখি, কষ বেয়ে রক্ত ঝরতে দেখি, জিভ দিয়ে কষ চাটতে দেখি। তাদের মুখে দাঁতে কষে টসটসে রক্ত দেখি। ওই রক্ত কাদের? ওই রক্ত আমাদের রক্তের মতো লাল আর গরম। রক্তের দিকে তাকিয়ে আমরা হাহাকার ক'রে উঠি।